



BIBLIOTECANAZ.

XXXVIII

D

34

NAPOLI

*D*

*34*

BIBLIOTECA NAZ.  
Vittorio Emanuele III

XVIII

D

34

NAPOLI

XXXVII

8

24

1111





GASPERIS SCIOPPII  
GRAMMATICA  
PHILOSOPHICA

*Primum à Viro Amplissimo*

PETRO SCAVENIO,

plurimis in locis e schedis ipsius Auctoris insigniter aucta, & Præfatione de Veteris ac Novæ Grammaticæ Latinæ origine, dignitate, & usu ornata, cui alia Marquardi Gudii præfixa.

*Jam autem multo commodior facta: quo Annotationes suis locis inferuit; lectionem intricatam doctis restituit; atque ita*

SCHOLARUM USUI

*destinare voluit*

TOBIAS GUTBERLETH,

J. U. D. Bibliothecæ Academiæ  
Franckeranæ Præfectus.

*Hac postrema editione subnectuntur ejusdem Scioppii Paradoxa literaria, & de Rhetoricarum Exercitationum generibus dissertatio.*

---

VENETIIS, M.DCC.XXVIII.

Apud LAURENTIUM BASILIUM

SUPERIORUM PERMISSU AC PRIVILEGIO.





# TYPOGRAPHUS LECTORI

S.



*Q*uanta requiratur prudentia in arte Grammatica tradenda, nusquam, opinor, melius patet quam in scriptis veterum Grammaticorum. Qui cum multa coacervarint lectu prorsus injucunda, & intellectu difficilia, eorumque interpretes non multo saniora attulerint, inherentes passim eidem luto, incredibile dictu est, quantum id incommodi bonis literis attulerit. Ea res imprimis male habuit Bataviae nostrae Ordines, qui videntes quantopere hinc fluctuarent studia adolescentiae, Viro summo Gerardo Joanni Vossio id onus imposuerunt, ut multa intricata & aspera expediret & emolliret: sed ita imposuerunt, ut ratio illi esset habenda Ludolfi Lithocomi, qui praecepta linguae Latinae ediderat, & cum applausu satis magno omnium manibus terebatur. Sed & haec docendi ratio fuit operosa, & multorum jure merito querimonias concivit. Id se cum reputans Vir Eruditissimus Tobias Gutberlethus consilium cepit Grammaticam Scioppij philosophicam in usum auditorum suorum

*& Gymnafii Franekerani denuo in lucem emit-  
tendi, fed ita ut quas annotationes Scioppius  
feperatim operi fubjunxerat, ipfi contextui fub-  
jicerentur, quo ftatim oculis legentium poffent  
exponi, & cum regulis datis conferri. Dum  
in eo totus eft Vir optimus, vivendi finem fa-  
cit. Nos itaque, quod potuimus, executi fu-  
mus, quod ille animo praeceperat, & in com-  
modum tuum, Lector benevole, evulgavi-  
mus.*

**VALE.**

MAR-



# MARQUARDI GUDII

## P R Æ F A T I O.

### L E C T O R I.



Asperem Scioppium virum fuisse multarum literarum, ab ipsa pueritia disciplinis institutum liberibus, assuefactumque accuratissimæ lectioni auctorum elegantium, non ignoras, Lector erudite, qui solum liberumque animum ad scripta ejus paulo studiosius cognoscenda applicasti. Potest fieri, ut fallant oculi, videmur nobis cæteroquin in scriptis illis videre, non facile alium a multorum annorum memoria tantam rationem intelligentiamque antiquæ & urbanæ Latinitatis habuisse. Non opus est, ut scientiam eruditissimi hominis exquisitis verbis ornemus. Certe omnium, qui tradendæ linguæ operam profitentur, neminem prope unum invenias, quem in Latinis studiis anteponas Scioppio. Placent ipsa verba, ipse

## MARQUARDI GUDII

modus & in opinionibus examinandis eruen-  
disque mira viri accuratio. Erat enim ingenium  
sagax, versutum, inquires, cultu præsertim li-  
terarum optimarum læcundissimum: easque  
naturæ dotes habebat inter laudes primarias.  
Quantum aliis abundarit sive vitiis animi  
sive virtutibus, nihil interesse nostra arbi-  
tratur. Non probamus tamen acerbiter, quæ  
vires maximas plerunque sine fronte,  
sine fide invasit, tanquam scurras de cata-  
sta. Raptus æmulatione atque invidia sæpenū-  
mero in ipso etiam doctrinæ atque humanitatis  
studio modestiam humanitatemque omnem so-  
lebat exuere: scilicet ea parte peccabat maxi-  
me; quæ maxime aliis innumeris hominibus  
præstabat. Sed nulla est apicula absque aculeo;  
observatur tamen coliturque, quia impendio  
magis prodest quam lædit. Mittamus ista, quæ  
calumniose asperiusque scripta sunt: erunt alia,  
quæ doceant, quæ disciplinis atque artibus ele-  
gantissimis informant: jam vero dictum est,  
eam partem eruditionis reconditæ, quæ Latini  
sermonis aut causam exigit aut munditiam ob-  
servat, perfectissime omnium explicasse Sciop-  
pium. Nihil tamen nostra opinione delibabi-  
mus de laude Sanctii, divini hominis, proprio  
atque immortalis quodam beneficio suo satis  
commendati. Primus enim ille sincero gravissi-  
moque iudicio exercuit Grammaticos, quorum  
in doctrinis purgandis, tanquam in sordidissi-  
mo

P R Æ F A T I O .

mo Augiæ stabulo alter Hispaniæ suæ Hercules  
 immensam operam molestiamque devoravit .  
 Tanti viri vestigiis inhærens Scioppius passim  
 illuminat quæ acceperat , multa adhuc monstra  
 conficit , multa somnia explodit , inveteratam  
 plurimorum verborum peregrinitatem exter-  
 minat , plures alias veterum frustrationes , va-  
 ria commenta ostendit , quæ ne Sanctius qui-  
 dem potuit olfacere . Ita tandem desitum est in  
 Grammaticis nugari ! a multis annis vapulant  
 boni homines & malum nomen est Gramma-  
 ticus . Jactabatur olim in *concentrationibus* Athe-  
 næi : ἔδειν εἶναι τῶν γραμματικῶν μαρώτερον . Viden-  
 tur enim laboribus ærumnolissimis soli mortā-  
 lium nihilo plus agere quam id operam dare ,  
 ut præceptis & rationibus insaniant . Quod  
 ipsis quidem permittendum est , dummodo desi-  
 piant sibi . Sed hac labe inficiunt alios & vir-  
 tutem prope omnem adolescentiæ nostræ extin-  
 guunt . Corrigant istum morbum , cedant oc-  
 casioni & tandem sapiant . Sapiant autem si  
 confestim sese cum Prisciano suo tradant in di-  
 sciplinam Sanctianam & patientissimo animo  
 discant artem , quam frustra docent . Equidem  
 morosa ea & difficillima institutio est . Nemo  
 senescenti magistro facile persuadebit : ecquis  
 autem tantis opinatoribus nugas sine turbis eri-  
 piet ? Sunt plerumque pervicaci animo , obfir-  
 mant sese libenter & purissimæ aquæ sordidum  
 lutum suum præferunt . Veremur certe , ne

# MARQUARDI GUDII

Scioppius excitet crabronum examina, aut plane ad infaniam adigat literatores istiusmodi gregarios, quos toties ignorantiae, & inanitatis convincit. Sed jam libellus in mundo est quantivis pretii & ex parte causam auctoris sui dicet. Tenta, Lector, sententiam & argumenta! inspice mysteria! feras, ut poteris, stomachum, commendabis profecto in homine perspicaciam: laudabis multa, quaedam etiam exosculaberis; sed offendes aliquando, & forte aliquando dissenties. Neque enim unus omnia perspicere, neque omnibus omnia probare poterit. Nobis adhuc de integro est potestas ampliandi: testamur videlicet nonnulla esse, quæ parum liqueant, & de iis fortasse alio tempore disputabimus. Interea temporis hoc Catone contentus esto.

M. G.


Amstelodami  
Eid. Juniis M. DC. LIX.

IN.



# INDEX LIBRORUM GASPERIS SCIOPPII.

Quos de Latinæ Linguae, & Literarum præsertim humaniorum studio conscripsit.

1.  *Grammatica Philosophica pro Lat. Lingua Magistris, & Tironibus; ut scilicet Tirones Magistri, Magistri autem Tirones fiant. Mediolani, 1628. Et Amstelod. 1659. Nova ejus editio, beneficio V. Ampl. Petri Scavenii plurimis in locis insigniter aucta & recognita ex schedis ipsius Auctoris, Et quam hic damus, Annotationibus nunc primum suis locis repositis. Franckera, 1704.*
2. *Minerva Sanctiana, hoc est, Francisci Sanctii Brocensis de Lingua Latina causis, ipsi etiam Ciceroni, Varroni, Quintiliano ignotis, Commentarius: cum observationum Scioppianarum auctario. Patavii, 1663. & multo correctius Amstelod. 1664. Et cum notis longe uberioribus Jac. Perizonii. Franckera, 1687. item ibid. 1693. Sed ibid. tertia editione multum aucta. 1703.*
3. *Paradoxa literaria, in quibus multa de literis novè contra Ciceronis, Varronis, Quintiliani, aliorumque literatorum hominum, tam veterum, quam recentiorum sententiam disputantur, sub nomine Pasc. Grosippi. Mediol. 1628. & Amstelod. 1659.*
4. *Auctarium Grammatica Philosophica, in quo etiam de Lexitorum Latinorum virtutibus, ac vitiis, quaque ratio in consiciendo lingua Latina thesauro tenenda sit distinctè differitur. Mediolani, 1629. & Amstel. 1659. item alicubi in Germania.*
5. *Rudimenta Grammatica Philosophica in usum Tironum. Ibid. 1629. & Amstelod. 1686.*
6. *Mercurius bilinguis, sive nova & compendiosa ratio Latina, aut Italica lingua intra vertentem annum perdiscenda,*

# INDEX LIBRORUM

scenda, in eorum usum, qui alterutram linguam jam intelligunt, Mediolani, 1628. & alibi saepe: ut Amst. 1686. una cum praeced.

7. Septem rationes, quae religionem seu scrupulum Episcopis injicere debent, ne veterem Grammaticam diutius in scholis tolerare, sed novam in eas inducere velint. Una cum Mercurio edita: Item cum Grotii & alior. Dissertationibus de studiis instituend.

8. Editiones nova aliquos auctorum, Cornelii Nepotis, Velleii Paterculi, & Dictys Cretensis, cum Indicibus novis ad observandi & excerptandi rationem usui futuris.

9. Priapeja, sive diversorum Poetarum in Priapum lus, cum Commentariis Gasperis Scioppii Franci. Francofurti, 1601. Patav. 1664.

10. Propadia Rhetorica. Opus novum omnibus, non modo Rhetorica, & Poetica Studiofis, sed & auctores quæ sacros, quæ profanos cum studii sui pretio legere cupientibus in primis conducibile. Cujus fragmentum de Exercitationibus Rhetoricis editum est Mediolani. 1629. Et quidem hoc titulo: De Rhetoricarum Exercitationum Generibus Dissertatio. Amstelod. 1660. & 1666.

11. Elementa Philosophia Stoica Moralis, quæ in Cicero-nem, Senecam, Plutarchum, aliosque veteres Commentarii loco esse possunt. Moguntia, anno 1606. in 8.

12. Consultatio de studiorum ratione, deque Prudentia & Eloquentia paranda modis: Patavii, 1636. & Amstelod. 1660. 1665.

13. De Pedia Humanarum ac Divinarum Literarum. Amstelod. 1660.

14. De natura, & officio Historia, deque virtutibus & vitiis styli Historici. Item.

15. Infamia Famiani: sive castigationes Famiani Strada rerum Belgicarum Scriptoris, Sora Danorum. 1658. & Amstelod. 1663.

16. Miscellanea Latini sermonis, in usum eorum, qui interiores literas cognoscendi desiderio tenentur.

17. Observationes nova Latini sermonis ex Plauto, Varro-ne, Virruvio, veterum poetarum fragmentis, Livio, Hygi-no, Phadro, Celfo, Asconio, Curtio, Senecis, Quintilia-no declamatore, Justino, aliisque auctoribus.

18. Observationes juveniles Lat. Lingua pro tironibus ad imi-

## GASP. SCIOPPII

*imitationem Ant. Schori . Helmstad. & alibi in Germania .  
( E Schoro excerptas scias )*

19. *Animadversiones in V. Cl. Ger. Jo. Vossii libro de Vitiis Sermonis . Patavii , 1646. Ravenna , 1647. & Amstel. 1660. 1666.*

20. *Verisimilium libri quatuor . Norimberga , 1595. & Amstel. 1662.*

21. *Ars Critica , sive mendosos Latinorum auctorum locos ex ingenio emendandi ratio . Ibidem , 1596. vel Altodorsii , 1597. Amstelod. 1662.*

22. *Suspectarum lectionum libri quinque . Ibidem , 1597. & Amst. 1664.*

23. *Symbola Critica in L. Apuleii Opera . Ibid. & Amstelod. 1664.*

24. *Hercules Coprephorus , in quo virorum doctorem , qui nostra , aut patrum nostrorum memoria maxime videntur Latine scripsisse , plurima corrupta & vitiosa locutiones notantur & castigantur . Laudat librum illum in Alexipharmaco suo , & aliquid ejus generis inter reliquias schedarum Patavii extat.*

25. *Thesaurus Scioppianus , sive Romana Eloquentia Promptuarium . Auctores , quibus in hoc Promptuario Sciopp, perpetuo usus est : M. TULLIUS CICERO , M. ACIUS PLAUTUS , P. TERENCEIUS , Quibus frequenter usus est : T. LUCRETIVS CARUS , CORNELIVS NEPOS , TITVS LIVIVS . Quibus rarius usus est : Omnes Philosophi , Medici , Oratores , Jurisconsulti , Historici & Poetae Latini : ex his enim nomina , & omnium fere rerum appellationes excerptae hic leguntur . Cujus operis quia summa est omnium literatorum hominum expectatio , ne nimis facili spe ducantur , monere visum est , hactenus nihil certo promitti posse , sed expectari & quotidianis votis expeti ab humanitate celeberrimi Viri Jo. Michaelis Pierrucci antiquum jus Patavii magna cum laude publice docentis .*

26. *Philotheca Scioppiana , sive Gasp. Scioppii Narratio annis distincta de Benefactoribus , amicis & familiaribus suis , quos in omni vita habuit . Servatur Patavii inter auct.*

27. *Symmartyria Scioppiana , hoc est , Pontificum , Imperatorum , Regum , Principum , & primariorum virorum*  
CON-

## INDEX LIBRORUM

**CONTESTATIO** de Gasperis Scioppii ingenio , studiis , moribus & consiliis . Accessit Catalogus librorum Scioppii ; quos editioni paratos habet cum professione fidei sua . Latet eodem loco . Cujus Specimina extant in Pædia superius memorata .

Cætera ejus *Theologica* , *Politica* , *Satyrica* opuscula parum moramur , & huc non pertinent , maligna partim , partim vana : excipimus tamen πολιτικότερα quædam , quæ typis aut commisit ipse , aut parata hæredi reliquit : in quibus facile familiam ducunt *Machiavellica* ; sive *Apologia duplex* , quarum priore *Röm. Ecclesia* de Nicol. *Machiavelli* libris decreta defenduntur : posteriore ejusdem *Machiavelli* innocentia propugnatur . Hoc opus *Patavii* privatis parietibus custoditur cum cæteris . Eiusdem *Pædia Politica* edita est *Roma* & *Mediolani* , 1624.

GASPER SCIOPPIUS  
DE VETERIS, AC NOVÆ  
GRAMMATICÆ  
LATINÆ ORIGINE,

*dignitate, & usu.*



Uti nullam ipse in puerili ætate mea Grammaticam Latinam didici, sed octo jam annos natus, post nominum verborumque declinationes memoriæ mandatas, ex quotidiana Latinè loquentes audiendi, loquendique consuetudine, sex admodum mensum intervallo unà cum multis condiscipulis & convictoribus meis tantum profeci, ut quicquid ætatis illius usus posceret, non multo minore negotio vernacula, quam Latina lingua enunciare possem, etsi etiam procedente ætate assidua *Cicero- nis, Cæsaris, Livii, Plauti, Terentii, Nepotis, Virgilli, Lucretii, Horatii, Catulli, Tibulli. Propertii & Ovidii* lectione eam Latini sermonis non quidem facultatem, sed intelligentiam certè confectus mihi videbar, ut, cur cognoscendis Grammaticorum præceptis quicquam opere consumerem, ratio nulla esset: postea tamen quam in *Hispania in Francisci Sanctii Brocensis*, viri omnium divinarum & humanarum rerum scientia admirandi, *Minervam, sive Librum de lingua Latina causis* incidi, in eoque aliquot errorum millia Grammaticis impingi, acriterque exagitari comperi, non ego jam me continere

nere potui, quin per otium subinde Grammaticorum libros evolverem, ut quo jure, *Sanctio* vapulassent, explorato judicare possem. Sic factum est, ut veteres omnes quotquot ante mille hos annos aliquid in ea arte literis consignatum reliquerunt (qui quidem duobus voluminibus *Francofurti*, anni M. DC. V. editis contingentur) tum recentiorum complures, ut quisque in *Hispania*, *Gallia*, *Germania* & *Italia* præter cæteros in ea præstitisse visi sunt, cognitos haberem. Inter quos, ut verum fatear, *Emmanueli Alvaro* primas deberi animadverti: nam & ipse longè cultius dicendi genus, quam non dico veterum quisquam (nam illi pessimè omnes Latine scripserunt) sed quam recentiores plerique in arte tradenda præstitit, & ea ex optimo quoque veterum auctorum exempla feligere curæ habuit, quibus regulæ artis plurimum stabiliri & sine negotio à tironibus intelligi possent. Verum enim quoniam ille à veterum Grammaticorum præceptis, omnium præsertim consensu traditis, discedere religioni habuit, effugere non potuit, quin eosdem ferè omnes errores, quos in aliis *Sanctius* agitavit, in ipsius quoque arte inveniamus. Hæc porro res desiderium mihi iniecit cognoscendi, cum originem tam vitiosæ artis, tum tantarum virium causam, quantas oportet eas fuisse, quæ mille quingentis annis amplius ipsam artem tueri potuerint. Oportunè autem in manus meas *Suetonii* de illustribus Grammaticis libellus incidit, cujus secundo capite id quod quærebam, fatis planè traditum inveni. Sic enim scribit ille:

*Primus quantum opinamur studium Grammaticæ in Urbem intulit Crates Mallotes Aristarchi aequalis, qui missus ad Senatum ab Attalo rege in-*

*ter*

Origine , Dignitate & Usu :

ter secundum ac tertium bellum Punicum , sub ipsam Ennii mortem , cum in regione Palatii prolapsus in Cloacæ foramen crus fregisset , per omne legationis simul & valetudinis tempus plurimas Acroases ( id est , prælectiones ) subinde fecit , assidueque disseruit , ac nostris exemplo fuit ad imitandum .

Hæc ergo ut legi , minimè jam mirandum mihi visum est , tanti flagitii erroribus inquinatam esse veterem Grammaticam , quæ omine tam malo ex Cloacæ foramine una cum claudio magistro emerferit . Neque verò admirabile duxi ne illud quidem , Cloacinam istam Grammaticam inde ab eo , quo Romæ primum exorta est , tempore ad hanc usque diem per ipsos M. DCC. XCVI. annos inconcussam perstitisse , & omnium non tironum modò , sed & ipsorum eloquentiæ Latinæ principum ingenia excarnificare potuisse . Jus quippe gentium violare sibi Romani videbantur , si hanc invecstam à Regio Legato artem parum comiter habuissent , cum præsertim Regi Attalo tantum se devinctos agnoscerent , quippe qui regnum suum testamento ipsis legasset , aditumque eo pacto ad Asiæ totius imperium mox armis vindicandum patefecisset .

Hoc loco exaudire jam videor , qui mihi dicat ; Quæ ( malum ! ) tua ergo est temeritas novam istam Sanctii Grammaticam orbi universo obtrudentis ; tamquam fieri possit , ut eam loco moveas , quam tanta cum auctoritate Romæ ortam mille octingentis annis perdurasse tutemet confiteris ? Accipe ergo benevole Lector , quæ res spem mihi afferant , fore ut Cloacina illa huic Sanctiana locum mox cedere necesse habeat : Longè major videli-

videlicet hanc , quam illam , commendat auctori-  
tas , cumque primum novæ hujus utilitas fuerit co-  
gnita , nemo tam fatuus fore videtur , ut fruges  
divino beneficio inventas aspernatus victitare ma-  
lit :

*Glandibus , & pura rursus procumbere lym-  
pha.*

Nam quod ad auctoritatem attinet , tantum abest ,  
ut hæc illi concedere debeat , ut ad hanc illa ne  
comparanda quidem videatur . Illam scilicet *Attali*  
quidem Regis legatus , sed idem tamen homo Gram-  
maticus ex cloaca , in quam prolapsus fuerat , una  
cum fracta tibia extulit . At *Sanctianam* \* ipse *Romam*

cx

\* In prioribus editionib. aliter legitur : a Scævenio certe  
ex auctoris ipsius schedis ita mutata : hac autem erant ; At  
*Sanctianam* non Legatus modò regius , sed etiam regiæ ,  
stirpis Princeps , nec Grammaticæ modò artis peritus ,  
sed & Theologiæ ac Philosophiæ studiis excultissimus ,  
nec ex cloaca , sed ex clarissima *Europa* Academia , quæ  
*Salmanica* est , *Romam* secum detulit . Is est *Ferdinan-  
dus Henricides Dux Alcalæus & Tartessi Comarchus* , inter  
cujus majores , a quibus ipse perpetua generis serie de-  
ducitur , XXIX. Imperatores Augustos , CXXXIX.  
Reges , probatissimorum historicorum fide numerare pos-  
sum . Quem omnes Christiani orbis Reges liberique  
Principes consanguineum habere sibi gloriæ merito du-  
cunt . Hic anno M. DC. XXV. *Philippi* IV. Catholici  
Regis missu *Romam* venit , tantoque cum splendore lega-  
tionem suam obiit , ut non modò Legatus regis *Attali* ,  
sed ne ipse quidem Rex tantum dignitatis ac majestatis  
Romanorum oculis ingerere potuerit . Ille tamen , ut  
est inanium contemtor , veris ac solidis bonis se optimo  
ac maximo cuique probare semper studuit . Et jam qui-  
dem in vulgus quoque nota est ejus erga Deum pietas ,  
in imperiis justitia , in congressibus comitas , erga egen-  
tes liberalitas , in literas earumque professores benefi-  
cen-



*'Origine , Dignitate & Ufu.*

ex *Clarissima Europa Academia*, quæ *Salmantica* est  
attulisse me gloriator, nihil prorsus veritus, ne cu-  
jus erga Ecclesiam & Remp. *Christianam* merita,  
Pontifices, Imperatores, Reges, Principes, &  
\*\* opti-

centia, qui vero familiarius eo usi sunt, quorum nu-  
mero me quoque accedere contigit, de prudentia ejus,  
de judicii acrimonia, de exacta Theologicarum ac Phi-  
losophicarum rerum cognitione, de Romanarum deni-  
que antiquitatum usu ac peritia testes esse possunt. Hic  
ergo tantus Princeps cum cæteris animi & ingenii orna-  
mentis *Sanctiana* quoque *Grammatica* scientiam *Romanam*  
secum pertulit: cujus etiam in familiari sermone speci-  
men subinde promere nihil dubitavit. Et quadam quidem  
die cum orta illi esset nescio quæ de literis controversia, ipse-  
que sententiam suam contra adversarium, qui minime  
illiteratus perhibebatur, *Sanctiana* auctoritate tutaretur,  
convenit tandem, ut ego captus arbiter quid verum esset  
decernerem, meaue staretur sententia. Ego re ad me  
delata cum utra Ducis esset opinio nescirem, secundum  
illum pronunciaui, & quod ille ex *Sanctio* didicerat, ra-  
tioni atque idoneorum scriptorum consuetudini consen-  
taneum esse ostendi. Hæc res sic ejus mihi conciliavit  
animum, ut non ipse modo magna me munificentia pro-  
sequeretur, sed a Catholico Rege civitatis *Hispana* jus  
ad capiendum ex Hispanicorum Sacerdotum fructibus  
mille aureorum vestigal annum mihi impetratum au-  
ferret: quod ipse Rex diplomate suo se mihi propter mul-  
ta mea erga Ecclesiam & Remp. *Christianam* merita  
impetrato in eam rem publico regnorum suorum assen-  
su impertisse prædicat. Itaque etsi nunc *Sanctiana* Gram-  
matica magno meo studio exulta & perpolita, mul-  
toque cum auctior, quam a *Sanctio* fuit edita, tum  
methodi legibus congruentior luci se committit, non  
tamen est, ut a me potius etsi & ipso Principis nullo  
genere *Attalo* rege minoris legatione *Roma* olim functo,  
quam a tanto Principe, cujus auspicio ac ductu, pro-  
peque dixero velut propitii & adspirantis numinis fa-  
vore opus apparet, auctoritas ei accedat.

optimus ac doctissimus quisque, privatis publicisque tabulis, tam magnifice prædicant, & quicumque hominem *Grammaticum* ex *Cloaca* in quam prolapsus fuerat, cum fracta tibia emersum, vel potius fune subductum, præferendum contendat, nam quod quis eundem *Attali Pergameni* Regis legatione apud *Romanos* functum fuisse dicat, nihilo vincibiliorem ea re Artis ejus causam fecerit, cum & ipse *Romæ* Principis *Attalo* haud paulò majoris, hodierni scilicet Imperatoris nostri Augustissimi Legationem apud *Paulum V.* obierim, & Catholici fœderis fundamenta jecerim, cui fœderi multorum Regnorum ac Provinciârum salutem, & Catholicæ fidei in universa pœnè *Europa* conservationem, omnium intelligentium consensus superioribus annis non dubitanter acceptam referebat, nec minus hodie quoque referret, nisi fidelium meorum monitorum contemptum Deus regnorum clade, & provinciârum excidio, atque urbium & opidorum strage vindicandum censuisset\*. Quo minus dubito, quin illi saltem, qui tanti quidque pendere solent, quanti ejus auctorem & adstipulatorem faciunt, *Cloacinam* illam Grammaticam illuc tandem, unde emerfit, jubeant *χαίροντες, ἐνθυμῶντες ἐκτίπτειν δόμων*, quod est *Cicerone* interprete, *Esferre lato prosequentes omine*.

Multò tamen magis de cæteris hoc mihi polliceor, qui utriusque veteris & novæ hujus Grammaticæ commoda, quæ inde peti possent, inter se contendere voluerint. Veterem enim nec magnopere discantibus prodesse, & non minimum etiam nocere deprehendent. Prioris argumentum est, quod nec ullum discendi compendium, nec (*δύλωσις*) certitudi-

titudinem præstet. Si enim in illis, qui artem meliorem, quam cæteri; ordine & elegantia scripsisse judicantur, numerum inire velint, de sola *Nominum, Verborum & Participiorum* Syntaxi plus quingentas regulas traditas invenient, quibus ediscendis haud scio an quinquennium solidum satis sit. Sed etiam cum quis eas memoriæ mandarit, tamen vel propter earum turbam, vel propter tot exceptiones, quibus potestas earum restringitur, semper hæsitet animique incertus sit, necesse est, cum merito vereatur, ne aliqua ei sive regula, sive exceptio, sive appendix effluerit: quo accedit, quod ipsi quoque qui *Ciceronis* æquales, aut supæres fuerunt Grammatici, apertè tulerunt regulas suas plerasque ab optimo quoque linguæ auctore parum observari: id quod ipsis eorum verbis in medium allatis *Paradoxa nostra literaria* ostendunt. Hinc porro fieri nequit, quin sibi diffidant, qui regulas easdem didicere, iureque adeo metuant, ne cum maxime ex artis præscripto fecerunt, bonorum auctorum multum dissimiles inveniuntur. Damna porro quæ id genus regulæ discantibus afferunt, jacturâ cum temporis, tum rei familiaris, tum denique existimationis spectantur. Primum enim non ferè ante quintum vel sextum annum addiscuntur, cum interea sine ullis præceptis vel usu solo (quemadmodum de me meisque condiscipulis retuli) Latinæ linguæ notitia acquiri potuisset, adeoque tempus, quod gravioribus addiscendis impendi poterat, in primis elementis conteritur: qua quidem haud scio an major fieri jactura possit. Simul tamen tot annorum impensis res plerorumque familiaris atteritur, ut primæ istæ literulæ majoris etiam constant, quam vel Philosophiæ,

vel Theologiæ, aut Jurisprudentiæ studia. Tandem cum quis ætatem in literis omnem exegerit, magnumque nomen, & si forte Principatum multis & egregiis libris editis compararit, non erit nullo prorsus periculo, cum ei vel scriptorum à se rationem reddendi necessitas, vel judicii de alienis faciendi occasio in hominum doctorum congressu evenerit, ne regulis illis veteris Grammaticæ in errorem inductus aliquid flagitii faciat, ea respondendo, quæ vix ququam literarum tirone satis digna videantur. Hoc ipsum certe viro sine controversia doctissimo & disertissimo usuvenit, qui rogatus à me, cur Græco more *latet me* potius, quam Latino *latet mihi* scripsisset, se verò Latine scripsisse *Plinii* auctoritate ab *Alvaro* relata contendit. Sed postquam ei reposui, minimè locupletem Latinitatis auctorem esse *Plinium*, neque nos verbis ejus aliter, quam ab inopia uti, quando scilicet Latinas rerum appellationes unde petamus alium habemus neminem: cum *Quintilianus* ætate illa totum propemodum sermonem in deterius mutatum esse apertè tulerit. Sed rectius cum hoc *Virgilii* exemplo usurum fuisse: *Nec latuere doli fratrem Junonis & iræ*. Etsi non idem aliis, quod in versu poetis permittitur, ut liberius græcissent: nam *Varronem* aliàs pro consuetudine bene loquentium *latet mihi* dixisse ( ut lib. 8. de lingua Latina: *Similia non solum à facie dici, sed etiam ab aliqua conjuncta vi, quæ & oculis & auribus latere soleat* ) aliàs more suo extra *Latium* peregrinantem *latet me*, ut lib. 1. rei rust. cap. 40. *Unum genus seminis, quod latet sensum nostrum: alterum, quod apertum*. Sed nullo genere melius hoc ab eo dictum esse, quam quod ibidem sequitur: *Illud quod*

appa-

apparet ad agricolas , pro , agricolis apparet , aut patet , aut apertum est . Meminisse eum debere , quid in *Bruto Tullius* monuerit , sua scilicet ætate , linguam Latinam corrumpi ab iis cœptam , qui à peregrinis , qui in urbem confluerant & inquinatè loquebantur , non satis cavissent : adeoque operam iis , qui diligenter loqui velint , dandam esse , ut antiquitatem imitentur , & rationem tanquam obrusam adhibentes à similitudine se Græcæ locutionis abstrahant , & consuetudinem vitiosam & corruptam pura & incorrupta consuetudine emendent . Cui *Ciceronis* monito si paruisset , facturum *Varronem* fuisse , ut ipsius *Ciceronis* , *Lucretii* & *Plauti* exemplo loqui mallet . Esse verò hoc *Ciceronis* post reditum in Senatu : *Ubi nobis hæc auctoritas tam diu tanta latuit* . Et *Catil.* 1. *Nihil moliris , quod mihi latere valeat* . Hoc autem *Lucretii* lib. 3. vers. 280. *Sic tibi nominis hæc expers vis facta minutis corporibus latet* . Hoc denique *Plauti* *Trin.* act. 4. sc. 2. *Quid ergo ille mihi latitabat* . Ad hæc auctoritates & optimæ ætatis consuetudinem accedere rationem , quæ non magis patitur , ut dicas *latet me* , quam *patet me* , cum utrumque eodem modo verbi substantivi vim in se contineat , nec aliam , quam internam actionem & foras non transeuntem significet . Est enim hoc apertum , illud occultum esse , ac propterea fieri non potest , ut aliud quam internum & ( ut *Logicorum* lingua utar ) essentialem ac formalem accusativum adsciscat , qui *Nomine verbi* , velut *Grammatici* vocant , hoc est verbo infinito nominis vim habente significatur , *latere* puta & *patere* , quasi dictum sit : *Hæc res latet mihi latere* , id est , *latebram* seu *latens abditumve negotium* , & *patet mihi patere* ,

est, patens seu patulum aut propatulum negotium; quo modo in hoc: *Fulminat illa oculis & quantum fœmina sævit*, subauditur *sævum*, hoc est, *sævum negotium*, rem *sævam*, ut Horat. *Fortuna sævo læta negotio*, id est, *quæ sævitia lætatur*; ex quo discamus licet, in *Dulce ridet*, *amarum renidet*, *turbidum lætatur*, *lucidum fulgunt oculi*, subaudiri negotium, quod Latinis illud ipsum, quod *res*, Græcis *πράγμα* aut *χρῆμα* significat. Sicut ergo *vivere* alium accusativum regere nequit, quam cognatum, sive apertum, sive tectum, cum interna sit ejus, quæ significatur, actio (ut *Vivere vitam*. *Vivere bacchanalia*, id est, *vitam quæ bacchanaliorum tempore vivi solet*) similiter nec *latere* aut *patere*; adeoque illud *latet me*, pariter rationi ac meliorum auctorum consuetudini adversatur. Sed quoniam Græcum *λῆθω*, *λειτουργῶ*, unde *lateo* formatum videtur, actionem externam significat, non aliter, quam Latina *fugio* & *prætereo*, hinc factum est, ut multi nativæ ac vernaculæ loquendi consuetudinis parum observantes, sicut *fugit* aut *præterit me*, similiter & *latet me* dicere cœperint; quomodo Græci, *ἐμὲ λῆθω*, *non me latet*. Hæc talia cum ex me vir ille literatissimus audisset, ipsius mihi *Ciceronis* auctoritatem impegit, cujus oratione pro *Sylla* perspicue scriptum aiebat: *Lex dies fuit proposita paucos, ferri cœpta numquam, posita est in Senatu, populum Romanum latuit*. Sed ea re turpem antiquitatis ignorantiam prodidit, qui nesciret, nec *Populus Romanus*, nec *Res publica* ullo casu integrè à veteribus perscribi, sed notari tantum solitum, ut esset *P. R.* & *R. P.* id quod omnes illi, qui veterum monumentorum usum habent, verissimè à me dici fatebuntur.

buntur. Itaque in veteribus *Ciceronis* libris fuit : *P. R. latuit*, quod jam vernaculæ & incorruptæ Latinitatis periti non accusandi, sed dandi casu legendum esse sciunt.

Paris flagitii est, quod tot disertissimi homines libris editis ab *Austrius*, *Castrius*, & id genus aliis vocandi casum formant in *i* exeuntem. Sic enim palam faciunt, se quid nomen proprium, quid appellativum seu commune sit, prorsus non intelligere. *Austrius*, *Austria*, *Austrium* nomen possessivum est, ab *Austro* derivatum, quod nomen ejus provinciæ proprium est, quæ olim *Pannonia* superior, hodie *Anstria* vocatur, pro quo alii *Austriacum* dicere malunt exemplo *Homeriaci*, *Iliaci*, *Olympiaci*, *Corinthiaci*, *Hellepontiaci*, *Titaniaci*, ac similium. *Castrius*, *castria*, *castrum* nomen est similiter possessivum ab alio communi nomine *Castrum* derivatum, pro quo alius *Castrensis* dixerit. Jam satis apparere arbitror, si quis *Joannes Princeps Austrius* aut *Franciscus Comes Castrius* vocetur, valde imperitè appellationes illas pro nominibus propriis haberi, quippe quæ tot aliis rebus sint communes. Sunt enim *Anstirii* populi, *Austriæ* terræ, *Austria* oppida; similiterque *Castrii* aut *Castrenses* homines, *Castriæ* ædes, *Castria* tecta. Si quis autem hominum tali cognomine designetur, id per *Tropum* fieri nec pueri ignorant, qui est *Synecdoche* totius pro parte, & quidem illa ejus species, quam *Antonomasiam* Rethores vocant: quo pacto & *Apostolus*, pro *Paulo*, & *Philosophus*, pro *Aristotele*, & *Poeta*, pro *Virgilio* dicitur. *Tropus* autem non naturam verbi, sed significationem modò mutat, adeoque nec *Austrius*, nec *Castrius* communia esse desinunt, etsi ad

hunc vel illum ab *Austro*, aut de *Castro* hominem significandum adhibentur. Certè si quis Romanorum aut *Salamine* expugnata, aut *Rhodo* sub ditionem redacta *Salaminii* aut *Rhodii* cognomine insignitus fuisset, nemo ei bona cum *Orbilii* gratia, ò *Salamini*, ò *Rhodi* diceret, sed ò *Salaminie*, ò *Rhodie*, quemadmodum *Jovi Saturni* filio *Saturnie*, *Evandri Pallanti* *Evandrie*, *Telamonis Ajaci* *Telamonie* dicendum esse recte *Priscianus* monet: qua de re tam perspicua me verbum facere piguisset, nisi maximi nominis viros in eo errasse, quosdam etiam, in quibus est *Hieronymus Aleander*, pertinaciter pro errore tam deformi propugnare animadverterem.

Non minus turpiter se dedit vir omnium confessione cruditiſſimus, *Antonius Quærens*, qui verſuum, quos ſcribit, latinitate atque cultu non temere cuiquam *Auguſtæi ævi* priores concedat, cum in elegia *Virginii Ceſarini*, herois illuſtriſſimi, verique literarum *Phœnicis*, quam de *Sereniſſimi Bavarie Ducis* victoria *Bohemica* conſcripſerat, ſolœciſmi inſimulavit, quod ibi legebatur:

————— *privata ſilebo*

*Damna: queri nobis publica cauſa vetat.*

*Sic: licet me facere, non mihi facere. Cicer. 5. Ver-  
rin. Hodie Syracuſanum in ea parte habitare non li-  
cet. Virgil. non licet me exire ſervitio. Sic: Sua-  
det me facere. Lucr. l. 1. Sed tua me virtus tamen,  
& ſperata voluptas Suavis amicitie quemvis perſerre  
laborem Suadet. Terent. Hecyra act. 3. ſ. 5. Me pie-  
tas matris commodum ſuadet ſequi. Sicut Virgil. Ju-  
turnam miſero, fateor, ſuccurrere fratri Suaſi. Ho-  
rat. Vetuit me tali voce Quirinus. Virg. Is me lau-  
dare que vellem, calamo permittit agreſti.*

Nega-



Negabat enim Latine dici , *Vetat mihi queri* , sed *vetat me queri* : in qua censura sua quantum *Avius à vera longè ratione feratur* , quivis ephebus , qui *Sanctianæ Grammaticæ præcepta teneat* , sine negotio demonstraverit . Dativus videlicet cuicumque orationi adjungi potest , in qua *acquisitio* vel *ademptio* , *commodum* aut *incommodum* , aut *finis* , quem in Scholis Logici *Finem* cui dicunt , significatur . Omne verò verbum infinitum pro supposito habet accusativum sive expressum , sive per figuram *Ellipsin* suppressum . Omne denique verbum activum adsciscit accusandi casum sive expressum , sive suppressum , sive infinito verbo aut alia oratione commutatum . Per primam trium istarum regularum , quam *Jubet mihi* , tam *vetat mihi* , recte dicitur . Cic. 9. *Attis.* 15. *Dolabellæ literæ jubent mihi ad pristinas cogitationes reverti* : per secundam verò , *Queri & me queri* : per postremam denique , *Jubet* vel *vetat mihi queri* , ut *querar* , *questum* vel *querelam* . Plaut. *Capt.* a. 1. s. 1. *Non licet mihi me loqui* ? Per *Hel-lenismum* verò accusativo nominativi vice posito : *jubet* vel *vetat me ut querar* : quarum locutionum exempla in *Minerva Sanctiana* reddemus : nunc satis erit illud confirmasse , quod insolentius dictum videbitur , *vetat ut querar* . Habet ergo *Tibullum* auctorem lib. 2. eleg. 7. *Illius ut verbis sis mihi dura veto* , quod est , *ut ne sis mihi dura* . Et *Persium* : *Hoc juvat* , *hic inquit* , *veto quisquam faxit oletum* , pro , *ut ne faxit* . Et *Plautam* *Pseud.* act. 1. sc. 2. *Amor amatoribus prohibet* , *faciant adversum lenones quod volunt* . Et *Mil.* act. 4. sc. 8. *Cave istuc feceris* , pro , *ut ne faciant* , *ut ne feceris* . Neque tamen acumen viri tam insignis , quem multiplicis doctri-

## De V. ac N. GRAMMATICÆ

æ nomine colo & suspicio , hac in re tam facili & expedita delirasse mirandum est , cum ipsis etiam *Ciceroni* , *Varroni* & *Quintiliano* ( nam *Agellium* si cuineo comparem , sim injurius ) istas veteris Grammaticæ regulas non semel fraudi fuisse videamus , ut quæ rectè , quæ perperam Latinè dicta essent , aut prorsus discernere non possent , aut ita dijudicarent , ut eos consuetudine potius , quam ulla ratione aut scientia , bene loqui , aut scribere planum fieret : cujus rei quoniam satis multa *Paradoxis literariis* specimina dedi , nihil me hic longiorem esse attinet .

Jam ex diverso *Sanctiana* Grammatica eam facilitatem habet , quam prodigii similem omnibus videri necesse sit : nec enim quamvis ingenio minus possit , qui ordine à nobis præscripto in discendo procedet , amplius trimestri in ea probè percipienda consumet . Jam enim *Mercurii bilinguis* magisterio Latinam linguam intelliget , & *Nomina* ac *Verba* per *casus* , *numeros* , *tempora* & *personas* inflectere didicerit , ut vix sex de Etymologia pagellas memoriæ mandandas habeat . Syntaxis postea pro quingentis amplius veteris Grammaticæ regulis , quibus *Nominum* , *Verborum* & *Participiorum* constructionem dirigi dixi , non nisi xv præscribit , perspicuas illas nulliusque exceptionis patientes : quas qui mediocri sit ingenio *una* die ludibundus edidicerit . Accedit regularum *certitudo* , certa satisque explorata firmitas , cum ratione , tum eorum consuetudine nixa , quos aurea Latini sermonis ætate , quam literatissime , emendatissimeque loqui ac scribere solitos constat : ut jam minus etiam in auctorum lectione versati omnium , quæ vel legunt , vel ipsi Latinè scribunt ,

*Origine , Dignitate & Usu :*

bunt , certam rationem intelligant , nec ullum ad-  
eant periculum , ne qua regularum artis hujus , ubi  
semel eas memoria comprehenderint , obliviscantur ,  
ex eoque alicubi læsæ Latinitatis ad Grammaticum  
tribunal rei agantur . Quod quidem quantivis mo-  
menti commodum cum omnibus , tam vel præcipuè  
Theologiæ ac Philosophiæ studiosis videri debet ,  
His enim de plano polliceri possum , eos cognitis  
nostræ artis præceptis uno , ut prædixi , trimestri  
tantum profecturos , ut etsi parem dictionis purita-  
tem , cultumque non afferant ( nam ea res aut to-  
tam hominis ætatem , aut tale saltem subsidium re-  
quirit , quale in *Commentariis lingue Latinę* jam  
olim præparamus ) non minus tamen Grammaticè  
præceptisque congruenter scribere queant , quam illi ,  
qui omne vitæ tempus in Latinorum auctorum lectio-  
ne scribendique exercitatione consumunt . Hunc qui-  
dem certè artis nostræ fructum huic ætati sententia  
sua non dubiè despondebat *Scipio Paschalius Casalen-  
sis Episcopus* , vir Hebraicè & Græcè non mediocri-  
ter , Latinè verò præcipuè doctus & cum primis  
*Italię* luminibus numerandus , qui quoad vixit , mi-  
hi gratiam habere numquam destitit , quod opera  
mea se à timore illo vindicasset , quo prius manum  
sibi , quoties scribere Latinè aggressus erat , contrem-  
miscere sensisset . *Romę* autem is , quem dixi , o-  
mnis sapientiæ & eruditionis princeps *Virginus Cę-  
sarinus* ὁ μακαρίτης tanto gaudio efferebatur ex eadem  
arte nostra secum communicata , ut propemodum eam  
vulgari a me nollet , quod se non alia magis re ,  
quam causarum linguæ Latinæ tot sæculis , vel dicam  
perpetuò ignoratarum scientia à literatorum turba  
secerni longèque cæteris anteire judicaret , quod  
Acha-

## De V. ac N. GRAMMATICÆ

Achaten ejus *Johannem Ciampolum*, virum cujuscumque prædicatione majorem, adhuc satis meminisse libenterque testaturum confido. In eadem urbe, rerum domina familiarissimè usus fui *Guilelmo Setonio*, nobili Scoto, Juris Divini & humani, tum Philosophiæ & Sacrarum ac profanarum antiquitatum consultissimo, Græcisque ac Latinis literis perpolito. Is ingentis pretii thesauro se à me donatum arbitrabatur, postquam ei multis precibus à me contenti, ut artis hujus cum maximè nascentis, ac necdum satis exactæ copiam describendi facerem, assensi. Negabat etiam vereri se, ne quisquam quantumque cum ingenio aut literis tam parum humanus inveniatur, quin mihi maximo se devinctum beneficio agnoscat pro tam luculenta face, quam omnibus abditissima quæque Latinitatis mysteria penitus perspicere aventibus præluceam. Nec alia *Mantug* est sententia viri cum genere, tum libris Latino & Hetrusco sermone summa cum doctissimi cujusque gratulatione editis, præterea rerum atque hominum usu domi militiæque parto illustrissimi *Balduini de Monte Simoncelli*: sicut nec ejus, quem ibidem non minus vitæ innocentia commendat, quam Ecclesiastica dignitas exornat, *Antonii Salmatiæ*, summi Theologi, nec eorum, qui Græcarum & latinarum literarum laude hodiè florent, cuiquam secundi. Jam *Mediolani* nota est *Ludovici Septalii*, viri prisca cum fide, tum nobilitate præcellentis, non Medicinæ tantum & Philosophiæ Peripateticæ, in quibus planè regnat, sed & humaniorum literarum scientia: nec etiam sua *Josephum Paulum Meronum* modestia usque eo notiæ hominum subducit, quin optimum quemque ac doctissimum suæ pietatis, sapientiæ,

*Origine ; Dignitate & Usu.*

pientia , eloquentia & interioris literaturæ conscientiam , approbatorem testemque habeat . Uterque autem iis præconiis artem hanc nostram diligenter à se inspectam quotidie prosequitur , tantoque ejus cognoscendi desiderio omnes inflamat , ut multos non mediocriter editionis ejus torqueat expectatio , eisque ego non nisi serò satisfacturus videar . Quid ? quod ipsius Pontificis Maximi URBANI VIII. iudicium , & optatum arti nostræ successum , nec dubiam ejus experimentum capturis utilitatem despondet . Is enim cum adhuc Cardinalis annis superioribus in rus suburbanum rebus prolatis concessisset , inibique per otium Syntagma meum *de Stili Historici virtutibus* \* diligentissimè translegisset , non modò causam se nactum censuit , cur sibi & suis de amicitia mea gratularetur , sed etiam cur magnum Latinis literis lumen opera mea allatum iri Princeps Græcè ac Latine † minime indoctus consideret . Ita cum *Roma* nuper discessurus , vale postremum ei dicerem , & de hac arte mea percunctanti distinctè rem omnem explicarem , magnopere se aliis gratulari ostendit , quibus posthac tanto cum temporis ac laboris compendio literas discere liceret , quas sibi , præsertimque Græcas , quibus jam magno natu dedisset operam , ingenti studio ac labore constitisse recordaretur . Et quoniam Ecclesiæ ac Reipub. Chri-

\* *Hic expuncti sunt fide Scavenii quinque versus : qui in aliis editionibus ita apparent : una cum lectissimo nec vulgariter Græcis & Latinis literis exculto juvene Francisco Barberino fratris filio ( quem hodie non tam sanguinis commendatione , quam virtutum ejus merito purpuratum videmus )*

† *Idem* minime indoctus legebatur pariter doctus.

## De V. ac N. GRAMMATICÆ

Christianæ plurimum in omnem partem interesse judicabat, me *Commentarios de lingua Latina* jam olim à me cœptos ad umbilicum adducere, ne mihi aliena improbitas, injusto quæstui semper inhians, debitum speratumque ex multis lucubrationibus meis fructum interciperet, quo me ad operis vasti laboriosique impensas uti est æquius, denunciato anathemate sancire ei visum est, ne quis quicquam ex officina mea profectum, non modò typis, nisi bona cum gratia mea describere, sed nec ab alio sine venia mea descriptum væno exponere animum inducat. Hoc amplius autem, ut in eandem rem Cæsaris Augusti, aliorumque Regum & Principum diplomatis mihi caveretur, impendio annisus est.

Hæc ergo sunt, quorum causa meritò mihi futurum pollicear, ut qui ratione utuntur *Sanctianam* hanc Grammaticam, velut à summo Philosopho primum inventam, tanto cum virorum clarissimorum plausu & acclamatione à me perpolitam, *Cloacina* illi posthabere nolint. Cæterum, ut quo eâ ordine ac modo disci debeat nemini possit esse dubium, de Magistri prius, qui eam præcipere cupiet, tum de Discipuli officio, quæ mea sit sententia, distinctò libet exponere.

Mediol. Calend. Febr. Anni M. DC. XXVIII.

MA.

## MAGISTRI OFFICIUM.

I. Ipse omnium primum discet XII illas *Maximas* regulas totius Syntaxis Latinæ fundamentum continentes , una cum earum interpretatione , quam in Annotationibus ad Syntaxin , pag. 169. & seqq. inveniet.

II. Regulas omnes de *Nominum* , *Verborum* & *Participiorum* Syntaxi cum *Maximis* illis componet , tam *falsas* , quam *veras* , ut causas veritatis & falsitatis singularum probè intelligat.

III. Leget , quæ ad Etymologiam pertinent una cum Annotationibus.

IV. Consulet *Paradoxa* nostra , ubi de multis accuratius disputatum inveniet . Sed omnia quæ ad rem pertinent , præcipueque auctorum exempla , *Minerva* nostra repræsentabit .

## DISCIPULI OFFICIUM.

I. Discet partem generalem Grammaticæ , tum ea , quæ de *Nomine* , *Verbo* , *Participio* , *Præpositione* & *Conjunctione* traduntur : quæ cum paucas pagellas impleant , minimè difficulter memoriæ mandabit . Quæ de *Adverbiis* traduntur , satis erit sæpius legisse .

II. Discet versus *Sanctii* de *Genere nominum* , deque *Declinationibus* , ut & probè eos intelligat & memoria contineat .

III. Ediscet XII illas *Maximas* , quæ Syntaxis fundamentum sunt.

IV. Ediscet omnes regulas de vera *Concordia* &  
*Reslicne*

## DE V. ac N. GRAMMATICÆ

*Rectione Nominum , Verborum & Præpositionum* , quæ omnino sunt quindecim , sic tamen ut pleraque in duodecim illis *Maximis* contineantur . Regulas de falsa *Rectione* aut *Concordia* , ut memoriæ mandet , nihil necesse est , modò sapius eas relegat , causamque falsitatis rectè intelligat . Quot de *Conjunctionum & Adverbiorum Syntaxi* præcepta sunt , non tam Regulæ sunt , quam exemplorum observationes , quas sapius legisse satis erit .

V. Ediscet *Definitiones Figurarum* , cum uno alteroque exemplo . *Ellipseos* tamen genera satis erit si Magistro diligenter explanante probè intelligat . Si quis tamen ea quoque memoriæ mandare velit , tanto majus operæ fecerit pretium .

VI. Ediscet *Alvari* versus de *Verborum Præteritis & Supinis* .

VII. Ediscet ejusdem versus de *syllabarum quantitate* .



Comparatio Cloacinae & Sanctianae

Grammaticae.

	<p><i>Turpis</i>, quia mendax, cū de sexcentis ejus regulis vix decima pars sit vera.</p>	
Cloacina est	<p><i>Molesta</i>, quia impedita &amp; difficilis, ob tot</p>	<p><i>Regulas, Appendices, Observationes, Exceptiones.</i></p>
	<p><i>Damnoſa</i>, quia affert magnam jacturam</p>	<p><i>Rei familiaris, Temporis, Existimationis.</i></p>
Sanctia est	<p><i>Honeſta</i>, quia verax, cū omnes regulas ratione &amp; incorrupta consuetudine stabilitas habeat.</p>	
Sanctia est	<p><i>Jucunda</i>, cum sit expedita &amp; perfacilis, ob</p>	<p><i>Regulas pauciſſimas, Nullas prorsus in Syntaxi exceptiones.</i></p>
	<p><i>Utilis</i>, quia habet compendium</p>	<p><i>Summum, Temporis</i>. quippe quæ tribus mensibus disci queat.</p>
		<p><i>Existimationis</i>, quæ a regulis ejus instructus de Latinitate melius judicare potest, quam qui omnem in literis ætatem exegerit.</p>

Magistri nunc est etiam atque etiam considerare, utra Grammatica discipulis præcipienda, ut viri boni officium custodire, majoremque Dei & hominum gratiam inire possit.

SYNOPSIS  
SYNOPSIS ARTIS  
GRAMMATICÆ.  
TABULA PRIMA.

Grammaticæ	Definitio.	Dirigere locutionem vel sermonem :			
	Finis, officium,	Corrigere locutionis vitia			
	Subiectum, Partes orationis,	Prima, ut Litera, cujus	Definitio, Divisio, in	Vocalem	Barbarismum, Solæcismum.
					Simpli- cem Com- positam Simplicem
				Consonantem	Diphth. Triphth. pag. 1. 2.
					Semivocalem & Liquidam, Mutam.
		Ex primis or- ta, ut	Syllaba cujus	Definitio	
				Divisio in	Brevem, Longam, Ancipitem.
		Vox, cujus		Definitio	
				Accidentia	Accentus. Figura, Species. pag. 3. 4.
Instrumenta,		Orthoepia, seu regula de literarum pronuntiatione. Prosodia, seu regula de Syllabarum quantitate.	Divisio in	Participium	Nomen, Verbum, Particip.
				Ex- per- tium.	Præpositionem, Adverb., Conjunctionem, Interjectionem.
				Nominis, Tab. II. Verbi, Tab. III. Participii, pag. 17. Præpositionis, pag. 19. Adverbii, pag. 31. Conjunctionis, pag. 50. Interjectionis, pag. 52.	
		Etiymologia de singulorum vocum accidentibus & partibus		Syntaxis, seu regula de vocum debita inter ipsas compositione, Tabula IV.	

# TABULA II.

## Etymologia Nominis.

Nominis	Definitio, pag. 6.	
	Acciden- tia	Commune cum verbo, Numerus.
		Casus
	Propria	Genus { Masculinum, pag. 7.
		{ Fæmininum.
	Declina- tio	{ Neutrum.
		{ Prima;
		{ Secunda,
		{ Tertia,
		{ Quarta,
		{ Quinta.
Divi- sio ra- tione	Gene- ris in	Substan- tivum { Proprium, pag. 9.
		{ Commune.
	Adjecti- vum	{ Absolutum, } Generale
		{ Relativum, } Recipro- cum.
	Speci- ei in	Printitivum, pag. 9.
		{ Possessivum.
	Derivativum	{ Diminutivum.
		{ Comparativum.
		{ Superlativum, pag. 11.
		{ Verbale, pag. 13.

# SYNOPSIS

## TABULA III.

### Etymologia Verbi.

Verbi	Definitio pag. 13		Commune cum Nomine, Numerus.	
	Accidentia	Persona	{	Prima singul. & plur.
				Secunda singularis & plur. pag. 13.
		Tempus	{	Tertia sing. & plur.
				Præsens,
				Præteritum, { Imperfectum, Perfectum, Plusquam perfectum.
Divisio ratione	Propria	Conjugatio	{	Futur.
				Prima,
				Secunda,
	Divisionæ in	Personale seu Finitum.	{	Tertia,
				Quarta.
				Imperfectum, Perfectum, Plusquam perfectum.
Divisio ratione	Significati in	Personæ in	{	Verum, pag. 14.
				Imperfectum, Perfectum, Plusquam perfectum.
				Falsum { Gerundum, pag. 15. Supinum.
	Significati in	Substantivum,	{	Activum,
				Passivum. pag. 15.

T A B U L A IV.

Syntaxis in	Genere, est vel	{	Regularis	{	Concordia, pag. 79.
			eaque vel		Rectio, pag. 79.
			Irregularis seu Figurata, Tab. XI.		
	Specie, est vel	{	Nominis, Tab. V.	{	
			Verbi, Tab. VI.		
			Participii, Tab. VII.		
			Præpositionis, Tab. VIII.		
			Adverbii, Tab. IX.		
			Conjunctionis, Tab. X.		

T A B U L A V.

Syntaxis Nominis, est vel	Concordia Nominis	{	Substantivi cum Adjectivo, pag. 80.		
			Relativi generalis cum antecedente, pag. 80.		
			Reciproci cum antecedente,		
	Rectio	{	Cujuscumque cum verbo personali.		
			pag. 82.		
			Substantivi cujuscumque, pag. 83.		
	Vera Nominis	{	Substantivi verbalis.		
			Adjectivi ex participio activo facti,		
			pag. 84.		
	Falsa	{	Adjectivi participio passivo similis,		
			pag. 85.		
			Nominativi,		
	Rectio	{	Genitivi,		
			Dativi, pag. 86.		
			Accusativi, pag. 87.		
			Vocativi,		
			Ablativi, pag. 88.		

# SYNOPSIS

## TABULA VI.

Syntaxis Verbi, est vel	Concor- dia Verbi	{	Finiti seu personalis, cujus duæ sunt regulæ, pag. 90. 91.	
			Infiniti sive Impersonalis cujus duæ sunt Regulæ, pag. 92. 93.	
	Re- ctio	{	Genere cuiuscumque verbi, sive Finiti, sive Infiniti. pag. 94.	
			Specie verbi activi Infiniti, pro nomine substantivo positi, pag. 95.	
	Falsa Verbi	{	Substantivi, cujus duæ falsæ sunt regulæ, pag. 97.	
			Finiti, Activi, cujus tres falsæ sunt regulæ, pag. 98.	
			Passivi, cujus quatuor falsæ sunt regulæ, pag. 99.	
			Infiniti, Gerundi, cujus duæ falsæ sunt regulæ, pag. 101.	
			Supini, cujus una falsa est regula, pag. 102.	

## TABULA VII.

Syntaxis Par- ticipii, est vel	{	Concordia, pag. 102.	
		Vera, pag. 103.	
		Falsa, cujus duæ falsæ sunt regulæ, pag. 103. 104.	

**T A B U L A VIII.**

Syntaxis Præ-	{	Concordia, pag. 104.	{	Accusativo, pag. 105.
positionis, est		Rectio Præpo-		Ablativo, pag. 105.
vel		sitionis cum		Utroque, pag. 105.

**T A B U L A IX.**

Syntaxis	{	Concordia, cujus novem sunt regulæ, pag. 107.	{	Nominativo, pag. 110.
Adver-		Rectio, sed falsa Ad-		Genitivo, pag. 110.
bii, est				Dativo, pag. 112.
vel	verbiorum cum		Accusativo, pag. 112.	
				Ablativo, pag. 112.

**T A B U L A X.**

Syntaxis	{	Concordia, cujus sex sunt regulæ,
Conjunctio-		pag. 113.
nis, est vel	{	Rectio, cujus una est regula, pag. 116.

# SYNOPSIS

## TABULA XL

Syntaxis irregularis seu Figurata, est vel	Ver-nacula, vel	<div> <div>Pleonasmus.</div> <div>+ Ellipsis.</div> <div>Zeugma.</div> <div>Syllepsis.</div> <div>Hyperbaton.</div> </div>	<div> <div>Cum artis regulæ negliguntur propter orationis</div> </div>	<div> <div>Exsuperantiâ, pag. 119.</div> <div>Defectum, Tab. XII.</div> <div>Defectum, Tab. XIII.</div> <div>Discordiam, Tab. XIV.</div> <div>Ordinem turbatum, Tab. XV.</div> </div>
		<div> <div>Composita, ut cum Ellipsis conjuncta est cum</div> </div>	<div> <div>Syllepsis</div> </div>	<div> <div>Generis, 162.</div> <div>Numeri. 163.</div> </div>
			Græcismo.	

Peregrina, id est, Græcismus, Tab. XVI.



**TABULA XII.**

Nomen, { Idem, pag. 120.  
 sive {  
 Aliud, { Cognatū, { Nominativus, p. 121.  
 idque { sive sic { Accusativus, p. 121.  
 vel { Alienu, { Solitariū, quod est, vel  
 sive sic { Confociatum, p. 143.  
 Verbum { Infinitum { Cognatum, pag. 148.  
 & vel { Alienu, pag. 149.  
 Finitum, pag. 149.  
 Præpositio, pag. 151.  
 Adverbium aut Coniunctio, pag. 158.  
 Appositum {  
 Substantivi, pag. 121.  
 Adje- { Absol- { Apertior,  
 tivi { ti, quæ { pag. 123.  
 sive { ellipsis { Tectior,  
 est vel { pag. 135.  
 Relati, pag. 137.  
 Verbi { Finiti, pag. 137.  
 & Infiniti, pag. 138.  
 Præpositionis, pag. 138.  
 Nominis, { Substantivum  
 idque vel { pag. 139.  
 Adjectivum, {  
 pag. 139.  
 Verbi, pag. 140.  
 Coniunctionis, pag. 142.



**TABULA XVI.**

Græcismus, est vel	Generum, cum	Masculinum ponitur pro Neu- tro, pag. 167.
		Fæmininum ponitur pro Neu- tro, pag. 167.
		Neutrum ponitur pro Mascu- lino, pag. 167.
	Casuum, cum	Nominativus ponitur pro Ae- cusativo, pag. 167.
		Genitivus { Accusativo, p. 167. ponitur pro } Ablativo
		Dativus ponitur pro Accusa- tivo, pag. 168.
		Accusati- } Nominativo, p. 168 vus poni- } Dativo, tur pro } Ablativo.
		Ablativus ponitur pro Accu- sativo, pag. 168.

# SYNOPSIS

## *Duodecim Maxima,* seu *Regulae fundamentales Syntaxeos Latinae.*

Regu- larum alix pertin- ent ad	Oratio- nem totam, ut	No- men ejus- que vel	1 Omnis affirmatio & negatio Nomine & Verbo constat. vid. pag. 171.
			2 Præter Nomen & Verbum sunt quædam particulae certis significationibus assignatae, quibus Nomen & Verbum aliaque minores orationis partes velut nervis colligantur: quæ particulae secundum regulas exprimentur, per figuram supprimuntur. vid. p. 172.
			3 Adjectivum. Omne nomen Adjectivum habet suum substantivum, vid. pag. 173.
		Cas- us, ut	4 Relativum. Omne nomen seu pronomen Relativum habet suum nomen Antecedens, quod refert. vid. pag. 173.
			5 Comparativum. Omne nomen Comparativum habet suum Positivum cum quo comparatur. vid. pag. 174.
			6 Omnis Nominativus est Verbi finiti suppositum, aut ad suppositum pertinet, sive verbum illud sit expressum, sive suppressum. pag. 83. 174.
Oratio- nis par- tes, id est, vel ad			7 Omnis Genitivus Latina constructione à nomine substantivo expresso aut suppresso regitur, Græca verò constructione etiam à præpositione ex expressa vel suppressa. pag. 85. 174.
			8 Omnis Accusativus à Verbo activo, aut à Nomine verbali, aut à Præpositione regitur. vid. pag. 177.
			9 Omnis Ablativus à Præpositione regitur. vid. pag. 178.
	Ver- bum, ut		10 Omne verbum accidentale, aut activum est aut passivum, quorum illud semper accusativum expressum aut suppressum regit. vid. pag. 178
			11 Omne Verbum finitum habet pro supposito Nominativum expressum aut suppressum. vid. pag. 179
			12 Omne Verbum infinitum habet pro supposito Accusativum expressum aut suppressum Latina constructione, Græca verò sæpe Nominativum. pag. 180.

# *Synopsis Nominum Verbalium, Pag. 17.*

Nomina verbalia sunt, vel		Verbi expertiā, ut Doctor; Doctrina, Amor, Spectaculum.	
		Participia, quæ aliquid verbi participant, ut	<div> <div> <div>Rectiōnem casus &amp; significationem motus, ea-que vel</div> <div> <div>Substantiva, sive</div> <div> <div>Natura, ut Spectatio spectatus</div> <div>Uſu, ut Amans uxoris.</div> </div> </div> <div> <div>Adjectiva, ut Lætabundus, Vitabundus, Moribundus.</div> </div> </div> </div>
			<div> <div>Status, ut</div> <div> <div>Ens.</div> <div>Futurus.</div> </div> </div>
		Tempus & significationem, sive	<div> <div>Activa, ut</div> <div> <div>Amans.</div> <div>Amaturus.</div> </div> </div>
			<div> <div>Motus, ea-que vel</div> <div> <div>Passiva</div> <div> <div>Amatus.</div> <div>Amandus.</div> </div> </div> </div>
		Terminatione passiva, significatione activa, ut juratus, pransus, cœnatus.	
Participialia, quæ cum participiis communem habent		Originem, ut	<div> <div>Comparata; Amantior, Doctior, Comitator.</div> </div>
			<div> <div>Composita: Indoctus, Indecens, Immeritus.</div> </div>
		Terminationem: Laureatus, Ocreatus, Cristatus.	

# INDEX CAPITUM

## & Sectionum.

	pag. 6
Etymologia de Nomine .	13
— de Verbo	17
— de Participio	19
— de Præpositione	31
— de Adverbio	50
— de Conjunctione	52
— de Interjectione	54
— de Genere Nominum	64
— de Nominum Declinatione	77
Regulæ de Verborum præteritis , & supinis	78
Profodia	78
De Syntaxi seu constructione	78
— de Concordia Nominis	79
— de Rectione Nominis	83
— de Concordia Verbi	90
— de Rectione Verbi	94
De Syntaxi Participii	102
— Præpositionis	104
— Adverbii	107
— Conjunctionis	113
— Interjectionis .	117
De Syntaxi irrègulari seu Figurata	118
— de Pleonasmò	119
— de Ellipsi	120
— Ellipsis Nominis	120
— Verbi	148
— Præpositionis	151
— Adverbii & Conjunctionis	158
de	

de Zeugmate	169
— de Syllepsi	162
— de Hiperbato	165
— de Hellenismo seu Gracismo	168
Annotationes in Syntaxin	169
De Orthoepeja seu recta literarum Latinarum Pronunciatione	218
— de Vocalibus simplicibus	184
— de Vocalibus compositis, id est, Diphthongis & Triphthongis	190
— Triphthongi	203
— de Consonantibus simplicibus	206
— Duplicibus	228
— Consonantes Duplices Novitiæ	232
— de Accentu	234
— de Euphonia	240
Friderici Silburgii de vetere Romanorum scriptura	244
Pascasii Grosippi seu Casperis Scioppii Paradoxa Literaria	253
— de Rhetoricarum exercitationum Generibus	361

# NOI RIFORMATORI

Dello Studio di Padova.

**A**Vendo veduto per la Fede di Revisione, ed approvazione del P. F. Tomaso Maria Genari Inquisitore, nel Libro Intitolato: *Gasperi Scioppii Grammatica Philosophica, & Pascasti Grosippi Paradoxa literaria, & De Rhetoricarum Exercitationum Generibus Diff.* non v'esser cosa alcuna contro la Santa Fede Cattolica, e parimente per Attestato del Secretario Nostro, niente contro a' Principi, e buoni costumi, concediamo Licenza à Lorenzo Baseggio Stampatore, che possi essere stampato, osservando gli ordini in materia di Stampe, e presentando le solite Copie alle Pubbliche Librerie di Venezia, e di Padova.

Dat. 29. Maggio 1727.

{ Carlo Ruzini Kav. Proc. Riform.

{ Alvise Pisani Kav. Proc. Riform.

{

*Agostino Gadaldini Segret.*

9. Luglio 1727. Registrato nel Magistrato Eccellentiss. degl' Esecutori contro la Bestemmia.

*Antonio Canal Nod.*

IN:



# INSTITUTIONES GRAMMATICÆ

## L A T I N Æ .

*Quid est Grammatica?*



Sc ars rectè loquendi.

*Quis est finis Grammaticæ ;  
cujus causa discitur?*

Oratio congruens, id est, cu-  
jus nulla pars sit, quæ præce-  
ptis artis non congruat.

*Circa quid versatur ars  
Grammatica?*

Circa partes orationis.

*Quotuplices seu quot generum sunt partes ora-  
tionis?*

Duplices: Aliæ primæ, ut *Literæ*: aliæ ex pri-  
mis ortæ, ut *Syllabæ* & *Voces* seu *vocabula*, quæ  
vulgo malè vocantur *Diffiones*.

*Quid est Litera?*

Est individui soni comprehensio.

*Quotuplex est Litera?*

Duplex: Alia *Vocalis*, alia *Consona* vel *Consonans*.

*Quid est Vocalis?*

Est litera, quæ per se syllabam efficit.

*Quot generum sunt Vocales.*

Duorum: Aliæ sunt *Simples*, aliæ *Compositæ*.

*Quæ sunt Vocales simplices?*

A

A,

*A, e, i, o, u, & Græca γ.*

*Quot generum sunt Vocales compositæ?*

Duorum: Aliæ sunt *Diphthongi*, compositæ ex duabus simplicibus vocalibus: aliæ *Triphthongi*, compositæ ex tribus.

*Quot sunt Diphthongi?*

Viginti duæ. *Æ, ai, ao, au: Ea, ei, eo, eu: Ja, je, ji, jo, ju: Oa, oe, oi, ou: Va, ve, vi, vo, vu.* Ex his quatuor magis cognitæ sunt, *Æ, œ, au, eu.*

*Quot sunt Triphthongi?*

Octo. *Vae, vai, van, vea, vei, vie, voa, & voi.*

*Quid est Consonans.*

Est litera, quæ sine vocali syllabam non efficit.

*Quotuplex est Consonans?*

Duplex. Alia *Simplex*, alia *composita*.

*Quot sunt consonantes simplices?*

Quatuordecim. *B, c, d, f, g, h, l, m, n, p, q, r, s, t.*

*Quot generum sunt consonantes simplices?*

Duorum. Aliæ sunt *Semivocales* eademque *Liquidæ*, ut *L, m, n, r, s*: aliæ *Mutæ*, ut *B, c, d, f, g, h, p, q, t.*

*Quot sunt consonantes compositæ?*

Quinque, quarum tres apud Latinos propriam figuram, qua scribantur, non habent, ut *CH, PH, & TH*, duæ verò suis characteribus depinguntur, ut *X & Z*. Sed etiam istis prisca carebant & posteriores carere poterant, cum *X*, sit *CS*, vel *GS*, *Z*, sit *DS*.

*Quid est Syllaba?*

Est

Est integri soni comprehensio, ut *Mons*, *nox*, *flos*.

*Quotuplex est Syllaba?*

*Triplex*. Alia *Brevis*, quæ unum tempus consumit: alia *Longa*, quæ duo tempora consumit, ac si eadem vocalis bis pronunciaretur, ut in *Felix*, quod pronunciatur & antiquitus scribebatur *Feelix*: alia *Anceps*, cujus pronuntiatio indifferenter uno, aut duobus temporibus absolvitur, ut media in *Steterunt*, *Tenebræ*.

*Quid est Vocabulum?*

Quo unumquodque vocatur. Aliter dicitur *Vox*:

*Quæ sunt quæ voci accidunt?*

*Accentus*, *Figura* & *Species*.

*Quid est Accentus?*

Est modulatio vocis eam in pronunciando vel attollens, vel deprimens.

*Quæ sunt Regulae Accentus?*

„ *Vox ipsa accentum in sese monosyllaba ponit.*

„ *Exacuit sedem dissyllabon omne priorem.*

„ *Ex tribus extollit primam penultima curta.*

„ *Extollit se ipsam quando est penultima longa.*

*Quid significat Figura?*

Sit ne vox simplex, an composita, ut *Iustus*, est vox simplex: *Injustus*, est vox composita ex *in* & *Iustus*.

*Quid significat Species?*

Sit ne vox prima, an aliunde flexa, sive, sit ne primitiva, an derivativa, ut *Pater* est vox primitiva, *paternus* & *patrius*, sunt voces derivativæ *Sanctus* est vox primitiva, *sanctior*, *sanctissimus*,

*sanctitas, sanctimonia & sanctè, sunt voces derivativæ.*

*Quot sunt genera vocum?*

Duo. Aliæ enim voces sunt participes numeri, aliæ expertes numeri.

*Quid est Numerus?*

Est differentia vocis secundum unitatem aut multitudinem.

*Quotuplex est Numerus?*

Duplex. Singularis, qui unum significat, ut *Homo vivit*. Pluralis, qui plura significat, ut *Homines vivunt*.

*Quot sunt voces numeri participes?*

Tres. Nomen, Verbum, & Participium.

*Quot sunt voces numeri expertes?*

Quatuor. *Præpositio, Adverbium, Conjunctio, & Interjectio*: quæ quatuor communi nomine vocantur, *Particulæ*.

*Quot sunt Instrumenta artis Grammaticæ?*

Quatuor. *Orthoepæja*, sive regulæ de recta litterarum pronuntiatione. *Prosodia*, sive regulæ de syllabarum quantitate. *Etymologia*, sive regulæ de vocum singularum accidentibus & partibus, ut de nominum generibus & declinationibus, de verborum conjugationibus, &c. *Syntaxis*, sive regulæ de vocum debita inter ipsas compositione.

**D**E Grammaticæ divisione sollicitum esse nihil attinet. Satis est *subjectum* artis, quæ sunt orationis partes, *Litteras* puta, *Syllabas*, & *Voces*, tum *Instrumenta*, quomodo ad subje-

ctum adhibeantur, probe cognita habere. Atque hoc Grammatici est officium, præmonstrare scilicet, quomodo artis instrumentis efficiatur congruens oratio, quæ artis opus & finis est, ad

ad quem omnia, quæ in arte sunt, referuntur. Instrumenta porro omnino sunt quatuor, quorum primi usus est in literarum pronuntiatione, quam veteres *Orthoepejam* vocabant: alterum in syllabarum modulatione occupatur, diciturque *Prosodia*; tertium *Etymologia*, vocis partes, *Nomen* puta, *Verbum*, *Participium* & *Particulas*, eorumque accidentia, ut *casus*, *genera*, *species*, *personas*, & *tempora* exsequitur; postremum *Syntaxis* circa vocum inter se compositionem versatur. De *Orthoepeja* linguarum, quæ multis jam sæculis in usu esse desierunt, vani ac propemodum irriti laboris est, quicquam velle præcipere, cum nisi de suspitione vix quicquam in medium afferri queat. Nilominus ego quicquid de literarum Latinarum pronuntiatione apud veteres inveni, diligenter exscripsi ac digessi, ut non tam quo pacto pronuntiari, quam quomodo non pronuntiari fuerint solitæ, inde animadverti possit. Eam *innotuam* his Annotationibus nostris subijciemus: ubi Le-

ctor, unde nobis tot *Diphthongi*, & *Triphthongi* Latinae natæ fuerint, de quibus nemo nec veterum, nec recentiorum commeminuit, inveniet. De *Prosodia* discipulos artis hujus ad Emmanuelis Alvari præcepta, versiculis satis feliciter comprehensa, rejecimus, adeoque nihil nos, quin ad *Etymologiam* properemus, remorari debet, nisi quod Magistri prius admonendi videntur, ut versiculos de accentibus hoc modo explanandos meminerint.

1. Vocabulum unius syllabæ in pronuntiando attollitur, ut *Mos*.
2. Vocabulum duarum syllabarum habet acutam priorem syllabam, ut *Mores*.
3. Vocabulum trium, aut plurium syllabarum habet acutam ante penultimam, si penultima sit brevis, ut *Moribus illicitis*.
4. Vocabulum trium aut plurium syllabarum habet penultimam acutam, si ea sit longa, ut *Moratus*.

# ETYMOLOGIA

## De Nomine.

*Quid est Nomen?*

Ex vox particeps numeri casualis cum genere, id est, quæ numerum, casum & genus, aut saltem terminationem generi quadrantem habet.

*Quid est 1 Casus?*

Est specialis differentia numeri nominalis.

*Quot sunt Casus?*

Sex, *Nominativus*, *Genitivus*, *Dativus*, *Accusativus*, *Vocativus*, & *Ablativus*.

*Quid*

1 *Casus est specialis differentia numeri nominalis.*

Ita Sanctio post alios definire visum est, quem in plerisque sequimur, velut primum & unicum artis huius magistrum. *Specialis* (ait ille) *differentia dicitur, illa, qua cuique parti propria ac peculiaris est.* Jam verò numerus alius nominis est, alius verbi. Hinc ea, quæ sub eodem numero nominali inter se differunt, *Casus* vocantur, sicut *Persona*, quæ inter se sub eodem verbali numero discrepant. *Casus* autem à *cadendo* dicitur, quod aliter atque aliter desinat sive cadat, quod quidem in plerisque verum est; nam

pauca nomina sunt monoptota, quæ unum modò casum seu terminationem habent, ut *Genu*. Neutra etiam tribus tantum casibus variantur, ut *Templum*, *templi*, *templo*. *Opus*, *operis*, *operi*. Dativi etiam & ablativi omnes antiquitus tam apud Latinos, quam apud Græcos similiter cadebant, & hodie quoque in plurali numero eodem fine terminantur. Etsi autem casus à terminatione nomen habet, numerus tamen casuum à significatione, non à terminatione pendet, adeoque sex omnino in omnibus linguis casus sunt, velut *Minerva* nostra *Sanctiana* demonstrat.

Quid est 2 Genus?

Est differentia nominis secundum sexus notam.

Quot sunt Genera?

3 Tria. Masculinum, cuius nota est *hic*, ut *Hic dominus*. Femininum, cuius nota est *hæc*, ut *Hæc mensa*. Neutrum, cuius nota est *hoc*, ut *Hoc templum*.

Quot sunt Declinationes Nominum?

Quinque: nam est vel prima, cuius genitivus singularis definit in æ, ut *Mensa*, *mensæ*, vel secunda,

A 4

da,

2. Genus est differentia nominis secundum sexum notam.) Nomina sexum non habent, adeoque Grammaticus ea non sexu, sed nota sexus distinguit. Nota verò sexus masculini est *hic*, feminini *hæc*, neutri *hoc*. Itaque nomen pueri *Pagnium*, & meretricis *Glycerium*, sunt neutri generis, non quia sexu neutrum sint, sed quia nota neutri generis afficiuntur propter terminationem: nam per terminationis regulam nomina in *um* exeuntia sunt neutri generis.

3. Tria sunt Genera.) Fugit ratio Grammaticos, cum quædam nomina Communis generis, alia Omnis generis fecerunt, ut *hic* & *hæc homo*: *hic*, *hæc* & *hoc felix*. Nec enim Latine dicitur, *hæc homo*: neque ulli nomini adjectivo

sexus nota præponitur, propterea quod adjectiva genus non habeant, sed tantum terminationem accommodabilem, sive uni modo generi, ut *Bonus*, *bona*, *bonum*: sive duobus, ut *Fortis*, *forte*: sive tribus, ut *Par*, *oriens*, *felix*. Itaque cum legis, *hic felix*, nota sexus non pertinet ad nomen adjectivum, sed ad substantivum, *homo*, quod per figuram *Ellipsin* suppressum est & subaudiri debet. Similiter cum audis, *hæc homo*, subaudis aliud substantivum, nempe *femina*, ad quam illa sexus nota pertinet, quæ Elliptica Syntaxis erit, si dicas: *Helena fuit homo pulcherrima*; alia tamen res est in illo Sulpicii ad Cic. de Tulliola. Quoniam *homo nata erat*. Ibi enim plena Syntaxis est: *Tulliola*

nata

da, cujus genitivus singularis exit in *i*, ut *Domini*, *domini*: vel *tertia*, quæ facit genitivum singularem in *is*, ut *Sermo*, *sermonis*: vel *quarta*, cujus genitivus singularis terminatur in *us*, ut *Sensus*, *sensus*: vel *quinta*, cujus genitivus singularis exit in *ei*, ut *Dies diei*.

*Quot modis dividuntur Nomina?*

Duobus: Ratione generis, & speciei.

*Quotuplex est nomen ratione generis?*

Du-

*nata homo*. Sicut Just. l. 1. *Semiramis credita est puer*. Liv. 28. *Porcus natus erat famina*, Atque hoc ipsum in omnibus illis valet nominibus substantivis, quæ *Epicœna* dicuntur, id est, quæ sub una terminatione utrumque sexum, sed alterutrum præcipuè significant, quorum alia masculina sunt, ut *Homo*, *latro*, *vates*, *miles*, *agricola*, *custos*, *dux*, *elephantus*, *leo*, *bubo*, *milvius*, *mus*, *fus*, *grus*, *piscis*, *lupus*, *bos*, *porcus*, *anguis*, &c. alia fœminina, ut *Balana*, *aquila*, *vulpes*, *ta'pa*, *dama*, *musca*, *hirundo*, *hirudo*, *testudo*, *cornix*, *perdix*, *ovis*, *virgo*. *Epicœna* quoque masculina sunt nonnulla nomina verbalia in *tor* desinentia, ut *Pictor*, *auctor*, *auditor*, *scriptor*: alia *Epicœna* non sunt, cum eorum fœminina in *trix* ex-

stent, ut *Victor*, *ultor*, *altor*, *genitor* *Victrix*, *ultrix*, *altrix*, *genitrix*: quorum etiam nonnulla in plurali neutrius generis terminationem invenere, ut *Victores*, *victrices*, *victricia*: *Utores*, *ultrices*, *ultria*. In *Epicœnis* verò substantiva nomina *mas* vel fœmina subaudiuntur, ut si dicas: *Penthesilea olim strenua miles erat*, pro, *strenua fœmina miles erat*. *Hortensia fuit civis disertissima*, pro, *civis fœmina disertissima*. *Gravissima in filium testis est mater sua*, pro, *gravissima testis fœmina*. *Elephantus gravida*, subaudi, *fœmina*. Vide in Syntaxi figurata *Ellipsin*. Latine secundum regulam dices: *Hæc mulier est miles strenuus*, *bonus vates*, *idoneus auctor audendi*. *Vinum est dux pessimus*. *Aurum repudiatum est abstinentia testis optimus*.



Duplex: *Substantivum & Adjectivum*;

*Quid est nomen Substantivum?*

Quod cum uno genere declinatur, ut *Pater*, *mater*.

*Quotuplex est nomen Substantivum?*

Duplex: *Proprium*, quod uni soli rei, personæve convenit, ut *Cicero*, *Roma*, *Tiberis*, *Ego*, *Tu*, *Sui*. Et *Commune* sive *Appellativum*, quod multis convenit, ut *Homo*, *urbs*, *flumen*.

*Quid est nomen Adjectivum?*

Quod nullum genus habet, sed tantum generibus tribus quadrat, vel sub uno fine, ut *Felix*, *par*, *oriens*: vel sub duobus, ut *fortis* & *forte*: vel sub tribus, ut *Bonus*, *bona*, *bonum*. Italicè & Hispanicè ferè semper significat *cosa*, Gallicè *chose*, Germanicè *ding*.

*Quotuplex est nomen Adjectivum?*

Duplex: *Absolutum*, quod ad aliud non refertur: & *Relativum*, quod ad antecedens nomen refertur.

*Quotuplex est nomen Relativum?*

Duplex: Aliud *Generale*, quod ad antecedens sic refertur, ut in se ipsum non reflectatur, ut *Qui*, *hic*, *is*, *ille*, *ipse*, *iste*, *qualis*, *quantus*, *quotus*. Aliud *Speciale*, quod *Reciprocum* dicitur, & in se ipsum reflectitur, ut *suus*, *sua*, *suum*; nam *sui* & *sibi* & *se* sunt substantiva,

*Quotuplex est nomen ratione speciei?*

Duplex; *Primitivum*, seu primæ positionis, quod ipsum aliundè non formatur, ut *Beatus*. Et *Derivativum*, quod ab alio nomine habet originem, ut *Beatitas*, *beatulus*, *beatior*, *beatissimus*.

*Quot sunt genera nominum Derivativorum?*

Sunt quidem plura, sed hæc quinque præcipua, *Possessiva*, *Deminuta*, *Comparata*, *Superlata*, & *Verbalia*.

*Quid est nomen Possessivum?*

Quod idem significat, quod genitivus unde derivatur, ut *Paternus*, *meus*, *tuus*, *suus*: nam *Paternus* amor significat idem quod *Patris* amor.

*Quid est nomen Deminutum seu Deminutivum?*

Quod minus significat, quam suum primigenium, cujus semper genus & significationem servat, ut à *funē*, *funiculus*; à *rege*, *regulus*; à *pistrina*, *pistrilla*.

*Quid est nomen Comparatum seu Comparativum?*

Quod fit à positivo, id est, nomine adjectivo, addita syllaba *or*, ad primum casum in *i*, ut à *Doctus* *docti*, *doctior*, & significat idem, quod *positivum*.

4 *A fune funiculus*. ) Apud Lucretium quidem legitur: *Aurea de cælo demissis funis in arva*. Et lectionem Agellius, & Nonius agnoscunt. Sed cum Quintilianus perspicue affirmet, ex *funiculus* certò constare de masculino genere *funis*, facile mihi persuadeo poetam scripsisse *Aureu*, unde postea effectum *Aurea*.

5 *Comparatum, quod fit à nomine adjectivo*. ) Qualia suscipiunt magis & minus, substantiæ non item, ait Aristoteles, seu quis-

quis auctor est Categoriarum. Non ergo à nominibus substantivis comparativa derivari possunt. *Senex*, *juvenis*, *adolescens*, *infans*, adjectiva sunt, adeoque magis suscipiunt, ut dicatur *Senior*, *juvenior* seu *junior*, *adulescentior*, *infantior*. A *penus*, Plautus finxit *penior*, quoniam *penus* ei adjectivum est, pro, *astutus*: quo exemplo dices *Neronior*, ut *Nero* pro adjectivo *crudelis* sumatur. Nec à verbis (ait Sanctius) possunt creari comparativa, quia verbum est

fitivum, addita voce *magis*: nam *Doctior* est *magis doctus*. *Prudentior* est *magis prudens*.

Quid est nomen Superlatum seu Superlativum?

Quod fit à positivo seu nomine adjectivo addita *ssimus* ad primum ejus casum in *i*, ut à *Doctus*, *docti*, *doctissimus*, à *Prudens*, *prudens*, *prudenti*, *prudentissimus*, & significat idem quod positivum cum *valde*: nam *Doctissimus* significat *valde doctus*. Quædam tamen Superlativa in *llimus*, *rimus*, *timus*, aliterque exeunt, ut ab *Exterus* fit *extimus* & *extremus*: à *Superus*, *summus* & *supremus*: à *Posterus*, *postumus*, sive *postimus* & *postremus*.

Hæc tria dant *llimus*, *similis*, *facilisque*, *humilisque*.

Cum rectus fit in *ER*, ternus gradus in *Rimus* exit:

Ut *veter* & *deter*, quæ 6 *matur* jungito *priscum*.

### Sex

est veluti forma orationis, nec recipit comparisonem, nisi addito adverbio, ut, *Currit*, *magis currit*. *Prior* igitur & *deterior* non sunt derivata à verbis *potior* & *detero*, sed à nominibus *potis* & *deter*. Nec etiam à particulis comparata formantur. *Citer*, *exter*, *super*, *infer*, *ulter*, *sapius*, *propius*, apud priscos in usu erant. Inde formata, *Citerior*, *exterior*, *superior*, *inferior*, *ulterior*, *sapior* &

*sapius* ac *sapissimus*, *propior*. Falsum est, quod ajunt Grammatici, non posse formari comparativa à nominibus vocalem ante *is*, vel *us* habentibus. Bonos enim auctores habet *Tenuior* & *tenuissimus*: *assiduior*, *assiduissimus*: *strenuior*, *strenuissimus*: *exiguior*, *exiguissimus*: *egregior*, *egregiissimus*: *arduior*, *arduissimus*: *perpetuior*, *perpetuissimus*: *industrialior*, *innoxior*.

Sex Timus accipiunt, *dexter*, *citer* atque *sinister*,

*Interus* atque *ulter*, *extremus* & *extimus*, *exter*,  
*Inferus infimum* habet, *superus* cum *posterus*  
*Emus*,

*Diç alia Comparativa & Superlativa*  
*Anomala*,

*Bonus*, *melior*, *optimus*,

*Malus*, *pejor*, *peffimus*.

*Magnus*, *major*, *maximus*,

*Parvus*, *minor*, *minimus*,

*Multum*, *plus*, *plurimum*.

*Maledictus*, *maledicentior*, *maledicentiffimus*;

*Beneficus*, *beneficentior*, *beneficentiffimus*,

*Benevolus*, *benevolentior*, *benevolentiffimus*;

*Pris*, *antiquum*, *prior*, *primus*.

*Sic* *Poster* & *postris*, *priscum*, *posterior*,

*Sicut* *Sacer* & *sacris*,

*Senex*, *senior*.

*Juvenis*, *junior*,

*Propior*, *proximus*,

*Pius*, *piiffimus*,

*Invitus*, *invitiffimus*,

*Novus*, *noviffimus*.

*Ocyor*, *ocyffimus*; à *Greco οξύς*, id est, *celer*,

*Quid*

6 *Matur* ) *Maturrimus* est  
*Cæfari*; *Ciceronis* & *Co-*  
*lumellæ maturiffimus*. *Plau-*  
*tus* ab *ipfe* finxit *ipiffimus*,  
 à *patrio*, *patriiffimus*. *Se-*

neca ab *imbecillis*, *imbecilli-*  
*mus* & *imbecilliffimus*. *In-*  
*faniffimum* dixit *Varius* in  
*Thyeste*.

*Quid est Nomen verbale?*

Quod ab aliquo verbo ducit originem.

*Quotuplex est Nomen Verbale?*

Triplex: Aliud est verbi expers: aliud verbi particeps, quod Participium vulgo dicitur; aliud participiale. *Vid infra Annotationes, pag. 17. & seq.*

## DE VERBO.

*Quid est Verbum?*

Est vox particeps numeri personalis cum tempore, id est, quæ numerum, personam, & tempus habet.

*Quid est Persona, vel potius, Facies?*

Est specialis differentia numeri verbalis.

*Quotuplex est Persona?*

Triplex. Singularis prima, ut *Amo*. Singularis secunda, ut *Amas*. Singularis tertia, ut *Amat*. Pluralis prima, ut *Amamus*. Pluralis secunda, ut *Amatis*. Pluralis tertia, ut *Amant*.

*Quid est tempus?*

Est differentia verbi secundum præsens, præteritum, & futurum.

*Quot sunt Tempora Verbi?*

Quinque. *Præsens, Præteritum imperfectum, Præteritum perfectum, Præteritum plusquam perfectum, & Futurum.*

*Quot sunt verbi conjugationes?*

Quatuor: nam est vel *Prima*, cujus secunda persona primi præsentis exit in *as*, ut *Amo, amas*: vel *Secunda*, cujus secunda persona primi præsentis exit in *es*, ut *Doceo, doces*: vel *Tertia*, cujus  
secun-

secunda persona primi presentis exit in *is*, & infinitum in *ere* breve, ut *Lego*, *legis*, *legere*. Vel *Quarta*, cujus secunda persona primi presentis exit in *is*, & infinitum in *ire* longum, ut *Audire*, *audis*, *audire*.

*Quot modis dividuntur verba?*

Duobus. Ratione accidentium suorum, & ratione significati.

*Quotuplex est verbum ratione accidentium?*

Duplex: *Personale*, seu *Finitum*, & *Impersonale*, sive *Infinitum*.

*Quid est Verbum Personale seu Finitum?*

Quod certa persona, tum etiam numero & tempore certo finitur, seu determinatur, ut cujus personæ, numeri & temporis sit, dici possit, ut *Amo*, *legisses*, *curritur*, *pluit*, *ningit*, *lucescit*.

*Quid est verbum Impersonale sive Infinitum?*

Quod certa persona non finitur, sed nec numerum aut tempus certum habet, ut *Amare amavisse*. Plaut. Curc. a. 1. s. 1. Ita conferto tuum amare, pro tuum amorem. Vulgo vocant verbum Infinitivi modi, quod sæpe nominis substantivi vim habet, ut *Virtus est vitium fugere*, pro, *fuga vitii est virtus*. *Tempus est abire*, pro, *abitionis*. *Magis paratus servire, quam imperare*, pro, *magis paratus servituti, quam imperio*. *Non tanti erio pœnitere*, pro, *pœnitentiam*. *Ibo videre*, pro, *ad videre, sive ad visionem*. *Dignus legi*, pro, *lectu vel lectione*. *Dignus amari*, pro, *amore*. Tibul. *Causa perire*, pro, *interitus*. Plaut. Aul. a. 2. s. 5. *Ne operam perdas poscere*, id est in poscendo.

*Quotuplex est verbum ratione significati?*

7 Tri-

7 Triplex: *Substantivum*, quod substantiam sive substantentiam significat, ut *Sum*, *sis*, & priscum *suo*. *Activum*, quod actionem significat, ut *Vivo*, *amo*, *curro*, *consolor*, *amplector*: nam ista in *Or*, deposuerunt passivam significationem, ex coque *Activa deponentia* dicuntur. *Passivum*, quod passionem significat, ut *Vivitur*, *amatur*, *curritur*.

Nullumne est verbum *Gerundum* seu *Gerundium*?

Nullum: nam *legendi* & *legendo*, quæ vulgo verba *Gerunda* dicuntur, non sunt verba, quoniam nec tempus, nec personam habent, sed sunt participia passiva cum genere, casu & numero. Nam *legendi* est genitivus singularis neutri *legendum*: *legendo* autem est ablativus singularis neutri *legendum*, ac propterea præpositio ei præponi potest hoc modo: *In legendo fies doctus*: ubi subauditur verbum infinitum *legere*, quod nominis vim habet in ablativo, quasi dictum esset: *In legendo lectu*, sive *in legenda lectione fies doctus*. Tempus est *legendi*, subauditur *legere*, quod vim habet nominis in genitivo, quasi esset: *Tempus est legendi lectus* seu *legendæ lectionis*. Nunc est *legendum*, subauditur *legere*, quod vim habet nominis in

7 Triplex est verbum *variatione significari*. ) Neutra verba ( ait Sanctius ) nullo pacto esse possunt, quia teste Aristotele, omnismotus, actio aut passio, nihil medium est. Communia verba, id est, simul activa & passiva, fuerunt

multa ante Ciceronis tempora, postea verò deposuerunt passivam significationem, unde dicta sunt. *Deponentia*. Sed mera sunt activa: quid enim differant, *Prosequor te honore*, & *afficio te honore*.

in nominativo. *Legere* autem valet idem quod *lectio*, nisi quod illud neutrum est, hoc fœmininum. Idem enim sunt, *Legere jucundum est*, & *lectio jucunda est*.

*Nullumne est verbum Supinum?*

Nullum: nam *lectum* & *lectu* quæ vulgo *Verba supina* dicuntur, non sunt verba, quoniam in iis nec persona, nec tempus, nec numerus apparet, sed sunt nomina substantiva quartæ declinationis, accusativi & ablativi vel dativi casus, adeoque cum præpositione inveniuntur, ut *Oves eunt pastum*, vel *ad pastum*, sive *ad pastionem*. *Redeunt pastu*, vel *è pastu*, sive *à pastione*. *Visu mirabile*, pro *visui*: nam dativus facit *visui* & *visu*. Similiter autem dictum est, ut *Oculis mirabile*. *Acerbus sensu* & *acerbus sensibus*.



# D E P A R T I C I P I O.

*Quid est Participium?*

Est vox participes numeri casualis, tempus & constructionem à verbo ducens, sive quod numerum, casum, tempus & verbi constructionem habet, ut *Amans*, *amaturus*, omnia tempora significat in activo, sicut *Amatus* & *amandus* in passivo. Dicimus enim: *Sum amans* & *amaturus*. *Sum amatus*. vel *amandus*. *Fui amans*, *amaturus*, *amatus amandus*. *Ero amans*, *amaturus*, *amatus*, & *amandus*, Quare dicitur Participium. *Vid. Annotationes.*

## B

Participia orationis partem feci à Nomine & Verbo diversam: qua in re plus opinioni Grammaticorum, quam veritati dedisse me fateor. Verè enim nihil aliud participium est, quam verbale nomen, sed quod alicujus verbi accidentis sit particeps, qualia sunt cum tempus, tum casus rectio, tum denique status, aut motus significatio. Substantiva quippe verba statum, seu substantiam, aut subsistentiam significant, reliqua motum, id est, actionem, aut passionem. Rectè proinde nomina verbalia, id est, originem suam verbo debentia, vel à ver-

bo derivata, trium generum fecerimus, ut eorum alia sint *Expertia verbi*, cum quibus nullum verbi accidens communicatur, alia *Participia*, quæ aliquod verbi accidens participant, alia denique *Participialia*, quæ aliquid participii, etsi nihil verbi participant. Nominum participium alia casus rectionem & significationem motus de verbi natura participant, eaque vel substantiva, vel adjectiva. Substantiva sunt, *Tactio*, *curatio*, & *tactus curatus*, quartæ declinationis *Motio*, *motus*, *momen*, *momentum*: cuius generis nomina cum actionem signifi-

ficant, tum prisco more accusativum, id est, verbi sui casum regunt. Dicebant enim, *Quid tibi me tatio est? Quid tibi hanc rem curatio est?* Retentum quoque fuit, *Venio ad spectatum ludos*, & per Ellipsin, *Venio spectatum ludos*. Adjectiva sunt, *Vitabundus*, *latabundus*, *ludibundus*, *moribundus*, quæ & actionis significationem & accusativi expressi, aut suppressi rectionem cum verbis suis participant. Dicitur enim *vitabundus hostes*, in cæteris sicut in *latare lasitiam*, in *ludere ludum*, in *mori mortem*, subauditur. Alia participium nominum, sive participiorum cum tempus, tum significationem, sive status, sive motus a verbo ducunt. Nam *ens* & *futurus* substantiva sunt: activa verò *amans* & *amaturus*: passiva denique *amatus*, *amandus*. Nonnulla terminatione passiva, significa-

tionem autem activa, ut *Cantus*, qui cavet: *Juratus*, qui juravit: *Cœnatus*, qui cœnavit: *Pransus*, qui prandit: *Obitus*, qui obiit, *Occasus*, qui occidit. Participialia nomina vel originem cum participiis communem habent, vel terminationem. Prioris generis alia sunt comparata nomina, ut *Amantior*, *doctior*, *comitator*: alia composita, ut *Indecens*, *indiligens*, *indolens*. Sic *Indicens* apud Terentium Adelph. qui non dixit, act. 3. sc. 4. *Non me indicente hac sunt*. Et Cic. *Insciente me discessit*. Terminationem participiorum cum illis communem habentia, sunt *Laureatus*, *ocreatus*, *cristatus*, eorumque similia. Verum enim cum ista spinosiora, quam ut tenera tironum ætas ea possit intelligentia comprehendere, Magistros de iis admoneri satis mihi visum fuit.

## D E

## PRÆPOSITIONE.

*Quid est Præpositio?*

Est vox expers numeri, quæ casibus præponitur, & in compositione reperitur.

*§ Quotuplex est Præpositio?*

Duplex: Alia Casualis, quæ casibus natura sua

B 2 præpo-

§ Præpositionibus Grammatici annumerant; Circiter, prope; propius, proxime, pridie, postridie, procul; secus, usque; versus & versus. Sed ea esse adverbia Sancti Minerva docet; qua de re nos quoque in adverbiorum Syntaxi attigimus. Secus viam, pro; juxta; secundum: Quintilianus ætate sua vulgo usurpari solere significat; cum lib. 8. cap. 2. ita scribit: *Pessima sunt adiarontæ, hoc est, quæ verbis aperta, occultos sensus habent*, ut Conductus est cæcus secus viam stare. Sed non intelligo, cur id dicat *adiarontæ*, cum satis planus ejus esse sensus videatur; nimirum, *cæcum præcio fuisse conductum, ut staret secus viam*. In sacris quidem legimus Psalm. 1. de Ligno secus decursus

*aquarum*. Atque hinc nisi me animus fallit; Historiæ Indicæ conditor, lumen & ornamentum Societatis Jesu Maffæus errorem illum hausit, ut *secus* præpositionem crederet; in eaque tantum non delicias faceret; ut Epist. lib. 2. epist. de obitu Silveriæ: *Secus diversorium*. Et lib. 3. epist. Ludovici Almeidæ: *Secus aream*. Et lib. 4. epist. 1. *Aream ad mare secus arcem optimo situ*. Atque hinc intelligi potest, quam parum tuta sit frequens eorum librorum lectio, qui minus bona Latini sermonis ætate scripti fuere, si quis præsertim, quod Italici hominibus sua ingeniorum felicitate fretis solemne est, omnes veteres auctores & Grammaticos cognoscendi laborem refugiat. Certè si Charisium

Sofin

Præponitur ; alia *Compositiva* ; quæ cum aliis vocibus composita unum vocabulum efficit , sive cæ voces sint nomina , sive verba , sive particulæ.

*Quotuplex est Casualis Præpositio ?*

Triplex : Alia accusativo tantum præponitur ; alia ablativo ; alia promiscuè utrique.

*Quæ Præpositiones præponuntur Accusativo ?*

Ad ; apud ; ante ; adversus vel adversum ; cis ; citra ; circa , circum , contra ; erga , extra , intra ; infra ; juxta ; ob ; ponè ; per ; propter ; post ; præter ; penes ; supra ; secundum , trans ; ultra.

*Quæ*

Sosipatrum legisset Maffejus , numquam ille , ut ista scriberet , animum induxisset : Ejus enim lib. 1. verba sunt : *Secus* ; *adverbium* ; significat ; aliter . Unde nascitur *secinus* à *ἄλλοτριος* . Cæterum id , quod vulgus usurpat ; *Secus* illum sedi , hoc est , secundum illum ; & *fatuum* & *sordidum* est : Neque tamen deterioris notæ est *secus* ; quam *amiculus* ; pro ; *amiculum* ; quo idem Maffejus Histor. Ind. lib. 12. sic utitur : *Tunica amiculum superinduunt breviorē ; manicis non ultra cubitum eminentibus ;* quò etiam loco , satis imperitè *eminentibus* dixit ; pro ; *pertinentibus* ; sive ; ut posteriores maluerunt ; *pertinentibus* ; etsi id alibi sciolorum opera in uno

Sallustii & Cæsaris loco subsedit : nam ut Servius notat , *eminere* dictum est , à *minis* ; sive pinnis murorum in altum editis . Etsi ergo *ἀξυρον* hoc ; *Cubitus* è *manicis* eminet , pro ; *exstat* ; bonis auctoribus defendi potest ; longè tamen aliud est ; *Manica* non *ultra cubitum* eminent : Ejusdem notæ est *caliga* ; pro ; *bracis femoralibus* ; libro 12. *Talarem* gestant *tunicam* ; *hanc domi* demittunt ; *prodituri* autem in *caligas* infundunt ad *inum* aequaliter *laxas* . Sed de istis eorumque similibus , quibus dictionem Maffei cæterum cultissimam , inquinatam deprehendi , in *Synagmate* nostro de *Styli historici virtutibus* , uberius disputatum Lector inveniet.

*Quæ Præpositiones præponuntur Ablativo?*

A, ab, abs, absque, cum, coram, de, è, ex, 9 foras, pro, præ, palam, 10 sine (ex pri-  
sco *se* vel *sed*) tenus,

*Quæ Præpositiones utrique casui præponuntur?*

Clam, in, sub, subter, super.

*Quotuplex est Præpositio Compositiva?*

11 Duplex. Alia extra compositionem habet pro-  
priam significationem, alia nisi in compositione ni-  
hil significat.

*Quæ habent propriam significationem?*

12 Abhinc, 13 admodum, 14 ante hac, 15 cir-

B 3

cum-

9 Foras, palam) Ista præ-  
positionibus contribuere mi-  
hi visum est, quod ea sex-  
to casui præposita compe-  
rissim, nec Ellipsis locum  
esse judicarem. Lucret. 6.  
de pestilentia: Spiritus ore  
foras tetrum volvebat odo-  
rem: Et supra: Atque aliud  
per ligna, aliud transire per  
aurum, argentoque foras,  
aliud vitroque meare, id est,  
exire ex argento, seu transi-  
re per argentum. Liv. lib. 6.  
Creditori rem palam populo  
solvit. Horat. Epod. 11. Ubi  
hac severus te palam lauda-  
veram, pro, coram te. Fal-  
litur ergo Grammaticus ve-  
tustissimus Fl. Caper, cum  
scibit: Coram illo dicendum  
est, non palam illo: nam  
palam ad multos refertur.

10 Sine ex priusco *se*, vel

*sed*) Pervulgatum est veteres  
dixisse: *Se fraude*, pro  
*sine fraude*, & *sedulo*, esse  
*sine dolo*. *Sed*, pro, *se*, no-  
tauit Festus. Ex *se* porro  
formatum est *sine*, ut ex  
*Prodit*, *prodinit*; ex *jecor*,  
*jecinor*. *Secors*, est *sine cor-*  
*de*. *Segnis*, *sine igni*, &  
velut frigidus ad agendum,

11 Præpositiones compositi-  
vas alias *Loquelaes*, alias  
*Significativas* feci. Priorum  
nulla est Syntaxis præter  
illam, quam apertè ferunt.  
Posteriorum quis usus sit,  
jam exsequemur,

12 Abhinc) Significat  
*tempus*, quasi dicas, *ab hac*  
*die* (vel cum Cicerone *ex*  
*hac die*) *dies numerando*,  
ac promiscuè de præterito  
& futuro tempore usurpa-  
tur, Cic. *Abhinc annis quin-*  
*decim*,

decim, ubi subaudi præpositionem; in, à qua ablativus regitur. Idem: *Abhinc duos*; *¶* *viginti annos est mortuus*, subaudi præpositionem ante. Terent. *Abhinc triennium huc commigravis*. Plautus eodem sensu hinc usurpat, Trucul. *Me nihilo magis respiciet; quam si hinc ducentos annos fuerim mortuus*, subaudi ante: similiterque Turpil. *Lindia: Factum esse diem hinc quartum hodie*. Plautus Casin. *Annos abhinc factum est sexdecim; cum conspicatus est puellam exponi*, pro quo dicti poterat: *Annos est sexdecim cum conspicatus est*; sicut idem Aulul. *Hanc domum multos annos est cum possideo*; *¶* *colo*, pro, ante multos abhinc annos factum est, cum possideo, seu quod possideo; nam quom & quod indifferenter Plautus, Terentius & Cicero hac in re usurpant, eo quod quom sive quem aut cum sit accusativus omnibus generibus congruens, à quis omnium generum; velut in Paradigmatè annotavi. Quia verò quom & quod adjectiva sunt, itaque relata, nomen substantivum antecedens, quod referant, subaudiri necesse est. Tale verò nomen est tempus, aut etiam negotium, quod La-

tinis idem est quod res, Italis & Hispanis cosa, Germanis, ding. Gallis chose. Jam satis constat rectè Latine dici. Si est ut ille hanc domum possideat, pro, si ita est negotium, si ita est res ut ille domum possideat. Rectè quoque dicitur, Quom vales, gaudeo, & Quod vales gaudeo, pro, ad quom, sive ad quod negotium, id est, ad quod negotium quod attinet: Sensus ergo est: Quantum ad illud negotium attinet, ad quod vales, gaudeo. Quoniam est ut valeas, quoniam ita res est ut valeas, gaudeo. Vis itaque Plautinorum verborum hoc modo explanabitur; Negotium illud, ad quod ego hanc domum possideo, factum est abhinc ante multos annos. Similis est alter Plauti locus in Persa: Nondum sex menses est quom leno huc commigravis, pro, nondum abhinc ante sex menses factum est negotium, cum huc migravit. Sin quis tempus subaudire malit, sensus erit: Nondum abhinc ante sex menses factum est tempus, sive fuit tempus. Indifferenter enim dicitur: Factum est tempus cum, & fuit tempus cum. Ita Tempus erit cum, tempus veniet cum, tempus fiet cum, quod etiam subauditur, in est cum, erit.

cumcirca , 16 contraea , 17 dehinc, dein, deinde ,  
B 4 18 de

erit cum . ( Si cui insolentius videbitur , Factum est tempus , noverit Ciceronem dixisse 5. Att. 20. *Apamea quinque dies morati , Iconi decem fecimus . Et Alfenius J. C. Servus fugerat , & annum in fuga fecerat . Et Senec. epist. 66. Paucissimos una fecimus dies .* ) Cæterum abhinc de futuro usurpat Pacuvius : *Seque ad ludos jam inde abhinc exerceant .* Cic. pro Roscio Com. *Repromittis tu abhinc triennium Roscio ? Ubi subauditur , post .*

13 *Admodum .* ) Cum Modus Latinis & quantitatem & qualitatem significet , hinc fit , ut *admodum* alias idem significet , quod *valde* , alias quod *propemodum* , *serè* , *quasi* , *circiter* . Cicero : *Non admodum grandis natu .* Livius : *Exacto admodum mense Februario .* Idem : *Sex millia hostium casa , quinque admodum Romanorum .* Idem : *Vehicula mille admodum capta .* Cicero : *Curio literarum nihil admodum sciebat , id est , quasi nihil .* Columella : *Admodum exigui pulveris subjecimus .* Ubi subauditur *rem* : nam *res pulveris* , est *pulvis* . Ita Varro : *Apponendum est bene olentium herbarum ; aut*

*dictum putabimus , ad pulveris modum , sicut ad instar* dixit Serentis Septimius : cum *instar* sit nomen substantivum effigiem vel similitudinem significans .

14 *Antehac .* ) Significat *ante hac facta aut tempora* : nam veteres , *hac* , pro *hac* dicebant . Plaut. *Afin. Ego illum antehac semper sum hominem frugi ratus .* Idem *Mil. Ante hoc factum hunc sum arbitratus semper servum pessimum .*

15 *Circumcirca .* ) Plaut. *Aul. a. 3. f. 4. Ubi capis scalpurre ungulis circumcirca .* Sicut Græci ἀμφὶ πρὸς πρὸς περιεγύρῃς circumcirca fontem .

16 *Contra ea ,* ) Una voce dixerunt , sicut *interea* , *præterea* , *postill'a* , ubi ultima syllaba a poetis producit , ut unum ex duobus vocabulum factum appareat . Exstat apud Cæsar. lib. 3. belli civilis , apud Sallust. Jugurth. apud Livium & Cor. Nepotem sæpius . Liv. 4. *Superbè ab Samnitibus legati prohibiti commercio sunt : contraea benignè à Siculo- rum tyrannis adjusi .* Nepos Agesil. *Nullum in eo signum libidinis , nullum luxuria : contraea plurima patientia at- que*

18 derepente , 19 desubito , 20 desuper , 21 eloco ,

que abstinentia. Idem Epam. Quod me Agamemnona amulari putas , falleris : namque ille cum universa Gracia vix decem annis unam cepit urbem ; ego contraea una urbe nostra , dieque uno totam Graciam liberavi . Sic ibi lego , pro , contra ex una . Terentius , Contra hac , contra omnia , contra hac omnia , eodem sensu usurpat .

17 Dehinc , dein , deinde . ) Dein per Apocopen , pro deinde dictum est . Inde verò sicut & hinc ; motum à tempore aut loco significat . Usurpatur ergo deinde , pro postea , ratione loci , Terent. Accepit conditionem , dein questum occipit . Idem : Factum esse non negat , & deinde facturum autumat . Cicero : An ego tibi obviam non prodirem ? primum Appio Claudio ? deinde Imperatori ? deinde more majorum ? deinde ( quod Lepus est ) amico ? Idem usus est præpositionis dehinc , Virgil. Oscula libavit nata , dehinc talia fatur . Plaut. Si quidem ante mentitus sit , nunc jam dehinc erit tibi verax .

18 Derepente . ) Cicero : Tu derepente irrupisses ,

19 Desubito ) Plaut. Si apud te eveniat desubitoprandium aut potatio .

20 Desuper . ) Significat idem quod de supero aut superiore loco . quomodo Plautus loquitur Amph. Iluc sursum ascendero , inde optimè sic cispellam virum . De supero faciam , ut sit madidus . Virg. His ego nigrantem commista grandine nimbum Desuper infundam . Lucretianum est : Ex supero .

21 Eloco , extemplo . ) Significat , statim , è vestigio . Templum enim pro quovis loco undique aperto dicebant . Usus præpositionis hinc licet colligere . Plaut. Afin. act. 1. sc. 2. At malo cum tuo : nam jam ex hoc loco ibo ego ad tres viros , vestraque ibi nomina faxo erunt , Et Trucul. act. 2. sc. 4. Ego isti non munus mittam ? Jam modo ex hoc loco jubeo ad istam quinque perferri minas . Liv. 36. Alii extemplo agendum , alii differendum in veris principium censebant . Plaut. Cap. Ne tu me ignores , cum extemplo è conspectu meo abscesseris . Vide mox in exadversum .

22 Exante . ) Liv. lib. 45. Supplicatio pro concione



eloco, extemplo, 22 exante, 23 exadversum,  
24 examussum, 25 exhinc, 26 exin, exinde,  
27 ex-

populo indicta est exante diem  
quintum Idus Octobris, id  
est, ex illo die in diem quin-  
ctum, antequam dies quin-  
ctus finem haberet: sicut enim  
intelligebant, cum dice-  
rent, Ante diem tertium,  
quartum, &c.

23 Exadversum.) Terent.  
Phor. Modò vidi quandam  
virginem, suam lamentari ma-  
trem mortuam: ea sita exad-  
versum, id est, mater mor-  
tua posita erat è regione vir-  
ginis. Ibid. Exadversum  
ei loco constrina erat quadam.  
Ubi Donatus ait, pro eilo-  
co, legi etiam, illico. Ni-  
mirum scripserat Teren-  
tius, eloco. Nepos Thrasyb.  
Cecidit Critias, cum quo  
exadversus Thrasybulus for-  
tissime pugnavit. Ita est in  
veteri codice optimo. Cic.  
1. Divin. Ara Ajo loquenti  
exadversus eum locum conse-  
crata est. Ubi duo illa ver-  
ba, eum locum, ex glossa  
videntur irrepsisse; et si  
apud Nepotem quoque in  
Themist. legimus; Factum  
est, ut ab Arthemisio discede-  
rent, & exadversum Athe-  
nas apud Salamina classem  
suam constituerent.

24 Examussum.) Significat

exactè, perfectè, quasi ad  
amissum. Plaut. Amph. Na  
ista adepol examussum est opti-  
ma. Et Most. Aedes facta  
examussum. Et Menæc. Ut  
hanc rem vobis examussum  
disputem.

25 Exhinc.) Lucret. lib.  
3. citante Prisciano: Ani-  
ma cum animi vi percussa est,  
exhinc corpus propellit, id est,  
statim, ex hoc loco. Sue-  
ton. Tiber. Post hac coma-  
tam Galliam rexit. Exhinc  
Rheticum Vindelicumque bel-  
lum. Cicero similiter ex  
hac die, de præterito &  
futuro usurpat, pro quo  
vulgo barbarè, ex tunc &  
ex nunc, quæ tamen sunt  
facta, ut exhinc, exinde,  
inante, exante, praequam.  
Plautus de futuro, Perf.  
act. 4. sc. 3. Bonus volo jam  
ex hoc die esse, id est, post  
hac.

26 Exin, exinde.) Vir-  
gil. Quisque suos patimur ma-  
nes, exinde per altum Mit-  
timur Elysiū. Plautus Pseud.  
Proinde ut quisque fortuna  
utitur, exinde sapere cum di-  
cimus. Et Truc. Postquam  
alium reperit, qui plus da-  
ret, me exinde amovit lo-  
co. Varro 1. rust. 20. Alij  
asel-

27 extraquam, 28 inante, 29 impræsentiarum, 30 inibi, 31 in loco, 32 insuper, 33 interea, interim,

*pellis*, alii vaccis ac mulis utuntur, exinde ut pabuli facultas est, properinde ut. Just. Populum eodem ornatu vestiri jubet, quem morem vestis exinde gens universa tenet, pro, inde ex potempore. Macer Jurisc. Annus exinde computandus est, ex quo ea annotatio publicè innotuit.

27 Extraquam. ) Significat, præterquam, nisi. Cicero. Addat exceptionem hanc, extraquam si quis reip. causâ exercitum non tradiderit. Livius: Campanos omnes liberos esse jusserunt, extraquam qui eorum, aut ipsi, aut parentes eorum apud hostes essent.

28 Inante. ) Cicero: Caudem te optimatum contulisse inante diem quintum Calendas Novembris, pro, in diem ante diem quintum, id est, in eum diem, qui incideret antequam dies quintus præterisset. Propert. Si quis vult fama tabulas antequam vetustas, Hic dominam exemplo ponat inante meam.

29 Impræsentiarum. ) Vix mihi persuadere possum, quin vocem hanc a posterioribus malefictam credam.

Legitur etiam in Cornelio Nepote in vita Hannib. Cum Scipione, exhaustis jam patriæ facultatibus, cupivit impræsentiarum bellum componere, quo valentior postea congredederetur.

30 Inibi. ) Significat ibidem. Cicero: Luxuries Annibalem Capua corripuit: superbia nata inibi esse ex Campanorum fastidio videtur. Idem: Quod sperare debemus aut inibi esse, aut jam esse confectum. Plaut. Perf. Marcupium habeat, inibi paulum præsidii.

31 In loco. ) In loco, ex quo factum illicitè & illicè, significat statim, e vestigio. Dictys lib. 6. 12. Acastus ubi præter spem se liberatum animadvertit, spontè in loco cuncta regni Neoptolemo tradidit.

32 Insuper. ) Significat, præterea, vel super illa, quæ jam dicta sunt. Terent. An pœnitebat flagitiis, ni miserum insuper etiam patri indicares? Livius: Si hoc non satis est, insuper pœnas expetite. Idem: Humus insuper injiciebatur, pro, supra. Virgilius cum ablativo ponit, insuper his, pro, præter hæc, his amplius.

Lu-

rim , interibi , 34 interdiu , 35 interdum , 36 perinde , 37 postea , posthac , posthinc , postibi , postilla ,

**Lucretius cum accusativo :** *Insuper alienos rogos exstru-  
Eos consanguineorum cadave-  
ra locabant . Ita & Cæsar :*  
*Hanc insuper consignationem  
tantum adstruxerunt .*

33 *Interea , interim , inte-  
ribi .* ) Significat , *inter ea  
negotia , facta vel tempora ,  
id est , per idem tempus , quo  
aliquid aliud negotii peragi-  
tur .* Cicero : *Hac dum Ro-  
ma geruntur , Quintilius inte-  
rea , &c.* Terent. *Interea  
dum is venit , domi opperia-  
mur .* Livius : *Inter agenda  
hac , pro , interea , ut vi-  
deatur Ellipsis esse in voce  
interea , subaudiaturque agen-  
da negotia , sicut Plaut. Stich.  
Inter illud negotium meis  
amicis curavi , ut cœna esset  
cocta .* Et Cistell. *Inter rem  
istam agendam hera huic res-  
pondi , quod rogabat .* Idem  
Rudente : *Jam hic ero , tu  
interibi adorna , quod opus  
est .* Cicero : *Hoc interim  
spatio conclave illud concidit .*  
Uterque Seneca & uterque  
Quintilianus *interim , pro ,  
interdum , nonnunquam , ali-  
quando* ponunt , sed id de-  
generantis jam Latinitatis  
specimen existimari potest .

34 *Interdiu .* ) Significat ,

*de die , interim dum dies est .*  
Plautus etiam *interdum* usur-  
pat . Cicero : *Noctū an in-  
terdiu .* Ridicule Quintilia-  
nus lib. 1. extremo cap. 4.  
*Noctū & diu* adverbii an-  
numerat . Leguntur enim  
cum præpositionibus abla-  
tivum regentibus , & cum  
adjectivis ablativi casus .  
Plaut. *Hac noctū somniavi .*  
Ennius : *Hac noctū fīlo pen-  
debit Hetruria tota .* Teren.  
*Cras cum primo lucu .*

35 *Interdum .* Significat ,  
*aliquando , aliquo tempore .*  
Cicero : *Interdum , vel potius  
nimium saepe .* Geminatio ver-  
borum habet *interdum* vim ,  
leporem aliàs . Festus : *Inter-  
duatim dicebant antiqui , quod  
nunc interdum , & interim .*  
Hinc apud Plaut. Truc.  
act. 4. sc. 4. ubi legitur :  
*Vale Phronesium . PH. jam  
me tuum oculum non vocas ?*  
*DI. Id quoque interim futu-  
tim nomen commemorabitur .*  
Scribendum censeo : *Id quo-  
que interdumtim nomen com-  
memorabitur .*

36 *Perinde .* ) Significat ,  
*similitudinem .* Plaut. *Omnes  
res perinde sunt , ut agas ;  
ut eas magnificias* Cic. *Ha-  
bes à patre munus mea qui-  
dem*

stilla, postinde, postmodo, postidea, postidem, 38  
præterea, præterhac, 39 præquam, 40 præterquam,  
41 prout, 42 proin, proinde, 43 pronuper, 44  
pro-

dem sententia magnum, sed  
perinde erit, ut receberis.  
Liv. 27. Ut viseret agros  
cultaque ab incultis notaret,  
& perinde dominos laudaret  
castigareque. Sallust. Mi-  
thridates corpore ingenti, pe-  
rinde armatus.

37 Postea, posthac, post-  
hinc, postibi, postilla, postin-  
de, postmodo, postidea, post-  
idem.) Significat, post fa-  
ctum vel tempus aliquod, vel  
post tempora, sicut supra, an-  
tehac Ovid. 1. Fast. Postea  
mirabar, quod non sine liti-  
bus esset. Ubi a breve ar-  
guit nomen esse. Usus ta-  
men talia fecit particulas,  
ex eoque a sæpius produci-  
tur. Plaut. Merc. Nescio  
quid meo animo est agere: po-  
stea hac nocte non quievi sa-  
tis ex sententia, pro, tum  
verò, præterea autem. Idem  
Stich. Dejiciam telas aranea-  
rum. G. E. misera algebunt  
postea. Idem Curcul. Eum  
qui vendidit mihi puellam,  
numquam postilla vidi. Ca-  
tul. Nec sibi postilla metue-  
bant talia verba. Cic. Id  
ne umquam posthac accidere  
possit, providendum est. Vir-  
gil. Posthinc ad naves gradi-  
tur socioque revisit. Plaut.

Mil. Verberetur etiam, po-  
stibi amittendum censeo. Et  
Stich. Nunc intro ibo & sa-  
crificabo, postibi jubebo nobis  
cœnam coqui, Lucret. In  
pedibus primum digitos live-  
scere & ungues, inde pedes  
& crura mori: postinde per  
artus tre alios tractim gelidi  
vestigia leti, Livius, Si Ar-  
deates arbitrium Senatui per-  
mittant, fore ut postmodo  
gaudeant se ira moderatos.  
Plaut. Cist. Ubi id erit fa-  
ctum, ornamenta ponent, po-  
stidea loci qui deliquit, va-  
pulabit. Idem Aul. act. 1.  
sc. 2. Nunc quo profectus sum  
ibo, postidem domum. Sic in  
optimis libris veteribus le-  
gitur, Varro lib. 8. de ling.  
Latina: Verbis, qua non ad  
rationem sunt, oportet non  
uti. Sic enim obsolescent, ac  
postidem facilius corrigi pote-  
runt. Sic ibi lego, pro,  
postea idem.

38 Præterea, præterhac.)  
Significat propriè, præter vel  
ultra hæc, qua jam dicta  
sunt, aut præter, sive post  
hæc tempora, aut facta. Ci-  
cero: Est philosophi nobilis  
filius, homo præterea festivus.  
Idem: Tibi unico concedo, præ-  
terea nemini. Idem: Non  
possum.

propalam, 45 propemodum, 46 proporro, 47 propterea, 48 proquam, prout, 49 protenus, 50 subinde, 51 superquam.

Hu-

*possumus hujus & praterea cuiusvis civitatis esse cives. Sallust. Numquam Hispanos praterea tale facinus facere ausos, id est, praterquam illo tempore. Plaut. Rud. Si praterhac unum verbum faxis, ego tibi comminuam caput.*

39 *Praquam.* ) Significat idem quod in comparatione alicujus imparis, sicum alio majori aut minori confertur. Plaut. Amph. Parva res voluptatum est in vita; praquam quod molestum est. Mostell. Jam minoris omnia facio; praquam quibus modis me ludificatus est. Aulular. Nemo sine grandi malo; praquam res patitur; studuit elegantia; id est, plus quam res familiaris patitur. Nam pra comparationem inaequalium significat; sicut & ante.

40 *Praterquam.* ) Terent. Verbum si mihi unum, praterquam quod te rogo, faxis. Cicero: Nullas tibi praterquam ad te dedi literas. Livius: Multitudo coalescere in populi unius corpus nulla re; praterquam legibus poterat. Cor. Cellius: Aqua frigida infusa praterquam capiti; etiam sto-

macho prodest, pro; non modo capiti.

41 *Praut.* ) Significat idem, quod praquam. Plaut. Mil. Nihil hoc quidem est, praute alia dicam, qua tu numquam feceris. Amph. Perii, ME. parum etiam praute futurum est, praedicas. Menae. Modestior nunc est praute dudum fuit. Ibid. Folia nunc cadunt praute, si triduum hic erimus, tum arbores in te cadent. Turpil. Epicleto: Praute solent, me cura somno segregant, id est, plus solito; pra eo modo, quo solent.

42 *Proin, proinde.* ) Significat idem quod ideo, propterea; itaque. Usurpantur etiam ad exprimendam similitudinem, sicut perinde. Terent. Orationem sperat invenisse se, quare differat: proin fac apud te ut sis. Cicerō: Proinde bono animo sis. Plaut. Amph. Scio isthac facta proinde ut proloquor. Pœnulus. Proinde habet hic orationem, quasi ipse sit frugi bona. Pseud. Proinde ut quisque fortuna utitur; ita praecellit. Petron. Senex exercitati vultus, sed cultu non proinde speciosus.

43 *Pronuper.* ) Significat nuper

Hujus generis sunt omnes Præpositiones, quæ cum Nominibus aut Verbis sunt compositæ, ut *Adesse, adprobare, avocare, evocare, deducere, inimicus, inducere, obviare, obducere, perducere, præire, subire, transire, &c.*

## Qua

nuper admodum. Plautus Trin. *Quam sponsonem pronuper tu exactus es.*

44 Propalam. ) Plaut. Mil. *Metuo ne hoc tandem propalam fiat nimis.* Idem Epid. *Minus jam sum furtificus, quam antehac; rapio propalam.*

45 Propemodum. ) Significat idem, quod ferè, pænè. Terent. *Propemodum jam tibi habeo fidem.* Cicero. *Verba componere & propemodum dinumerare.*

46 Proporro. ) Lucret. *Et sibi proporro qua sine primordia quarunt, id est, insuper, porro, praterea.*

47 Propterea. ) Terent. *Haud propterea te rogo, ut hoc proferam.*

48 Proquam, prout. ) Significant comparationem parium. Lucret. *igitur parvissima corpora proquam, & levissima sunt, ita mobilitata feruntur, pro, quanto minora & leviora sunt, tanto etiam mobilia.* Idem; *Nec satis est proquam largo se exastuat astu, unde queat tantum suboriri ac suppeditare.* Symma-

chus: *Non satis mihi videtur, proquam res postulat, fungi debitum meum.* Cicero: *Tuas literas, prout res postulat, expecto.* Idem: *Prout facultates ejus ferebant.* Interdum per Ellipsin Pro reticetur: Liv. *Homo, non quam isti sunt, gloriosus.*

49 Protenus seu protinus. ) Significat, Porro tenus, continuatè tam temporis, quam loci ratione. Virgil. de Sicilia Italiæ olim conjuncta: *cum protinus utraque tellus una foret.* Idem: *Protinus aeris mellis cælestia dona exsequar.* Idem: *en ipse capellas protenus ager ago.*

50 Subinde. ) Significat, deinde, paulo post. Horat. *Si dicet rectè, primum gaudere: subinde præceptum auriculis hoc instillare memento.* Petronius & posteriores eo utuntur, pro frequenter, identidem, per intervalla.

51 Superquam. ) Significat idem; quod praterquam. Livius 22. 3. *Primoribus superquam quod dissenserant à consilio, territis etiam duplici prodigio.*

*Quæ Præpositiones nihil significant extra compositionem?*

*Ambe, vel ambi, am, an, con, di, dis, re, se, ut in Ambecifus; ambio, amsanctus; anquiro, concors, diversus; dispar, reliquus; separatus. Et hæ præpositiones à priscis Grammaticis Loquelares vocantur, quia extra compositionem loquelæ tantum, sed nullius significationis sunt.*

## DE ADVERBIO.

*Quid est Adverbium?*

*Est vox expers numeri, quæ aliis vocibus tamquam adjectivum adjungitur, ut Valde bonus, Discit cito, Bene mane.*

*Quotuplex est Adverbium?*

*Multiplex, ratione variarum significationum, ut interrogandi, respondendi, affirmandi, negandi, prohibendi, jurandi, quantitatis, qualitatis, similitudinis, comparandi, intendendi, remittendi, hortandi, congregandi, separandi, excludendi, eventus, moris, principii & originis, dubitandi, &c.*

*Quotuplicia sunt Adverbia interrogandi & respondendi?*

*Sextuplicia: Quærunto enim & respondent vel de Facto, siue aliquid, nec ne: vel de Causa: vel de Tempore: vel de Loco: vel promiscuè de Tempore & Loco: vel simul de Tempore & Numero.*

*Quæ Adverbia quærunto de Facto?*

*An, anne, ne: enclitica, num, numnam.*

*Quæ Adverbia respondent de Facto?*

*Ita,*

Ita, sic, etiam, quippeni. Respondetur etiam per verba *Licet & Censeo*.

*Quæ Adverbia querunt de Causa?*

52 Cur, quin, quianam. Queritur etiam per nomina *Quare*, seu *qua de re*, & *quam ob rem*.

*Quæ Adverbia respondent de Causa?*

Quia & quoniam, quod factum est, ex *Quom*

j m

52 Cur, quin) Ista non sunt nativa adverbia, sed reposita, sive ut Grammaticæ loquar, usurpata. A natura enim, sive primigenia significatione cur, est cure, sicut ex prælo cume factum est *cum*, ex *Sine*, pro, Si non, factum est *Sin*. Cure autem est *cui rei*, in ablativo casu, qui ut supra demonstravi, dativo erat similis: porro in utraque voce omissum fuit Græcorum imitatione, ut in *musæ* pro *musai*, supra contigisse dixi. Veteres scribebant *quor*, pro *quore*, id est, *quire*, seu *quare*; nam *quis*, ut dixi, omnium erat generum. Idem ergo prorsus sunt natura & significatione *cur* & *quare*, & utrobique subauditur præpositio de vel in. Plautus Pœn. act. 1. sc. 2. *Nimia nos secordia hodie tenuit*. AD. *qua de re obsecro?* AN. *quia non dudum ante lucem venimus*. Nepos in Thymol. *Dixit se in ea re maximas diis gra-*

tias agere, quod se potissimum ducem esse voluissent. Potest tamen *cur* pro *cui rei* in dativo accipi, quomodo apud Plautum Pœn. act. 2. sc. 1. *Viscum legioni dedi & fundas; eo præsternebamus folia sarferi*. LX. *cui rei?* AN. *ne ad fundas viscus adhæreretur*; sicut *Sin*, est *Sine*. Jam *quin* est *qui ne*. Ubi *ne* significat non, ut *Ne re te loqui*. Nemo, pro, *ne homo*. *Nepurus*, pro, non *purus*. *Nescio*, pro, non *scio*. *Nequeo*, pro, non *queo*. *Qui* est ablativus, pro, *qua vel quò*, ut subaudiatur, *re vel modo*. Est ergo *quin*, idem quod *quare non*, *quo modo non*, vel absolute *quo non*, ut *Nullus dies est, quin de te cogitem*. Sed *quia qui & quis* sunt omnium generum apud veteres, eo factum, ut *quin* significet etiam *qua non*. Plaut. *Perfa*: *Mulier nulla erit, quin sit mala, qua reticet, si quid fieri per-versè videt*.



*jam* seu *Cum jam*. Respondetur etiam per Nomina, *Eo quod*, 53 *ideo*, *ea re*, *hac re*, 54 *propterea quod*.

## C

## Quæ

53 *Ideo*) Duo sunt nomina etſi uſus fecit unum & adverbium: nam & *quomodo* duo ſunt nomina. Cic. 12. ad Attic. 6. *Quomodo hoc ergo lues? uno ſcilicet, ſi mihi librum miſeris*. Plaut. Trin. act. 5. Sc. 1. *Quem ego magis amo, quam te*. ST. *quam me? quomodo?* PH. *hoc modo, ut moleſtus ne ſis*. Similia ſunt in Plauto plura. Nihilominus uſu factum eſt, ut *quomodo*, adverbium fieret, adeoque ultimam ejus ſyllabam. Horatius corripit 1. Sat. 11. *Cum Victore ſequor. Macenas quomodo tecum*. Similiter *poſtremo*, cum natura & origine ſit nomen ablativi caſus, uſurpatione exiit adverbium, ut ex Juvenali diſcimus, qui poſtremam ejus literam corripit. Ita & *ſiquidem* duæ ſunt particulae, uſu tamen in unam coaluerunt, ut ex hoc Ovidii verſiculo apparet: *Qua mihi ventura eſt, ſiquidem eſt ventura ſeneſtus*: In hanc ſententiam ſcribit Serv. in *Æneid*. 5. *Jam uſus obtinuit, ut Hæſtenus, pro una parte habeatur*. Ergo adverbium eſt,

*Omnis enim pars orationis, cum deſierit eſſe, quod eſt, in adverbium migrat*. Id. in Georg. 1. nomen *ſupellex* ait eſſe *uſurpatum*, quia ſcilicet uſu fuerit introductum contra regulas artis, per quas rectum eſt, *hac ſupelleſtilis*. Similiter in Georg. 3. *Lea* dicit eſſe *uſurpatum*: nam *Leona* eſſe *Græcum*, Latine autem dici, *hic & hac leo*, ut tamen velut monui, in *hac leo*, ſubaudiatur *fœmina*. Nimirum quod de verbis ait Cicero, alia eorum *nativa* eſſe, id eſt, quæ ſignificata ſint primo ſenſu, alia *reperæ*, quæ ex his facta ſunt: idem in verborum ſignificationibus valet, ut aliæ ſint nativæ vel primigeniæ, aliæ reperæ vel uſurpatæ, quas uſus nonnihil à natura ſui primæque origine detorſit. Ita *quum* ſeu *cum* & *quod*, natura ſunt duo nomina relativa, cum quibus præpoſitio *ad* ſubauditur, velut in Annotationibus *Paradigmatum* monui. Uſus tamen fecit particulas, id eſt, vel adverbia, vel conjunctiones, quod ipſum in *magis*, *ſatis*, & *nimis* contigſſe dixi. Quemadmodum

dum enim veteres indifferenter *potis* & *potē* de masculinis, fœmininis & neutris, tam pluralis, quam singularis numeri dicebant ( quod in *Thesaurō Scioppiano* id est, in *Commentariis de lingua Latina multis auctorum exemplis confirmatum videbis* ) similiter nullo generis, aut numeri discrimine *nimis* magis & *mage*, *satis* & *sate*, vel per *Apocopen*, *sat*, cum substantivis conjungebant, vel expressis vel suppressis. Cic. *Nimis insidiarum adhiberi videtur*, subaudi, *negotium* vel *res*, quasi esset: *Nimis res*, vel *nimium negotium insidiarum*, hoc est, *nimia insidia*. Idem: *Non nimis me, sed alios admodum delectant litera illius*. Ubi *nimis* est, ad *nimis negotium*, vel ad *nimum*, sive in *nimum negotium*: nam *nimum* sicut in *plus*, plerumque præpositio κατὰ, id est, *in*, *ad*, vel *in vel circa*, vel *secundum*, subauditur, quod ipsum in *plurimum*, *multum*, *tantum*, *quantum* ( ex quo per contractionem *tam* & *quam* fecerunt ) similiterque in *id*, *quid*, *quicquid*, *aliquid*, *nihil*, *melius*, *pejus*, *citius*, *parum* & *paulum* usu venit. Utrovis ergo modo per præpositio-

*nis Ellipsis* dicitur, *Tempus nimium longum*, & *nimum longum*. Valet enim illud, ad *nimum negotium*, hoc autem à *nimio negotio*: id est, quod ad *nimum negotium* attinet. Cicero: *Hoc exiguum tempus, quod mihi tamen nimium longum videtur*. Plaut. *Nimum libenter edi sermonem tuum*. Idem *Vixisse nimio satius est, quam vivere*. Nævius Agitatore: *Nimio arcē colligo*. De *plus* exempla sunt, Cic. *Plus annum obtinere provinciam, pro ad plus tempus*. Terent. *Ut cum matre plus esset una*. Similiter ut idem: *Id plurimum est*, pro, ad *plurimum*, vel per *plurimum tempus est*. In hoc Ciceronis, *Plus virium habet alius alio*, subauditur, *negotium*. Plaut. *Dii plus plusque sospitens iste quod nunc habes*, pro *ad plus plusque tempus*: pro quo dici poterat eadem *Syntaxis*, *magis magisque*. Sicut Catull. *Notescatque magis mortuus atque magis*. Cic. *Magis & magis de Gracia cogito*, pro, ad *magis tempus*: nam *plus* & *magis* nihil differunt. Itaque sicut in nominativo rectè dicitur, *Plus est, quod gratuler tibi, quam quod te rogem*. Similiter dixit Cicero, *Magis est quod gratuler*. Ita *minus minusque*: Ter. *Heaut. a. 3. s. 3.*

Nam

Nam mihi jam minus minusque obtemperat. Eadem in satis & sat ratio est: quæ nihil aliud significant, quàm sufficiens. Cic. Cestego de repub. satis suppediabat oratio. Ubi satis, est nominativus fæmininus singularis, sicut masculinus accusativus singularis apud Virgil. Ipsa satis tellus, cum dente recluditur unco, Sufficit humorem: & nominativus neutralis singularis apud eundem Cic. Ipse Romam venirem, si satis consilium esset. Item: Hoc facere satis est, pro, satis negotium. Plaut. Quicquid est domi, id sat est habendum. Cor. Nepos Epam. Abstinencia erit hoc satis testimonium. Plurale masculinum est in hoc Plauti: Quatuor homines sunt satis, pro, sunt satis homines, vel satis hominum. Plurale neutrum apud eundem Plaut. Ut satis consilia suppetant. Et Propert. Cum satis una tuis insomnia portet ocellis Fæmina. Et Virgil. neque enim responsa dabantur fida satis: Si tamen satis responsa dictum volumus: nam si placeat satis fida, valebit, ad satis negotium: quod minus incredibile judicabit, qui tantum & multum eodem prorsus exemplo suppressa præpositione & nomine negotium usurpa-

ri noverit. Catull. Nec tantum niveo gavisus est ulla columbo Compar, pro, in tantum negotium, sicut Virgil. Ne puer Iliaca quisquam de gente Latinos, In tantum spe tollet avops, nec Romula tellus ullo se tantum tellus jactabit alumno. Ubi tantum & in tantum indifferenter poni videmus. Liv. 22. 27. In tantum suam virtutem enituisse. Juvenal. In quantum sitis atque fames & frigora poscunt, Cicero: Si me amas tantum, quantum profecto amas, pro, ad tantum sive in tantum, in quantum. Plaut. Multum amo illam: pro, in multum negotium. Cæsar: Neque multum frumento, sed maximam partem vivunt lacte, Plin. 10. cap. 36. Solus columbarum velatus est in multum velocior. Ubi etiam dici poterat, à multo velocior, & per Ellipsin præpositionum multum & multo velocior, Cic. Multum omnibus gloria prestare. Multo magnus orator præstat minutis imperatoribus. Sicut paulum & paulo, aliquantum & aliquanto indifferenter dicitur præpositionibus suppressis. Varro: Nemini paulum modò humaniori ignotus Plaut. Multum improbiore sunt, quam à primo credidi. Fabius 1. cap. 6. Sed paulum superiores quod nos dicimus

rimus Iussi, dixerunt Iussi. Sallust. Jug. Cum vinea paulò procefferant, igni aut lapidibus corrumpébantur. Terent. Heaut. Paulò qui est homo tolerabilis, id est, etiam ille, qui est aliquanto tolerantior, commodior, patientior. Ibid. Aliquantum iniquior erat. Livius: Quantum magis patres plebise insinuabant, eo acrius tribuni contra tendebant. Idem: Ad immensum augere aliquid, pro quo dici poterat, immensum, ut Ovid. 5. Fast. de Orione: Creverat immensum. Et Tacit. Euphratem nulla imbribus vi sponte & immensum attolli. Rursum Livius: Formam viri aliquantum humana ampliorem intuens. Et lib. 42. Dextra pars late terra in aliquantum altitudinis diruta erat. Dictys, seu quisquis optimis temporibus bellum Trojanum descripsit: Nostris multorum dierum navigatione in aliquantum exhaustis. Etiam in id, quid, aliquid, nihil, præpositionem subaudi nemo, nisi indoctissimus, dubitaverit, ut in his Livii: Militibus nihil rempub. committendam esse. Nihil ordinum memores. Magister equitum nihil consulto dictatore evectus. Et Plaut. Apage amor, non places, nihil te moror. Et Senec. Pol-

lio eos servos, qui se aliquid offenderant, in vivarium abjici jubebat. Plaut. Curc. Non est mirandum, melius se nihil sit tibi, pro, ad nihil, à nihilo, vel nihilo melius. Ulpianus quidem præpositionem sic expressit leg. 1. §. 7. Dig. ne quid in flumine. Si ea res cursum fluminis ad aliquid immutavit. Eodem nempe modo ad nihil, ad multum, ad plus, ad magis, ad nimis vel nimium, ad satis rectè dixeris, quod quidem ad artis regulas attinet: quibustamen meminisse oportet potentiorum esse Romanorum usum, quem ex libris auctorum discimus. Ita quod Cicero dicit, Oratio nostra magnam partem ex Jambis constat: præpositionem ad vel in suppressam habere ex eo intelligitur, quod sæpius idem habet: Quod mea multum, tua nullam in partem interest. Non sentientis nihil est, quod ullam in partem intersit. Mea omnem in partem interest. Hac neutram in partem effici possunt. Me tibi in omnes partes defendendum putes. Pro quibus alibi, Nulla ex parte, omni ex parte, magna ex parte dicere solet. Sic Ovid. 10. Met. de Mida: Cetera sunt hominis, partem damnatur in unam, Induiturque aures len-

*Quæ Adverbia quærunt de Tempore?*

Quando, quamdiu & quantisper.

*Quæ Adverbia respondent ad Quando?*

Hodie, heri, cras, pridie, postridie, perendie, nudius tertius, quartus, quintus, decimus, nunc, jam, nuper, tandem, aliquando, olim, pridem, dudum, tum, quum *vel* cum, interim, statim, protinus, illico, extemplo, actutum, repentè. Respondetur etiam per Nomina, 55 Mane, sero, tempori, serius, temporius, ocyus.

### C 3 Quæ

*te gradientis aselli; ubi præ-*  
positio per *Ellipsin* eleganter  
omitti poterat. Livius 42.

3. *Ædem Junonis ad partem*  
*dimidiam detegit*: pro quo  
dicere poterat, *ex parte*  
*dimidia*. Sed ad *satis* re-  
deo, quod nomen esse vel  
comparativus *satius* fidem  
fecerit. Priscianus lib. 15.  
*Nimis*, quod etiam *nimum*  
dicimus. *Satis*, quod etiam  
loco nominis recipit, *satius*.

Et mox: *Satis*, quia pro  
sufficiens accipitur, ideo ha-  
buit comparisonem, *satius*.  
Idem Cicero; *Plato homi-*  
*nem id ætatis in tam longo*  
*sermone diutius retinere no-*  
*luit*: multo ego *satius* hoc  
mihifaciendum putavi in *Sca-*  
*vola*. Sed & *sator* apud  
Plin. legitur lib. 17. cap. 5.  
*Terra pulla erit optima*, &  
*operi sator*, id est, *melior*,  
*appositior*. Porro in ideo,  
quod usu in unum vocabu-

lum coaluisse dixi, *Pleonas-*  
*mus* est: nam & *id* signifi-  
cat *ob id*, *propter id*, &  
*eo* significat *ab eo*, *ex eo*.  
Plautus. *Et id huc reverti,*  
*ut me purgarem tibi*. Idem:  
*Non es in senticeto*, *eo non*  
*sentis*, pro, *eo negotio vel*  
*nomine*, sicut *ea re*, *ea*  
*causa*: Varro: *Heliotropia*  
*flores vocant ab eo, quod ad*  
*solem semper spectant*.

54 Propterea quod ) dici-  
tur per *Syllepsin* numeri;  
cum per regulam rectum  
Propter id quod, Cui simi-  
lis hæc Plauti: *Amor ama-*  
*ra dat tibi satis quod agre*  
*fit*. Item: *Ego te de alia*  
*re rescivisse censui*, quod ad  
me attinet. Item: *Potius*  
*quam istam à me operam im-*  
*petres*, quod postulas. Item:  
*Si quid stultè fecit*, ut *ea*  
*missa facias omnia*. Item:  
*Quid negotii est*, quoniam  
mibi succenseas. Et Varro-  
nis:

*Quæ Adverbia respondent ad Quamdiu, & Quantisper?*

Tantisper, paulisper, aliquantisper, parumper, usque pro assiduo, diu, olim, dudum.

*Quotuplicia sunt Adverbia, quæ quærunt & respondent de Loco?*

Quintuplicia. Alia enim significant locum sine motu, alia motum ad locum, alia motum per locum

nis : *Deterrent à saliendo fiscellis e junco, aliavequare, quod alligant ad naturam.*

55 *Mane, sero, tempori.* ) Ista natura sunt nomina, usu verò adverbia : nam *manus & manis* priscis significat *bonus* ; cui contrarium *immanis* ; id est, *minime bonus*, adeoque *savus* seu *crudelis*. *Dii manes*, hoc est, *boni defunctorum spiritus*. *Mane tempus*, quod *nox jam noctem pellit*. *Perfius* : *Jam clarum mane fenestras intrat*. *Cic. Literas tuas Fesulanus multo mane mihi dedit* : sicut. *Multa nocte*. *Plaut. Pœn. A mani ut ad portum processimus*, id est, *postquam jam mane tempus, seu matutinum fieri cepit*. Idem : *Hac pugna pugnata est ab usque mane ad vesperum*. In *sero* subauditur *tempore diei*. *Apud Livium quidem legimus : Castrorum oppugnatione, quia serum erat diei, abstinere*. Sed adverbiali-

ter usurpatur, cum legis, *Sero est* ; pro, *res est in sero tempore*, sicut apud *Plautum* : *Nimis pœnè mane est*. Ex eoque posterior in *sero* sæpe à poetis corripitur, sicut etiam in *quomodo*, *postremo*, *medicando*, *vigilando*, quamvis ablativi sint : nec aliter in *exemplar*, & *calcâr* postremam faciunt brevem, licet nomina sint adjectiva, per *Apocopen* facta ex *calcaare* & *exemplare*, in quibus *negotium*, id est, *res* subauditur. *Tempori*, ablativus est pro *tempore* ; ubi subauditur in. *Plaut. Alcumena auxilium in tempore feram*. *Terent. In tempore adeam veni*, id est, *tempestive, attemperatè, cum tempus ipsum esset* : ubi *Donat.* in tempore, oportune, nos sine præpositione dicimus, *tempore & tempori*. *Cicero* : *Ego renovabo commendationem, sed tempore*, id est, *in suo tempore, cum suum tempus advenerit*.

eum, alia motum ex loco vel à loco, alia motum versus locum. *Plaut. Merc. a. 5. s. 2. Quo ego scio, subaudi, loco. Sic, quo, pro, qua in parte, propè, propius, proximè, quæ sunt adverbia, non præpositiones.*

*Quæ Adverbia quærent de loco sine motu?*

Ubi & ut, pro ubi positum.

*Quæ Adverbia respondent ad Ubi?*

Hic, istic, illic, ibi, ibidem, inibi, intus, foris, utrobique, passim, supernè, infernè, infra, utrimque, undique, undiquaque, usquequaque, intus, subtus, necubi, ubiubi, alibi, neutrubi, ubi-vis, uspiam, usquam, nusquam ( *pro quo plebs Romana dicebat, nullibi* ) altrinsecus, utrinquesecus, extrinsecus, intrinsecus. Respondetur etiam per nomina, ut *Romæ, Toleti, Carthagini, Ægypti, Cypri, Ciliciæ, domi, belli, militiæ, humi, ruri vel rure.*

*Quæ Adverbia quærent de motu ad locum?*

*Quor.* Sed hoc adverbium non est *nativum* adverbium, sed *repertum*, sive *usurpatum*: nam ex natura sua seu prima impositione est nomen accusativi pluralis a *quod*. Dicebant enim veteres *quo*, *pro*, *quæ*, & supprimebant præpositionem *ad*. Itaque *quo* valet *Ad quæ loca vel negotia. Quo mihi fortunam*, significat, *ad quid mihi fortunam*, sive *cui rei mihi fortunam?* nam *quo* dativus etiam est pro *quo*, abjecto *i*, ut in *Paradigmatum* annotationibus monui.

*Quæ Adverbia quærent de motu versus Locum?*

*Quorsum*, quod formatum est, ex *quoversum*, *pro*, *versum* ad *quo*, seu *quæ loca*.

*Quæ Adverbia respondent ad Quo?*

*Iluc, huc, eò, illò, intro, utroque, aliò,*

neutrò, versus, versum, *Liv.* Neutrò inclinata spc. Foras, quoquo, peregre, obviam, ultro, citro. Respondetur etiam per accusativos locorum præpositione expressa aut suppressa, ut *Eo Romam, in Romam. Venit Italiam. Ibo rus, domum, in domum, urbem, larem. Nusquam. Plant. Capt. a. 1. s. 2.* Num quo foras vocatus es ad cœnam? R. nusquam. *Horat. 2. sat. 7.* Si nusquam es fortè vocatus ad cœnam.

*Qua*, est in qua parte. Itaque propriè significat quietem seu statum, non motum.

*Quæ Adverbia quærunt de motu per locum?*

*Qua.*

*Quæ Adverbia respondent ad Qua?*

Hac, istac, illac, quaquam, quacumque, quavis, quaquaversus. Respondetur etiam per Ablativos locorum præpositione suppressa, ut *Tota vagatur Italia. Vehitur flumine vel per flumen.*

*Quæ adverbia quærunt de motu ex loco?*

*Unde.*

*Quæ Adverbia respondent ad Unde?*

Hinc, istinc, illinc, indè, indidem, eminus, 56 cominus, aliunde, necunde, foris, unde unde, undecumque, utrinque, nusquam. Respondetur etiam per ablativos locorum præpositione expressa aut suppressa, ut *Lapsus cælo, de cælo. Venit Roma, à Roma, de Roma. Mercator Rhodo, vel de Rhodo. Vinum Chio, vel de Chio. Sargus Aegypto, de Aegypto, id est, Aegyptius. Sic Joannes ab Austria,*

&

56 *Cominus*) Non nemo | retulerit, propterea quod  
fortasse inter præpositiones | apud Propert. lib. 2. eleg.  
utrumque casum regentes | 19. legatur: Non tamen ut

va-



*vastos ausim tentare leones ,  
 Aut celer agrestes comminus  
 ire sues . Et lib. 3. eleg. 1.  
 Fluminaque Æmonio commi-  
 nus isse viro . Nam priore  
 loco per Ellipsin suppressa  
 est præpositio ad , ut sit :  
 Ire sues : sicut Virgil. Si-  
 zientes ibimus Afros . Deve-  
 nere locos latos . In altero  
 ire viro dictum est , que-  
 madmodum it clamor cæ-  
 lo , quo exemplo alibi Pro-  
 pert . Ut formosa novo qua  
 parat ire viro . Cæterum  
 Servius in illud Virg. 1.  
 Georg. Quid dicam , jacto  
 qui semine comminus arva  
 Insequitur : monet comminus  
 non significare ex propinquo ,  
 sed statim , sine Intermissio-  
 ne , qui significatus ( ait )  
 frequentissimus est in Cisalpi-  
 na Gallia . Vulgo enim di-  
 cunt : Vado ad eum , sed  
 comminus . Unde Virgilius  
 magis patriam consuetudinem  
 videtur secutus . Veteres enim  
 non in tempore , sed in loco  
 comminus ponebant , id est ,  
 juxta , cui contrarium est  
 amicus , id est , longè . Nem-  
 pe si Servio credimus , Vir-  
 gilius Mantuanè potius ,  
 quam Romanè locutus est .  
 Cujus eum culpæ idem  
 reum agit in hoc versu :  
 Urgeri volucrum raucarum  
 ad littora nubem . Raucum  
 ( ait ) *ῥαυ μίαιον* est , sicut  
 grave olens . Sciendum tamen*

Virgilium secundum morem pro-  
 vincia sua locutum , in qua  
 bene canentes , cygni raucio-  
 res vocantur . Sed in hoc  
 quærat Grammaticus , cui  
 persuadeat . Ego quidem  
 Luciano subscribo , qui *ran-  
 cam* & *insuavem* cygnis ex  
 æquo omnibus vocem tri-  
 buit . Iterum Servius in  
 illa Virgilii : *Latus hausit  
 apertum* . Quidam ( inquit )  
*Italicam* elocutionem putant .  
 Cum enim à latere quis ali-  
 quem adortus gladio occidit ,  
*Hausit illum* , dicunt . Idem  
*Italicum* vulgare , non La-  
 tinum esse ait Zemas , quod  
 significat ollas areas , pro  
 quibus Virgilius Græcè *Le-  
 betas* dixerit : Sicut etiam  
*Cyma* , pro , vertice montis  
 Charisius vulgaris linguæ  
 esse ait , non Latinæ , simi-  
 literque *Pastillus* & *Sylli* .  
*Cyma* vel *cuma* ( sic enim  
 veteres scribebant & pro-  
 nunciabant . ) Hispanis est  
*cume* & *cumbre* , sicut *ho-  
 me* & *hombre* , *nome* &  
*nombre* . Itali hodie quoque  
*Cima* vulgo dicunt . Ita  
*Ploxenum* Catulli Transpa-  
 danum erat vocabulum , ut  
 lib. 5. cap. 5. testis est Fa-  
 bius , qui omnia Italica pro  
 Romanis habere se testatur ,  
 eoque ipso ad vocationem  
 Virgilio adversus Servium  
 commodat .

& de *Austria*, id est, *Austrius*, quod nequaquam est nomen proprium sed commune possessivum. Sic *Cn. Magius Cremona*, pro *Cremonensis*. Sed si ablativus sit personæ, præpositio exprimenda est, ut *Unde emisisti? à mercatore, de mercatore. Unde didicisti? à te, de te, ex te.*

*Quæ Adverbia respondent ad Quorsum?*

*Horsum, istorsum, sursum vel susum* ( *priscè sus*, ut in *sustineo* ) *deorsum, rursum*, ( *Rusum & rususum* dicebant, sublata R litera. Velius Longus. ) *prorsum, dextrorsum, lævorsum, sinistrorsum, aliorsum, retrorsus, introrsus*, quoquò *versus, 57 vānum, 58 pessum*: quæ duo postrema natura sunt nomina.

*Quæ Adverbia quærent promiscuè tam de Loco, quam de Tempore?*

*Quousque*: etsi hæ natura duæ sunt voces, deestque *ad loca vel tempora*, ut integra oratio sit: *Usque ad quo, vel, quæ loca, aut tempora.*

*Quæ Adverbia respondent ad Quousque?*

*Hucusque, illucusque, eousque, hætenus, etsi in istis*

57 *Vanum* ) Nomen esse accusandi casus, in quo præpositio *ad* subaudiatur, nullum mihi est dubium. Tacitus enim sine dubio veterum exemplo in dandicasu vano posuit, *Annal. 14. 15. Exstructa conventicula & caupona, & posita vano iugitamenta luxus*. Et in ablativo, *Annal. 13. 51. Militibus immunitas servaretur, nisi in iis, qua vano*

*exercerent*. Apulejus alios fortasse auctores secutus, *vanui* dixit libro 9. *Asini: Altera die productum me rursum voce praconis vanui subiiciunt*. Hinc apparet, *vanæo* factum esse ex *vanum* eo, quod est, *ad vanum* eo, sicut *mercatum* eo, & *ad mercatum* eo. *Plaut. Merc. prolog. Pater ad mercatum me meus misit Rhodum. Dico esse iturum me mercatum, si ve-*

istis sunt nomina, pro usque adhuc, id est, hoc temporis vel loci, usque ad illud temporis & loci, usque ad eo, id est, ea tempora vel loca, hac sine tenus temporis aut loci. Sic Romam usque pro, usque ad Romam. Nusquam de loco: Terent. Heaut. a. 2. sc. 3. Hinc sciri potuit aut nusquam alibi, quo studio vitam te absente exegerit. Corn. Nepos Mtiad. Auxilium nusquam, nisi à Lacedæmoniis, petiverunt.

*Quæ Adverbia quærun de Tempore & Numero?*

Quoties.

*Quæ Adverbia respondent ad Quoties?*

Sæpe, identidem, plerumque, quotidie, toties, nunquam, unquam, semel, bis, iterum, ter, quater, quinquies, sexies, septies, octies, novies, decies,

si velit. Ibid. act. 2. sc. 3. Illam trans mare hinc vanum asportet. Ex vanum dare factum est vendere,

58 Pessum. ) Ex Pansus factum fuit passus: nam Agellius lib. 14. cap. 15. & 15. c. 13. & Servius in Æn. 1. mentiuntur, dum à pando pansus dictum negant. Lucretius enim lib. 1. Dispanfus dixit: Vestes dispanfa in sole ferefcunt. Non aliter quam à scando, scanfum, à tundo, tunsun dicebant. Plautus tamen dispessus dixit pro dispassus, similiterque Passo velo, & Virgil. Crinibus passis, En-

nus & Cæsar passis palmis, pro manibus expansis. Ad hoc exemplum a pendo factum fuit pensus, ex eoque pessus; quod est gravis, ponderosus. Plaut. Stich. Ultra conditio est pensior, virginem an viduam habere? id est, utra plus pendit, utra pręgravat, pręponderat. Hinc pensum seu pessum ire, pro, deorsum, quia graviora pondere suo deorsum feruntur. Cicero, Verbis aliquem pessum dare dixit, Fabio teste, pro affligere, perdere. Plautus: Pessum premere.

cies, vicies, tricies, quadragies, quinquagies, sexagies, septuagies, octogies, nonagies, centies, ducenties, millies. *Multoties* non dicitur, nec enim usquam apud auctores invenitur, nisi in Livii epitome incerti auctoris, ubi & alia non satis Latina leguntur.

*Quæ sunt Adverbia Affirmandi?*

*Næ*, certè, nimirum, nempe, scilicet, videlicet, verè, sanè, profectò.

*Quæ sunt Adverbia Negandi & Prohibendi?*

Non, ne, neque, nequaquam, haud, haudquam, neutiquam, minime.

*Quæ sunt Adverbia Jurandi?*

Herculè, Herclè, meherclè, pol, ædepol, xcastor, medius fidius.

*Quæ sunt Adverbia Qualitatis?*

Benè, pulchrè, eleganter, longè, latè, audacter, fortiter, celeriter, vicissim, amanter, dolenter, potenter, fraudulenter, arroganter, dissimulanter, obedienter, latenter, largiter, liberaliter.

*Quæ sunt Adverbia Quantitatis?*

Valde, oppidò, 59 oppidoquam, nimis, satis, impense, 60 parum, assatim, abunde, perquam.

*Quo*

59 *Oppidoquam*. ) Vitruvius lib. 8. cap. 3. *Fonticulus oppidoquam parvulus*. Utitur & Agellius, eoque haud paulò doctior in Scoti duntaxat senticetis Theologus ille, cujus liber ita inscriptus exstat: *Oppidoquam Reverendi Patris, Fratris Johannis Thoma Tomaceti Minoritæ Conventualis*,

*Baccalaurei formati, Quaestiuncula & Expositiuncula in doctissimas & subtilissimas Formalitates Johannis Duns Scoti, Doctoris subtilis.*

60 *Parum*. ) Natura nomen est, in quo subauditur *ad*, sicut in *paulum*. Utrumque verò factum est ex Græco *παῦρον*: nam extrita *μ* exiit *parum*, & *ρ*, in *λ*, muta-

## Quæ sunt Adverbia Comparandi.

Magis, 61 tam, quam, æquè, secus.

mutato paulum : transpositis verò literis, parum. Cicero: Parum est, quod homines fefellisti, subaudi, negotium, Idem: Parum meministi quid concesseris, pro, ad parum. Idem: Parum multi, pro, pauci. Parum sape, pro, rarò. Eadem Synaxis est in paulum humanior, aliquantum augustior. Lucretius parum dixit, pro eo, quod est paucum seu paucillum: neque enim umquam est penuria parvi: id est, parum seu paulum numquam deest: quo modo Livius 10. 45. Ut parvo admodum plures caperentur: pro, paulo plures, qui etiam lib. 35. 11. equi hominesque paululi dixit, pro, parvuli, exigui. Cicero: Paulum novi allatum est. Paulum abesse. Terent. Parum interest. Itaque parum, parvum, & paulum nec origine sui, nec significatione differunt.

61 Tam, Quam. ) Etiam ista prima sui origine nomina sunt, sed usus fecit adverbia, vel conjunctiones: ex tantum compendio fecerunt tam, ex quantum verò quam. Itaque significatione nihil in-

ter se differebant, & in utroque præpositio ad vel in subaudiebatur. Cicero: Hic tam imbecillus, quam videtis: pro, in tantum, in quantum videtis Asco. Ped. in Divin. in Ver. Tantum mihi divinitas faveat, quantum verum est illud, quod dico tibi. Ter. Hec. Non verbis dici potest tantum, quam re ipsa navigare incommodum est. Ubi quam est quantum, sive in quantum. Plaut. Scio quàm sit savus, pro, in quantum sit savus. Terent. Adel. Eamus, namque hic properat in Cyprum. S. A. ne tam quidem, quamvis etiam maneo otiosus hic. Ubi Donatus: Tam, pro tantum. Et quamvis, pro, in quantum vis. Integra ergo oratio est: Ne in tantum quidem negotium propero, in quantum tu me properare dicis. Cicer. Hic quàm volet Epicurus jocetur, homo non aptissimus ad jocandum, pro, quantum, sive, in quantum volet. Sæpe apud Plautum & Terentium legitur, quantum potes vel potest, pro, cito, subito, quanta maxima fieri potest celeritate. Ubi Donatus citò subaudiri monet, ut sit, quan-

quantum potes, citò abi. Plaut. Perf. Ire hinc volo quantum potest: pro, quantum citò pote est: sed verius est subaudiri tantum. Plaut. Aul. Domum me quantum potero, tantum recipiam, pro, In tantum citò me recipiam, in quantum potero. Idem Mil. Ego quantum citius possum, mihi navem paro, ubi nullo discrimine citò & citissimè dici poterat. Idem Most. Tu ut occipisti tantum quantum quis fugies. Liv. 37. 20. Ipse cum turma sua quantum potuit effusissimis habenis stationem hostium invadit. Eodem sensu dicitur, quàm potes. Plaut. Milit. act. 3. sc. 1. Quàm potes, tam verba confer maxime ad compendium. Sic ex quantum magis, fecerunt, quàm magis. Livius 3. 15. Quantum juniores patrum plebi se magis insinuabant, eo acrius contra tribuni tendebant. Plaut. Afin. act. 1. sc. 3. Quàm magis te in altum capeffis, tam astus te in portum refert. Livius sæpe cum superlativo quantus & quam ponit, nullo discrimine, ut lib. 28. 1. Quantis maximis potuit itineribus progressus. Et lib. 22. 6. Sublatis raptim signis quam citatissimo poterant agmine se abriperunt. Ita quod Terentius dixit in Andr. Reje-

cit se in eum quàm familiariter: potuisse aliter dici, Quantum familiariter, ex hoc Plautino patet Amph. act. 1. sc. 1. Nescio quantum tu familiaris sis. Hinc etiam ex quantum quantum factum est quamquam: ex tantum quantum, tamquam. Cic. Quamquam abest culpa, suspitione tamen non caret, pro, in quantumcumque abest. Terent. Quamquam est scelestus, non committes iterum ut vapulet, pro, quantumcumque scelestus est. Cic. Ut istum tamquam si esset consul, salutarem, pro, tantum salutarem, quantum si esset consul. Idem: Apud eum sic fuit tamquam domi mea. Ubi sic per Pleonasmum abundat, quemadmodum in hoc ejusdem: Sicut aliis in locis parum virium veritas habet sic in hoc lecco falsa invidia imbecilla esse debet. Et ita in isto; Hac sicut exposui, ita gesta sunt, pro, sic gesta sunt, ut exposui. Neque verò, quam quantum aliud est, ac quantum quantum, seu quantumcumque. Plaut. Oratio hujus pluris est, quam quanti emta est, pro, quanti quanti aris pretio empta est, tamen pluris est hujus oratio. Cicer. Sexies tantum, quam quantum satum sit, ablatum esse, pro, quan-

*Quæ sunt Adverbia Similitudinis ?*

Ut, uti, velut, veluti, sic, sicut, sicuti, ita, item, itidem, quasi, ceu, quomodo.

*Quæ sunt Adverbia Intendendi ?*

Prorsus, penitus, omnino, apprimè, non modò, nedum, immò, 62 quin.

*Quæ*

quantumcumque satum sit, tamen sexies tantum ablatum esse. Idem: Majorem pecuniam Pratori pollicetur, quam quantam tu dedisti: pro, quantumcumque tu pecuniam dedisti, ille tamen majorem pollicetur. Ter. Phor. 2. 5. f. 7. Hæus quanta hac mea paupertas est, tamen adhuc unum hoc curavi, ut mihi esset fides, pro quantacumque.

62 Quin.) Aliàs interrogat aliàs intendit sive augeat, aliàs hortatur, cum factum sit ex qui ne seu qui non. Plaut. Quin vocasti hominem ad cœnam? pro, qui non, seu cur non? Terent. Quid stas lapis? quin accipis? Idem: Quin tu hoc audi, pro, audi me tu, quid ni? Idem: Quin tu uno verbo dic quid est, pro, uno verbo (quid ni) dic quid est. Idem. Quid nunc agimus? GN. quin redeamus, jam hac tibi aderit supplicans. Ubi Donatus, Quin, pro immo, quasi esset: Redeamus, & quid ni? Idem: Quin Pythias

tu me servato. Ubi Donatus: Quin pro immo. Cicero. Credibile non est, quantum scribam die, quin etiam noctibus, nihil enim est somni; quasi dicat: Quid ni die multum scribam, cum scribam etiam noctibus? Tandem quin relativum est, ita ut qui significet quomodo, ut; vel etiam absolute quo vel qua. Plaut. Numquid causa est, quin te in pistrinum condam? pro, qua causa non te condam? Cic. Nullus dies est, quin domum meam veniat, pro, qui die non veniat, ut Plaut. Men. Vis conclamari auktionem fore qui die? ME. die Septimi. Cic. Prorsus nihil abest, quin sim miserimus, pro, ut non sim, quomodo non sim miserimus. Idem: Causa nihil dico quin ita sit, pro: qui ne, seu cur non ita sit. Idem: Facere non possum, quin ad te mittam. Terent. Effice qui uxor desur tibi: ego id agam, mihi qui ne desur. Ubi Donatus: Qui, pro, quemadmodum, & ne, pro non.

*Quæ sunt Adverbia Remittendi?*

Sensim, paulatim, pedetentim, vix, ægrè, pænè, ferè, fermè.

*Quæ sunt Adverbia Hortandi?*

Eia, age, agite, agedum, chodum, quin.

*Quæ sunt Adverbia Congregandi?*

Simul, 63 una, pariter, conjunctim, generatim universim, universaliter.

*Quæ sunt Adverbia Separandi?*

Scorsum, scorsus, separatim, privatim, egregiè.

*Quæ sunt Adverbia Excludendi?*

Tantummodo, solummodo, modò, demum, duntaxat.

*Quæ sunt Adverbia Eventus?*

64 Fortè, fortuitò, temerè.

— *Quæ*

63 Una.) Usus fecit adverbium ex eo, quod fuit una opera, vel eadem una opera. Plaut. Jubes ut te defraudem. Jubeas una opera me piscari in aere: pro quo, per Ellipsin dicere poterat, Jubeas una me piscari. Idem: Rogat te hera, ut hoc nunc una opera ad aurificem deferas: pro, una cum palla. Idem: Qua opera credam tibi, una opera alligem canem agninus lactibus, pro, si crederem tibi, simul canem intestinis alligarem. Livius 28. Una & me trajecisse audieris, & ardere bello Africam, & obsideri Carthaginem, pro,

una opera. Cic. Si mei consilii rationem cognoverit, una & id, quod facio, probabit, & in hac causa putabit, &c. Usu tamen, ut dixi, factum est adverbium, significatque simul. ut Cic. Cum essem unà cum eo in turba. Terent. Filius cum illis unà aderat.

64 Fortè, fortuitò.) Fortè, est ablativus à fors, quæ est fortuna, idemque significat quod casu. Horat. Qui fit Macenas, ut nemo, quam sibi sortem seu ratio dederit, seu fors objecerit, illa contentus vivat? Plaut. Men. Prolog. Rus ut ibat



*Quæ sunt Adverbia Moris?*

65 *Meatim*, *tuatim*, *suatim*, pro *meo*, *tuo*, *suo more*. *Prisci*, *canatim*, *suatim*, *bovatim* dicebant, pro *canum*, *suum*, *bovum more*. *Humanitus* pro *hominum more*. *Urbanatim*, *rusticatim*, *cateruatim*.

*Quæ sunt Adverbia Principii & Originis?*

*Radicitus*, *stirpitus*, 66 *funditus*, *divinitus*, *antiquitus*, quasi sit incipiendo à *radice*, à *stirpe*, à *fundo*, à *Deo*, ab *antiquo*.

*Quæ sunt Adverbia Dubitandi?*

*Fortasse*, *fortassis*, *fors*, *forsean*, *fortassean*, 67 *forfit*, *forfitan*, *forsuat*.

## D

## DE

*ibat fortè, ut multum pluerat*. Terent. *Forte fortuna adfuit hic meus amicus*. Cic. *Aut casu, aut forte fortuna fieri*. Idem: *Cum casu decedens è provincia Puteolos fortè venissem*. In *fortuito*, subauditur *casu*. Livius 34. *Ne quo casu intercepta litera palam facerent conata*. Ubi dici poterat, *Ne fortuito intercepta litera*. Cicer. *Non repentina aliqua voluntate, neque fortuito incidere ad aliquid agendum*. *Fortuitu* verò merum est adverbium. Cicer. *Casu & fortuitu navis in portum incolumis delata est*.

65 *Meatim*, *tuatim*. ) Plautus Amph. act. 2. sc. 1. *Jam tuatim facis, ut tuis nulla apud te sit fides*, Ser-

*gius in Donat.* | *Meatim nihil est aliud nisi meo more*. *Tuatim*, *tuo more*. Nonius Marcellus: *Canatim*, *suatim*, *bovatim*, *canum & suum & bovum genere*. Id quod Nigidii Figuli verbis probat. Idem Lucilii hunc versum laudat: *Longior hic, quam grus, grue tota cum volat olim*. Ubi tamen fieri potest, ut Nonius fuerit *more suo*, aut *suatim* alucinatus, scripseritque Lucilius: *Gruvatim cum volat olim*, hoc est, ut *grues solens*. Ita *Luvit*, pro *luit*, Lucil. & *Pluverat* Plautus, pro *pluerat*.

66 *Funditus*. ) Lucret. valet ad *fundum*, sed id est ex iis quæ dicuntur *singularia*.

67 *For-*

## DE CONJUNCTIONE.

Quid est Conjunctio?

Est vox expers numeri, qua orationes conjunguntur, ut *Vir bonus & doctissimus*. Homo praestantis ingenii & insigni virtute. Non ruri, sed Roma vivit.

Quot modis dividuntur Conjunctiones?

Duobus. Ratione significationis seu potestatis, & ratione collocationis.

67 Forsit, forsitan.) Plures voces in unam concreverunt, quasi esset, *An fors sit vel fuit*. Lucret. 6. Forsit & Aethiopum penitus de montibus altis crescat: pro fors, seu fortuna sit ut crescat, posset esse fors seu casus talis ut crescat. Propert. 2. eleg. 9. Iste quod est, ego saepe fui, sed forsit in hora, Hoc ipso ejecto carior alter erit. Horat. Dissimile hoc illi quia non ut forsit honorem, Jure mihi invideat quivis. Virgil. Forsit vota facit, cumulatque altaria donis. Idem: Forsan & hac olim meminisse juvabit. Idem: Forsitan & Priami fuerint qua fata requires. Varro 3. rei rust. 6. Discessit Fircellius, qui secus si quid diceret de iis, gentilitatis causa fortasse an tecum duceret serram. Ita ibi legendum, cum in veteri codice sit diceret, Sensus est:

Quo-  
Si quid secus diceret de pavonibus, & praesens esset amicus noster Fircellius Pavo, cum pro pavonibus, tamquam suis gentilibus & agnatis, fortasse tecum contenderet: quod alii commenti sunt, Tecum serram duceret, id est, laboris esset particeps, prorsus est ἀντιστοιχισμός. Idem Varro lib. 3. cap. 16. De fructu hoc dico: quod fortasse an tibi satis sit. Terent. Hec. Quod faciendum sit post fortasse, idem hoc nunc si feceris. SO. fors fuit pol. Ubi Donatus: Fortuna faveat, quasi τὸ ἐντυχισμὸς adversus triste dictum usa est: nam Fors, fortuna bona est. Et fuit, significat sit: quasi esset: Bona fortuna sit per Pollucem. Aufonius veterum sine dubio imitatione in Epist. ad Probum: Fors fuit, ut si mihi vita suppetet, aliquid rerum mearum expoliam.

Quotuplex est Conjunctio ratione significationis ?  
 Multiplex, ut Copulativa, Disjunctiva, Conditionalis, Adversativa, Concessiva, Illativa, & Causalis.

Quæ sunt Conjunctiones Copulativæ ?

Et, que, ac, atque, quoque, etiam, quum, seu cum, tum.

Quæ sunt Conjunctiones Disjunctivæ ?

Aut, vel, vè, sive, seu, an, necne, nec, neque.

Quæ sunt Conjunctiones Conditionales ?

Si, fin, ni, nisi, modò, dum, dumtaxat, siquidem, hæctenus.

Quæ sunt Conjunctiones Concessivæ ?

Quidem, equidem, sane, etsi, quamquam.

Quæ sunt Conjunctiones Adversativæ ?

At, ast, sed, atqui, tamen, tamenetsi, tametsi, autem, attamen, verò.

Quæ sunt Conjunctiones Illativæ, quas scilicet ratio præcedit ?

68 Ergo, igitur, itaque, idcirco.

D 2

Quæ

68 Ergo. ) Natura nomen est ablativi casus à Græco ἰσχυρ, quod opus significat. Cicero: Donare aliquem virtutis ergo, pro, causa, gratia. Virtutis hoc ἰσχυρ sive opus, sive gratia est, quod donatur: virtutis opere sit, ut donetur Virg. Illius ergo venimus, pro, illius causa sive opere: illius opus est adventus noster: ille fecit ut veniremus. Festus: Ergo correptum, significat idem, quod apud Græcos ἰσχυρ, id est, igitur: proinde, idem quod ἰσχυρ hoc

est, gratia, cum scilicet gratia intelligitur pro causa. Sed etiam igitur, pro, ea gratia, ea causa, ideo, poni solet. Plaut. Epid. Æquum fuit homines speculum habere igitur, perspicere ut possent cordis copiam. Idem Pæn. Agite, dicite mihi qua vobis dixi igitur, ut sciam vos scire rem. Idem Asin. Abiisti ad forum igitur inveniendò argento, ut fingeres fallaciam. Idem Amphit. Certum est confidenter hominem contra colloqui igitur, qui possim videri huic fortis.

*Quæ sunt Coniunctiones Causales, quas scilicet ratio sequitur?*

Nam, namque, enim, enimvero, etenim, quia, quoniam, liquidem, quippe, utpote.

*Quotuplex est Coniunctio ratione Collocationis?*

Triplex. Alia est *Præpositiva*, quæ in orationis principio ponitur: alia *Postpositiva* seu *Subiectiva*, quæ uni aut pluribus vocabulis jam positis subiicitur: alia *Media* seu *Communis*, quæ aliàs præponitur, aliàs subiicitur.

*Quæ sunt Coniunctiones Præpositivæ?*

Et, ac, atque, nec, si, etsi, quamquam, at, aut, vel, nisi, seu, &c.

*Quæ sunt Coniunctiones Postpositivæ?*

Enim, autem, verò, que, quoque, quidem, ne, ve.

*Quæ sunt Coniunctiones Mediæ?*

Ergo, igitur, itaque, equidem, quia, quoniam, tamen.

## DE INTERJECTIONE.

*Quid est Interjectio?*

Est vox expers numeri, varios animi motus si-  
ve affectus exprimens.

*Quotuplex est Interjectio?*

Duplex: Alia uni tantum affectui præcipuè, alia pluribus exprimendis inservit.

*Quæ Interjectiones unum præcipuè affectum exprimunt?*

*Evox, eu, io, evohæ, exprimunt gaudium.*

*Ha, ha, he, exprimit gaudii effectum, qui est Risus.*

Euge,

Euge, eugepæ, exprimit voluptatem gratulantis.

Hui, exprimit voluptatem insultantis, & irridentis.

Papæ, exprimit voluptatem admirantis.

Heu, cheu, ah, exprimunt dolorem.

Hoi, oh, oh, exprimunt seu comitantur fletum; doloris effectum.

Hem, ehem, hau, exprimunt stomachum sive indignationem.

Utinam, exprimit cupiditatem optantis.

Heus, cho, exprimunt cupiditatem vocantis.

Eja, exprimit cupiditatem blandientis.

En, ecce, eccum, ellum, exprimunt cupiditatem demonstrantis.

Atat, exprimit metum in genere.

St, au, exprimunt metum timentis ne ab alio audiatur.

Phy, phuy, apage, exprimunt metum aliquid fastidientis vel aversantis.

Que Interjectiones pluribus affectibus serviunt?

O, servit gaudio, dolori, exclamationi & optationi, seu voto.

Hei, servit dolori & minis, seu diris aut imprecationibus.

Vah, servit voluptati admirantis & irridentis, tum dolori indignantis.

Ohe, servit stomacho seu tedio ob dictum aut factum alicujus, & cupiditati ejus, qui ab eo dicto aut facto cessari expetit.

## 69 DE GENERE NOMINUM

## Regulæ Generales.

## De Genere Significationis.

70 **F**œmina masque genus nullo monstrante docebunt.

Pro-

69 Illud inprimis acriter advertendum monet Sanctius & sæpe pueris inculcandum, propter sola adjectiva reperta esse in substantivis genera: nam si adjectiva non essent (ait) aut si omnia unius essent terminationis, ut *Felix*, *par*, *oriens*: nulla esset apud Grammaticos de genere præceptio. Grammaticus enim in substantivis solummodo quærit genera, propter adjectivorum terminationes. Cum enim dicimus, *Revereor patrem*. *Neladas hominem*. *Abige canem*: non refert, cujus sit generis, donec addendum sit adjectivum. Huic consequens est, genus in illis nominibus non esse quærendum, quæ adjectivis adjungi non possunt, qualia sunt, *Ego*, *tu*, *sui*, & *Deorum* ac *hominum*, *urbium*, *insularum*, *montium*,

*navium* & *fabularum* nomina propria. Si enim dicas: *Tu es doctus*, sed *Cicero est doctior*: adjectiva *doctus* & *doctior* non conjunguntur, cum substantivis *tu* & *Cicero*, sed cum nomine *homo*, quod subauditur. Sic *Cicero est disertus*, subaudi *homo*. *Roma est sancta*, subaudi, *urbs*. *Mediolanum est magna*, supple, *urbs*. *Argiaptum equis*, subaudi, *oppidum*. *Flavus Arbula*, subaudi, *fluvius*. *Altus Aetna*, subaudi, *mons*. *Magna centauro vehitur*, subaudi, *nave*. *Terentiana Eunuchus*, supple, *fabula*. Arist. in *Metaphys.* *Singularia*, inquit, non suscipiunt determinationem, quia de pluribus non affirmantur. Et rursum: *Natura notius est*, quod plurimum entis habet, id est, *veritatis*. Itaque species notior genere, natura; & minus universale, magis universali: nam magis uni-

ver-

Propria cuncta *virum*, *fluviorum* & nomina *montum*.

Mascula censentur : nullum tamen est genus illis ,

*Insula*, *navis*, *avis*, *gemma*, *arbs*, *arborque*, *poema*.

71 Fœmineis dantur , sed causa significati.

D 4

72 Non

versale in minus universali reperitur, & aliquid aliud, Est enim *animalis* substantia animata, sensibilis. *Homini*s verò substantia animata, sensibilis, rationis particeps. Hebræi præterea notant, ideo nomina propria non recipere articulos, quia fati per se declarentur. Si ergo articulos non recipiunt, ab eadem causa nec adjectivis adhærebunt. Hanc propriorum rationem multa sequuntur appellativa; illa inquam, quæ sub aliquo genere continentur, ut *arborum*, *avium*, *gemmarum*, *herbarum* & *litterarum* nomina, ut *Olea*ster dura, *laburnum* magna, subaudi, *arbor*, cum ex regula terminationis *olea*ster sit masculinum, *laburnum* neutrum. Sic sola *bubo*, subaudit, *avis*. *Carbunculus* ignita, subaudi, *gemma*. *Pulegium* odorata, subaudi, *herba*. O *rotunda*, subaudi, *litera*.

70 Fœmina masquegenus.)

Hæc regula tantum ad hominum officia pertinet, latissimè sumto officii nomine, ut *Pater*, *mater*, *gener*, *soror*, *frater*, *avunculus*, *matertera*, *socer*, *socrus*, *dux*, *testis*, *scriba*, *eunuchus*. Nomina verò cæterorum animalium, ut *Equus*, *mula*, *aquila*, *mus*, *aries*, ad terminationes sunt referenda, id est, ex regulis de terminatione discendum est, cujus sint generis.

71 Fœmineis dantur, sed causa significati.) Sidicas, *Delphicus* *laurus*, respicis ad significatum *lauri*, quod est *arbor*: nam *laurus* ex regula terminationis masculinum est, sicut *Malus*, *Pomus*, *Pyrus*, quia nomina in *us* secundæ declinationis sunt masculina. Itaque Priscianus lib. 5. veteres testatur dixisse, *Hic cupressus*, *platanus*, *populus*, *laurus*. Catullus ergo secundum regulam dixit, *Ulmo marito*. Plinius verò per figuram *Ellipfin*,

72 Non variata putes neutra, & pro nomine  
posita, &

*Hippomanes*, *cacoethes*, *nat*, *gith*, *spinter* & I.  
U.

*Cypre*, *ador* & *cete*, *tempe*, *Soracte*, *melosque*,  
*Qausape*, *eposque*, *chaos*, *nil* & *frit*, *fasque*;  
*nefasque*.

### 73 De Genere Dubio.

Hic aut hæc sit *adeps*, *calx*, *cortex*, *clune*, *cal-  
nalis*.

#### Atque

*Ellipsin*, *Ulmos maris*, quia  
suppressit nomen *arbores*.  
Sic in *Picus Martia*, su-  
bauditur, *avis*, cum alio-  
quin *picus* per terminatio-  
nis regulam sit masculinum.  
*Clara Corinthus*, subaudi  
*urbs*: nam *Corinthus* per  
terminationis regulam ma-  
sculinum est. Vellejus lib.  
1. *Haletes Corinthum*, qui  
*antea fuerat Ephyre*, in *Isthmo*  
*condidit*. Propert. libro 3.  
eleg. 4. *Nec miser ara paro*  
*clade Corinthe tua*. ( Vos-  
sius putat miserum dici,  
qui Corinthi clade quasi  
gaudet. Sed quis dubitat,  
miseriorem esse Corinthum,  
quæ cladem patitur ) Ovi-  
dius *Candidus Anxur* dixit  
per regulam. Horatius,  
*Impositum saxi Anxur*; per  
figuram *Ellipsin*, supprimen-

do *oppidum*. Sic Virgilius,  
*Altum Præneste*, per termi-  
nationis regulam; *Præneste*  
*sub ipsa*, per *Ellipsin*, sup-  
primendo *urbe*.

72 Non variata putes neu-  
tra, & pro nomine posita. )  
Nomina literarum non va-  
riantur casuum terminatio-  
nibus, adeoque neutra sunt,  
ut *Hoc A*, *hujus*, *A*, *huic*  
*A*. Nequam, non variatur,  
sed est adjectivum factum  
per Syncopen ex *nequicquam*,  
id est, *frustra*. Plaut. *Ne-*  
*quam est piscis*, nisi recens:  
id est, *frustra est piscis*,  
quia est inutilis vescendo.  
Verbum infinitum pro no-  
mine positum est neutrum,  
ut *Laborare molestum est*.  
Sunt etiam neutra nomina  
indeclinabilia in *i* & *u* exe-  
untia, ut *Zingiberi*, *pipe-  
ri*,



Atque dies, finis, forceps, tum grossus & im-  
brex,  
Linter, margo, & onyx, pulvis, punnexque pe-  
nusque,  
Scrobs, specus, atque silex, stirps trunci, torque  
varixque  
Multaque quæ à Græcis Os in Us vertere La-  
tini.

## 74 De Genere Terminationis.

Fæmineum A primæ est, veluti panthera, sag-  
gitta.

## 75 Adria,

ri, gelu, pecu, genu, cor-  
nu. Cicero in Aratopriscè  
dixit genus, & Lucanus  
Cornus sinistri.

73 Genus dubium (ait  
Sanctius) propriè vocamus,  
quo auctores usi sunt sinè  
discrimine, nunc masculi-  
nè, nunc fæmininè. Ita-  
que Vulgus, penus & specus  
non numerantur inter du-  
bia, cum neutra reperian-  
tur. Multa erant olim am-  
bigua, quæ nunc non sunt,  
ut Callis, cinis, funis, al-  
vus, colus, acus, humus.  
Corvus, leo, & bubo, sunt  
masculina epicœna, quæ  
tamen fæmininum sexum  
sub se continent, ut cum  
dicitur, Corvus nigra, leo  
gravidus, subauditur, fæmi-  
na. Aquila & dama sunt

fæminina epicœna, quæ  
tamen masculinum sexum  
sub se continent, ut cum  
dicitur, Fortissimi aquila,  
timidi dama: subauditur  
mares. Cardio masculinum  
est, apud priscos etiam fæ-  
mininum. Calx, pro lapide  
cocto, Græcum semper fæ-  
mininum est, sed chalc scri-  
bi debet. Penus, secundæ  
vel quartæ declinationis est  
dubium. Sed Penus penoris,  
penum peni & penu penu neu-  
trum. Idem dicendum de  
specus. Nomina Græca in  
os, quæ Latini vertunt in  
us, mire variant apud il-  
los, nec certa regula con-  
stitui potest.

74 Multa nomina (ait  
Sanctius) mutant genus  
mutata terminatione, ut

pan-

75 *Adria*, sed sinus est mas, atque 76 *cometa*, planeta.

Nomen in *A* ternæ neutrum est, ut *stigma*, poema,

*E* latiale puta neutrum esse, cubile, monile.

Fæmineum est *aloe*, *Rhodopeque* & cætera. *Græca*.

*I.* neutris tribue, 77 *O.* maribus, ceu *pugio*, gummi.

Fæmineis 78 verbale in *IO*, caro, talio. 79 *DO*, *GO*,

Hic

*Panther*, crater, *stater* masculina. *Panthera*, cratera, *statera*, fæminina. *Penus*, *i* & *penus us*, dubium. Sed *Penum*, *i.* *penus*, oris *penus*, *u*, neutra. *Barbitos*, *i*, dubium. *Barbiton*, *i*, neutrum. Sic *Costus*, *Illos*, *tiaras*, masculina. *Costum*, *Ilum*, neutra. *Tiara*, fæminin. Hic *sal*, hoc *sale*. Hic *retis*, hoc *rete*. Hic *ador*, *adoris*, ut *decor*, *decoris*. Hoc *adus*, *adoris*, ut *decus*, *decoris*. Hæc *canes*, ut *vulpes*, & hic *canis*.

75 *Adria* sed sinus est mas.) Horat. *Dux inquieti turbidus Adria*, id est, sinus *Adriatici*. In *Siliano* illo lib. 8. *humectata Vomano Adria*, subauditur *urbs*.

76 *Cometa*. ) Cicer. 2. Nat. Deor. *Cometa magnarum calamitatum prænuncia fuerunt*, subaudi *stella*: nam

antea dixerat; *Stella*, quas *Græci Cometas*, nostri *crinitas* vocant.

77 *O*, maribus, ) Ut *Cento*, *carbo*, *titio*, *pernio*, *papilio*, *vespertilio*, *curculio*, *homo*, *latro*. *Unedo*, pro fructu masculin. Si inveniat in fæminin. deest *arbor*. *Turbo*, *turbonis* semper: nam *turbinis* est à recto *turben*, teste *Charisio*. *Cudon*, *burdon*, *ligon*, *harpagon*, *mangon*, primæ fuerunt positionis. Legimus enim *Cudona* & *harpagonas*, ut *Plato*, *Brito*, *Agamemno*. *Nemo*, adjectivum est.

78 Verbale in *IO*. ) Ut *Portio* à *partior*, *ratio* à *reor*, *conditio*, *regio*, *dizio*, *natio*, *oblivio*, *possessio*, *actio*, *passio*. *Ternio*, *quaternio*, *senio*, sunt masculina.

79 *DO*. *GO*. fæmineis. ) Ut *Acredo*, *dulcedo*, *cupedo*,

Hic ordo, udo, ligo, cudo, burdo, harpago, cardo.

80 C. T. L. UM, neutrum: sal, mugil, Solque virile.

81 N. mas, 82 MEN, neutrum: gluten simul, unguen & inguen.

Atque 83 ON, non ternæ: Hæc Sindon, icon, ædon.

Nomen in 84 AR neutrum: sed in 85 ER distingue virile.

## Hoc

do, intercapedo, libido, credido, sollicitudo, testudo, fortitudo, solitudo, valetudo. Barba sunt albedo & nigredo. Plautus albidinem, Lucretius nigrorem dixit. Suffrago, caligo, rubigo, fuligo, arugo, ferrugo.

80 C.T.L. UM neutrum.) Ut Lac, olim hoc lacte, hællec, sed hællex fœminin. Caput, occiput, sinciput, vestigal, tribunal, puteal, cervical, mel, fel, nil, scortum, mancipium, Glycerium, Dinacium. Apud Terent. Mea Glycerium, subaudi, amica, teste Prisciano.

81 N, mas.) Ut Titan, Delphin vel Delphis, Python, canon, & illa superiora, ligon, harpagon, cudon, mangon.

82 MEN, neutrum.) Ut Carmen, limen, lenimen, flamen, pro vento: nam pro sacerdote, masculinum est.

Hymen, proprium est nomen Dei nuptiarum. Si pro carmine nuptiali aut membrana recens nati pueri accipiat, masculinum erit: quia nomina Deorum, si accipiantur pro rebus, quibus præfunt, eiusdem generis erunt, cuius deberet esse Deus ille, ut Mars, pro bello, masculinum est: Cum Mars adhuc esset dubius. Tellus, pro terra. Ceres, pro frumento, fœminin. Lucil. Desicit alma Geres, nec plebes pane potitur.

83 ON, non ternæ.) Si definitia in on sint tertiæ declinationis, sunt masculina: sed secundæ sunt neutra, ut Enchiridion, encomion, symposion, barbiton, crystallon, Caston, Ilion.

84 AR, neutrum.) Ut Cochlear, laquear, torcular, pulvinar, calcar, exemplar. Hæc tamen prius erant adiectiva

Hoc iter, hoc tuber, laser, piper atque papaver.

86 OR, mas. Hæc arbor, neutrum cor, marmor & aquor.

87 UR, neutrale dabis. Mas, turtur, fursure, vultur.

88 AS, dic fæmineum. Hic elephas, adamasque tiaras,

Atque AS cum turba. Neutrum vas, fasque, nefasque.

Estò nomen in 89 ES muliebre; at 90 mascula Græca,

Et gurgēs, poples, verres, pariesque, ariesque, Limes,

jectiva in *are* desinentia, sed usu postea facta sunt substantiva in *ar* breve ex-  
untia.

85 ER, virile. ) Ut Ager, agger, anser, asser, cancer, saper, carcer (quod olim erat neutrum) culter, imber, liber, passer, vesper, veper, quo usus est Columella lib. 11. c. 3. Sed usitatus est plurale, vepres. Multa in zer, ut Oleaster, pinafer. Et Græca, ut Panther, clyster, prafer, balter. Tres si feres dixit Plin. 20. cap. 5. sed locus videtur corruptus. Neutra sunt Tuber, suber, uber, verber, ver, cadaver, papaver, laver. Sed Septem-ber, October, November, December, adjectiva sunt & subauditur mensis.

86 OR, mas. ) Ut Candor, nigror, amor, fulgor, sopor, cruor, rumor, mator, dolor, color, labor.

87 UR, neutrale. ) Ut Guttur, sulfus, murmur, obur, femur. Etiam fursur in singulari, Plin. 18. cap. 9. & 26. cap. 2. In plurali masculinum est fursures. Anxur, urbis nomen, masculinum est.

88 AS, die fæmineum. ) Ut Æstas, pietas, potestas, paupertas. Sed masculina sunt As, assis, cum turba, id est, cum derivatis & compositis. Semis, semissis, decussis, centussis, sextans, triens, quadrans, quincunx, septunx, bes, dodrans, dextanx, vel decunx.

89 ES, muliebre, ) Ut Seges,

*Limes, pes, fomes, termes, cum palmite trames;*  
*Meridies, cespes, stipēs: 91 pluraleque ut antes.*

Est quoque nomen in 92 *IS* muliebri 93 *NIS*  
 esto virile,

Et retis, corbis, fascis quoque piscis & axis,

Et collis, vermis, tum callis, follis & ensis,

*Men-*

*Seges, abies, sanies, vulpes,*  
*canes, priscum, res, spes,*  
*requies, quies.* Composita  
 à *pes* sunt adjectiva, ut *Bi-*  
*pes, tripes, quadrupes.*

90 *Mascula Græca.* ) Ut  
*Soractes, Bootes, Gagates,*  
*Sorites, cometes, planetes,*  
*magnes, tapes, lebes, aci-*  
*nates.*

91 *Pluraleque ut antes.* )  
 Pluralia in *es*, quæ scilicet  
 in singulari numero Latine  
 non dicuntur, sunt masculina,  
 ut *Penates, annales,*  
*pugillares, casses, sales,*  
*temures, fursures, tuberes,*  
 pro, quodam fructu, *Proce-*  
*res, pro, capitibus rignorum*  
*exstantium, sentes, vepres.*  
*Manes*, adjectivum est,  
 pro, *mani*, id est, *boni*,  
 sicut *porci sacres*, pro, *sac-*  
*cri: Matrimēs, & Patrimēs,*  
 pro, *Matrimi & Patrimi.*  
 Etiam *annales* adjectivum  
 est, in quo subauditur *li-*  
*bri*, & in singulari rectè  
 dicitur: *In Ennii sexto An-*  
*nali.* Similis est ratio in  
*pugillares*, nam adjectivum  
 est, in quo subauditur co-

*dicilli vel tabella.* Catullus  
*pugillaria* dicit, ubi potes  
 subaudire, *ligilla* vel *sche-*  
*daria*, vel quid simile. Pu-  
 tant alii quædam fæmini-  
 na in *es*, esse pluralia, ut  
*Alpes, opes, compedes, sor-*  
*des, nares, lactes, grates,*  
*Gades.* Sed falluntur: nam  
 in singulari dicitur, *Alpis,*  
*opis, & ope, rompes, compe-*  
*des, sordis, sorde, navis &*  
*Gadis.* *Lactes* masculinum  
 est. *Grates* in nominativo  
 & accusativo plurali fa-  
 ctum est ex Græco *Χαρίτες*  
*Charites*, cujus singularis  
 est, *Χάρις*, hac *Charis.*

92 *IS, Muliebri.* ) Ut  
*Pollis, vallis, bilis, ovis,*  
*cuspis, navis, clavis, apis,*  
*securis:* adjectiva sunt *Ædi-*  
*lis, bipennis, aqualis, &*  
 subauditur, *Homo, securis,*  
*urceus.*

93 *NIS, esto virile.* ) Ut  
*Amnis, crinis, ignis, panis,*  
*penis, cinis.* Apud Veteres  
 tamen *amnis & cinis* erant  
 dubia. *Anguis* est masculi-  
 num epicœnum, sicut *pi-*  
*scis*, ut quando cum adje-

ctivis

*Mentis cum velti ; postis ; glis ; fustis & anguis ,  
Et torris ; caulis ; lapis , unguis ; jungitur orbis ,  
Et sanguis ; cucumis ; junges cum vomere pollis .*

94 OS ; mas. Hæc dos ; cos : Neutrum est os ,  
oris & ossis .

95 US ; maribus jungas seu quartæ ; sive secundæ ;

Hæc humus ; hæc alvus ; vannus ; domus & colus ; idus ;

Porticus atque tribus ; cum ficus ; acusque ; manusque .

Hoc pelagus ; pelagum ; vulgus ; vulgum : hoc quoque virus .

96 US

ctivis fæmineis inveniuntur ,  
subaudiri debeat fæmina .

94 OS ; mas. ) Ut Lepos ;  
honus ; flos ; mos ; ros , &  
prisca labos ; colos ; amos ;  
pro labor ; color ; amor .  
Arbos ; pro arbor ; fæmini-  
num est .

95 US ; maribus jungas . )  
Us secundæ declinationis ,  
ut equus ; asinus ; mulus ;  
agnus ; corvus ; laurus ; cu-  
pressus ; populus ; platanus ;  
alnus . Pluvius adjectivum  
est . Us quartæ ; ut Sensus ,  
Senatus ; visus ; auditus ;  
gustus & gustatus : Item om-  
nia ; quæ vulgo dicuntur  
Verba Supina ; etsi non nisi  
in dativo ; accusativo ; &  
ablativo usurpata invenian-  
tur . Ficus secundæ & quar-  
tæ sive pro arbore aut fru-

ctu ; sive pro morbo acci-  
pias ; fæmininum Sanctio  
videtur ; mihi verò mascu-  
linum semper ; cum pro  
arbore ponitur ; fæmininum ,  
cum pro fructu aut morbo :  
nam morbus à similitudine  
fructus nomen invenit :  
Varro 2. rei Rust. 41. Fi-  
cos quas edimus Maturas .  
Genera ficorum , Chie , Ly-  
dia ; Africana : Apud Mar-  
tial. Dicemus ficos Cæciliane  
tuos . Sanctius tuos inter-  
pretatur ; tuos domesticos ,  
hos omnes dicemus ficos , id  
est , nihil nisi ficos , quia o-  
mnes sunt ficosi , ut alibi ;  
Ficosa est mulier : Ficosus &  
ipse maritus . Filia ficosa est ,  
& gener atque socer . Vul-  
gus apud Sall. & Tacit. sem-  
per est masculin .

96 US ;

96 *US*, ternæ neutrum. Mas, *mus*, *grus*, *pous*,  
*lepus* & *sus*.

Hoc *Aes* 97 Hæc capiunt variata per *Uris* &  
*Udis*.

98 *S*. muliebre. Hic *fons*, *dens*, *pons*, *mons*.  
Græca quoque in *PS*.

99 *X*. dato fæmineis, *pax*, *fax*, *fornaxque*, *su*,  
*pellex*,

*Carex*, *lex* & *halex*, *nix*, *pix*, *perdixque*, *fi*,  
*lixque*.

Cum *lodice tomix*, *sandix*, *mastix* quoque *vibix*,  
Et *spadix*, *nox*, *vox*, *nux*, *crux*, cum *luce*,  
*calyxque*.

### I Calx

96 *US*, ternæ neutrum.

Ut *Pecus*, *oris* (nam hæc  
*pecus*, *pecudis* non dicitur,  
videturque Sanctio rectius,  
Hæc *pecudes*; *pecudis*) *rus*,  
*rhus*; *thus*, *crus*, *jus*; *pus*  
*puris*; *corpus*; *decus*, *tam*,  
*pus*; *acus* *aceris*, *rudus*.

Mascul. est *grus* apud Ho-  
rat. *Membra gruī sparſi ſale*  
*multo*. Cum *grus* & *sus* le-  
guntur cum adjectivis fæ-  
mineis, subauditur *famina*.  
Horat. *Amica luto ſus*. *Pous*  
feu *pus* *podos*, id est, *pes*,  
Græcum est, cujus compo-  
ſita masculina ſunt, *Tripus*  
*tripodis*, *apus*, *chitropus*,  
*lagopus*, *polypus*, *daſypus*.

97 Hæc capiunt variata  
per *UTIS* & *UDIS*) Id est,  
quæ in genitivo deſinunt  
in *Uris*, & *Udis* habent

hæc, notam fæminini ge-  
neris, ut *Salus*; *virtus*,  
*ſervitus*, *juventus*, *ſenectus*,  
*palus*, *ſubſcus*, *laus*, *fraus*.

98 *S*, muliebre.) Ut  
*Ars*, *pars*, *lens* *lendis*, *lens*  
*lentis*, *glans*, *mors*, *sors*,  
*ſeps*. Græca & masculina  
ſunt *hydrops*, *ſeps*, animal  
venenofum; *trabs*. Anti-  
quitus tamen nullus nomi-  
nativus terminabatur in  
duas conſonantes; adeo-  
que dicebatur hæc *Artis*,  
*partis*, *lentis*, *lendis*, *mor*-  
*tis*, *ſortis*, *ſepis*.

99 *X* dato fæmineis.)  
*Spadix* & *calyx* Græciſunt  
fæminina, *pharinx* & *la*-  
*rinx* dubia. *Volvox* in uſu  
non eſt, ſed *Convolvulus*.  
*Solox* & *celox* ſunt adjecti-  
va.

1 Calx mas atque corax, dropax, storax quoque pollex,

Index atque latex, ramex, tum grexque culex-  
que

Lynx, fornix & orix, rarus cum calice phœnix. †

## DE NOMINUM

### 2 Declinatione.

#### Ex Sanctio.

**I**N neutris primus, quartus, quintus similes sunt.

Tres iidem casus plurales *A* retinebunt:

Est

1 Calx Mas. ) Quando calculus significat. Festus: Calces, qui per diminutionem vocantur calculi. Plaut. Pœn. Prius disperibit, quam anum calcem civerit. Idem in Casina: Cana culex dixit, sed joco, ut putat Sanctius, quasi senem amatorem, vetulam vocaret.

† De genere nominum in ir desinentium, nullam feci regulam, cum de hir, hiris, quod volam manus significat, cujus generis sit, sciri non possit: nusquam enim legitur, nisi apud Cic. 2. de Fin. in Lucilli loco, & apud Charisium lib. 1. sed sine adjectivo.

Vir autem cum compositis levir & trevir, masculinum esse constat ex significatione, tum quia per Apocopen factum est, ex prisco virus, à quo fœmina vira dicebatur. Festus. Querquetulana vira putantur significari nymphe præsidentes querqueto virescenti. Faminas quas dicimus, antiqui Viras appellabant: unde adhuc permanent Virgines & Viragines.

2 In declinationum regulis (ait Sanctius) ea tantum tradimus, quæ à propositis Paradigmatibus discrepant. Ridiculi enim sunt & morosi examinatores puerorum, qui regulas acriter



Est quintus recto similis, 3 S. tollito Græcis:  
Tertius & sextus plurales assimulantur.

### Prima Declinatio.

4 Prima dat *A* nostris, *AS*, *ES*, *E*, Græca  
dabuntur.

*E*, dabit *ES* patrio: quarto *EN*, atque *E*, da-  
to sexto.

*Auras*, *aurai* patrio dant sæpe poetæ.

E

5 Se-

acriter exigunt, quare *Poe-  
ta* & *tabula* faciunt geniti-  
vum in *a*, & accusativum  
in *am*, cum ad manum sit  
*Mensa*, *mensa*, quod est pa-  
radigna primæ declinatio-  
nis.

3 S. tollito Græcis. ) *Or-  
pheus* in vocativo *Orphen*.  
*Panthus*, *Panthu*.

4 Prima dat *A* nostris. )  
Latina primæ declinationis  
nomina desinunt in *a*: Græ-  
ca in *as*, *es*, & *e*. Illa in  
*a*, *as*, & *es* exeuntia fa-  
ciunt genitivum in *a*, ut  
*Musa*, *Musa*: *Æneas*, *Ænea*:  
*Atrides*, *Atrida*. Sed quæ  
desinunt in *e*, in patrio  
seu genitivo habent *es*, ut  
*Epitome*, *epitomes*, in ac-  
cusativo *epitomen*, in voca-  
tivo & ablativo *epitome*.  
Juvenalis: *Penelope melius*,  
*melius torquetis Arachne*.  
Unde etiam apparet, quan-  
tum fallantur, qui Græ-

cos ablativum habere ne-  
gant: nam *Penelope* sine  
ullo dubio est ablativus;  
non autem Latinus: nam  
is in prima declinatione  
desinit in *a*. Est ergo Græ-  
cus.

In dativo & ablativo plu-  
rali antiquissimi dicebant ut  
*duabus* & *ambabus* ( quæ  
in usu remanserunt ) ita  
& *dextrabus*, *eabus*, *ra-  
prabus*, *paucabus*, *puella-  
bus*, *pudicabus*, *portabus*,  
*oleabus*, *equabus*, *mulabus*,  
*filiabus*, &c. Sed ista po-  
steriores repudiarunt. Ci-  
cero: *Terentia* & *Tullia*  
*duabus animis suis*. Varro  
sæpe de fæminis dicit *equis*  
& *mulis*. Et Plautus Sti-  
cho: *Gratulabor adventum*  
*vestrum filiis*, non *filiabus*.  
Cicero pro Rabirio dixit:  
*A Jove caterisque diis dea-  
busque pacem peto*: quia ali-  
ter *Deos* & *Deas* distingue-

re

## 5 Secunda Declinatio.

Altera *ER*, *US*, *UM*, virque Saturque *EUS* ponito Græcis.

6 *Vir*, *puer* excrescunt: velut *R*, si *RUS* dedit olim.

*US*, per *E*, mutabit quintus: *Deus* excipe tantum:

7 Sed proprium per *IUS*, dabit *I*. dic *mi* quoque *fili*,

Di-

re non poterat, ut Demosthenes, quem imitabatur, pro corona his verbis fecerat: *Διὸς υἱὸς ὡς αἰ καὶ πᾶσι*.

5 Hæc sex habet fines, seu terminationes, *er*, *us*, *um*, *vir*, *ur*, & *eus* Græcum, *Orpheus*, *Pentheus*.

6 *Vir*, *puer* excrescunt. ) Multa per *Apocopen* in *r* nunc desinunt: quæ olim desinebant in *rus*, adedque in genitivo crescere videntur: ut *Vir* cum compositis *levir*, *trevir*, *puer*, *satur*, *gibber*, *adulter*, *socer*, *gener*, *iber*, *caser*, *presbyter*, & *liber*, composita à *gero* & *fero*, ut *Armiger*, *furcifer*.

7 Sed proprium per *IUS*, dabit *I*. ) Fallitur Priscianus, qui lib. 7. veteres contra hanc regulam putat *Laertia* dixisse, pro *Laerti*,

nec enim proprium nomen est *Laertius*, sed appellativum, ut sit *Laertius filius*, *Laertia proles*, *Laertium pradium*, pro, *Laerta*. Accius, opinor, in versu, quem à Cicerone usurpatum Fabius memorat: *Nisi quo Ulysses raris evasit Laertius*. Rectè igitur Jul. Cæsar Stella in versu ad Franciscum à Castro, *Castria* dixit: nam Franciscus *Comes Castrinus*, est idem, quod *Castri Comes*, vel à Castro, aut de Castro, sive *Castrensis Comes*: qui Stellam eo nomine reprehendunt, etsi ridicula res est elementarius senex, cincticulo præcincti in sella apud Grammatices magistrum rectè assederint, Priscianum scilicet condiscipulum habebunt. Etsi is sua sponte resipuit, ut ex libro ejus

*Dique dei, atque deis dis. Hic sed sæpe poetæ ;  
8 Orpheos, Androgeo patrio, dantque Orpheæ  
quarto.*

### 9 Tertia Declinatio.

Tertia dat varios fines tamen IS, IO genitivo.

E 2

II A, præ-

ejus XVIII. apparet : ubi de *Possessivorum vocativis* præcipiens, rectè dici fatetur : *O genitor noster Saturne ; maxime divum*. Et, *Evandrie fili ; & Telamonie Ajax*. Simili certè ratione *Delie* vocativus est à *Delius*, Apollo apud Statium in 5. Thebaid. *Julius* & *Pompejus* interdum sunt adjectiva, ut *Julius suus*, *Pompeja domus*, & tunc Vocat. eorum ab *ius* fit *ie*, ut *Ensis Julie*. Sed cum sunt nomina propria, Vocativus exin in *i*. ut *Juli*.

8 *Orpheos, Androgeo*. ) In genitivo poetæ dicunt *Orpheos, Peleos ; Pertheos* : & etiam *Androgeo*, pro *Androgei*, & in accusativo *Orpheæ, Peleæ*. Sed hæc merè Græca sunt, & è suis fontibus haurienda.

9 Genitivus singularis hujus declinationis ( ait Sanctius ) usu melius, quam regulis addiscitur : nihilominus tamen eum paucis

carminibus perstrinximus. Et hæc notanda præterea duximus. Multa in hoc genitivo videntur irregularia, quæ non sunt, si antiquam recti seu nominativi positionem consideres. Non quia rectus varius esse potest, debet declinatio mutari, ait Servius. Et Charisius lib. 1. Omnia ( inquit ) in declinatione vocabula non plus una syllaba crescunt : Rursus Ibidem : *Ancipes dixerunt veteres cum ratione, ne genitivo Ancipitis duas videretur syllabis crescere* : Plaut. Rud. Post alitressecus est securila ancipes. Hæc igitur colligamus, quæ propter veterem positionem videntur nunc irregularia.

*Arpinas ; atis ; olim hic & hæc Arpinatis & hoc Arpinate.*

Sic *Aletrinas, Macenas, Sutrinæ, nostras, vestras, cujas*.

*Anio & Nerio ; gen. Anienis*

11 *A*, præstabit *ATIS*. Non crescunt nomina per *E*.

12 *ONIS* ab *O*: caro carnis, nemo, cardo, homo, Apollo.

13 *DO*, *GO*, femineum, margo, ordo, turbo dat *INIS*.

*Unedo* fert *ONIS*: *Anio*, *Nerioque* dat *ENIS*.

14 Crescit *Is*, *L*, *N*, *R*, *T*. lac lactis, caput, itis.

### 15 *MEN*,

*enis* & *Nerienis*, quia olim *Anien* & *Nerien*.

*Biceps*, & reliqua à caput & capio, ut *municipes*, olim *bicipes* & *municipes*.

*Caro*, carnis, quia olim hac carnis.

*Ceres*, *Cereris*, quia olim hac *Cereris*.

*Glis*, *gliris*, quia olim hic *gliris*.

*Hepar*, *hepatis*, quia olim *Hepas*.

*Jecur*, *jecoris* & *jecinoris*, quia olim *jecor* & *jecinor*.

*Iter*, *iteris* & *itineris*, quia olim *iter* & *itiner*.

*Jupiter*, *Jovis* & *Jupitris*, quia olim hic *Jovis* & *Jupiter*.

*Impuber*, *impueris*. *Impubes* *impubis*.

*Lac*, *lactis*, olim hoc *lacte* *lactis*.

*Mel*, *mellis*. *Fel*, *fel-*

*lis*. Olim hoc *melle*, *felle*.

*Pollis*, *pollinis*, quia olim *pollen*.

*Robur*, *roboris*, quia olim *robor*. Sic *ebur*, *femur*, *jecur*.

*Sanguis*, *sanguinis*, quia olim *sanguen*.

*Senex*, *senis*, quia olim *senex* *senicis*.

*Supellex*, *supellestilis*, quia olim hac *supellestilis*.

*Turbo*, *turbonis* semper: at *Turben* *turbinis*.

11 *A*, præstabit *ATIS*.)

Ut *Poema*, *poematis*. In *e* desinentia in genitivo non plures habent syllabas, ut *Altare*, *altaris*, *monile*, *monilis*.

12 *ONS* ab *O*.) Ut *Leetio*, *lectionis*: *pellio*, *pellionis*: *Phrygio*, *phrygionis*: *ardelio*, *ardelionis*: *cento*, *centonis*: *carbo*, *carbonis*: *latro*, *latronis*.

13 *DO*, *GO*, *famineum*.)

Libi-

15 *MEN*, *CEM*, *pecten*, *INIS*, jungas simul  
*inguen* & *unguen*.

16 *ON*, aliquando *ONTIS* Græcis: 17 *cor* na-  
taque *cordis*.

18 *E*, perdunt *imber* cum *turba*, *acerque ala-*  
*cerque*,

Et *celeber*. Latium in *STER*, *TER*, tollito *la-*  
*ter*.

*Robur*, *ebur*, *femur*, atque *jecur* mittuntur in  
*Oris*.

Postulat *AS*, *ATIS*, sed *ADIS* dat Græcus &  
*ANTIS*,

*Vas*, *vadis* & *vasis*, *as*, *assis*, *mas*, *maris*  
optat.

19 *ES*, dat *ITIS*, *Cererisque*, *Ceres*, *ETIS*,  
*ariete*, *perpes*.

## E 3

## Præ-

*Libido*, *libidinis*: *caligo*,  
*caliginis*: *rubigo*, *rubiginis*.

14 *Crescit*, *IS*, *L*, *N*,  
*R*, *T*. ) Ut *Sal*, *salis*: *vi-*

*gil*, *vigilis*: *sol*, *solis*: *con-*  
*sul*, *consulis*: *Cæsar*, *Cæsa-*

*ris*: *Gaspar*, *Gasparis* ( nam  
vervecum *crasso* sub *aere*

*natorum* est *dicere*, *Ca-*  
*spaarus*, *Caspaari* ) *Amilcar*,

*Amilcaris*: *passer*, *passeris*:  
*color*, *coloris*: *murmur*,

*murmuris*: *Titan*, *Titanis*:  
*lien*, *lien*: *Delphin*, *Del-*

*phinis*: *canon*, *canonis*.

15 *MEN*, *CEN*. ) *Ag-*  
*men*, *agminis*: *numen*, *nu-*  
*minis*: *fidicem*, *fidicinis*.

16 *ON*, *ONTIS*. ) *Lao-*  
*coon*, *Laocoentis*.

17 *Cor*, nataque *cordis*. )  
*Excors*, *vecors*, *secors* ( non  
*focors* ) *excordis*, *vecordis*,  
*secordis*.

18 *E*, perdunt *imber*. )  
Id est, *imber* cum *composi-*

*tis*, ut *October* non *cre-*  
*scunt*, sed *faciunt* *geniti-*

*vum* in *is* abjecto *e*, ut  
*Octobris*, *imbris*. Item *no-*

*mina* Latina in *ter* & *ster*,  
ut *Pater*, *mater*, *uter*, *ven-*

*ter*, *accipiter*, *pedester*,  
*equester*. Græca verò *cre-*

*scunt*, ut *Stater*, *panther*,  
*halter*, *clyster*, ut & *Lati-*

*numlater*, quod *facit lateris*.  
19 *Es*, dat *ITIS*. ) *Co-*  
*mes*, *comitis*: *limes*, *limi-*

*tis*: *palmes*, *palmitis*.

*Præpes, hebes, paries, teres, indiges, interpret-  
que.*

*Inquies & locuples, magnes & cætera Græca.*

*EDIS, pes, merces, hæres, 20 IDIS, à sedeo  
ortum.*

*21 Non crescit vates, verres, proprium & mu-  
liebre;*

*Sed teges atque seges, abiesque quiesque dat  
ETIS.*

*22 IS, non crescit: IDIS, fac Græca, lapis  
quoque cuspis.*

*ITIS, dic Samnis, lis, Quiris: glis sed in  
IRIS.*

*Impubis, cucumis, pulvis, vomis, cinis ERIS.*

*Pollis, sanguis INIS: Simois Pyroisque dat  
ENTIS.*

*OS, ORIS, ceu flos: OFIS, sed compos & im-  
pos,*

*Et Græca atque nepos, tum dos, cos atque  
sacerdos.*

*Quædam OIS, ut Minos, custodis, bos bovis.  
offis.*

*23 US, dat ERIS: sed ORIS, lepus, atque  
decus, facinusque,*

Et

*20 IDIS, à sedeo ortum )  
Obses, obsidis. Sic reses, de-  
ses.*

*21 Non crescit proprium &  
muliebre ) Ut Achilles,  
Achilles: Ulysses, Ulyssis:  
ambages, ambagis: elades,  
eladis: cautes, cautis: com-  
pages, compagis. Sic Dapes,  
fames, feles, indoles, labes,*

*moles, nubes, proles: rupes,  
sapes, suboles ( non soboles. )  
strages, tabes, vulpes.*

*22 IS, non crescit. ) Ut  
Avis, pelvis, messis, febris,  
clavis, turris, restis, navis,  
securis.*

*23 US, dat ERIS. ) Ut  
Acus, fœdus, funus, genus,  
glomus, latus, munus, olus,  
onus,*

Et *nemus*, & *tergus*, *pectus* cum *tempore*, *frigus*,

Hoc *pecus* & *littus*, *corpus*, cum *saenore*, *pignus*.

*ODIS*, dat *subscus*, *palus*, *incus*, dat *salus*  
*UTIS*.

*Intercus*, *virtus*, 24 *servitque juvenque senectus*.

*Grus* & *sus* dat *VIS*. *Tellus* 25 *monosyllabaque*  
*URIS*.

26 *POUS* deducit *ODIS*, sed in 27 *UNTIS*  
*oppida quædam*.

*Æs*, *aris*, *pras*, *prædis* habent: *Laus*, *fraus*  
petit *AUDIS*.

*S*, sine vocali ( ut *frons*, *lens*, *puls* ) vertitur  
in *TIS*.

*Lens*, *frons*, *glans*, *nefrens*, *libripens* *DIS*: *aucupis* *auceps*.

28 *I*. mediat cum *BS*, *PS*, *syllaba finit*, *hiemsque*.

*E*, per *I*, mutabunt *polysyllaba*: *principe*, *cælebs*.

*X*, in *CIS* verte, ut *fax*. *LECTILIS* edo *supellex*.

E 4

29 (Dem.

*onus*, *opus*, *pondus*, *rudus*,  
*scelus*, *sidus*, *vellus*, *vetus*,  
*Venus*, *viscus*, *ulcus*, *vul-*  
*nus*.

24 *Servitque*, *juvenque*,  
*senectus* ) id est, *servitus*,  
*juventus*.

25 *Monosyllabaque* *URIS*.)

Ut *Pus* *puris*, *mus* *muris*.  
*crus*, *plus*, *rus*, *ius*.

26 *Pous* deducit *ODIS*.)  
Ut *Tripus*, *tripodis*: *apus*,  
*apodis*.

27 *UNTIS* *oppida* ) *Trape-*  
*pezus*, *Trapezuntis*.

28 *I*. mediat cum *BS*,  
*PS*, *syllaba finit*.) Ut *Trabs*,  
*plebs*, *saps*, *interposita lite-*  
*ra i* faciunt *trabis*, *plebis*,  
*sapis*. Sic *Hiems* *hiemis*.  
Prin-

29 ( *Demto halex, vervex* ) *D* per *I*. polysyllaba vertunt.

In *GIS*, *lex*, *grex*, *rex*, *remex*, *Phryx*, *conjugex*, *mastryx*.

*Frugis* & *impetigis*, *Styx*, *stryx*, & pleraque *Græca*.

*CHIS* dat *Onyx*: *nox noctis* habet, *nivis* & *senis* ede.

30 *Fæmineum IS*, non crescens *EM*, sive *IM*, dato quarto.

*IM*, *sitis* & *tussis*, *vis*, *buris*, *pelvis* habebunt.

31 *Græca* in *IS*, *IM*, sive *IN* mittunt parisyllaba, ut *IRIS*.

32 *Sextus E* vult semper; sed *E* aut *I* postulat, 33 *imber*.

### Atque

*Princeps*, *cælebs* mutato *e* in *i* faciunt *Principis*, *cælibis*.

29 *Demto halex*. ) Nomina plurium syllabarum in *ex* desinentia, faciunt genitivum in *icis*, *e* versa in *i*, ut *Pollex*, *pollicis*. Sic *Culex*, *latex*, *cimex*, *ramex*, *carex*, *codex*, *imbrex*, *index*, *judex*, *pellex*, *podex*, *pumex*, *vertex*, *remex*, quod facit *remigis*. Excipe *balex balecis*, *vervex vervecis*. *Vibex*, non rectè scribitur, sed *Vibix*, *vibicis*. *Græca Hipponax* & *Astyanax* faciunt, *Hipponactis*, *Astyanactis*.

30 *Fæmineum IS*, non crescens. ) Id est, omnia

nomina fæminina in *is* finita, non crescentia in genitivo, faciunt accusativum in *em* aut *im*, ut *Ovis*, *ovem* vel *ovim*: Sic *Pestis*, *messis*, *bilis*, *vallis*, *vestis*, *febris*, *clavis*, *turris*, *restis*, *sementis*, *puppis*, *navis*, *securis*, *partis* priscum *partim* & *partem*, ut *lentis* *lentim* & *lentem*,

31 *Græca* in *IS*. ) Ut *poesis*, *hæresis*, *genesis*, *syntaxis*, *metropolis*, *Alexis*, *Paris*, *Tibris*, *Iris*.

32 *Sextus E* vult semper Regula quidem talis est, sed veteres tamen promiscuè in *e* & *i* ablativum æquè ac dativum terminabant.



Atque adjectiva, ut *pugil* & *TRIX*: adde *supplex*,

*Amne*, *ignis*, *postis*, *vestis*, *rus*, *anguis* & *unguis*.

Quartus in *EM*, sive *IM*, sexto *I*, semper dabit aut *E*.

34 *AL*, *AR*, *E*, neutrum *I*, dat; sed *E*, *far*, *nectar*, *jubar*, *hepar*.

*Plus*, *pluri* melius: 35 sic *IM* aut *IN* dantia quarto.

36 *ES*, recto & quarto: sed *LA*, cum sextus habet *I*.

## Com-

nabant. Dativi exempla sunt Ovid. Fast. lib. 6. extremo: *In qua par facies nobilitate fuit* Lucil. *Esuri-ente leoni ex ore exsculpere pradam*. Propert. *Et quoscumque meo fecisti nomine versus*, pro, *nomini meo*, id est; *mihi*. Idem: *Cum temere anguineo creditur ore manus*. Virg. *nec sospite dirum Optabis nato funus pater*. Ubi Servius: *Sospite pro sospiti*, qui etiam, *Alite* dativum putat apud Hor. *Scriberis Varro Mconii carminis alite*. Jam in ablativo Plaut. *Lucr.* & *Varro* dicunt *parti*, pro, *parte*. *Cato*, *Segeti prosegete*. *Virgilius capiti*, pro, *capite*. *Cato*, *fini*, pro, *sine*. *Lucret.* & *Cicero colli* & *orbi*, pro, *colle* & *orbe*, *Ovi-*

*dius*, *Lucretius*, & *Catulus Mare*, pro, *mari*. *Ovidius Fonte perenne*, pro, *perenni*: *Porca bimestre*, pro, *bimestri*: *Sagitta caeleste*, pro, *caelesti*. *Lucanus Natale*, pro, *natali*: *Varro Collo breve*, pro, *brevi*. *Cicero Ab homine Arpinate*. Ex municipio *Alétrinate*. *Livius In Capenate agro*. Sic in ablativo auctores indifferenter dicunt, *Carthagini* & *Carthagine*, *ruri* & *rure*, *luci* & *luce*, *mani* & *mane*, *vesperi* & *vespere*, *tempori* & *tempore*, *bili* & *bile*.

33 *Imber*, atque adjectiva. ) Ut *Imber*, *imbre* vel *imbri*. Sit *October*, *December*. Adjectiva, ut *facilis*, *caelestis*, *natalis*, *perennis*, *prudens* *diligens*, &c. Similiter ablativo in *e* & desinunt.

Comparativa tamen per *A*, solum, *plusque vetusque*.

37 *UM*, patrius, sed *apis* dat *IUM*, *imber*, *uter*, *caro*, *linter*.

Quæque in *IA* mittunt rectum, quæ addito *aplustro*.

38 *ES*, *IS*, non crescunt ( *panis*, *juvenis*, *canis*, *UM* dant. )

39 Sed monosyllaba *IUM*, præter, *dux*, *nux*, *sue*, *grus*, *frux*,

*Ren*,

nunt. Sic *Vigil* & *pugil*, *viatrix*, *genitrix*, *meretrix*, *suppellex*, *suppellectile* & *suppellectili*.

34 *AL*, *AR*, *E*, neutrum *I* dat. ) Ut *Animal animalis*, *pulvinar pulvinari*, *monile monili*.

35 Sic *IM* aut *IN* dantia quarto. ) Quæ in accusativo habent *im* vel *in*, eadem in ablativo habent *i*. ut *Poesim*, *Poesi*: *Syntaxin*, *Syntaxi*: *Alexin*, *Alexi*.

36 *ES*, recto & quarto. ) Nomina tertiæ declinationis habent nominativum & accusativum pluralem in *es*, ut *Sermones*, *laudes*, *homines*, *milites*. Neutra in *a*, & in *ia*, si ablativus eorum singularis desinat in *i*, ut *Corpora*, *pecora*, *facilia*, *cælestia*. Comparativa tamen neutra in *a* tantum desinunt,

ut *meliora*, *majora*. Sic *vetera* & *plura*, et si antiqui *pluria* dixerunt.

37 *UM*, patrius. ) Genitivus pluralis in *um* exit; ut *hominum*. Veteres tamen etiam *hominium* dicebant, *civitatum*, *meretricium*, *carnificium*. *Mensum*, pro *mensium*, Ovid. 8. *Metam*.

38 *ES*, *IS*, non crescunt. ) Ut *Cedes cadium*, Sic *proles*, *moles*, *labes*, *clades*, *nubes*, *sedes*, *ovis*, *vestis*, *vallis*, *canalis*.

39 Sed monosyllaba *IUM*. ) Ut *As*, *as*, *ars*, *arx*, *bes*, *car*, *calx*, *cor*, *cos*, *crux*, *crus*, *daps*, *dens*, *dis*, *dos*, *falx*, *fax*, *fax*, *faux*, *sons*, *frons*, *glans*, *glis*, *glos*, *gens*, *gryps*, *jus*, *lar*, *lanx*, *lens*, *lis*, *mas*, *mens*, *merx*, *mons*, *mus*, *nex*, *nix*, *nox*, *os*, *pax*, *pars*, *par*, *pras*, *plebs*, *pix*,

*Rēn , fur , flos , mos , Tros , grex , lex , rex ,  
vox , laus , pes , prex .*

*Atque boum , bos , bubus , bobus pone dativo .*

*Tertius est in IBUS , sed 40 ATIS magē neu-  
tra Pelasga .*

*41 Tres casus Græcos retinent hic sæpe poetæ ,  
Si crescat nomen , ceu Pallados , Hæctora ,  
Troas .*

### Quarta Declinatio .

*42 Quarta dat US , recto dat & U prius in-  
variaturum ,*

Dant

*pix , pons , puls , plus , pus ,  
ros , rus , sal , saps , scobs ,  
stirps , strix , sors , trabs , trux ,  
vas , urbs .* Ista genitivum  
plurale habent in *jum* ,  
de Grammaticorum qui-  
dem sententia , nec enim  
omnia apud auctores inve-  
niuntur .

*40 ATIS magē neutra Pe-  
lasga . ) Poema in dativo  
& ablativo plurali facit  
poematis .*

*41 Tres Casus Græcos . )  
Dicunt Poetæ in genitivo ,  
Pallados à Pallas , in accu-  
sativo , Hæctora ab Hæctor ,  
& Troas à Tros .*

*42 Quartadat US . ) Ter-  
minationes quartæ declina-  
tionis sunt us , & u inde-  
clinabile : nam illud obso-*

*letum est , quod Cicero in  
Arato dixit genus in geni-  
tivo à genu , & Lucanus  
Cornus à cornu . Sicut e-  
tiam obsoluerunt Genitivi  
singulares in i , ut Senati ,  
Quæsti , Adventi .* Plaut.  
Cal. *Egreditur Senati colu-  
men præsidium populi .* Aul.  
*Nihil hic est quæsti furibus .*  
Ter. Phorm. *Ubi Patris ad-  
venti in mentem venit .*

*43 ES , olim patrius . )*  
Veteres in genitivo dice-  
bant *dies & die & dii* : in  
dativo *die & dii* : in abla-  
tivo etiam *diu* . Hinc *Diu*  
*nocturne* ; nam *noctū* esse  
ablativum , sicut *lucū* , pro  
*luce* ; apparet ex hoc Ennii ;  
*Hæc noctū filo pendebat He-  
truria tota : & Quadriga-*  
*rui :*

Dant *UBUS*, hæc quatuor, *portus*, *tribus*,  
*arcus* & *artus*.

### Quinta Declinatio.

43 *ES*, olim patrius: sed & *E*, *II*, sæpe poetæ.

*ERUM*, *EBUS*que caret pluralis: tolle *dies*,  
*res*.

Non Cicero voluit *specierum*, nec *speciebus*.

RE-

<p>rii: <i>Senatus de noctu con- venire</i>, <i>noctu multa domum dimitti</i>. Priscianus libro 8. <i>Veteres frequentissimè inveni- untur similem ablativo pronu- lisse in hac declinatione ram genitivum</i>, quam <i>dativum</i>, ut Sallust. <i>Dubitavit acie pars</i>, pro <i>aciei</i>. Virgil. <i>Li- bra die somnique pares ubi fecerit horas</i>, pro <i>diei</i>. Ovi- dius quoque <i>fide</i>, pro <i>fidei</i> posuit 6. Metam. <i>Utque fide pignus dextras utriusque poposcit</i>: Cic. pro S. Roscio,</p>	<p><i>pernicii dixit</i>, à <i>perniciēs</i>. Pacuvius, <i>progenii</i> à <i>proge- nies</i>. Virgil. &amp; Cælius hi- storicus, Charisio teste, <i>dii</i>, à <i>dies</i>. Plautus in Mercat- toris prolog. <i>Amatores</i>, qui aut <i>nocti</i>, aut <i>dii</i>, aut <i>so- li</i>, aut <i>luna miseras narrans suas</i>. Ita legit Servius, qui etiam <i>fames</i>, <i>famii</i>, veteribus dictum testatur. Varro scilicet genitivo <i>fa- mi</i> dixit, teste Charisio, in dativo similiter Plautus Stich. act. 7. sc. r.</p>
---	---

## REGULÆ DE VERBORUM

## Præteritis &amp; Supinis.

**O**Mnes has Regulâs centum & septuaginta versibus hexametris feliciter complexus est Emmanuel Alvarez à Societate Jesu, quos ex ejus Grammatica pueros petere, memoriæque mandare suadeo. Etsi enim dubium non habeo, quin ediscendis 1141. sententiis illis in *Mercurio bilingui* positis, verba praeque omnia inflectere jam didicerint, minimè tamen disconducet, eos regulam certam habere, ad quam timentes memoriæ fidem ac dubitantes respiciant. De *Supinis* supra demonstravi, ea perperam pro verbis haberi, cum vera & germana sint nomina quartæ declinationis, ex participiis passivis in *TUS* formata: nihilominus tanti est, pueros versibus illis ediscendis certo scire, cum quæ singulorum verborum participia sunt passiva, tum quæ quartæ declinationis nomina saltem in accusativo & ablativo casu ex participiis illis efficta extent: nam neque omnium verborum *Supina* sunt tradita, neque eorum ferè alii casus, quam in *UM* & *U* exeuntes, sunt inventi. Verbi gratia: *Promptu*, est ablativus è participio factus, quod præpositio arguit, cum legitur. *In promptu est*. Si quis jam dicatur *Ivisse promptum ex arca pecuniam*, erit accusativus suppressa præpositione *ad*, velut in *Syntaxi* planum fecimus. Sed *homo magno natu*, *tantus natu*, *major natu* legimus, nec tamen *natum*. Similiter nec *Suppetias*, *inficias*, *instar*, *impete*, alio casu inventa sunt, quæ tamen propterea ex nominum censu nemo exegerit.

gerit. *Impetibus* tamen *crebris* dixit Lucretius, & Septimius Serenus *Ad instar*, sicut *ad modum*. Paulus verò jurisconsultus, *Ire ad inficias*, pro *inficiatum*, quo modo *Ire ad suppetias*, est *ire ad suppetiatum* sive *auxiliatum*. *Suppetiæ* est apud Plautum Amph. a. 5. s. 1. *Non metuo quin meæ uxori latæ suppetiæ sint divinitus*. Sabin Epist. Demoph. *Non equidem infiteor, multum clamavit uterque*.

## PROSODIA.

### Regulæ de Syllabarum Quantitate.

**O**Mnem Prosodiæ Latinæ rationem versibus quasi centum sexaginta idem Alvarez ita explicuit, ut nihil præterea desiderandum videatur. Magister meus Sanctius, & alii, qui eadem de re versus contexuere, minus mihi satisfaciunt. Ad Alvari ergo Acroasin adolescentes mitto, nec eos modo, quibus ingenium ad poeticam factum sortito obtigit, sed etiam quos sive inter legendum, sive in cædendo sermones ignoratæ syllabarum quantitate ludibrium aliis debere pudet.

## DE SYNTAXI

### seu Constructione.

*Quid est Syntaxis?*

Est debita partium orationis inter se compositio.

*Quotuplex est Syntaxis?*

Duplex: Regularis & Irregularis sive Figurata.

*Quid est Syntaxis Regularis?*

Est

Est compositio inter se partium orationis consentanea regulis artis.

*Quotuplex est Syntaxis Regularis?*

Duplex. *Concordia & Rectio.*

*Quid est Concordia?*

Est partium orationis, sive ejusdem, sive diversi generis inter ipsas convenientia, ut in *Vir bonus*, conveniunt inter se partes ejusdem generis, quia utrumque nomen est. Sed in *Virtus laudatur*, est convenientia partium diversi generis, cum altera nomen sit, altera verbum. Hæc autem *Concordia* vel propriè, vel impropriè dicitur. Propriè quidem de nominibus, verbis & participiis, quæ aliquid tertium habent, in quo conveniant: Impropriè vero de particulis, cum ex consensu hominum sive instituto unà ponuntur, ut *Ne dicas*, *Non dices*, *Ne dic*, *Utinam viveret*.

*Quid est Rectio?*

Est certi casus adsciscendæ potestas. Ut in *Filius Dei*, nomen substantivum adsciscit sibi genitivum. In *posuit animam*, verbum activum adsciscit accusativum, *pro peccatoribus*, præpositio adsciscit ablativum.

## DE CONCORDIA NOMINIS.

*Quotuplex est Concordia nominis.*

Quadruplex: Alia enim est concordia nominis substantivi cum adjectivo, alia nominis relativi generalis cum nomine antecedente, alia nominis relativi specialis seu reciproci cum nomine antecedente, alia nominis cujuscumque cum verbo personali.

*Quæ*

*Quæ est regula Concordiæ nominis Substantivi cum Adjectivo?*

Nomen substantivum sive expressum, sive suppressum, cum adjectivo consentit numero & casu, † ut *Mali corvi malum ovum. De meo sumtus facio*, pro, *meo are. Delphica laurus*, pro, *Delphica arbor laurus. Triste lupus stabulis*, pro, *triste negotium*, id est, *tristis res lupus est stabulis*.

*Quæ est regula Concordiæ nominis relativi generalis cum nomine antecedente?*

Nomen relativum generale semper collocatur inter duos casus unius nominis expressos aut suppressos, quorum antecedentem refert in genere & numero, cum sequente convenit in numero & casu, ut *Vidi hominem, qui homo sedebat*. Nihil autem refert sive casus sint expressi, sive suppressi ac subintelligendi: nam aliàs supprimitur antecedens casus, ut *Nemini credo, qui dives blanditur pauperi*, pro, *uemini diviti credo*: aliàs supprimitur sequens casus,

ut

† Adjectiva nullum genus habere dixi. Itaque adjectivum in genere cum substantivo nomine convenire non potest. Illa quippe duo dicuntur convenire, quæ aliquid tertium commune habent. Itaque cum dicis *vir bonus*, non conveniunt ista duo nomina in genere, cum *bonus*, velut adjectivum, nullum habeat genus, sed tantum terminationem generi masculino attributam. Potest ergo Magister, si sic ei vi-

deatur, regulam de *nominum Concordiâ* in puerilis ætatis gratiam sic formare: *Nomen substantivum sive expressum, sive suppressum cum adjectivo consentit in numero, casu & generis terminatione*. Ita *vinum* forte habent ejusdem generis, neutri puta, terminationem. Ex versibus enim de genere terminationis jam constitit, nomina in *um* esse generis neutri, similiterque in *e*.



ut *Odi sapientem, qui sibi non sapit*, pro, *qui sapiens*: aliàs uterque casus supprimitur, ut *Sunt quos arma delectant*, pro, *sunt homines, quos homines arma delectant*.

*Quæ sunt regulæ Concordiæ nominis reciproci cum nomine antecedente?*

*Prima.*

Ambiguitatis evitandæ causa nomen reciprocum cum primo & præcipuo supposito convenit, sed ubi nullum ambiguitatis est periculum, indifferenter reciprocum & quodvis aliud relativum cum supposito consentit, ut *Homines à Deo discedunt propter peccata sua*. Hic reciprocum *sua*, cum primo supposito *homines* relativè convenit. *Cepi passerem in nido suo*, vel *ejus* vel *ipsius*, promiscuè dicitur: nam ubi prima est vel secunda persona, ibi non est periculum ambiguitatis, sicut etiam in tertiis personis sæpe sermo dubius esse non potest, adeoque non refert reciproco, an quo alio relativo utaris, ut *Cicero: Camillus mihi scripsit te locutum esse cum eo*, pro, *secum*. *Ulciscentur eum mores sui* vel *ipsius*. *Plautus. Suam rem sibi salvam sistam, si illo advenierit*, pro, *sistam ei rem ipsius salvam*.

*Secunda.*

Nomen reciprocum & alia relativa indifferenter cum præpositione *inter* consentiunt, ut *Concedunt inter se docti*. *Contentio est doctorum inter se*, vel *inter ipsos*. *Plautus, Dicam cognatis,*

*tis, ut bona mea inter eos partiant, pro, inter se,*

*Tertia.*

Nomen reciprocum cum nomine quisque consentit, ut *Iustitia suum cuique tribuit. Quisque suos patimur manes.*

*Quæ est regula Concordiæ cujuscumque nominis cum verbo personali?*

Nomen cum verbo personali in solo numero convenit, ut *Probitas laudatur & alget*. In † persona non potest convenire, cum omnia nomina sint tertiæ personæ, præter *ego*, quod est primæ, & *tu*, quod est secundæ, & relativa pleraque, quæ sunt omnium personarum, ut *Qui sciam, qui scias, qui sciat, uter sumus, uter estis, utri sunt*. Nominativus in oratione affirmante aut negante cum verbo sive expresso, sive suppresso in numero con-

† Dixi etiam, *Personam esse specialem numeri verbalis differentiam*. Nomina ergo personam nullam habent, adeoque in persona cum verbis convenire non possunt. Habent tamen aptitudinem ad personam, ut ei accommodari possint. Et duobus quidem nominibus *ego* & *tu* exceptis, quorum illud primæ tantum; hoc secundæ personæ verbis aptum est; itemque relativis quibusdam, ut jam *sexta Concordia nominis regula* monui; cætera nomi-

na omnia tertiæ verborum personæ accommodantur. Itaque cum regula nostra de *Concordia verbi finiti* dicit, *Omne verbum finitum habet pro supposito nominativum*, intelligendum est, nominativum personæ verbi accommodabilem sive habilem. Nam si dicas *ego docet*, convenit quidem verbum finitum cum nomine in numero, sed nomen illud non est habile personæ verbi. Hac ergo de re Magister discipulos monere poterit.

convenit, ut *Triste lupus stabulis : Dulce bellum inexpertis :*

## DE RECTIONE NOMINIS.

*Quotuplex est Rectio Nominis?*

Duplex, Vera scilicet & Falsa.

*Quotuplex est vera Rectio Nominis?*

Quadruplex : Alia enim est Rectio nominis substantivi cujuscunque : alia nominis substantivi verbalis, sive à verbo derivati : alia nominis adjectivi ex participio activo facti : alia denique adjectivi participio passivo similis.

*Quæ est regula Rectionis nominis Substantivi cujuscunque, sive in genere?*

Solum nomen substantivum sive expressum, sive suppressum regit, sive adsciscit casum genitivum, sive : Omnis genitivus à nomine substantivo expresso aut suppresso regitur, ut *Lectio librorum Ciceronis*. *Nummus auri*. *Accuso te furti*, subaudi ; *crimine*. *Natus Romæ*, subaudi, *in Urbe*. *Quanti emisisti* ? subaudi, *aris pretio* : nam integra oratio secundum regulas est : *Pro quanti aris pretio emisisti ? Lumborum tenus mergitur*, subaudi, *sine, pro, usque ad finem lumborum*.

*Quæ est regula Rectionis nominis Substantivi Verbalis?*

Nomen substantivum verbale plerumque genitivum, interdum verbi sui casum regit, ut *Lectio poetarum*. *Classi propinqua demum itio dabitur*. *Mens è foro domum reditus*. *Iustitia est obtemperatio legibus*. *Quid tibi me tactio est, vel tactus est?* pro, *Quid*

me tangis? Quid tibi ludos spectatio est, vel spectatus est, pro. Quid spectas ludos? Eo spectatum ludos, pro ad spectatum vel spectationem ludos seu ludorum: Nam spectatum, non est verbum supinum, sed nomen verbale quartæ declinationis. Plaut. Aul. Hic eam rem vult mecum adire ad pactionem, pro, ejus rei. Vide Annotationes. †

Quæ est regula Rectionis nominis Adjectivi ex Participio activo facti?

Nomen adjectivum ex participio activo factum regit genitivum, ut *Amans uxoris*; *appetens alieni*, *amantior* vel *amantissimus suorum*. Cujus regulæ causa

† *Victimam* Sacerdotes *ma-*  
*ctatum eunt*, pro, *Sacer-*  
*dotes eunt viam ad ma-*  
*ctatum victimam*, pro, *victim-*  
*am*. Lucret. *Hostia concide-*  
*ret maectatu moesta parentis*.  
Accusativus nempe *victim-*  
*am*, regitur non ab *eunt*,  
sed à *maectatum*. Non er-  
go Latinè dices: *Victima*  
*mox maectatum iri videtur*,  
sed, *victimam*, quoniam  
à *maectatum* regitur. Inte-  
gra porrò oratio secundum  
regulas talis est: *Videtur*  
*viam iri ad maectatum victim-*  
*am*. Ubi *viam iri*, po-  
nitur pro nominativo, quasi  
esset: *Itio seu profectio ad*  
*maectationem victima videtur*:  
sicut, *Viam istam iri mirum*  
est, cum sit latronibus in-  
festa. Ita Cato dixit: *Con-*  
*tumeliam mihi factum itur*,

non *contumelia*: nam inte-  
gra oratio est: *Via itur ad*  
*factum contumeliam*, sicut,  
*Ille it viam factum mihi con-*  
*tumeliam*: ubi perspicuum  
est, *contumeliam* regi à *fa-*  
*ctum*, non ab *it*. Ita si quæ-  
renti *quid agitur?* respondeat  
quis: *Ligna casum itur*: quis  
non videat, *ligna* esse ac-  
cusativum, & regi à *ca-*  
*sum*, perinde ac si dixis-  
set, *Ligna casum eo*, pro,  
*eo viam ad casum ligna*.  
Porrò *ire viam*, sive *ira*  
*iter*, metaphoricè dicitur  
pro *conari*, sicut & *viam*  
*affectare* usurpatur, & *ten-*  
*dere* aut *intendere viam* sive  
*iter*, Lucret. *Quod facere*  
*intendunt*, nec adhuc *con-*  
*ata* patrantur, pro, *quod*  
*facere conantur*.

sa est , quoniam talia adjectiva faciem tantum adjectivi habent , sed vim substantivi . Imò in participio subauditur substantivum , ut *homo amans* . Plaut. Pseud. a. 1. s. 3. vers. 38. Pœn. a. 3. s. 1. vers. 9. quia in eo latet substantivum formale , ut *amans amorem uxoris* , *Appetens appetitum alieni* .

*Quæ est regula Rectionis nominis Adjectivi Participio passivo similis ?*

Nomen adjectivum non nisi terminationem cum participio passivo communem habens regit casum verbi sui , ut *Populabundus agros* , *Vitabundus castra hostium* .

*Quot sunt regula falsa Rectionis nominis ?*

Sex nimirum de sex casibus , qui à nominibus regi falso dicuntur .

*Quæ est regula de falsa rectione Nominativi ?*

Nominativus post verbum finitum , seu personale , à verbi ipsius supposito nomine regitur , ut *Cato scribit invitus* . Sed falsum est nominativum vel à nomine , vel à verbo regi , non enim hic *Rectio* est , sed *Concordia* , quia nominativus prior , qui est verbi suppositum , nempe *Cato* , convenit cum verbo *scribit* in numero : Sed posterior nominativus ad suppositum pertinens , nempe *invitus* , convenit partim cum supposito in numero & casu , partim cum verbo in numero .

*Quæ est regula de falsa Rectione Genitivi ?*

Genitivus a variis nominibus adjectivis regitur , ut *Plenus vini* , *dives agri* , *peritus juris* ; *consciens facti* , *ignarus omnium* , *miser animi* , *integer vite* . Sed falsum est istos genitivos regi ab adjectivis , cum regantur Græco more vel à præpositione suppressa *in* vel *intra* ( quæ præpositiones significant Latinis ,

De , Italis Di , ut *Plenus vini* , sit *plenus de vino* , *pieno di vino* ) vel à suppressis nominibus *causa* , ergo , quasi dictum esset , *Dives agri* ergo , *peritus juris causa* , *miser animi causa* , pro , quod attinet ad agrum ; *jus* , *animum* . Potest etiam subaudiri nomen substantivum cognatum Adjectivi , & formam ejus significans , ut *dives divitiis* *peritus peritia* , *miser miseria* . De quo videatur Auctar. Rudiment.

*Quæ est regula de falsa Rectione Dativi ?*

Dativus à nominibus similitudinem , utilitatem , facultatem , aut contra significantibus regitur . Sed revera dativus à nullo nec nomine , nec verbo , nec alia quavis parte orationis regitur , sed aptè cuivis orationi jungitur , cum acquisitionem aut ultimum finem , commodum , vel incommodum , objectum vel subjectum significat , ut *Sum dominus his adibus* . *Iustitia est obtemperatio legibus* . *Abalienatio est rei traditio alteri* . *Dura est servitus homini opulento* , id est , *quæ servitur apud opulentum* . *Hic fur est mihi* , pro , *à me furatus est* . *Cupidus vino* . *Hoc mihi datur vitio* , pro , *hoc mihi additur ad meum vitium* . *Tibi deserit Hesperus Oetam* , pro , *tuacausa* . *Deus omnibus curat* . *Metuo tibi* . *Hoc vobis decet* . *Hoc mihi latet* . *Iussit mihi scribere* , id est , *scriptionem* . Lucr. 6. *Percolatur enim virus* , retroque remanet *Materies humoris* , & ad caput , *amnis omnis Confluit* : ad caput amnium . Ibid. *Flammæ tempestas Siculum dominata per agros Finitimis ad se convertit gentibus ora* . Liv. 10. *Bellum Samnitibus populo iussit* . Et l. 9. *Bellum Hernicis iussura erat* . Plaut. Bacch. a. 2. s. 3. *Exorta est mihi hæc tela* . Cist. a. 4. s. 2. *Exorditur sibi orationem* . Sallust. *Insidiæ Consuli non procedunt* : quæ structæ erant

COR-

Consuli . Plaut. Trinum a. 3. f. 2. *Cum mihi cassidem sumsero in caput* . Idem Bacch. a. 4. f. 9. *Pugnam conserui seni* . Propert. l. 2. el. 28. vers. 10. *Præ se formosis invidiosa Dea est* . Plaut. Aul. a. 3. f. 6. *Cui agno exta in sole inspicere etiam vivo licet* , pro , *cujus exta* . Asin. a. 1. f. 1. *Neminem metuo mihi* . Horat. *Parum sepulta distat inertia celata virtus* . Terent. *Sapiens stulto quid interest* . Cicer. *Quicquid apud Casarem valebo gratia, valebo tibi* .

*Quæ est regula de falsa Rectione Accusativi ?*

Accusativus à nominibus dimensionem aut partem aliquam totius significantibus regitur, ut *Vixit annos centum* . Vitruv. *Pila alta pedibus tribus, lata quaternis, Latus duas ulnas* . *Albus dentes* . Revera enim accusativus semper à præpositione expressa aut suppressa regitur, nisi sit vel infiniti verbi suppositum, ut *Volo scribere*, vel activi verbi appositum, ut *Rogo te* . Cum ergo dicitur; *Vixit annos centum*, subauditur præpositio *per*, quæ accusativum regit. *Latus duas ulnas*, subaudi *ad* . *Omnia Mercurio similis*, subaudi *per* vel *ad* . *Fractus membra* . *Albus dentes* . *Cætera latus, sanctus alia*, subaudi *ad*, pro quo barbarè vulgo dicunt *quoad* .

*Quæ est regula de falsa Rectione Vocativi ?*

Vocativus à nominibus *tu* & *vos* regitur, ut *Leptule deliciis fæcte beate meis* . *O dolor atque decus magnum rediture parenti* . *Huc venias hodiernæ* . Revera enim vocativus à nulla orationis parte regitur, etsi sæpe cum interjectione *O* jungatur; sed tota composita oratio ad vocativum dirigitur, *Quid amice præmii erit, si hoc fecero* . *Esto tu Casar amicus* . *Audi Jupiter, audi tu populus Albanus* . *Dardaniæ*

*stratus dextra miserande jaceres. Nate meæ vires, mea magna potentia solus: ubi subauditur ens, pro, tu, qui es meæ vires. Plaut. Asin. a. 3. s. 3. vers. 101. O Libane, ocellus aureus, donum, decusque amoris. Da meus ocellus, da mea rosa, da mi anime. Propert. l. 4. el. 10. vers. 17. Herculis ite boves nostræ labor ultime claræ.*

*Quæ est regula de falsa Rectiōe Ablativi?*

Ablativus à nominibus adjectivis gradum comparationis, instrumentum, causam, modum aut similem circumstantiam significantibus regitur, ut *Doctior illo. Suo gladio hunc jugulo*. Revera enim omnis ablativus à sola præpositione expressa aut suppressa regitur, *Indoctior illo*, subaudi præpositionem *præ*, quæ ablativum regit. *Suo gladio hunc jugulo*, subaudi *cum*. *Dignus laude*, subaudi, *pro*, Horat. *Dignam præstabo me etiam pro laude*, vel subaudi, *à*, *pro*, quod ad laudem attinet: nam *Dignus* est à *duximus*, id est *monstro*, quasi *duxior* dicas seu digito monstrabile. Itaque etiam dicitur, *Dignus aliquid*, sive *ad aliquid*, similiter ut *Arte insignis*, *pro*, *ab arte*, ut ait Ovidius. Ter. Andr. a. 5. s. 3. *Dignus es cum tua religione odium*. Sic est in Bembi codice, & agnoscit Donatus, quamvis nesciat qua hoc ratione dictum sit. Plaut. Asin. *Ne id quidem me esse dignam existimat*. Et Cap. a. 5. s. 2. *Non me censes scire, quid dignus sim*. Et Pseud. *Sitibi exoptem quantum dignus*. Et Mil. *Ad tuam formam illa sola digna est*. Similiter *contentus aliquo & aliquid*. Plaut. Capt. a. 1. s. 2. *Si pauxillum potes contentus esse. Plenus vino*, subaudi, *de*. *Magno emere*, subaudi, *pro pretio*. *Numero militum impar*, *superior aliis*, subaudi, *ab*, *pro*, quod ad numerum, ad alia attinet.



net. Horat. *Viduus pharetra*, subaudi à. Virgil. *Cur ego Ditis opacos Cogor adire lacus viduosque à lumine Phabi*. Hortensius fuit multis rebus Cicerone inferior, pro, fuit à multis rebus præ Cicerone inferior. Adolescens bona spe, magno ingenio, prisca fide, prosequi odio, afficere honore, pace tua, subaudi, cum. Dives nummis, Egeo nummis, subaudi, à, pro, quod ad nummos attinet. Sic natione Græcus, genere nobilis, domo Italus, subaudi à. Pallet metu, subaudi à vel ex. Venit mane, luci, vespere, tempore, subaudi cum vel in: nam ista sunt ablativi casus, sicut etiam Natus Carthagini. Ruri vivit, subauditur in. Auctore Aristotele, Nerone Imperatore, Ardente sole, subaudi sub. Hoste superato, lectis tuis literis, subaudi à: quod significat post. Hora tertia, subaudi de vel in. More veteri, subaudi de vel ex. Cantando aliquem vincere, subaudi in. Glorior opibus, subaudi de. Prior potestate, subaudi à. Sacrifico vitula, subaudi cum. Fruor villa, pro, fruar fructum ex villa. Utor libris, pro, utor usum, id est, utilitatem capio ex libris. Potior pecunia, pro, potior potestatem à pecunia. Careo molestia, pro, careo carere (id est, caritatem, sive ut vulgo dicunt, carentiam) à molestia. Interdico tibi domo mea, pro interdico tibi interdictum à domo mea, id est, quod ad meam domum attinet. Indigus omni auxilio. Lucret. 5. Cæsar. 3. belli civil. Numero equitum multis partibus erat inferior. Amictus veste, pro, à veste. Ovid. 5. Metam. Ille sibi ablatus fulvis amicitur ab alis. Expers malo, pro, à malo. inexpers mali, subauditur partem.

## DE SYNTAXI VERBI.

## De Concordia Verbi.

*Quotuplex est Concordia Verbi?*

Duplex : alia est concordia verbi finiti seu personalis , alia verbi infiniti sive impersonalis , quod vulgo infinitivi modi dicitur .

*Quæ sunt Regulae de Concordia Verbi Finiti?*

*Prima.*

Omne verbum finitum , seu personale , habet suppositum , seu præcedentem nominativum , sive expressum , sive suppressum , sive infinito verbo aut alia oratione commutatum , cumque illo nominativo supposito in numero consentit , ut *Tu doces* , *Nos discimus* . Hic suppositum verbi seu nominativus præcedens est expressus . *Legis* , *audimus* , *ajunt* , *ferunt* , *pluit* , *lucescit* . In his suppositum verbi , seu nominativus præcedens est suppressus & subaudiendus , nimirum , *Tu* , *nos* , *homines* , *pluvia* vel *cælum* , *lux* . Sic in *Miseret* , *tædet* , *pudet* , *piget* , *pœnitet* , subaudiuntur nominativi , *Misericordia* , *tadium* , *pudor* , *pigritia* , *pœnitentia* . In *Vivitur* , *curritur* , *stat* , *sedetur* , *egitur* , subaudis *vivere* seu *vita* , *currere* seu *cursus* , *stare* seu *status* , *sedere* seu *sessio* , *egere* sive *egestas* . Plaut. Stich. a. 5. s. 4. *Hand tuum est te vereri* . *Quid sit* ? *Ligna cæsum itur* , pro , *Via itur ad cæsum ligna* . *Libet me epigrammata facere* . Hic oratio hæc , *Me epigrammata facere* , ponitur pro nominativo , quasi esset : *Mea factio aut factura epigram-*

*MAINT*

*matum libet*, id est, *jucunda est*. *Fugere vitium est virtus*. Hic suppositum verbi, *Fuga vitiorum*, commutatum est verbo infinito, *Fugere vitia*. *Deprehendi miserum est*. Hic suppositum verbi, *Deprehensio*, commutatum est verbo infinito, *Deprehendi*, Plaut. Aul. *Certum est Silvano potius credam, quam Fidei*, pro, *Ut credam Silvano*, sive *credere certum est*. Ubi nominativus *Creditus* vel *creditio* commutatus est hac oratione, *Ut credam*. Sic Capt. *Est miserorum ut malevolentes sint & inuideant bonis*, pro, *Malevolentia & invidia est res miserorum*. Sic quæritur, *quis naves primus invenerit*? Hic suppositum verbi seu nominativus præcedens, nempe *Primus inventor navium*, commutatus est hac oratione, *Quis naves primus invenerit*? Sic *Dicitur mulam peperisse*, nominativus præcedens, nempe *Partus mulæ*, commutatus est hac oratione, *Mulam peperisse*. *Maja peperisse dicitur*. Est Græcismus Nominativi pro Accusativo. Sic *Multos homines quotidie mori dicitur*, pro, *Mors quotidiana multorum dicitur*. *In consilium iri videtur*, subaudi, *Viam*; ubi *Viam* iri habet vim nominativi, quasi esset *Via itio*, sicut *Viam istam iri mirum est, cum sit latronibus infesta*. Sic, *Multos venturos esse creditur*, pro, *multorum adventus creditur*. Liv. 42. 28. *Mihi magistratus creare jussum est*, pro, *Creatio magistratus est negotium mihi jussum*.

### Secunda.

Verbum finitum seu personale sæpe habet appositum seu sequentem nominativum, ad suppositum verbi pertinentem, sive cum eo in numero consentiat, five

sive non , ut *Ego didici hoc puer . Ego vocor Marcus . Tu captus es arbiter . Deus est animus . Tu fili esto sobrius . Nos sumus docti . Propert . Nam cui non ego sum fallaci premia vati . Idem : Una sit & cuius femina multa mala . Sic possum dicere : Quirvis concubitus meretrici est nuptiæ . Quadrigæ fuere nota argenti . Nominativus porro appositus censetur etiam oratio nominativi vim habens , quem Scholastici nominativum *Virtuale* dicerent , non *Formale* , ut Plaut. *Ego videor me eam vidisse prius . Ubi hæc oratio , Me vidisse , vim habet nominativi , quasi esset , Ego videor ejus visor : sicut Me vidisse eam mihi dolet , pro , Visus aut conspectus ejus mihi dolet . Ita idem valent , Servus videtur cunctator , & Servus videtur eum cunctari : nam eum cunctari est nominativus , ut eum cunctari apparet vel molestum est .**

*Quæ sunt regulæ de Concordia Verbi Infinitivi*

*Prima.*

Omne verbum infinitum, sive impersonale, habet pro supposito Accusativum expressum aut suppressum, ut *Scio te amare vel amari . Cupio scire . Vereor facere . Opto videre diem illum . Malo manere quam abire .* In his suppositum sive accusativus præcedens *Me* supprimitur, cum integra oratio sit, *Cupio me scire , &c .* Ita Lucretius secundum regulam dixit, *Multa tibi me fingere possum . & Sallust . Omnes homines qui se student præstare cæteris animantibus .* Plaut. Epid. *Videor me vidisse eam prius ,* pro quo figuratè dici solet : *Videor vidisse eam .* Idem Curcul. *Aesculapius mihi visus est eum ad me non adire ,* pro quo

quo ἰλλαιπτικῶς dici solet: *Visus est ad me non adire*: Ita si dicam: *Servus videtur cunctari*, subauditur, *eum*. *Arbores videntur cadere*, subauditur, *eas*: ubi *eum* cunctari, valet idem quod nominativus *cunctator*: *eas cadere*, quod nominativus *Caducæ* vel *Cadentes*, sicut ex secunda regula paulo prius apparuit. Sed plerisque tamen figuratè, quam regulariter loqui magis placuit, maxime ubi infinitum substantivi nominis vim habet, ut *Sunt cantare pares*, pro, *à cantare* sive *à cantu*, quod ad *cantum* attinet. *Non mihi sunt vires inimicos pellere*, pro, *expulsioni inimicorum*. *Da mihi bibere*, pro, *potum*. *Disce tacere*, pro, *silentium*. *Eamus videre*, pro, *ad videre* seu *visum*. *Consilium cepit abire*, pro, *abitus*. *Cæptus est, desitus est*, idem est, quod *cæpit*, *desiit*. Hæc porro Accusativum formalem aut virtualem regunt. *Cæptus est contemni*, vel, *cæpit contemni* valet, *cæpit contemptum sui*, *desiit videri*, sive *desitus est videri*, pro, *desiit visum* seu *opinionem*. Corn. Nepos Miltiad. *Hostes fore tardiores, si animadvertenter auderi adversus se tam exiguis copiis dimicare*, pro, *dimicationem auderi se intentari*.

### Secunda.

Verbum infinitum sæpe habet nomen appositum cum ejusdem verbi supposito, id est, cum accusativo præcedente vel expresso, vel suppresso in casu consentiens, ut *Cupio me videri doctum*. Hic *doctum* appositum verbi infiniti *videri*, consentit in casu cum ejusdem verbi supposito, id est, cum accusativo præcedente expresso, *me*. *Dixit daturum esse*. Hic *daturum*, appositum verbi *esse*, consentit in casu

su

su cum ejusdem verbi supposito *se* ; quod supprimi-  
tur . Sic *Licet vobis vos esse beatus* , vel *licet vobis*  
*esse beatus* . *Tibi expedit te esse bonum* , vel *tibi ex-*  
*pedit esse bonum* . *Nocet mihi esse doctum* , vel *noceat*  
*mibi me esse doctum* . Sed Græcorum consuetudine  
dicitur : *Cupio videri doctus* . *Dixit daturus* . *Licet*  
*vobis esse beatis* . *Tibi expedit esse bono* . *Nocet mihi*  
*esse docto* .

## DE RECTIONE VERBI.

*Quotuplex est Rectio Verbi ?*

Duplex : *Vera* scilicet & *Falsa* .

*Quotuplex est vera Rectio Verbi ?*

Duplex : Alia enim in genere est Rectio verbi  
activi cujuscunque , sive finiti , sive infiniti : alia in  
specie est Rectio verbi activi infiniti pro nomine  
substantivo positi .

*Quæ est regula veræ Rectionis verbi activi cujus-*  
*cunque ?*

Omne verbum activum tam finitum , quam infini-  
tum semper regit accusativum sive expressum , sive  
suppressum , sive verbo infinito aut alia oratione commu-  
tatum , ut *Disco literas* . *Veneror Deum* ( nam ver-  
bum deponens est activum , quod priscam passivi  
significationem deposuit ) *Vivo* , *dormio* , *gaudeo* ,  
*jocor* , *curro* . In his subaudi accusativos *vitam* , *dor-*  
*mitionem* , *gaudium* , *jocum* , *cursum* . *Terra movit* ;  
*nox cælo præcipitat* , *illa jam lavit* , *nupsit viro* ,  
*emersit ex malis* , *volventibus annis* , *anno vertente* ,  
*rex bene vertat* , *res bene habet* . In his omnibus sup-  
primitur accusativus *se* . *Objecit mihi facere lenoci-*  
*nium* , subaudi , *me* : & hæc oratio , *Me facere le-*  
noci-

*nocinium*, vim habet accusativi. *Desidero videre te*, pro, *desidero conspectum tuum*. *Cupio vivere*, pro, *vitam*. *Odi tuum vociferari*, pro, *tuum clamorem*. *Volo facere*, pro, *volo factum*, quod ipsum in usu fuisse constat. In his accusativus commutatus est verbo infinito. Sic *volo obsecutum*, pro, *volo obsequi*. *Asin. 2. 1. s. 1. Dico tibi ne facias*. Hic verbum activum regit accusativum alia oratione commutatum, quomodo & in isto: *Hæc res facit me confidere*, *facit ut confidam*; pro, *facit me confidentem*. *Scio filium meum amare scorta*, *scio ut amet*, *quam amet*, *quod amet* vel *amat*; pro, *scio filii amorem scortorum*. *Cic. Ganymedem raptum*, ut *Jovi bibere ministraret*, pro *potum*. Sic *jussit mihi scribere*, *jussit mihi ut scriberem*; pro, *jussit mihi scriptionem*. *Vetas me queri*, *vetas mihi queri*, *vetas mihi ne querar*, pro, *vetas mihi questum seu querelam*. *Iter istud a tam multis celebrari miror*, pro, *Miror multorum celebrationem istius itineris*. *Cupio me videri doctum*. Hic oratio ista, *Me videri doctum*, posita est pro accusativo, quasi esset: *Cupio opinionem doctrinæ*. *Terent. Adel. Quod te purges*, *hujus non faciam*: *Ubi Donatus*, *Figurate, quod te purges*, id est, *purgationem tuam*. *Non necesse habeo me moneri*. Hic *me moneri* positum est pro accusativo, quasi sit: *Non habeo monitum mei necesse*, sicut, *Non habeo auditores attentos*: nam *necesse* & *necessum* sunt adjectiva, quæ cum substantivo *monitum* vel *moneri* numero & casu conveniunt. Vide Annotat. ad Syntaxin, ibique regulam secundam de Verbo.

*Quæ est regula vera Rectionis verbi activi infiniti pro nomine substantivo positi?*

Verbum activum infinitum nominis loco positum,

tum, cumque participio in numero & casu consentiens, sive exprimat, sive subaudiat, alias *genitivum* regit, ut *nomen*, aliàs *accusativum*, ut *verbum*.

*Da exempla Genitivi, qui à verbo infinito regitur.*

Cum dicimus, *Tempus est legendi*, subauditur *legere*, quod vim habet substantivi nominis in genitivo casu, quasi esset, *lectus*, id est, *lectionis*, & hoc verbum infinitum suppressum cum participio convenit in numero & casu. Jam cum dicimus, *Tempus est legendi epistolæ*, genitivus *epistolæ*, regitur non à participio *legendi*, sed à suppresso verbo infinito *legere*, quod nominis vim habet: nam *Legere bonum est*, idem significat ac *lectio bona est*. Similiter Latine dicitur, *Tempus est legendi poetarum*, quia genitivus *poetarum*, regitur à suppresso verbo infinito *legere*, quasi dictum foret: *Tempus est legendi lectus Poetarum*, id est, *legende lectionis poetarum*.

*Da exempla Accusativi, qui à Verbo Infinito, pro nomine posito, regitur.*

Cum dicimus, *Nunc est bibendum*, subauditur *bibere*, quod vim habet substantivi nominis in nominativo casu & cum participio convenit in numero & casu. Jam cum dicimus, *Nunc est bibendum aquam*, accusativus *aquam* non regitur à participio *bibendum*, sed à supposito verbo *bibere*, quod nominis vim habet. Sic prisci dicebant, *pugnatum est pugnam*, subaudito verbo infinito *pugnare*, quod regit accusativum *pugnam*. Sic ardeo desiderio *discendi literas*, suppressum est verbum infinitum *discere*, quod accusativum *literas* regit. *Tempus est legendi*,  
subau-



subauditur *legere*, quod vim habet nominis in genitivo casu. Ergo cum dicitur, *Tempus est legendi poetas*, accusativus *poetas* non regitur a participio *legendi*, sed à verbo infinito suppresso *legere*. *Legendo fies doctus*, pro *in legendo legere*, id est, *in legendo lectu*, sive *in legenda lectione fies doctus*: Cum ergo dicitur, *Legendo libros fies doctus*: accusativus *libros* à suppresso verbo *legere* regitur. *Eo spectare ludos*, pro *ad spectare*, sive *ad spectatum vel spectationem*. Hic accusativus *ludos* regitur à verbo infinito, quod nominis vim habet, cum ei præpositio addi possit, sicut Lucretius: *Ad sedare sitim fluvii fontesque vocabant*.

*Quotuplex est falsa Rectio Verbi?*

Duplex: Alia est verbi finiti: ejusque vel sub-stantivi, vel activi, vel passivi: alia verbi infiniti: ejusque vel gerundi, vel supini.

*Quæ sunt regulæ falsæ Rectionis Verbi Substantivi?*

*Prima.*

Verbum substantivum significans idem, quod *pertinere*, genitivum regit, ut: *Quod medicorum est promittunt medici*. Sed falsum est hunc genitivum regi à verbo *est*, cum regatur à nomine substantivo suppresso, quod est *negotium*. Sic *Judicis est verum sequi*, subaudi, *officium*. *Vincere hostes laboris est*. *Hoc facere moris est*, subaudi *res*. Est autem apud Latinos & Græcos *res laboris*, idem quod *labor*, *res moris*, idem quod *mos*.

## Secunda.

Verbum substantivum formam aut qualitatem alicui inesse significans, genitivum vel ablativum regit, ut: *Abrotanum est jucundi odoris. Homo est antiqua virtute.* Sed falsum est istos casus à verbo substantivo regi, cum genitivus semper à nomine substantivo, ablativus semper à præpositione regatur. Ergo *Abrotanum est jucundi odoris*, subaudi, *herba*, à quo genitivus regitur. *Est majoris animi quam consilii*, subaudi, *homo*. *Est honesta facie*, *antiqua virtute*, subaudi, *cum*. *Vitium est triste habitu*, pro, *ab habitu*, id est, *quod ad habitum attinet*.

*Quæ sunt regulae de falsa Rectione Verbi Activi*

## Prima.

Verbum activum regit duos accusativos, alterum personæ, alterum rei, ut: *Poscimus te pacem, doceo te artes, hoc te moneo, rogo, interrogo, condono te hoc argentum, sine te hoc exorem.* In his omnibus falsum est accusativum rei à verbo activo regi, cum regatur à præpositione Græca *κατά*, id est, *ad, circa, juxta vel secundum*, quæ tamen Græcorum imitatione supprimitur. Regit quidem sæpe verbum activum duos accusativos, sed ita, ut unius accusativi vim habeant cum verbo esse, quod subauditur. Tota oratio, *Te esse virum*, ponitur pro Accusativo, ut *Presta te virum, Deum vocamus patrem, Cepimus te arbitrum, Dedit agrum dotem.*

Secunda-

## Secunda.

Verbum activum significans motum ad locum, nomina *urbium*, *domus* & *ruris* in accusativo regit, ut, *Scripti Romam*, *ibo Neapolim*, *rus se abdidit*, *domum tendo*. In his falsum est accusativum a verbo regi, cum regatur à suppressa præpositione *ad* vel *in*.

## Tertia.

Verbum activum regit accusativum nominum, quæ spatium loci aut temporis significant, ut: *Abest iter unius diei*. *Cælum patet tres ulnas*. *Ne transversum quidem unguem ab officio discedere*. *Triennium hinc abest*. *Fuimus una duas horas*. In his falsum est accusativum a verbo regi, cum regatur ab aliqua præpositionum suppressa, ut *ad*, *ante*, *circa*, *per*.

*Quæ sunt Regulæ de falsa Rectiōe Verbi Passivi?*

## Prima.

Verbum passivum regit accusativum rei ex duobus illis accusativis, qui ab activo reguntur, ut: *Doceris artes*, *moneris utilia*, *postcor pecuniam*. In his falsum est accusativum a verbo regi, cum à præpositione Græcorum more suppressa regatur, ut in regula prima de Rectiōe activi dictum est.

## Secunda.

Verbum passivum regit ablativum cum præpositione à vel ab, rem agentem significante, ut: *amor à te*, pro, *tu amas me*. Sed falsum est ablativum à verbo regi, cum regatur à præpositione sua: falsum quoque est, præpositione rem agentem significari, cum à vel ab, nihil hic aliud significet, quam *Ex parte*, *hinc*, *istinc*, *illinc*. *Amaris à me*, id est, *ex parte mea amaris*, *hinc amorem habes*, *amaris quod ad me attinet*.

## Tertia.

Verbum passivum regit dativum, qui rem agentem significet, ut: *Non cernitur ulli*, *visus est mihi*. Sed falsum est, dativum ab ullo verbo aut nomine, aut particula regi, etsi cuivis orationi adjungi potest ad significandam acquisitionem, commodum aut incommodum. Itaque similiter per activum verbum dicemus. *Nullus eum sibi cernit*, id est, *nulli conspicuus est*. *Video illum mihi*. *Audivimus nobis sermonem illius*. *Hoc nobis non probas*. *Dixi te mihi*. *Non omnibus dormio*.

## Quarta.

Verbum passivum regit accusativum cum præpositione per rem agentem significante, ut: *Res agitur per illum*, pro, *ille rem agit*. Sed falsum est accusativum regi à verbo, cum regatur à præpositione; falsum etiam est præpositione significari rem agentem.

agentem . Similiter enim in activo dici potest, *Ego per te rem agam* . Ubi *per* significat instrumentum , alibi significat idem quod Græce *κατά* , ut *Per me quidem sint ista vera* , pro , quod ad me attinet . *Prodiit per Domitium* , pro , à Domitio , à parte Domitii , quod ad Domitium attinet . *Per hanc cœnam tibi incœnato esse licet* , id est , quod ad hanc cœnam attinet .

*Quæ sunt regulæ de falsa rectiōe Gerundi?*

*Prima.*

Verba gerunda in *di* vel in *do* exeuntia regunt accusativum expressum vel suppressum , ut : *Ardeo desiderio discendi literas* . *Defessus sum legendo libros* . *Teneor cupiditate vivendi* , subaudi, *vitam* . Sed hæc rectio falsa est , partim quia nulla sunt verba gerunda , cum nec tempus , nec personam habeant ; partim quia isti accusativi reguntur à suppresso verbo infinito , nominis vim habente , quasi dictum foret : *Ardeo desiderio discendi discere literas* . *Defessus sum in legendo libros* . *Teneor cupiditate vivendi vivere* . Sicut in *Discitur* , subauditur , *discere* , in *Legitur* , *legere* , in *Vivitur* , *vivere* .

*Secunda.*

Verba gerunda in *dum* exeuntia regunt accusativum , ut : *Petendum est pacem* . *Bibendum est aquam* . *Legendum est poetas* . Sed hæc rectio falsa est , cum ista in *dum* non sint verba , sed participia , cum quibus verbum infinitum suppressum , nominis vim

habens, in casu & numero concordat, quasi dictum foret: *Petere pacem petendum est. Bibere aquam bibendum est. Legere poetas legendum est.*

*Qua est regula de falsa Rectione Verbi Supini?*

Verbum supinum cum verbis motum ad locum significantibus accusativum expressum aut suppressum regit, ut: *Eo visum ludos, Gratias actum nos Senatus misit, Dedit filiam nuptum*, subaudi, *se*, ut *se nubat*, sive *caput velet viro suo*. Sed falsum est ista esse verba, cum sint nomina quartæ declinationis accusativi casus, & regantur à præpositione *ad* suppressa. Regunt autem nomina verbalia accusativum, velut verbi sui casum, ut supra de *Nominis Rectione* demonstratum est.

## DE SYNTAXI PARTICIPII.

*Qua est Regula de Concordia Participii?*

Omne participium cum substantivo nomine expresso, aut suppresso, aut verbo infinito vel alia oratione commutato, in generis terminatione, numero & casu concordat, ut: *Hic homo vigilans somniat. Venturo Casare Roma trepidat. Pausanias à suis mori coactus est. Legendo Virgilio fies poeta. Credendum est Ciceronem fuisse virum optimum*. Hic nomen substantivum commutatum est hac oratione. *Ciceronem fuisse virum optimum*. Nunc est *bibendum*, subaudi, verbum infinitum *bibere*, quod substantivi vim habet in nominativo. *Pugnatum est*, subaudi, *pugnare*, quod est loco substantivi. *Catoni fuit moriendum*, subaudi, *mori*. *Tempus est legendi*, subaudi, *legere*, sic *libertas loquendi*, subaudi *loqui*.

Pro.

Propert. *Sit modo libertas quæ jubet ista loqui*. Ita consilium cepit *abeundi*, *subaudi*, *abire*. Quod pro genitivo substantivi nominis ponitur: *Charta inutilis scribendo*, *subaudi*, *scribere*, quod est loco nominis in dativo, quasi esset: *Inutilis scribenda scriptura*. Locus amplissimus ad *agendum*, *subaudi*, *agere*, id est, *actionem*. *Legendo fies doctus*, *subaudi*, *legere*, quod vim habet nominis in ablativo.

Quotuplex est *Rectio Participii*?

Duplex: *Vera* scilicet & *Falsa*.

*Quæ est regula vera Rectionis Participii?*

Omne participium regit casum verbi, à quo derivatur, sive expressum, sive suppressum, sive verbo infinito aut alia oratione commutatum, ut: *Homerus sceptrum poetarum potitus*: nam *Potior banc rem veteres dicebant*. *Dona daturus regi occurrit*. *Adulantem omnibus*, & *adulantem omnes videmus*. Dicimus enim *Adulor tibi*, *subaudi*, *adulari*, vel *adulationem*.

*Quæ sunt regula falsa Rectionis Participii?*

*Prima.*

Participia in *Dus* desinentia genitivum singularem & pluralem regunt loco accusativi, quamvis ipsa sint singularis numeri, ut: *Quæ fuit causa collocandi siderum*. *Non est nunc tempus videndi luna*. Hos genitivos falsum est regi à participio, cum regantur à suppresso verbo infinito nominis vim habente, quasi dictum foret: *Causa collocandi collocare siderum*, sive *collocandi collocamenti*, vel *collocanda collocationis siderum*. *Non est tempus videndi videre luna*, sive

*videndi visus luna . Quosdam tenet cupiditas speculandi rerum alienarum , cadendi mancipiorum .*

*Secunda ,*

Participia quædam vel nullum casum , vel à verbi casu differentem regunt , ut : *Laureatus , Tunica- tus , Ocreatus . Populabundus agros . Vitabundus ho- stes . Amans uxoris , Alieni appetens .* Sed falsum est ista esse participia , cum sint nomina participalia , quorum alia terminationem tantum cum participiis communem habent , alia ex participiis facta , sunt nomina aliud significantia , quod quidem fit aut *Con- structione* , ut *Appetens alieni* : aut *Comparisonem* , ut *Doctior , amantior , comitator* : aut *Compositionem* , ut *Indoctus , indiligens* ,

D E

SYNTAXI PRÆPOSITIONIS.

*Quæ est regula Concordiæ Præpositionis?*

Præpositiones compositivæ cum aliis præpositioni- bus , item cum adverbis , conjunctionibus , verbis & nominibus ita conveniunt , ut in unam cum illis vocem coalescant . Et harum quidem octo sunt *Lo- quelares* , quæ extra compositionem loquelæ tantum , sed nullius significationis sunt . *Significativæ* verò quinquaginta quatuor , quæ extra compositionem ha- bent propriam significationem , de quarum usu An- notationes videantur pag. 19. & seq.

*Quotuplex est Rectio Præpositionis?*

*Triplex : Alia scilicet earum præpositionum ,*  
quæ



quæ præponuntur accusativo, alia earum quæ ablativo, alia dubiarum, id est earum, quæ utriusque.

*Quæ est regula Rectiionis Præpositionum cum Accusativo?*

Præpositiones sequentes viginti sex adsciscunt accusativum. *Ad, apud, ante, adversus vel adversum, cis, citra, circa, circum, contra, erga, extra, inter, intra, infra, iuxta, ob, pone, penes, per, post, propter, præter, supra, secundum, trans, ultra.* *Supra cum Ablat.* Lucret. 6. *Multaque humi cum inhumata jacerent corpora supra Corporibus.*

*Quæ est regula Rectiionis Præpositionis cum Ablativo?*

Præpositiones quindecim sequentes adsciscunt sibi ablativum. *A, ab, abs, absque, coram, cum, de, e, ex, foras, præ, pro, palam, sine, tenus.*

*Quæ est regula Rectiionis Præpositionum dubiarum?*

Præpositiones quinque. *In, sub, super, subter & clam,* aliàs accusativum, aliàs ablativum sibi adsciscunt.

*Quando In regit Accusativum?*

Primò, cum significat motum seu transitum, ut: *Via ducit in urbem. Hanc mihi dat in manum.* Deinde cum actio differtur; ut: *In diem est; quod minaris. Præsens in tempus rem hanc omitte. Precor ut in hunc & plures annos vivas.* Postremò cum accipitur pro erga vel contra, ut: *Pius in patrem, Ingratus in præceptorem.*

*Quando In regit Ablativum?*

Cum significat aliquid in loco fieri, ut: *In portu navigo.*

*Quan-*

*Quando Sub regit Accusativum?*

Cum significat motum, vel idem quod *post* aut *circa*, ut: *Sub terras ibit imago. Sub galli cantum. Sub eas literas recitatę sunt tue.*

*Quando Sub regit Ablativum?*

Cum quietem significat, ut: *Sub pedibus, sub arbore, sub iudice.*

*Quando Super regit Accusativum?*

Cum significat motum, ut: *Columnam super tumulum statui voluit. Virgilius tamen in quiete significanda utitur. Fama super athera notus. Et Propert. Et gravis ipse super libera colla sedet.*

*Quando Super regit Ablativum?*

Cum significat quietem, vel idem quod *de*, ut: *Fronde super viridi. Hac super re ad eum scribam.*

*Quando Subter regit Accusativum?*

Cum sive motum, sive quietem significat, ut: *Plato iram in pectore, cupiditatem subter praeordia locavit, pro, sub praeordiis; infra praeordia. Subter pineta Gal:si, pro, sub pinetis. Et subter captoꝝ arma sedere duces. Lucr. 6. de arboribus. Si quis eas subter jacuit, prostratus in herbas.*

*Quando Subter regit Ablativum?*

In oratione poetica tantum, ut: *Subter densa te-  
ludine.*

*Quando Clam regit Accusativum & Ablativum?*

Apud priscos magis accusativum regebat, ut *Clam uxorem*; apud recentiores ablativum, ut: *Clam patre. Plautus eo ut adverbio utitur, eique dativum jungit. Milit. Meretricem moneri quam magni refe-  
rat, mihi clam est, pro, mihi occultum est.*

# D E

## SYNTAXI ADVERBII.

*Quæ sunt Regulæ de Concordia Adverbii?*

*Prima.*

Adverbia interrogandi interrogativè posita primis verbi temporibus ( quæ vulgo *Indicativi* modi dicuntur ) magis consentiunt , indefinitè verò posita , magis secundis , sive subjunctivi modi temporibus , ut ; *Ubi est ? Dic ubi sit . Unde venis , quo pergis , qua ibis , cur taces ? Unde venias cedo , quo pergas nescio , qua iturus sis scire cupio , cur taceas intelligo.*

*Secunda.*

*Antequam & Priusquam* indifferenter primis & secundis temporibus consentiunt , ut *Antequam pro illo dicere instituo , pro me pauca dicam . Bibe priusquam abis , vel abeas . Antequam moreretur , vel moriebatur , deliravit ,*

*Tertia.*

*Ut* , tempus significans , pro *postquam* ; primis temporibus consentit , ut : *Is ut me salutavit , statim profectus est .* Verum *Ut* , non minus hic , quam semper aliàs , similitudinem significare rectius dixeris . Itaque ei respondet *sic* , vel *ita* . *Lucret.*  
3. *Tu quidem ut es leto sopitus , sic eris evi Quod*  
*supe-*

*superest cunctis privatu doloribus egris. Livius 21. Saguntini ut à praliis quietem habuerunt per aliquot dies, ita non nocte, non die unquam cessaverant ab opere.*

#### Quarta.

*Ut, similitudinis pro quomodo, primis & secundis temporibus consentit, ubi tamen accedit causæ significatio, tantum secundis, ut: Has ambas, ut dixi, ita oportet esse liberas. Ille ut erat lena amictus, ita venit in concionem. Ei te commendavi, ut gravissimè potui. Hera rogat, ut ad se venias, id est, ita te rogat, ut venias, & propter hanc causam te rogat, ut venias. Vereor ut placari possit, id est, quomodo possit. Ut illum Dii perdant, subaudi, ita præcor. Hoc negotium, ut ego absim, confici potest, pro, esto ita, fac ita, da vel pone ita, ut ego absim. Antiqui tamen etiam ubi causa significabatur, Ut promiscuè primis & secundis temporibus adjugebant, ut: Jam faxo hic erit, & faxo hic sit. Ego faxo scies, pro, ita faxo, ut scies. Et faxe scias. Faciam cavebunt, qui audierint, pro, ut caveant, id est, ita faciam quomodo cavebunt.*

#### Quinta.

*Ne, cum Ut sive expresso, sive suppresso, secundis temporibus semper consentit, idemque quod non significat, ut: Opera datur, ut iudicia ne fiant. Quid facias, prius cogita, ne mox facti te pœniteat, pro, ut ne, id est, ut non pœniteat. Vereor ne pater hoc resciscat, pro, ut ne. Timeo ne non impetrem, pro, timeo ut ne repulsam feram. Vereor ne*

*me nolit dimittere*, pro, *ut non velit me dimittere*, sive, *ut ne velit me retinere*.

### Sexta.

*Ne*, vetantis vel dissuadentis, semper consentit secundis & tertiis, sive subjunctivi & imperativi temporibus, ut: *Ne nega. Tu ne cede malis. Istuc ne dixeris*. Nam solæcismus est, *Non dixeris*.

### Septima.

*Non*, vetantis vel dissuadentis, tantum primo futuro consentit, ut: *Non negabis. Non dices*. Nam Solæcismus est, *Non nega. Non dic*.

### Octava.

*Quin*, jubentis vel hortantis, primis & tertiis temporibus consentit, secundis numquam, nisi pro immo ponatur, ut: *Quid stas, quin accipis? Quin tu hoc audi*. Solæcismus erit, si hortaturus dicat: *Quin tu me audias. Quin accipias*.

### Nona.

*Utinam* & *Si* optantis, semper secundis temporibus consentit, ut: *O si essem tecum. Utinam ita sit. Utinam viveret*.

#### Qualis est Rectio Adverbii?

Vera adverbii rectio nulla est, cum ab adverbio nullus casus regatur: Falsa tamen rectio est quintuplex

plex secundum quinque casus, qui ab adverbio regi falsò putantur.

*Da exempla Adverbiorum, quæ falsò putantur regere Nominativum.*

*En Priamus. En quatuor ara. Ecce homo. Ecce nova turba.* In his falsum est nominativum regi ab adverbio, cum pertineat ad verbum aliquod suppressum, verbi gratia, *Sum, es, adest, venit, exoritur.*

*Da exempla Adverbiorum, quæ falsò putantur regere Genitivum.*

*Satis eloquentiæ. Sapientiæ parum. Terrorum & fraudis abundè est. Auxiliorum affatim erat.* Varro 1. c. 4. *Volucres minus habent terreni, minus humoris, caloris temperatè, & aeris multum.* In his genitivus non regitur ab adverbio, sed à suppresso nomine substantivo, quod est *res vel negotium.* Latinè enim dicitur, *Res auxiliorum, pro, auxilia, Res fraudis; pro, fraus, Res cibi, pro, cibus.*

*Unus Plato est instar omnium.* Hic verum est genitivum regi ab instar, sed falsum est instar esse adverbium, cum sit nomen substantivum, significetque similitudinem, imaginem.

*Virtutis ergo aliquem donare. Illius ergo huc venit.* Hic ergo est nomen substantivum ablativi casus à Græco ἰσχυρ, quod significat opus, vel id, *cujus vi aliquid factum est.* Ita *Virtutis ergo donatus,* significat *virtutis hoc opus esse, virtutis opere, seu propter virtutem factum esse ut donaretur.* *Illius ergo veni,* id est, *illius opere factum est, sive, ille fecit, aut causa fuit, ut venirem, propter illum veni.*

*Ille omnium oratorum elegantissimè loquitur.* Hic  
geni-

genitivus non ab adverbio , sed à nomine suppresso regitur , subauditur enim *Ex numero* .

*Partim eorum in pompa , partim in acie illustres esse voluerunt* . Hic *partim* non est adverbium , sed nomen accusativi casus , pro *partem* , & subauditur præpositio Græca *κατά* , id est , *ad vel secundum* , quod barbarè dicitur *quoad* . Sic Oratio nostra magnam *partim* , seu *partem* , ex *Jambis* constat , pro , *ad magnam partem* , à magna parte , quod ad magnam partem attinet . *Versus partim jambis , partim trochaïs constans* , pro , *ad unam partem ex jambis* , *ad alteram partem ex trochaïs* , Subaudiri quoque potest *in* , ut Plaut. *Asin.* *Age tu nunc in partem hunc delude* , pro , *partim* , quod ad tuam partem attinet : nam ego meam partem jam satis eum delusi .

*Eo consuetudinis adducta res erat* . Hic *eo* non est adverbium , sed accusativus pluralis antiquus pro *ea* , sicut *duo* , *ambo* , & subauditur *negotia* . Est autem *Negotia consuetudinis* , idem quod *consuetudo* . Ita *Huc malorum ventum est* , pro *ad hoc* ( *prisce huc* ) *negotium malorum ventum est* . Val. Max. 8. cap. 2. 11. 6. *Huc necessitatis deductus* . *Res mali vel Negotium mali* , idem est quod *malum* .

*Pridie ludorum* . *Postridie ejus diei* . In his latent nomina , quia *pris* antiquis significabat præcedens . Unde *prior* & *primus* , *poster* , vel *posterus* ( unde *posterior* & *postremus* seu *postumus* aut *postimus* , sicut *extremus* & *extimus* , vel *extimus* ) idem valet , quod *successor* : Ergo *Pridie ludorum* , est *in die præcessore ludorum* . *Postridie ejus diei* , valet *in die successore ejus diei* . Prisci dicebant , *Poster* & *Postris* , sicut *Sacer* & *Sacris* .

*Fratrem nusquam invenio gentium* . *Abest longè gentium* .

*gentium . Ubi terrarum es . Tunc temporis .* In his genitivi non reguntur ab adverbio , quia ad orationem non pertinent, sed ad legitimam constructionem superant sive abundant . Est ergo hæc Syntaxis Irregularis seu Figurata , diciturque *Pleonasmus* aut *Parrelcon* , de quo infra .

*Da exempla Adverbiorum , quæ falsò putantur regere Dativum .*

*Naturæ convenienter vivere .* Sed hic dativus à nullo regitur , tantum jungitur cum verbo , ut sit *Vivere naturæ* , sicut *Vivere sibi & amicis* . Plaut. *Pœn. Patrem & matrem vellem viverent tibi* . Adverbium postea modum verbi significat , quomodo scilicet naturæ vivat , nempe convenienter .

*Da exempla Adverbiorum , quæ falsò putantur regere Accusativum .*

*Propius urbem castra movit .* Liv. 2. *Hoc propius fidem est & l. 4. Hoc propius vero est . Proxime Italiam .* Sed hi accusativi reguntur à suppressa præpositione *ad* . Sic *Cum Brundisium versus ires , Aretium versus castra movit* : subaudi *ad* . *Pridie Nonas* , subaudi , *ante* . Sicut *pridie constitutum diem* . Justin. l. 2. *Postridie ludos* : subaudi , *post* . *Circiter meridiem , Tharsum usque profectus* , subaudi , *ad* .

*Da exempla Adverbiorum , quæ falsò putantur regere Ablativum .*

*Procul mari , procul patria , procul dubio .* Sed hi ablativi reguntur à suppressa præpositione *à* . *Quanto doctior , tanto melior* . Hic subauditur *à negotio* : nam *eo , quo , tanto , quanto , multo , paulo* , sunt nomina sexti casus . Sicut *Multis rebus te melior* , significat *à multis rebus , quod ad multas res attinet* ,  
simi-



similiter à multo negotio , vel multo negotio , & per duplicem Ellipsin *multo melior* rectè dicitur : quo ipso sensu dici potest , *Multum melior* , pro , in *multum negotium* , sicut Plinius : *Columbarum volatus in multum velocior* , pro , à multo , vel multo *velocior* . Et Livius : *Forma viri aliquantum amplior humana* , pro , in *aliquantum* , ab *aliquanto* , *aliquanto* . Dictys 2. de bello Trojano : *Nostros multorum dierum navigatione in aliquantum exhaustos* . Versus natura participium est , usurpatione Adverbium . Curtius extremo lib. 7. *Duo oppida ad meridiem versa* , *quatuor spectantia orientem* . Cæsar. 7. bell. Gall. *Castra movet in Arvernorum versus* . Liv. 2. *In lapide ad meridiem versus confedit* .

## D E

## SYNTAXI CONJUNCTIONIS.

*Quæ sunt Regulae de Concordia Conjunctionis ?*

*Prima.*

*Etsi* , *etiamsi* , *quamquam* , *ni* , *nisi* , *si* & *siqui-*  
dem , promiscuè cum primis & secundis verbi-tem-  
poribus consentiunt , id est , cum Indicativo , Opta-  
tivo , & Subjunctivo , ut *Etsi vereor* . *Quamquam*  
*conspectus vester mihi est jucundissimus* . *Tametsi vi-*  
*cisse debeo* , *tamen de jure meo decedam* . *Præposteros*  
*habes tabellarios* , *etsi me quidem non offendunt* , *sed*  
*tamen* , &c. *Quamquam apertè Volcatio assentirentur* ,  
*Quare velim* , *etsi ( ut spero ) te hæc legente aliquan-*  
*ulum viæ processero* , *tamen obvias mihi literas mit-*

tas. Etiamſi quod ſcribas, non habebis, ſcribito tamen. Omnia brevia tolerabilia eſſe debent, etiamſi maxima ſint. Niſi reſtituiſſent ſtatuas, vehementer his minatur. Ortum amicitiae videtiſ, niſi quid adhuc forte vultis. Ni ſequitur, pugnosingere. Palam beatus, ni unum deſit. Si illum relinquo, ejus vitæ timeo. Tu ſi hic ſis, aliter ſentias. Heras ſi redierit, molendum in piſtrino. Qui iſtuc ſcis, niſi periculum feceris. Siquidem atrocius eſt patriæ parentem, quam ſuum occidere. Siquidem mihi regnum datur, numquam id potius perſequar. Plaut. Poen. a. 1. ſ. 2. Siquidem ante mentitus ſit, nunc autem dehinc erit tibi verax.

### Secunda.

Quom aut quom aut cum, tempus aut cauſam ſignificans, primis & ſecundis temporibus convenit, ut Cum lego, cum legam: cum legebam, cum legerem: cum legi, cum legerim: cum legeram, cum legiſſem: cum legam, cum legero. Multa tibi dii dent bona, cum me ſalvum eſſe viſ. Laudo te, cum id das operam, ut doctus evadas. Gratulor tibi, cum tantum vales apud Principem. Cum animum ejus à me alienum ſentiam, cur ad eum accedam. Annipiores ſunt, cum hoc accidit. Sciendum tamen quom natura ſua eſſe nomen accuſativi caſus à quis, velut in Annotationibus in Paradigmata monui.

### Tertia.

Quòd, ſivè cauſam reddat, ſivè cum reliqua oratione accuſativi vim habeat, promiſcuè primis & ſecun-

secundis temporibus convenit. Causam reddit in istis: Idcirco turpis hæc culpa est; quod duas sanctissimas res violat; id est, quoniam violat. Mihi quod defendissem ejus inimicum, leniter succensuit. Accusativi verò cum reliqua oratione vim habet hoc modo. Plaut. Scio quòd filius meus amet; pro, scio filium meum amare; scio amorem filii mei. Idem: Scio quod dictura es hanc esse pauperem, pro, scio te dicturam esse. Cicero: Cum scripsisset quòd me cuperet ad se venire; pro, scripsisset se cupere me venire. Livius. Non ignoratis, quòd duo fulmina domum meam perculerint. Fuscus Arellius apud Senecam, Probabo, quòd non sit pudica, pro, non esse pudicam: quod loquendi genus velut lectius & elegantius veteres magis probarunt. Sciendum tamen est quod ex natura sua semper nomen relativum esse, sicut & quom seu cum; in iisque præpositionem subaudiri, cum usu sunt particulae; quasi sit, Ad vel ob id nomen seu negotium quod: Ab eo vel ex eo nomine, seu negotio quod.

#### Quarta.

Quia primis & secundis temporibus convenit; ut: Eo ferox es, quia imperium habes in belluas. Illum nunc amo, quia non adest. Nemo est, qui dolorem ipsum, quia dolor sit, amet.

#### Quinta.

Quoniam, primis & secundis temporibus convenit, ut: Quoniam quæ nos scribimus, te delectant.

*Quoniam* id quod vis fieri non potest, *velis* id, quod possit. *Quoniam* ipse venire non posset, fratrem misit, pro, *quoniam* non poterat. Est autem *Quoniam*, usu factum unum vocabulum, cum prius essent duo: *Quom jam* sive, *Cum jam*.

### Sexta.

*Quin*, pro *ut non*, semper secundis temporibus convenit, ut: *Dies nullus est quin domum meam veniat*, *Facere non possum, quin ad te mittam*. *Numquid causæ est, quin te in pistrinum condam*. Factum est autem *quin* ex *qui ne*, pro, *qui non*, seu *quo non*, *quo modo non*, *cur non*.

*Quæ est regula Rectionis Conjunctionum?*

Conjunctiones copulantes & disjungentes, item *an*, *nisi*, *quam*, ad eandem vocem relatæ, vi vocis illius adfiscunt sibi casum præcedenti expresso aut suppresso similem.

*Da exempla Casus expressi.*

*Mittam vel Antium vel Circæos*. Hic conjunctio disjungens relata ad vocem *ad*, vi illius vocis regit accusativum: nam integra oratio est: *Vel ad Antium, vel ad Circæos*. *Parum confidis aut liberalitati meæ, aut amicitie nostræ*. Hic conjunctio regit dativum vi verbi *confidis*, cui dativus jungitur, quasi esset: *aut confidis amicitie*. Et decretis & responsis Cesaris interfuimus. Hic conjunctio copulans regit casum vi verbi *Interfuimus*, quasi esset: *Interfuimus decretis & interfuimus responsis*. *Homo antiqua virtute & fide*, pro, *cum virtute & fide*. *A nullo probari malo, quam à te*, pro, *quam probari à te*. *Quem Senatus, nisi me,*  
natio-

*nationibus commendavit? Refert qui audiant, Senatus, an populus, an iudices.*

*Da exempla casus suppressi.*

*Malo Panormi, quàm Syracusis esse, pro, in urbe Panormi, quàm in Syracusis. Emi drachma & pluris, pro, emi pro drachma & pro pluris aris pretio. Domi quam rure esse malo, pro, malo esse in aedibus domi, quàm in rure.*

## DE

### SYNTAXI INTERJECTIONIS.

*Qualis est Syntaxis Interjectionis?*

Interjectionis nulla est Syntaxis, id est, nec concordia ulla, nec rectio, quoniam cum cætera oratione non coheret, sed tantum ad significandum quemdam animi motum interponitur, qui motus facit, ut sæpè verba ad orationis integritatem necessaria supprimantur, ut *O vir fortis*, pro, *O quam es vir fortis*; *O me miserum*, pro, *O quam miserum me sentio*. *Væ tibi*, subaudi sit. *Væ te*, subaudi, maneat: nisi tamen *te* pro *tibi*, sicut *me* pro *mibi* positum arbitrābimur, quod veteres consuevisse Festus & Donatus testantur. *Hei*, vel *Heu mihi*! subaudi, est. *Proh dolor*, id est, *proh quantus mihi ex eo dolor est*! *Proh Sancte Jupiter*! id est, *proh fidem tuam imploro Jupiter*!

## D E

## SYNTAXI IRREGULARI

## Seu Figurata .

*Quid est Syntaxis Irregularis seu Figurata?*

Est compositio inter se partium orationis consentanea consuetudini bene loquentium, etsi à regulis Syntaxeos alienior.

*Quotuplex est Syntaxis figurata?*

Duplex: *Vernacula* scilicet seu *Domestica*, & *Peregrina*, seu *Transmarina*, aut *Græcanica*, quæ *Hel-lenismus*, vel *Græcismus* dicitur.

*Quid est Syntaxis Figurata Vernacula?*

Consentanea nativæ Romanorum consuetudini, quam penes arbitrium est, & jus, & norma loquendi. Itaque qui sequitur regulas neglecta consuetudine, loquetur Grammaticè, sed non Latinè: qui verò sequitur consuetudinem neglectis licet regulis, loquetur Latinè.

*Quotuplex est Syntaxis Figurata Vernacula?*

Quadruplex: nam artis regulæ negliguntur vel per *Exsuperantiam*, cum aliquid in oratione superat vel superfluit, diciturque *Pleonasmus* aut *Pare-con*: vel per *Defectum*, cum aliquid in oratione deest, diciturque partim *Ellipsis*, partim *Zeugma*: vel per *Discordiam*, cum in oratione dissensus est, diciturque *Syllepsis*: vel per *Ordinem* inversum seu turbatum, diciturque *Hyperbaton*.

## DE PLEONASMO.

*Quid est Pleonasmus vel Parelcon?*

Est figura Latinæ consuetudinis, per quam aliquid ad legitimam constructionem additur, sive superest, vel abundat, ut: *Agedum, agesis, dictum, dictis, itera dum, pro, Age, dic, itera. Commigravit huc viciniae. Proxime, viciniae habitat.* In his abundat vox *viciniae*. Ita supervacui & otiosi sunt genitivi in istis: *Interea loci, ubi locorum, longè gentium, nusquam gentium, minimè gentium, ubique terrarum, tunc temporis. Ejus,* abundat in hoc, *Quoad ejus fieri potest. Magis, parelcon & otiosum est in istis: Magis beator, magis major. Et potius cum malle. Cic. Casum potius, quam te laudari mavis. Tandem, supervacuum est in istis: Nimis iracundè hercle tandem, heus tibi dico tu. Itane tandem uxorem duxit Antipho?* Pleonasmus etiam est cum simul in eadem periodo ponuntur, *Sic ut. sic, sicut, ita: similiter, itidem, ut; prius, antequam: postquam, post. præterquam, præterea. tamenetsi, seu tamenetsi, tamen. si, quando. ubi, quando. ergo, igitur. itaque, ergo. en, ecce. post, deinde. extemplo, simul, saltem, modo. quia, enim. quippe, quia. quidem, certe. olim, quondam. totus, perpetuus. universi, omnes. ambo, duo. quod in idiotismo Italico habet. Plaut. Amph. act. 3. sc. 3. Jam hi ambo servus & hærus frustra sunt duo. Etiam is abundat in hoc Pœn. act. 5. sc. 2. Pater tuus is erat frater patruelis meus, pro quo aliter recte dicas: Pater tuus idem erat frater meus. Sin minus est Pleonasmus, nam Minus est non, & Sin est*

H 4 si

*Si non . Ideo per Pleonasmum dicitur , cū eo per Ellipsin dicatur , pro eo nomine . Pleonasmus est Atque ut in comparatione parium . Plaut. Milit. Simile somnium somniavit , atque ut tu suspicatus es .*

## DE ELLIPSI.

*Quid est Ellipsis?*

Est figura Latine consuetudinis, per quam ad legitimam constructionem deest vocabulum unum aut plura.

*Quotuplex est Ellipsis?*

Quadruplex : Alia scilicet est *Nominis* , alia *Verbi* , alia *Præpositionis* , alia *Adverbii & Conjunctionis* .

## ELLIPSIS NOMINIS.

*Quotuplex est Ellipsis Nominis?*

Duplex : nam vel *Idem* nomen deest , vel *Aliud* .

*Qualis est Ellipsis cum deest Idem nomen?*

Idem nomen deest , si post verbum substantivum ( *Sum* , *es* , *est* , ) sequatur adiectivum aut genitivus , ut ; *Hoc est pecus regium* vel *regis* . Deest idem nomen *pecus* , quod prius erat positum : integra enim oratio secundum regulas est , *Hoc pecus est pecus regis* vel *regium* .

*Quotuplex est Ellipsis cum deest aliud Nomen?*

Duplex : nam deest vel *Cognatum* nomen , vel *Alienum* .

*Quotuplex est Ellipsis Nominis Cognati?*

Du-



Duplex : nam deest vel *Nominativus cognatus* ,  
vel *Accusativus cognatus*.

*Ubi deest Nominativus Cognatus?*

In verbis illis , quæ ineptè vulgo *Impersonalia* vocantur , ut : *Curritur* , *sedetur* , *statum* , *vivitur* , *evenit* : nam deest ac subauditur , *cursum* , *sessio* , *status* , *vita* , *eventus* . Sic *Pluit pluvia* : *Ningit nix* : *lucescit lux* : *Miseret miseratio* ; *tedet tedium* : *pudet pudor* : *piget pigritia* : *pœnitet pœna* .

*Ubi deest Accusativus Cognatus?*

In verbis activis , quæ imperitè vulgo *Neutra* aut *Absoluta* dicuntur , ut : *Vivo* , deest *vitam* : *curro* , *cursum* : *sedeo* , *sessionem* : *ambulo* , *ambulationem* : *servio* , *servitutem* : *certo* , *certamen* . *Eo iter* sive *itum* .

*Quotuplex est Ellipsis nominis Alieni?*

Duplex : *Solitarii* scilicet & *Consociati* : nam vel unum solum nomen deest , vel cum nomine aliæ simul voces .

*Quotuplex est Ellipsis nominis Solitarii?*

Duplex : *Suppositi* scilicet & *appositi* , sive *præcedentis* & *consequentis* .

*Quotuplex est Ellipsis nominis Suppositi?*

Triplex : *Nominis* scilicet , *Verbi* & *Præpositionis* : nam nomen quod deest , vel nomini , vel verbo supponitur , vel præpositioni .

*Quotuplex est Ellipsis in qua deest suppositum Nominis?*

Duplex : nam vel *nominis regentis suppositum* deest , hoc est , *Substantivi* , vel *nominis concordantis* , hoc est , *Adjectivi* .

*Qualis est Ellipsis in qua deest suppositum Substantivi?*

*Ædes*

*Ædes*, deest cum dicimus *domi*: nam hic genitivus *domi*, supponit nomen substantivum *ædes*, à quo regitur. Plautus *Casin. Insectatur omnes per ædes domi*. Nempe *domus* totum est, *ædes* verò, pars *domi*, seu *domus* ædificata & conclavibus distincta. Igitur *est domi*, significat, *est in ædibus domi*, sicut *jacet humi*, pro, *in terra humi*.

*Causa* vel *gratia*, vel *ergo*, deest in hoc Sallustii: *Exercitum opprimendę libertatis habet*. Ovid. *Suscessorumque Minervę indoluit*. Liv. *Pestilentia aliarum rerum otium præbuit*, id est, quod ad alias res attinet. Cicer. *Sanè ceterarum rerum paterfamilias attentus*. Sic *Miser animi*, integer *vita*, cupidus *vin*, peritus *juris*, subaudi *causa*. Est autem *Animi causa*, idem ac, quod ad *animum* attinet.

*Copia*, deest in his: *Eges Medici*. *Abundas pecuniarum*. Virgil. *Non est te fallere cniquam*, subaudi, *copia*, à quo nomine regitur *fallere*, quod pro nomine genitivi casus ponitur.

*Crimine* vel *actione* deest in verbis accusandi, damnandi aut absolvendi: ut: *Furti damnatus*. *Repetundarum postulatus*. *Cædis absolutus*.

*Memoria* vel *recordatio* vel *meminisse*, deest in his: *Memini illius rei*. *Venit mihi in mentem illius rei*. *Oblitus meorum*, ubi subaudi, *oblivionem*.

*Negotium*, vel *res*, deest in hoc: *Dedit mihi mille nummum*. *Uno mille nummum lucratus est decem millia*, pro, *uno negotio mille nummorum*: nam *Mille* semper est adjectivum pluralis numeri, sicut *decem* & *centum*. *Non est mihi opera*, subaudi, *res*, pro, *non est mihi opera, quam tibi dem, sum occupatus*. *Laboris est hoc præstare*, subaudi *res*.

Satis

*Satis eloquentiæ , sapientiæ parum . Quid rei , pro , quid negotium rei . Compexdi facere , lucri facere , subaudi , rem .*

*Officium , deest in istis : Pauperis est numerare pecus . Adolescentis est majores natu revereri .*

*Opus , deest in his : Hoc non solum laboris , verum etiam ingenii fuit .*

*Solum , deest in istis : Terræ defigitur arbor . Pro- cubuit terræ . Arborea humi arenoso genita , pro , in solo humi arenoso .*

*Tempore , deest in Domi , bellicque , nam hic do- mi significat pacis & otii .*

*Terra , deest in hoc : Jacet humi , pro , in terra humi : nam terra in aquam & humum dividitur à Varrone . Ægypti occisus est , subaudi , in terra .*

*Urbs , deest in hoc : Natus Romæ , pro , in urbe Romæ , vel etiam in loco Romæ . Virgil. Hic locus urbis erit , pro , hic urbs erit .*

*Uxor , deest in his : Terentia Ciceronis , Catonis Marcia .*

*Quotuplex est Ellipsis , in qua deest Suppositum Adjectivi ?*

*Duplex : nam deest suppositum adjectivi vel Ab- soluti , vel Relati .*

*Quotuplex est Ellipsis , in qua deest Suppositum Adjectivi Absoluti ?*

*Duplex : Apertior scilicet & Tectior . Apertior est , in qua adjectivum nullum omnino substantivum expressum habet . Tectior , in qua adjectivo suppositum quidem est nomen substantivum ; sed tale , cu- jus generi terminatio adjectivi minimè congruat .*

*Ellipsis apertior , in qua Adjectivum nullum omnino Substantivum expressum habet .*

*Æ*

*Aes* deest in *istis*: *Parvi facio*. *De meo*: nam integra oratio est: *Parvi aris facio*. *De meo are*. Sic *Ratio accepti & expensi*, *subaudi*, *aris*.

*Amnis*, vel *aqua* deest in *confluens*, *torrens*, *fluvius* & *fluvia*, quæ sunt adjectiva, sicut & in *pluvia* deest *aqua*.

*Anguis*, vel *bestia*, deest in *serpens*, quod est adjectivum.

*Animi* deest in hoc: *Rogo te ut boni consulas*, hoc est *ut iudices & stanas rem hanc esse boni animi*, vel *ab animo bono proficisci*. *Equi bonique facio*, hoc est, *facio hoc esse hominis*, sive *animi equi & boni*.

*Aqua*; deest in *piscina*, quod est adjectivum, & in *pluvia*.

*Ars*, vel *scientia* deest in *Medicina*, *Musica*, *Dialectica*, *Rhetorica*, *Fabrica*, &c. quæ sunt adjectiva.

*Avis*, deest in *ales*, *præpes*, *volucris*, quæ sunt adjectiva.

*Bestia*, deest in *serpens*, *animans*, *quadrupes*, *fera*.

*Bos* deest in *Juvenens*.

*Canis*, deest in *Molossus*, *Lacon*, *Melitaus*.

*Carcer*, prisce neutrum, deest in *Tullianum* & *Pistrinum*.

*Caro*, deest in *bubula*, *agnina*, *ferina*, *caprina*, *ovilla*, *suilla*.

*Castra*, deest in *stativa*, *hiberna*.

*Cervus*, deest in *ferus*. *Virg.*

*Cibus*; deest in *diurnus*, *diarius*, *demensus*.

*Cælum*, deest in *serenum* & *purum*.

*Corona*, deest in *laurea*, *civica*, *muralis*, *obsidiana*.

*dionalis*. In *sertas*, *subaudi coronas*, in *serta*, *coronamenta*.

*Consilium*, deest in *propositum*, *arcanum*, *secretum*.

*Culmen*, deest in *telum*, cum pro domo ponitur.

*Culpa* deest in *noxia*, quæ est adjectivum. *Noxa*, substantivum, pro nocumento seu damno.

*Dii*, deest in *Superi*, *Inferi*, *Manes*: nam *Manes* lingua Sacrorum dictum est, pro *Mani*, id est, *Boni*, sicut *Porci Sacres*, pro *Sacri*.

*Dies*, deest in *Natalis*. *Perendinum*. Plaut. *Trinum* vers. ult. *Tu in perendinum paratus sis ut dicas*.

*Domus*, deest in *Regia* & *Basilica*.

*Equus*, deest in *ferus*, *sonipes*, *quadrupes*.

*Fabula*, deest in *prætexta*, *togata*, *palliata*.

*Facta*, pro *res*; seu *negotia*, deest in hoc Plautino: *Mira sunt, te hic stare*.

*Fames*, deest in *milvina*. Plaut. *Menæch.* a. I. s. 3. *Quæ mihi apposita milvinam suggerant*.

*Febris*, deest in *quartana*, *tertiana*, *quotidiana*.

*Finis*, deest in *hactenus*, *quatenus*: nam integra oratio est: *Hac fine tenus*, pro, *usque ad hanc finem*, sive *ad hunc terminum*. *Lumborum tenus*, *subaudi fine*.

*Fodina*, deest in *Auraria*, *Argentaria*.

*Frater*, deest in *germanus*, *patrueelis*, *uterinus*.

*Frenus* vel *frenum*, deest in *lupatus* & *lupatum*.

*Fructus*, deest in hoc Varronis 1. rust. 44. Ex  
eodem

*eadem semine alicubi cum decimo redit ; alibi cum centesimo : id est , decuplum , centesimum nascitur .*

*Frumenta , deest in sata , & fruges , in sata .*

*Funera , deest in iusta , suprema , sollemnia .*

*Funis , deest in rudens , quod est adjectivum seu participium à rudere . Et in Stupea .*

*Homo , deest in nemo , quod est adjectivum omnium generum . Tu es miser , pro tu es homo miser . Cicero est Romanus , pro , homo Romanus . Sic in Amicus , familiaris , liber , servus , tabellarius , nuncius , socius , rivalis , maritus , adolescens , juvenis , subaudi , homo . Magnates , optimates , majores , minores , ceteri , mortales , Itali , Galli , subaudi homines .*

*Hora , deest in quota , prima , tertia .*

*Horologium , deest in solarium .*

*Jaculis , deest in hoc Virgil . Missilibus certant .*

*Illa , deest in intestina .*

*Judicio vel jare deest in falso & merito , quæ sunt nomina adjectiva .*

*Jus , deest in augurium , quod est adjectivum ab augur .*

*Lapis , deest in molaris .*

*Liber , deest in annalis & diurnus .*

*Libelli , deest in pugillares , eborei , duplices , triplices .*

*Lineas , deest in isto : Ad incitas redactus , id est , ad ultimas lineas in ludo XII. scruporum , in quibus scrupi seu calculi porro moveri nequeunt , & ob hoc inciti dicuntur , id est , immobiles : nam cieo est moveo .*

*Litera , deest in vocalis , consonans , muta , liquida .*

*Liste-*

*Literas*, deest in hoc Cicer. *Triſtuo abs te nulas acceperam*. Et Plaut. Merc. *Hodie in ludum occepi ire literarium*: ternas scio jam, *A, M, O*. Ubi verè ridiculè Emmanuel Alvarez ternas verborum conjugationes significari putat. Scilicet puer prima die in ludo ternas conjugationes discet.

*Locus*, deest in istis: *Hic senex de proximo*, ab humili ad summum, subaudi loco. In medio. *Convenerant in unum*. *Exilis in siccum*, subaudi, *Locum*, quod priscais neutrum erat, à quo loca, deest in *Æstiva, hiberna, rosaria, pomaria, supera, infera, inferna, secreta*, subaudi, *loca*. In illis, quæ male pro adverbis habentur, *Primo, secundo, quarto, postremo*, deest loco.

*Ludi*, deest in *Circenses, Megalesii, saculares, funebres*.

*Lychnus*, deest in *Cereus, Funalis, Cebaceus*.

*Mare*, deest in his: *Terris jactatus & alto*. In alto periit. In tranquillo quilibet gubernator esse potest. *Cæcula verrunt*.

*Mensa*, deest in *Delphica*.

*Mensis*, deest in *Januarius, Aprilis, Majus, October, December, &c.* quæ sunt adjectiva.

*Milites*, deest in *triarii, hastati, pilati, sagittarii, peltati, cetrati, velites*.

*Modo* deest in his: *composito, vel Ex composito factum est*. *De compacto, vel Ex compacto res geritur*, id est, *eo modo, quem inter se composuerunt, vel compacti sunt*. Deest etiam in *perpetuo, certo, secreto & similibus*. Plautus enim eadem scena 1. act. 3. Mostel. promiscuè dicit: *Metuo ne perpetuo perierim*. Et, *Perii in perpetuum modum. Quo pacto istud fiet. Qui fieri potest: nam qui est quo.*

Cum

*Cum eo, pro, cum eo modo, cum hac conditione, sic.*

*Modum*, deest in numero per Præpositionem ad expresso. Cæsar 2. bell. Gal. *Occisis ad hominum millibus quatuor, reliqui in oppidum reiecti sunt.*

*Morem vel ingenium*, aut *institutum*, deest in hoc Plauti: *Antiquum obtines hoc tuum, tardus ut sis.* Et Terent. *Nqn cognosco vestrum tam superbum.*

*More*, deest in hoc Plauti Pseud. 2. 4. f. 7. *Uncti sunt hi senes, fricari se ex antiquo volunt.*

*Mulier*, deest in meretrix. Plaut. Stich. 2. 5. f. 5. *Nimioque sibi mulier meretrix repperit odium citius.* Merc. 2. 4. f. 1. *Mulier meretrix est intus in ædibus.*

*Navis* deest in celox, liburnica, prætoria, rostrata, triremis.

*Negotium*, id est, *res*, deest in omni adjectivo neutrali, cui nullum substantivum sit adjunctum, nec ullum aliud adjungi possit, ut: *Aliena curare. Triste lupus stabulis. Malum videtur esse mors. Strata viarum. Abditarum. Opaca domorum. Pessima munerum. Beata Seraphim*, subauditur, *negotia*. Porro *Negotia viarum, rerum, domorum*, Græco more significat, *vias, res, domos*. *Dulce ridet. Lucidum fulgent oculi. Turbidum lætatur*, subaudi, *negotium*. *Mea interest*, pro, est inter mea negotia, pertinet ad mea negotia. *Refert mea*, pro, affert, importat, sive apportat ad mea negotia. *Omnia sunt hominum tenui pendentia filo*, pro, omnia negotia, omnes res. *Actum est*, subaudi *negotium*: Deest quoque *negotium* in illis, quæ vulgo adverbia putantur. *Multum, plurimum, plus, melius, pejus*,  
bre-



*brevius, doctius, eo, quo, tanto, quanto, multo, vero, falso, &c.* in quibus præterea præpositio *a, ad, ex* vel *in* subauditur. *Paucis est quod te volo, pro, est negotium propter quod paucis alloqui te volo. Non est quid vereare, pro, non est negotium propter quod vereare. Si est ut facturus sit officium, pro, si ita est negotium, si ita res se habet. Non est ut possit tibi plus dari, pro, non est ita negotium, res ita se non habet. Etiam in Hoc, id, quid, aliquid, nihil, subaudis, negotium. Nomen pro causa cum aliqua præpositione deest in id, quid, eo, quo. Plaut. Amph. id huc reverti ut me purgarem tibi, pro, ob id nomen, sive eam causam. Ibid. Cur dixisti, inquires non quo te esse impudicam crederem, pro, non ab eo nomine, quo crederem, sive non ob id nomen, ob quod crederem. Et Aul. Aurum me scit habere, eo me salutat blandius, pro, ab eo nomine. Cic. 14. famil. ep. 7. Ego eo nomine sum Dyrrachii, ut quam celerrime quid agas, audiam. Terent. Eun. a. 5. s. 7. Nunc id prodeo, ut conveniam Parmenonem, pro, ad id modi, vel ob id nomen. †*

## I

## Num.

† *Negotium* idem significare quod *res, opus, factum* (Græcè *χρῆμα πρᾶγμα*) & in adjectivis plerisque neutralibus subaudiri, ut sit ex iis, quæ Logici *Transcendentia* vocant (tamquam *ens & aliquid*, quæ cum adjectiva sint, in iis *negotium* suppressum intelligitur) etsi satis in *Minerva* planum factum est, non tamen ab re futurum vide-

tur, pauculis hic demonstrari. Cic. lib. 2. Ver. 4. *Fecerunt ut ego istum accusarem: à quo mea longissime ratio voluntasque abhorrebat. Ubi notat Asconius: A quo, à qua re, à quo negotio, accusationis scilicet. Terent. Adel. act. 3. sc. 4. Utinam hoc sit modò defunctum. Ubi Donatus: Hoc, id est, negotium. Plaut. Cas. act. 3. sc. 5. Timeo hoc ne-*

*gotium*

*gotium quid est*, pro eo quod aliter dicitur : *Timeo quid hoc sit* . Sic pro eo , quod omnes dicimus , *Quid mali est* , Plautus dixit : *Quid mali negotii est* . Trin. act. 4. sc. 2. *Viden' egestas quid negotii dat homini misero mali* ? Ubi in *quid* non minus subauditur *negotium* , ut plena oratio sit : *Quid negotium mali negotii dat egestas homini misero* . Est autem *negotium quid negotii* perinde dictum , ut *qua res rei* sive rerum , apud eundem Plaut. Men. act. 5. sc. 2. *Summum Jovem detestor* . SE. *qua de re rerum omnium* . Terent. Heaut. act. 1. sc. 1. *Tantumne ab tua re tibi est otii* , *aliena ut cures* ? subaudi *negotia* , ut Horat. *Aliena negotia curo excussus propriis* . Cicer. 2. Philip. *Si tum occisus esset* , *cum tu illum stricto gladio infecutus es* , *negotiumque transgisses* , *nisi ille se sub scalas coniecisset* , *hisque oppilatis impetum tuum compressisset* , *id est* , *rem confecisses* . Idem : *Magnum negotium est navigare* . Ubi per Ellipsin , *negotium* omitti poterat , sicut apud eundem : *Quos enumerare magnum est* , *ita sunt multi* . *Magnum est iisdem uti sacris* . Ergo similiter in *multum est* , *parum est* , *nimum* , *plus* , *tantum* , *quan-*

*tum* , subauditur *negotium* : pro quo aliter res dici solet : Cicer. *Experiar quidem* , *sed magna res est* : Plaut. Amph. act. 2. sc. 2. pro : *Parvum negotium voluptatum* , seu *parum voluptatum* , dixit *Parva res voluptatum est in vita* . Idem sæpe pro , *ita opus* , seu *usus est* , alias , *ita negotium est* , alias , *ita res est* , dicere solet. Bacchid. act. 4. sc. 4. *Cum amica sua uterque accubitus eatis* : *ita negotium est* . Ibid. *Cur id exquiris* ? CH. *res ita est* , *dici volo* . Menæc. act. 1. sc. 1. *Quare patrem meum* , *ut veniat ad me* , *ita rem mihi esse dicito* . Mil. act. 2. sc. 6. *Cito transcurrere ad nos* , *ita negotium est* . Terent. Eun. act. 1. sc. 2. *Sed ita res erat* , *faciendum fuit* , pro , *ita opus erat* . Similiter autem indifferenter dicitur , *Ut res nata est* , *ut negotium natum est* , pro *re* , & pro *negotio* . Scipio Africanus apud Festum : *Ut negotium natum erat* . Plaut. Truc. *Ut rem natam video* , *accipiendum quod datur* . Idem Aul. *Pro re nitorem qui habent* . Lucr. *Quisque suum pro re consortem mæstus huius* . Dictys lib. 4. *Armati instructique pro negotio pugnam aggrediuntur* , id est , pro *re nata* , ut *res ferebat* .

Sed

*Nummus* vel *numerus*, deest in *quinarius*, *denarius*. Etiam in *Sestertii* subauditur *nummi*.

*Nux*; deest in *avellana*; *juglans*; *pinca*; *persica*, *castanea*:

*Oculus*; deest in *limis* *adspicere*:

*Officina*; deest in *fabrica*.

*Officium*; deest in *istis*: *Mentiri non est meum*:

*Regium est benefacere*.

*Opera*; deest in *Bucolica*; *Georgica*; *Rhetorica*.

*Oratio*, deest in *Prosa* seu *Prorsa*, quod valet *Recta*, cui opponitur *Versa*.

*Ostium*; deest in *posticum*:

*Oves*; deest in *bidentes*; *fetas*:

*Pars*, deest in *antica*; *postica*; *decima*, *quadragesima*, pro *virili*; *primas* vel *priores* alicui deferre:

I 2

Qua

Sed & *factum*, pro *res* dicitur, sæpèque subauditur.

Plaut. *Alin.* Non te provide-ram, ita iracundia obstitit oculis: *ME.* non mirum factum est: Et *Rud.* Haud miranda facta dicis, si *Deos* decepit & *homines*. Et *Men.* *Mihi mira videntur te hic stare foris*. Et *Pseud.* *Mira sunt; ni Pseudolus est*: Et *Mil.* *Ante hoc factum semper hunc sum arbitratus servum nequissimum*, id est, antehac, quod ponitur pro antehac, subaudi facta, quod etiam in *postea*, *interea*, *supprimeretur*. Eodem verò sensu dicitur, *Interea facta*, *inter ea negotia*, & *inter eam rem*.

Plaut. *Stich.* *Inter illud negotium curavi, ut cœna esset cocta*. Et *Cistel.* *Inter rem istam huic respondi quod rogabat*. Rursum *Stich. act.* 1. sc. 1. *Nos ejus animum de nostris factis noscimus, id est; ex nostris rebus*: Et *Merc. act.* 5. sc. 4. *Eamus intro, non utilis hic locus factis tuis, pro; rebus tuis*. Et *Molt. a.* 2. sc. 1. *Miserum est opus tum demum fodere puteum, ubi situs fœces tenet, pro; misera res*: *Propert.* *Vincere cum Vejais posse laboris erat, subaudi; opus seu res, ut Ovid. Hæc erit artis opus*.

*Qua*, subaudi *parte*. Horat. *Qua parte debacchantur ignes, qua nebula*.

*Pecuniæ*, deest in *repetundarum & repetundis*.

*Pedato*, vel *Pedatu*, deest in *primo*, *secundo*, *tertio*, quæ malè adverbia putantur. Significat autem *prima*, *secunda*, *tertia* vice.

*Pede*, deest in hoc: *Ædes quæ plano adeuntur*.

*Premium*, deest in *Corollarium*.

*Principium*, vel *primordium*, vel *initium*, vel *ortus* deest in *primum & primo*, ubi etiam præpositio *ad* vel *à* subauditur.

*Pretium*, deest in *magno emere*. *Magni mihi sunt literæ tuæ. Hoc magni refert, parvi refert*.

*Puer*, aut *puella*, deest in *infans*, *à parvulo*, *exoletus*, subaudi, *puer qui olescere*, id est, *crescere desuit*.

*Rastrus*, deest in *bidens*, *tridens*, *quadridens*.

*Ratio*, deest in *expensa*, *impensa*, *summa*, *ad summam*.

*Res*, deest in *Esca*, quod est adjectivum ab *Essi*; sive *Edi* factum, quasi, *Essica*, sive *edilis*, aut *essibilis*, *comedibilis*. Hoc apparet ex composito ejus *vescus*, *a*, *um*. Similiter in *ædulia*, subauditur *negotia*, pro quo veteres libri habent *Edilia*, quasi *comedibilia*. Etiam in istis: *Virtus est laudanda. Mors est bona. Satin salvæ?*

*Reliquiæ*, deest in *parietinæ*, quod est adjectivum à *paries*, sicut ab *aries*, *oraculum Arietinum*, id est, *Jovis Ammonis*, qui caput habebat cum cornibus arietis.

*Rus*, deest in *pascuum*. Lucret. *Pascua rura*. Plaut. Truc. a. 1. f. 2. vers. 47. *Non arvus hic, sed pascuus est ager*. Ergo & *Arvum* est adjectivum in quo *rus* subauditur.

*Sacra*, deest in *Saturnalia*, *Bacchanalia*, *Liberalia*.

*Sectura*, deest in *Ternaria*.

*Securis*, subauditur in *bipennis*.

*Servus*, deest in *Vicarius*, *ostiarius*, *mediastinus*.

*Sermo* vel *rumor*, deest in *nuncius*, quod est adjectivum, diciturque *nuncius homo*, *nuncia fama*, vel *vox*, *nuncium verbum* sive dictum.

In neutro *sestertium* deest aliquod substantivum quod significet eandem drachmarum seu denariorum quantitatem, quæ est *Mina*, puta centum drachmarum: Ita *Mina Sestertia* rectè dicitur, *Minae pondus sestertium*, pro 25. drachmis auri, quasi esset, *Pondus semitertium*, id est, *ming duæ & dimidia*. *Sestertius* Germanicæ est *ein drithalber*. *Sestertia ein drithalbe*. *Sestertium ein drithalbes*, ut *Sestertium milliare*, id est, *duo milliaria & dimidium*. *Sestertium bipalium* apud Columel. de arbor. c. 1.

*Sinus*, deest in *Tarentinus*, *Puteolanus*.

*Sol*, deest in *Oriens*, *Occidens*. *Die crastini*, *die septimi*, subaudi, *solis*.

*Spatium*, deest in hoc Virgil. *In medio mihi Cæsar erit*.

*Sponde*, deest in *Suapte*, apud Catullum.

*Stabulum*, deest in *bubile*, *equile*, *suile*, quæ sunt adjectiva, adeoque *bubilis*, *equilis*, *suilis*, dici potest subaudiendo, *caula*.

*Stipendia*, vel *era*, vel *alimenta* deest in istis: *Ex schola quadringenta annua capit*. *Sunt qui tormentoribus annua præstent*.

*Stridor*, deest in *sibilus*, quod est adjectivum.

*Stuprum*, vel *flagitium* deest in *incestum*, quod est adjectivum.

*Tabellæ*, deest in *eboreæ*, *citree*, *duplices*, *triplices*, *laureata*, *pugillares*, pro quibus Catullus, *Pugillaria* dicit, subaudiendo *ligilla*, *schedia*, vel aliud quid.

*Taberna*, deest in *Medicina*, *Sutrina*, *Textrina*, *Tonstrina*, *Fabrica*, *Saline*, *Laniena*, *Carnificina*; Sunt enim ista omnia adjectiva.

*Tegmen*, deest in *lacunar*.

*Tempus*, deest in istis, *Serum est*. *Ex illo*. *Ex quo*. *Horno*: *Brevi senties*, subaudi, *tempore*. Sic *Sero sapiunt Phryges*. *Optato advenis*. *Non ignara futuri*, subaudi, *temporis*, in *perpetuum*, in *eternum*, in *posterum*, in *futurum*. In *præsens*, per *sudum*, cum *sudum* erit, sub *obscurum*, *adhuc*, subaudi, *tempus*: nam prisca hoc & huc dicebant. *Hoc noctis*. *Id ætatis*, subaudi, *tempus*. *Postea*, præterea, *antea*, *antehac*, *posthac*, subaudi, *tempora*: nam hac pro hac dicebant.

*Terra*, deest in *Patria*, *continens*.

*Toga*, deest in *prætecta*.

*Vacca*, deest in *juventa*.

*Vada*, deest in hoc Virgil. *In brevia & syrtes urget*.

*Vasa*, deest in *fistilia*, *crystallina*, *vitrea*, *atramentaria*. In *Salinum* deest *vas*.

*Velum* deest in *lintheum*. Catull. Car. 6. *Phaselli laud*. *Sive palmulis opus foret volare*, *sive lintheo*.

*Ventus*, deest in *Africus*, *Favonius*, *Subsolanus*.

*Verba*, deest in his: *Quid multa?* *Paucis te volo*. *Dictum sapienti sat est*.

*Vestes*, deest in *sericæ*, *bombycinæ*, *undulatæ*, *Cog*.

*Via*,

*Via*, deest in istis : *Cur non recta introibas : Hac illac circumcurfa.*

*Vicibus* deest in *Alternis*. Seneca : *Non sit multiformis, alternis Vatinius, alternis Cato, sed perpetuo sui similis, Idem : Alternæ inter cupiditatem & pœnitentiam nostram vices sunt.*

*Vinum* deest in *mustum, merum, Falernum, Massicum*, quæ sunt adjectiva.

*Vir* vel *uxor*, deest in *conjux, maritus, marita*. In *Majores, optimates, magnates, primates, subaudi viri vel fœminæ.*

*Virga*, subauditur in *rudis*, ut *rudem accipere, rude donatus.*

*Urceus*, deest in *aqualis*.

*Usuræ*, deest in *centesimæ, dextantes, besse, semisses.*

*Ellipsis Tectior*, in qua adjectivum habet quidem substantivum, sed genere discrepans.

*Arbor*, deest in appellationibus arborum cum adjectivo feminino positarum, ut: *Delphica laurus, patula fagus, tarda morus, fructuosa malus, conferta pomus*: nam ista omnia per regulam terminationis sunt generis masculini. Ergo in his est Syntaxis figurata, cum desit nomen substantivum *Arbor* cum adjectivo concordans. Sciendum est autem in his & multis aliis plus consuetudini, quam arti serviendum, & figurata, quam regulari syntaxi utendum esse.

*Fabula*, deest in *Comœdiarum & Tragœdiarum* titulis cum adjectivo fœminino positis, ut *Terentiana Eunuchus.*

*Florem*, deest in hoc *Virgilii: Crocumque ruben-*

*tem*: nam *Crocum* ex terminationis regula neutrum est.

*Femina*, deest in animalibus, quæ sunt sexus fæminini, sed nomen habent terminationis masculinæ, sicut *Mas*, deest in iis, quæ sunt sexus masculini, sed nomen habent terminationis fæmininæ. In *leo* pro *leana*, deest *femina*. Sic *Elephantus gravis*. *Porcus obesa*. Hæc *bos*, hæc *homo*, hæc *aquila*, hæc *anguis*, hæc *ovis*, hæc *canis*, hæc *testis*, hæc *civis*, hæc *sacerdos*, hæc *vates*, hæc *miles*; In his omnibus deest, *Femina*. Hic *bos*, hic *homo*, hic *aquila*, hic *anguis*, hic *ovis*, hic *canis*, hic *testis*, hic *civis*, hic *sacerdos*, hic *vates*, hic *miles*; In his omnibus deest *Mas*.

*Herba*, deest in appellationibus herbarum cum adjectivo fæminino positus, ut: *Dictamnus pota pellic sagittas*. *Centunculus trita in aceto*: nam per regulam illud neutrum, hoc masculinum est.

*Insula*, deest in nominibus propriis Insularum cum adjectivo fæminino positus, ut: *Latonia Delus*, *Phæbeja Rhodus*.

*Mons*, deest in nominibus propriis montium cum adjectivo masculino positus, ut: *Altus Ossa*, *præaltus Ida*, *ignivomus Aetna*.

*Oppidum*, deest in nominibus propriis urbium cum adjectivo neutrali positus, ut: *Argi aptum equis*. *Altum Præneste*. *Tybur superbum*.

*Sinus*, deest in nominibus propriis sinuum cum adjectivo masculino positus, ut: *Sævus Hadria*.

*Urbs*, deest in nominibus propriis urbium cum adjectivo fæminino positus, ut: *Barbara Narbo*, *magna Mediolanum*, *deleta Corinthus*: nam ex regula terminationis *Narbo* & *Corinthus* sunt masculini, *Mediolanum* verò neutri generis.

Qua-



*Qualis est Ellipsis, in qua deest Suppositum adjectivi Relati?*

*Homo aliquis, deest in istis: Est qui dicat. Sunt qui affirmant. Sunt quos arma delectant.*

*Idem, deest in hoc Plinii: Equo fere, qui homini, morbi: pro, iidem ferè. Tarando magnitudo, quæ leoni, pro, eadem quæ.*

*Is, quod significat talis aut tantus, deest in isto: Homo improbus, sed cui paucos ingenio pares invenias.*

*Quotuplex est Ellipsis, in qua deest Suppositum Verbi?*

*Duplex; nam vel Finiti verbi, vel Infiniti Suppositum deest.*

*Qualis est Ellipsis, in qua deest Suppositum verbi Finiti?*

*Ego, tu, ille, deest in verbis, Amo, amas, amat. Fert autem consuetudo eleganter loquentium, ut verborum primæ & secundæ personæ supposita per Ellipsin semper fere omittantur, nisi cum diversitas aliqua significanda est, ut: Tu legis, ego audio. Alioquin secundum regularem Syntaxin Grammaticè, sed minus Latinè dicetur: Quid tu facis? Ego quiesco. Virg. Hunc & Nymphæ veneramur subaudi, Nos entes, sive, nos quæ sumus Nymphæ.*

*Homines, deest in ajunt, ferunt. Lucr. Nemo animi fallit.*

*Libido, vel cura, vel animus deest in hoc Virgil. Nec sit mihi credere, pro, nec mihi libeat credere. Propert. Nec tibi sit duros montes & frigida saxa adire, pro, ne velis adire.*

*Potestas, deest in istis: Videre erat Tityum. Fame necatur: aliter non est occidere.*

*Ratio,*

*Ratio*, vel *Mens*, deest in hoc Catulli: *Hoc falsum esse putas? fugit te inepte.*

*Res*, deest in istis: *Bene est. Male mihi est. Aegre mihi est*, pro, *Res bene vel male se mihi habet*; *Aegritudo mihi est*. Sic, *Sero est, mane est*, pro, *Res est in mane, in sero tempore.*

*Qualis est Ellipsis, in qua deest Suppositum verbi Infiniti?*

*Me, te, illum*, deest in verbis infinitis cum aliis, tum praecipue post verbum passivum, ut *Volo facere*, pro, *volo me facere*. *Non possum credere*, pro, *me credere*. *Non veretur mentiri*, pro, *se mentiri*. *Videor videre*, pro, *me videre*. *Putaris scire*, pro, *te scire*. *Paulus creditur fecisse*, pro, *illum fecisse*. *Multi dicuntur venire*. *Multi dicuntur venturos esse*, pro, *Eos venire, eos venturos esse*: nam *venturi esse*, est *Gracismus*. *Lucret. Quippe etenim quam multa tibi me fingere possum*. *Sallust. Qui se student praestare ceteris*. *Plaut. Curcul. Aesculapius mihi visus est eum ad me non adire, neque me magni pendere*. *Idem Aul. Vocem loquentis modo me audire visus sum*. *Idem Milit. Vereor me isto ornatu incedere*. *Idem Epid. Videor me vidisse eam prius*. Sic, *Diceris fecisse*, pro, *te fecisse*.

*Qualis est Ellipsis, in qua deest suppositum Praepositionis?*

*Commune*, deest in hoc: *Quid mihi tecum? Illi genti nihil ad eam d. em cum Romanis fuerat*. *Curt. 8. Regum Indorum luxuria super omnium gentium est, subaudi, luxuriam.*

*Homo servus*, deest in istis: *Esse alicui ad manum vel à manu, circum pedes, ab epistolis, à cubiculo, à pedibus, à poculis, à studiis, hoc est, ser-*  
vire

vire alicui quod ad manum , ad epistolas , ad cubiculum , ad pedes , ad pocula , ad studia attinet . Cicero & Cor. Nepos dicunt , *Habere aliquem ad manum* . Talem servum Suetonius & posteriores minus Latine dixerunt *Amanuensem* .

*Quotuplex est Ellipsis nominis appositi ?*

Duplex ; *Nominis* scilicet & *Verbi* , & *Conjunctionis* : nam nomen quod deest , vel nomini , vel verbo apponitur , vel conjunctioni .

*Quotuplex est Ellipsis , in qua deest appositum Nominis ?*

Duplex : nam vel *Nomen rectum* sive *Substantivum* est , quod deest , vel nomen *Concordans* sive *Adjectivum* .

*Qualis est Ellipsis appositi Substantivi ?*

*Ligni* , deest in *Materia* , Cicero . *Non saxum , non materies adventa est . Lintribus materiam , calcem , camenta atque arenam convexit .*

*Librarum* , deest in *Pondo* , ut : *Corona mille pondo* : nam *Libra* Romanis alia erat *mensuralis* , alia *ponderalis* , cui addebant *Pondo* .

*Passuum* , deest in hoc Horatii : *Millia tunc pransi tria repimus .*

*Rerum* , deest in hoc , *Esse in numero* .

*Vitæ* , deest in *Usu venire* , hoc mihi usu venit , pro , in vitæ usu , dum vita utor .

*Qualis est Ellipsis appositi Adjectivi ?*

*Aureus* , *argenteus* , vel *Sestertius* sæpè deest in *Nummus* .

*Bonæ* , deest in hoc : *Fac sis frugi . Homo frugi* : Nam à *Frux* est genitivus *frugis* , unde extrito fecerunt *Frugi* . Sicut *Fami* pro *famis* , *Herculi* pro *Herculis* .

*Ens* ,

*Ens*, inusitatum participium deest in hoc Virgil. *Adsum Aeneas*, pro ego *ens Aeneas*, sive, qui *sum Aeneas*, *adsum*. Liv. Ego *Annibal* peto pacem. Plaut. Trin. *Rebus tuis bonis meas res irrides malas*, subaudi, *entibus*, id est, cum *tue res sint bonæ*. Livius: *Celtiberi*, novus miles, *diffugerunt*, subaudi, *entes*. Sic in *procul dubio* subauditur, *ente*. Par vel aptus deest in hoc: *Non sum solvendo ari alieno*.

*Qualis est Ellipsis, in qua deest appositum Verbi?*

*Me, te, se*, deest in verbis agentibus, cum suppositum agit in se ipsum, ut Terent. *Move ocys mea nutrix*. NU. *moveo*, pro, *move te*, & *moveo me*. Terra *movit*. Nox *cælo præcipitat*. Bene *veritat*. Res bene *habet*. Iræ *leniunt*. *Venti posuere*. *Aquilones multis diebus tenuere*: pro, *durarunt*. *Atrox prælium diu tenuit*, pro, *duravit*. *Anno vertente*. *Pallium maculat*. *Vestibulum pulverat*. Res *ita fert*, vel *tulit*: in his subauditur, *Se*.

*Te quoque vel vos*, deest in *amabo*, quod pecus Grammaticum fecit adverbium media, si Musis placet, correpta. Plaut. *Ite domum amabo*. *Amabo mi senex*, *eloquere*: pro, *Mi senex eloquere*, & *amabo te*. Cic. *Expecta amabo te*.

*Bellum*, deest in *cernere*, *certare*, *militare*.

*Clitellam*, deest in hoc: *Imponere alicui*. Significat enim habere aliquem pro alino, & fallaciam ei tanquam clitellam vel sarcinam imponere.

*Domum*, deest in hoc Plaut. Aul. *Redi intrò*, atque *intus servi*.

*Facem*, vel *cereum*, deest in *præluce* alicui.

*Iter*, vel *viam*, deest in his: *Quo tendis? quo pergis?*

*pergis?* Nox appetit. Abiit dies. Somnium mihi evasit. In me culpa illius expetet. Idem tibi eveniet.

*Litem*, deest in hoc Suetonii Claudio: *Absentibus secundum presences dabat.*

*Literas*, deest in hoc Cicer. Quod mitterem, aut cui darem, nesciebam.

*Laudem*, deest in *detrahere alicui.*

*Locum*, deest in *cedere, decedere, succedere alicui.*

*Malum*, deest in his: *Caveo tibi, timeo tibi, metuo à te, de te, pro te.* In *cavere malo*, deest *se*, & est *Hypallage*, pro, *cavere sibi malum.*

*Mortem*, deest in *obire, oppetere*; & *morte*, in *occumbere.*

*Navem*, deest in hoc: *Solvit è portu. Statim conscendit. Ad portum appulit.*

*Nuncium*, deest in hoc: *Renunciare vitæ, civilibus officiis*, pro, *valedicere.*

*Ova*, deest cum *Gallinæ* aliæque aves incubare dicuntur.

*Peccatum*, deest in *ignoscere.*

*Rationes*, deest in *conturbare*, quod est *Mensariorum*, cum rationibus crediti paria facere desperant; Vulgò *Fallire.*

*Relativum nomen*, sæpe deest, ut: *Urbs antiqua fuit; Tyrii tenuere coloni: subaudi, quam, vel illam.* Horat. 2. Sat. 8. *Vidimus & merulas poni, & sine clune palumbos, suavis res, si non causas narraret earum, subaudi, Quæ, & Eset: Quæ res suavis esset, nisi, &c.*

*Rem*, deest in *decoquere*: quod est *absumere rem familiarem.*

*Roga-*

*Rogationem*, deest in hoc: *Ferre ad populum de aliqua re*. Cic. *Tribunus tulit ad plebem, ut absentis ratio haberetur*.

*Principium*, deest in *capere & incipere*: Virgil. *Culice: Conformare locum capit impiger*; pro, *capit principium conformandi*.

*Sacra*, deest in *facere*, *bove*, *agna*, *vitula*.

*Viam* deest in *ire*, *inire*, *ingredi*: *Ineunte etate, vere*; *subaudi, viam*.

*Vitam*, deest in *agere*, *agitare*, *peragere*.

*Utile*, vel *commodum*, deest in *consulo tibi*, *prospicio mihi*.

*Vultum*, deest in *nubere*: nam sponsæ faciem flammeo velo obnubebant seu velabant pudoris causa.

*Qualis est Ellipsis*, in qua deest *Appositum conjunctionis*?

*Is*, deest post conjunctionem in hoc Cor. *Ne potis in Pelopida: Cujus belli cum ei summa esset data, eoque cum exercitu profectus esset*; pro, *eoque is cum exercitu*. Sic idem Thymol. *Cum frater ejus tyrannidem occupasset*; *particepsque regni posset esse*, pro, *particepsque is regni*. Sic idem in Dione. *Id cum factum multi indignarentur, magnæque esset invidiæ tyranno*, pro, *magnæque id esset*. Plaut. Epid. act. 5. sc. 2. *Ain tu te illius invenisse filiam*? EP. *inveni*, & *domi est*: pro, & *illa domi est*. Sallust. Jugurt. *Dum equites præliantur, Bocchus cum peditibus*; quos filius ejus adduxerat, neque in priore pugna adfuerant, postremam Romanorum aciem invadunt: pro, neque ii adfuerant, sive quique non adfuerant. Plaut. Rud. a. 2. s. 1. *Quibus nec quæstus est, nec didicere artem ullam*;

ullam, pro quique non didicere, &c. Liv. 4. *Inducia non pax facta, quarum & dies exierat, & ante diem rebellaverant.* Similiter sæpe Livius, Cæsar & Hirtius.

*Qualis est Ellipsis nominis Consociati, sive in qua præter nomen, aliæ quoque voces desunt?*

*Ad id, vel ob id, vel propter id nomen, seu negotium, & ab eo, vel ex eo negotio, seu nomine, sæpe deest in quod relativo, quæ conjunctio vulgo putatur. Terent. Eun. Sanè quod tibi vir videatur esse, hic nebulo magnus est. Ibi. Quod dicat, alium quærebam, iter hac habui, periisti. Et Heaut. Id quod est consimilis moribus, facile convinces ex te natum. Et Hec. Omnes lata exclamant, venit, id quod me repente adspexerant. Ubi Donatus: Deest propter, ut sit, Propter id, ac per hoc, ideo. Cicer. 3. ad Quint. frat. 2. Ab accusando me teneo, id quod nolo cum Pompejo pugnare, id quod iudices nullos habemus: pro, ob id quod, eo quod, ab eo nomine quod, sive, ea causa quod.*

*Ædes cum præpositione in, deest in hoc: Est domi, pro, in aedibus domi.*

*Æs, cum alienum & par, deest in hoc: Non sum solvendo, pro, non sum par vel aptus solvendo ari alieno.*

*Æris, cum pretio & pro, deest in hoc: Quanti emisisti? nam integra oratio est: Pro quanti aris pretio emisisti?*

*Affectus seu præditus cum à, vel cum in istis: Homo infirma valetudine, summa audacia, magno ingenio, nullo iudicio.*

*Centena millia sestertium nummum*, deest in *Decies*, *Vicies*, *Quadrages*, *Centies*, *Ducenties*, *Millies*. Liv. 38. *Scipionem librum rationis concerpisse indignantem*, quod cum bis millies in *erarium* intulisset, *quadrages ratio ab se posceretur*: pro, *quadrages centenorum millium ratio*. Cic. 2. Philip. *Syngrapha sestertium centies facta*: pro, *centies centenorum millium nummorum sestertiorum*: sic enim ipse Cicero act. 4. in Ver. loquendum docet, ut *stupor eorum satis rideri nequeat*, qui quoties nota HS. cum adverbio numerali legitur, pro ea *sestertii*, vel *sestertio* reponere postulant, aut *sestertium* pro nominativo vel accusativo accipiunt. Capitolin. in Vero: *Omne autem convivium aestimatum dicitur sexages centenis millibus HS.* In illo Velleji: *Accepto centies sestertium*, est Syllepsis numeri, de qua vide infra.

*Dicto*, cum *præ*, deest in hoc Virgil. *Ocyus incubuere omnes*; pro, *ocyus*, sive *citius dicto*, vel *præ dicto*.

*Die*, cum, *in*, & *ante*, deest in istis: *Quarto Idus*, *tertio Kalendas*, pro, *in die quarto ante Idus*, *in die tertio ante Kalendas*.

*Domum*, cum *ad* vel *in*, deest in *ducere uxorem*.

*Ego ens*, deest in hoc Virgil. *Adsum Trojus Aeneas*. *Hunc & Nymphæ veneramur*, pro, *Nos Entes seu quæ sumus Nymphæ*.

*Ens cum A*, deest in hoc Cæf. Cn. Magius *Cremona præfectus fabrum*, pro, *Ens à Cremona*: id est, *Cremonensis*.

*Factum quod vis*, seu *velles*, deest in *volo tibi*, vel *cupio*. Sic in *benè* vel *malè alicui velle*, subaudi,



di, factum. Plaut. Rud. *Quamquam vobis cupio quæ vultis, subaudi, facta.* Et Asin. *Non eo quin non tibi cupiam quæ velis.* Et Pers. *Nunquam tibi post hoc quod nolis volam.* Et Mostel. *Vellem ut velles.* Tranio, subaudi, factum tibi. Similiter nolle alicui, subaudi, factum quod vellet. Cic. *Plane volo his magistratibus. Valde ejus causa volo.* Terent. *ipsi cupio Glycerio.* Idem: *Video te nostra familia ex animo factum velle.* Plaut. Truc. *Cui ego melius dictum aut factum velim.*

Loco, cum in, deest in Primo, secundo, tertio, quæ malè pro adverbiiis habentur.

Negotia, cum ad, deest in isto: *Quid hoc mea refert, pro, quid hoc refert, sive affert, asportat, importat, conducit, confert ad mea negotia, id est, ad res meas, sive rebus meis.* Plaut. Persa: *Quid id ad me aut ad meam rem refert, Persa quid rerum gerant.* Ibid. *Prius percunctari volo, quæ ad rem referunt.* Idem Trucul. *Cui rei retulit te assimulare.*

Negotio, cum à, deest in isto: *Multo melior.* Est enim à multo negotio, à multa re, non ab una re melior. Lucret. *Qui melior multis, quam tu, fuit improbe rebus.*

Numero, cum ex, deest in istis: *Primus omnium Major fratrum. Unus illorum. Nemo amicorum. Græcorum doctissimus: Hominum alii boni, alii mali. Hostium trecentis interfectis. Lanarum nigrae nullum colorem bibunt, pro, ex numero lanarum.*

Nos duo, tres, quatuor, &c. Vos duo, hi, vel illi duo. Hæ duæ, hæc duo, tria, quatuor, sæpe defunt, ut *Ego & Cicero valemus. Tu & filius valeatis. Dum fata Deusque sinebant. Nox & præda hostem remorata sunt. Operam, studium, consilium,*

rem, fidem meam ad omnes res tibi velim parata putes. Pater mihi & mater sunt mortui. Ipse cum fratre adesse iussi sumus: pro, nos duo, nempe, ego cum fratre, iussi sumus. Achilles cum Patroclo ad Trojam profecti sunt. Herus & hera frustra sunt, pro, Hi duo, qui sunt herus & hera, frustra sunt. Plaut. Amph. act. 3. sc. 3. Jam hi ambo servus & hera frustra sunt duo. Nepos in Timoth. Huic in consilium dantur duo, Pater, & socer. Plaut. Bacch. a. 2. sc. 3. Vulcanus, Sol, Luna & dies, dii quatuor scelestiorem hoc nullum illuxere. Et Epid. a. 5. s. 1. Quem Apelles atque Zeuxis duo pingent pigmentis ulmeis: pro, quem duo pingent entes Apelles atque Zeuxis. Quisque suos patimur manes: pro, nos omnes patimur manes, quisque patitur suos. Populus superamur ab uno: pro, nos omnes qui sumus populus. Eamus omnis execrata civitas. Ovid. 2. Amor. 9. Nos tua sentimus, populus tibi deditus, arma subaudi Entes. Nos, qui sumus populus tibi deditus, sentimus. Idem. Ep. Hyperm. Cum sene nos inopi turba vagamur inops: subaudi, Entes turba inops, &c.

Ortus vel oriundus, vel natus, cum à vel ab vel de, deest in his: Turnus ab Aricia. Pastor ab Amphryso. Hospes Zacynbo. Vir claris natalibus. Homo obscuro loco. Adolescens de summo loco. Theseus ab Athenis, pro Atheniensis. Amphidamus de Arcadia, pro, Arcas.

Parte, cum Ex, deest in hoc Liv. 9. His sermonibus qua cibi, qua quietis immemor tradata nox est.

Pergere iter ad, subauditur in isto: Pergendum est nobis domum, nam Accusativus Domum regitur à præ-

præpositione . In *pergendum* subauditur *pergere* ; quod cum sit *Activum* ; regit accusativum *iter* .

*Res* cum *ad* , deest in *alias* , quod indocti habent pro adverbio . Plaut. *Epid.* *Meus servus eam rem sobriè accuravit* ; ut *alias res* ille est impensè improbus ; pro ; quod *ad alias res temporis & loci* attinet ; id est ; *ad aliud tempus* ; *ad alium locum* : nam *res temporis* ; valet *tempus* ; *res loci* , *locus* . In hoc *Cicer.* *Mulieres quibus cum iste consueverat* , deest , *rem habere* .

*Res* , cum in *tempore* ; deest in *istis* : *Mane est* , *sero est* . Vide Annotat. in *Grammat.* de *Adverb.* in *Manè* ; *serò* ; *tempori* ; pag. 38.

*Scriptum* ; cum à vel *cum* ; deest in his *Cicer.* *In Pompeji epistola erat in extremo* ; *Quod epistola librarii manu est* . *Tu si quid librarii mea manu non intelligent* ; *istic monstrabis* ; pro , *scriptum à mea manu* .

*Solo* ; cum in ; deest in *istis* : *Procubuit terra* ; *Terræ defigitur arbor* ; *Arbores humi arenoso genita* ; pro ; in *solo arenoso humi* .

*Tempore* ; cum in ; deest in *istis* : *Brevi senties* ; *Optato advenis* . *Sero sapiunt* . *Domi bellicque optimus* ; pro , *otii & belli tempore* .

*Tempus* ; cum *circa* ; deest in *istis* : *Homo id atq. tis* . *Hoc noctis domo exis* .

*Tribu* ; cum *de* vel *ex* , deest in *istis* : *C. Septimius Quirina* .

*Terra* ; cum in ; deest in hoc : *Ægypti occisus est* .

*Verbis* ; cum *alloqui* ; deest in hoc : *Paucis te volo* .

*Urbe* ; cum in ; deest in hoc : *Natus Romæ* .

*Vincula*, cum *in*, deest in hoc: *Duci illum jussit*.

## ELLIPSIS VERBI.

*Quotuplex est Ellipsis Verbi?*

Duplex: *Verbi* scilicet *infiniti* & *finiti*. *Verbum* scilicet, quod deest, vel *infinitum* est, vel *finitum*.

*Quotuplex est Ellipsis Verbi infiniti?*

Duplex: *Infiniti* scilicet *cognati* & *alieni*: nam *Verbum infinitum*, quod deest, vel est *cognatum* alicui verbo expresso, vel *alienum*.

*Qualis est Ellipsis Verbi infiniti cognati?*

*Verbum infinitum cognatum*, substantivi nominis vim habens, deest in participiis passivis singularibus cujuscunque casus, & in verbis passivis nullum aliud suppositum habentibus, ut: *Nunc est bibendum*, deest *verbum infinitum*, *bibere*, quod est *cognatum participio passivo*, *bibendum*, & vim habet nominis substantivi. *Petendum est pacem*, subaudi, *petere*, quod est *cognatum participio nominativi casus*. In *curritur*, deest *currere*, quod idem valet, ac *cursum* vel *cursum*. In *vivitur*, deest *vivere*, id est *vita*. In *sedetur*, deest *sedere*, id est, *sessio*. *Tempus est legendi*: subaudi, *legere*, quod vim habet nominis in genitivo, quasi esset, *lectus*, id est, *lectionis*. *Charta inutilis scribendo*: subaudi, *scribere*, quod est loco nominis in dativo, quasi esset *scriptui*, id est, *scriptioni*. *Inter cœnandum*, subaudi, *cœnare*, id est, *inter cœnam*. *Perge quocapisti*, subaudi, *pergere*, id est, *perrectionem*. *Defessus sum legendo*, subaudi *legere*, quod est loco nomi-

nominis in ablativo , quasi esset , *lectu* , pro , *da-*  
*fessus sum legenda lectione* .

*Qualis est Ellipsis Verbi infiniti alieni ?*

*Canere* deest in hoc : *scit fidibus* .

*Dici* , deest in *malè audit* : nam integra oratio est : *Audit malè in se* , vel *de se* , vel *sibi dici* . *Malè* non coheret cum *audire* , sed cum *dici* : nam si cohereat cum *audire* , idem erit , *malè audire* , quod *parum audire* , sive ut Afranius dicit , *surdè audire* : Cicero , *surdastrum esse* . *Audit bonus* , do-ctus , subaudi , *dici* , ut sit , *Audit dici esse bonus* . Græco more , pro , *audit dici se esse bonum* .

*Esse* vel *fuisse* , vel *fore* , deest in istis : *Factum illi volo* . Ne dicas tibi non *prædictum* , *promissi ultorem* , subaudi , *me fore* .

*Ire* , deest in his : *In Pompejanum cogito* . *Rhodum volo* , inde *Athenas* .

*Loqui* , deest in *scire Græcè* , *Latine* .

*Qualis est Ellipsis Verbi finiti ?*

*Adspicio* , *video* , vel *venit* , deest in istis : *En quatuor aras* . *Ecce homo* . *Ecce hominem* . *En Priamus* .

*Amet* , vel *adjuvet* , deest in *mehercules* , *mecastor* , *medius fidius* .

*Cæpit* , deest in narrationibus : *Ire prior Palas* . *Populus ea mirari* .

*Dico* , deest in istis , *Bona verba quæso* , subaudi *dic* . *Nugas* , subaudi , *dicis* . *Hæc hætenus* . *De his hætenus* , subaudi , *dixerimus* , vel *dictum sit* . *Quid multa* ? subaudi , *verba dico* .

*Fac* , vel *da* , vel *pone* , vel *esto* deest in isto : *Hæc negotia* , ut *ego absim* , *confici possunt* , pro ,

posito vel dato, quod ego absim, quamvis ego absim. Bono sis animo pro, fac ut sis bono animo. Plaut. Bacch. a. 4. s. 4. Proin tu ab eo ut caveas tibi, subaudi, fac.

Facio, deest in istis: Dii melius vel meliora, subaudi, faciant. Studes, an piscaris, an venaris, an omnia simul? subaudi. facis? Illa nocte nihil præterquam vigilatum est in urbe: subaudi, factum est.

Ita dico, vel hoc eo dico, deest in istis: Satiari delectatione non possum, ut senectutis meae requiem noscatis. Hoc jam olim audiui, ne quid te novi attulisse mihi censeas.

Licet, deest in istis, Mea causa, quæras vel in medio mari, dum non sis quem te esse nolo, sis mea causa quid libet. Trabantur per me pedibus omnes rei. Vide infra Annotat. in Syntax. de Nominum casibus.

Loquor, deest in Affirmantis sermone. Plaut. Pseud. a. 4. s. 2. Herus tuus te misit? H. ita dico. B. miles? H. ita loquor. B. Macedonius? H. admodum.

Moneo, vel fac, deest in illis, quæ vulgo pro imperativis habent, ut Ames, legas, ametis, legatis, ament, legant. Istud ne dicas, cogites tecum. Nil mihi rescribas.

Obsecro vel imploro, vel nuncupo, deest in istis: Proh Deum atque hominum fidem! Hercules tuam fidem!

Oro vel precor, deest in præcibus & diris, ut Dii meliora ferant. Ut te perdat Jupiter. Qui illi Dii irati sint. Qui significant, quomodo, sive ut.

Paro, vel invenio, vel simile quid deest in istis:

Quo mihi fortunam si non conceditur uti? Unde mihi lapidem? subaudi, parabo vel inveniam. Martis signum quo mihi pacis auctori? Ad quam rem nobis confluvium? ad quam urnarium?

Respondeo, deest in istis: Quod epistolam meam ad Brutum poscis, non habeo ejus exemplum.

Sum, es, est, &c. deest in istis: Quid mihi tecum? Haud mora, festinant jussi. Hei mihi, Va mihi, subaudi, est. Quenam (malum) ista servitus voluntaria, pro, malum sit iis, qui servire volunt.

Timeo, vel cave, vel vide, deest in istis: Ab ne te frigora ledant. At ut satis contemplata sis. Verum ne quid illa titubet.

Volo ut, deest in, hæc illis dicta sint.

## ELLIPSIS PRÆPOSITIONIS.

Qualis est Ellipsis præpositionis?

*A*, *ab*, *ad*, & *in*, sæpe desunt in nominibus Urbium, Insularum, Provinciarum & aliorum locorum, ut: Sardiniam cum classe venit. Lavina venit littora. Devenere locos latos. Nos hinc ibimus Afros aut Scythiam. Profectus est Siciliam. Romam eo. Roma venio. Rus eo. Ruri vel rure vivit. I malam crucem. Ivit exilium. Rediit exilio. Tollere humo.

*A*, & *ab* sæpe desunt in iis, quæ significant vel causam efficientem, ut: Palleo metu, horres frigore, corpus siccum sole & esuritione, Aeger vel tardus vulnere. Arte insignis.

Vel instrumentum, ut: Gladio percussus, Armis defendi.

K A Vel

Vel tempus consecutum, ut significant idem, quod post, ut: *Rediit hoste superato. Lectis tuis literis obdormivi. Mane ut ad portum processi*, pro, à mane, id est, postquam jam mane fieri captum est.

Vel differentiam aut distantiam, ut: *Stulto intelligens quid interest. Abest virtute illius.*

Vel partem certam, cum oratio sic explicari potest: *Ex parte huius rei, quod ad hanc partem attinet*, ut: *Animo otiosus*, pro, ab animo, id est, ex parte animi, quod attinet ad animum. *Ingenio improbus. Armis, pecunia multum valere*, pro, ab armis, à pecunia. *Multis rebus melior*, pro, à multis, quod ad multas res attinet. *Multo & paulo melior*, pro, à multo vel paulo negotio melior, à multa re melior. *Multo magnus orator minutis imperatoribus praeat. Locus frumento copiosus*, pro, à frumento, quod ad frumentum attinet. *Metu vacare*, pro, vacuum esse à metu, quod ad metum attinet. *Nugis referti libri*, pro, à nugis. *Transitu iniqua loca*, pro, à transitu, sive, ut Livius lib. 8. dicit, ad transitum: nam eadem utriusque est significatio. Itaque *Facie alicui similis & faciem similis*, promiscuè dicitur, sed ibi deest, à, hic verò ad. Sic *Nuda pectore*, pro, à pectore & *nuda pectus*, pro, ad pectus. Sic nulla significationis differentia, *Miser animi, animum & animo dicitur*, pro, animi causa, ad animum, & ab animo, vel ex animo.

Ad, saepe deest in verbis significantibus distantiam aut mensuram, ut: *Sex pedes altus. Latus quinque pedes.*

Vel finem propositum, ut: *Quid frustra laboramus?*



*mus? pro, ad quid. Mori me cogis, pro, ad mori, seu mortem. Eamus visum vel visere, pro, ad visum, ad visere: nam hic verbum infinitum vim habet nominis in accusativo, O faciles dare summa Deos, eademque tueri difficiles, pro, ad dare, seu dandum, ad tueri seu tuendum. Oves eum pastum.*

Vel partem certam, cum orationis sensus est, quod ad hanc partem attinet, ut: *Albus dentes. Fractus membra: pro, quod ad dentes & membra attinet. Faciem illi similis, pro, ad faciem, quod attinet ad faciem. Barbari dicunt, quoad faciem. Propert. de Tauro: Cornua quam validis haserit in laqueis, id est, à cornibus, vel cornibus. Turpilii Leucadia: Videtur Phrygus incessum, pro, ad incessum, ab incessu, vel incessu Phryx videtur. Sanctus alia, pro, ad alia, alioqui. In hac re fecit rectè, etsi alias res est improbus, pro, alias, quod ad alias res attinet, alioquin. Cetera latus, pro ad cetera, cateroqui. Scis me orationes aut aliquid id genus solitum scribere: pro, ad id genus, quod ad id genus attinet. Nihil te moror, Si quid te offendo.*

*Ante, deest in verbis tempus significantibus, ut: Pridie Kalendas. Multos abhinc annos. Sex menses est, cum huc veni, pro, factum est abhinc ante sex menses cum huc veni. Sexaginta annos natus sum. Ubi Priscianus subaudit, ante.*

*Circa, deest in tempore significando, ut: Tu homo id atatis audes saltare? Hoc noctis sic solus ambulas, pro, circa tempus id atatis, noctis.*

*Cum, deest in verbis instrumentum & modum, aut comitatum significantibus, ut: Gladio percussus.*

*fus. Sagitta saucius. Lento gradu. Hac lege. Pace tua. Maxima voce inclamat. Magna cura aliquid curare. Homo magno ingenio. Afficio te honore. Prosequor odio. Arte tractare aliquem. Deo duce. Volente Deo. Nave proficisci. Templum clamore petebant. Equa me, pro, equa cum me, vel mecum. Terent. Adelph. Quod ius vos cogit, hoc voluntate impetret, pro, cum voluntate.*

*Vel tempus, ut Cras prima luce hinc abibo.*

*De, sæpe deest in iis, quæ significant vel copiam & inopiam, aut objectum, ut: Nugis referti libri. Mendaciis liber ejus plenus est. Plenus vino. Equus ligno fabrefactus. Sacrificare tauro, agno. Casa luto composita.*

*Vel tempus, ut: Noctu vel nocte. Hora prima, Tertia vigilia.*

*Vel causam & modum, ut: Flere alicujus obitu. Quibus signis agnoscebas. More hominum facis. Amicorum consilio feci. Mea sententia. Meo iudicio. Mea pecunia hoc faciendum curabo. Qua causa, quare, pro, qua de re. Accusare aliquem crimine aliquo, pro, de crimine. Visitare lolio, ficis aridis, subaudi, de, pro quo Hebræi dicunt in, ut: Non in solo pane vivit homo, ubi Panis vitæ causa est.*

*Vel locum, ut: Roma scribunt: pro, de Roma, id est, ex Roma, sicut Ovidius libros suos scripsit de Ponto, & Cicero de Pomptino ait se scribere, & de Gyaro ad Atticum dedisse literas. Vinum Chio, aut Lesbo, pro, de Chio, Lesbo, id est, Lesbianum. Sargus Egypto, id est, Egyptianus.*

*E, vel ex, deest in verbis significantibus vel causam efficientem, ut: Laboro dolore, pro, ex dolore. Amoris abundantia hoc feci. Morte alicujus*  
volu-

*Soluptatem capere . Merito aliquid pati , pro ex merito . Virtute clarus .*

Vel modum , ut : *Ordine collocare vel dicere aliquid , pro , ex ordine , ordinatè . Vocare aliquem nomine , pro , ex nomine , ut Plautus loquitur . Lege agere cum aliquo , pro , litigare . Lege aliqua condemnare aliquem , pro , ex lege .*

Vel locum , ut : *Cn. Magius Cremona , pro ex Cremona .*

Vel adjunctum , ut : *Auro bibere , pro , ex auro . Juvenal. Vitreo bibit ille Priapo .*

*In , sæpe deest in verbis significantibus vel locum , ut : Ibam via sacra . Habitat Athenis . Vistis dominabitur Argis , pro , in Argis . Hoc loco quaeres ex me , pro , in hoc loco .*

Vel tempus , ut : *Sis multos annos superstes . Hunc annum mihi conduxì fabrorum operas . Fons die frigidus , nocte fervens , Cænabis apud me paucis diebus , pro , in paucis diebus , intra paucos dies .*

Vel subjectum aut objectum , circa quod quis occupatur , ut : *Opus est mihi libris , vel , opus habeo libris , pro , in libris : id est , meum opus , negotium , vel occupatio est in libris , seu circa libros , curandum est mihi ut habeam libros . Libri sunt mihi opus , vel meum opus .*

Vel causam , propter quam aliquid fit , ut : *Accusas me eo quod citò crediderim , pro , in eo . Felix es hac uxore , pro , in uxore . Perire amando , pro , in amando .*

Vel adjunctum sive comitatum , ut valeat idem ferè quod cum , ut : *Bibulus admirabili gloria est . Sum magno timore . Annibalis nomen magna apud omnes gloria est . Lamia summa gratia est . Spe sum*

maxi-

*maxima . Magno est periculo . De pace nec nulla , nec magna spe sumus . Est summa apud milites caritate . Cic. 6. Fam. ep. 4. Esse magno dolore . Id. 4. ad Att. 6. quo dolore esse deheo .*

Vel instrumentum , quo quid efficitur , ut : *Libris me oblecto . Ludis delectari . Ovid. Epist. Ariad. Ibis Cecropios portus , pro , in portus , &c. IN* etiam omissum in Plaut. Bacch. a. 4. s. 2. *Hæc dentifrangibula manibus meis gestiunt .*

Vel modum , quo quid fit , ut : *Ordine aliquid facere , pro , in ordine ,* ut ait Virgil.

Vel partem certam , cum sensus est , quod ad hanc partem attinet , ut : *Hæc una re est illi similis , ceteris inferior . Non armis præstantior , quam toga , pro , in armis , in toga ,* quod ad arma & togam attinet . *Multum velocior . Multum improbior . Paulum doctior . Paulum intelligens . Multum alicui præstare .*

Deest etiam in ablativis , quos falso *Absolutos* vocant Grammatici , ut : *Cantando rumpitur anguis , pro , in carmine cantando . Bibendo periit , pro , in bibendo bibere seu potu . Cur tantis præmiis virtutis nemo rectè facit , pro , in tantis præmiis . Rebus tuis bonis meas irrides malas , pro , in rebus tuis entibus bonis , cum tuæ res sint bonæ .*

*Ob* vel *propter* , sæpe deest in verbis infinitis accusativi vim habentibus , & causam , sive finem propositum significantibus , ut : *Oratulator illi filium ejus esse inventum , pro , propter esse inventum filium , sive ob inventionem filii . Mæstus est se hoc fecisse . Pudet dixisse , pro , ob fecisse , ob dixisse . Accipio dolorem mihi illum irasci , id est , ob irasci , vel iram illius . Flevit me discedere , pro , ob*

me discedere, ob meum discessum. Ibo videre, pro, ob videre, ut videam. Gaudeo me tibi probari.

Per, sæpe deest in significando tempore & parte certa, ut: *Vixit centum annos*. Propert. *Io versa caput primæ mugiverat annos*, id est, per primos annos, in primis annis. Idem: *I nunc & nobiles disce manere domi*. Cicer. *Totas noctes somniamus*. *Hirsutus brachia*, pro, per brachia, ut ait Virgil. id est quod ad brachia attinet.

Similiter in significando loco & objecto, ut: *Mare navigavit*. *Terram, mare, sidera juro*. Propert. *Ino etiam prima terras ætate vagata est*, pro, per terras.

Post, deest in tempore significando. Vellejus 2. *Lepidus decimo anno, quam ad potentiam pervenerat à fortuna desertus est*, pro, postquam.

Præ, deest in comparationibus, ut: *Doctior cæteris*, pro, præ cæteris, ante cæteros. *Illo minorem me fateor*, pro, præ illo. *Bona est mulier tacita, quam loquens*, pro, præquam loquens. *Confite cito, quam si objicias formicis papaverem*.

Sin. iliter in significanda causa, ut: *Homini lacrimæ cadunt gaudio*.

Pro, deest in significando pretio, aut quod pretii loco est, ut: *Emi magno*, id est, pro magno pretio. *Quanti emisti*, id est, pro quanti aris pretio emisti. *Pace bellum mutare*. *Par pari referre*. *Aureus unus valet decem argenteis*. Pro etiam omissum in comparando. Plaut. Capt. 2. 2. f. 3. *Haud centesimam partem me laudat, quam ipse meritis est ut landetur* i. e. pro quam ipse meritis, &c.

Similiter deest in significanda similitudine, ut in

Cre-

*Crebrò ; citò ; serò ; certò ; meritò ;* quæ vulgo putantur adverbia ; Plaut. Poen. a. 3. f. 5. Idem Afin. a. 3. f. 2.

*Sub* ; sæpe deest in ablativò , quem vulgo *absolutum* vocant , si præsertim imperium seu præfectura in pace , in bello ; in literis significetur , ut : *Te consule . Marco iudice . Rege Numà . Imperante Augusto . Te teste . Aristotele auctore . Sole ardente . Orpheo cantante ;*

Deest etiam in significando instrumento , ut : *Quæ rula voce mecum egit .*

## ELLIPSIS ADVERBII

### & Conjunctionis.

*Qualis est Ellipsis adverbii & conjunctionis ?*

*An* , vel *ne* , deest in istis : *Melius ; pejus ; oblit ; prosit ; nihil curant . Studes , an piscaris ? pro , studesne ?*

*Aut* , vel *seu* , deest in istis : *Quem sex septem mensibus non vidi proximis . Quatuor , ad summum quinque sunt inventi . Velis , nolis .*

*Enim* , vel *nam* vel *quia* , deest in istis : *Nimum ne crede colori ; alba ligustra cadunt . Nec sum adeo informis ; nuper me in littore vidi .*

*Etiam* , deest in isto loquendi genere : *Non doctus modo , sed probus .*

*Ergo* , vel *igitur* , deest in hoc Terent. *Hac non successit ; alia aggrediemur via .*

*Ita* , vel *sic* , sæpe deest , ut : *Faciam ut jubes . Rogo ut venias , seu qui venias , pro , ita rogo quæmadmodum venias .*

*Magis*

*Magis vel potius* ; deest in hoc Plauti : *Bona est mulier tacita , quam loquens .*

*Ne* ; deest in istis : *Cave cadas , Cave faxis , pro , ut ne faxis , seu facias .*

*Nec vel neque* deest in isto : *Hoc mihi nec Cicero persuaserit : subaudi , nec quisquam alius .*

*Non* ; sæpe deest post *non modo* , *non solum* , *non tantum* , quando scilicet oratio non est dubia , ut : *Regnum non modo Romano homini , sed ne Persæ quidem cuiquam tolerabile . Ut ista jam non modo homines , sed ne pecudes quidem passura videantur .*

*Post* ; deest in illis : *Postridie intellexi , quam à vobis discessi . Altera die quam à Brundisio solvit . Is duodecimo die , quam abierat , illuc pervenit .*

*Prius* ; sæpe deest ante particulam *quam* , ut : *Gravidam illam reliqui , quam abeo .*

*Quam* ; sæpe deest post comparativas voces , ut : *Plus quingentos colaphos impegit mihi . Plus milles audiui . Calesces plus satis . Amplius sunt sex menses . Triennium amplius . Major decem annorum . Faciam te certiore , subaudi , quam antea . Visus est mihi tristior , subaudi , quam alias , vel præ solito .*

*Quam pro* ; deest in comparisonibus , ut : *Vestis major corpore , pro , major quam pro corpore . Dittior opinione , pro , quam pro opinione , Ovid. Epist. Cydipp. Cætera cura tua est , plus hoc quoque virgine factum . Non timuit secum quod mea charta loqui , pro , plusquam pro virgine .*

*Quamquam* ; vel *etsi* deest sæpe , cum ei tamen adversatur , ut : *Sedulitatem mali poetæ aliquo tamen præmio dignam duxit , pro , etsi mali poetæ .*

*Sive* ; deest in istis : *Lava sive dextera vocaretur aura . Tollere , seu ponere vult freta ,*

*Sed ,*

*Sed*, sæpe deest, ut: *Multis ille quidem flebilis occidit, nulli flebilior, quam tibi, pro, sed nulli flebilior.*

*Si*, sæpe deest, ut: *Negat quis, nego; ait, ajo: Unum cognoveris, omnes noris. Utor tam bene, quam mihi pararim. Poscis, dandum: ejicit, abeundum.*

*Sicut*, vel *quasi*, sæpe deest, ut: *Nec verbum verbo curabis reddere fidus interpret, pro, sicut fidus interpret.*

*Tam*, deest in hoc Livii: *Homo non quam isti sunt, gloriosus. Et Plaut. Non pisces expeto, quam tui sermonis sum indigens.*

*Vel*, deest, quando aliud *vel* in oratione exprimitur, ut: *Vel Priamo miseranda manus, subaudi, vel cuicumque hosti. Vel stultus hoc intelligeret, subaudi, vel quivis alius.*

*Verò*, vel *autem*, deest in istis: *Pro patre mori possum, coram patre non possum. Hæc morum vitia sunt, non senectutis.*

*Ut*, deest in istis: *Nolo dicas. Velim desinas. Sine veniat. Cave cadas. Cave ne cadas, pro, ut ne cadas. Jam credo rediit, pro, ut credo.*

*Utinam*, deest in istis, *Tecum ludere, sicut ipsa, possem. Troum arma secutiam obruerent Rutuli. Me quoque qua fratrem mactasses improbe dextra.*

## DE ZEUGMATE.

*Quotuplex est Zeugma?*

*Duplex: Verum & Falsum.*

*Quid est verum Zeugma?*



Est figura Latinæ consuetudinis, per quam plures sententiæ, seu membra orationis, ad unum verbum referuntur, quarum unaquæque desideraret illud verbum, si sola poneretur, ut: *Sociis & rege recepto*, pro, *receptis sociis & recepto rege*. *Leges & plebiscita coacta*, pro, *leges coacta & plebiscita coacta*. *Ego populusque Romanus vobis bellum indico*, pro, *ego indico & populus indicit*. *Natura Gallis corpora animosque magis magna, quam firma dedit*, pro, *corpora magna & animos magnos*. *Vites à caulibus brassicisque, si prope sati sint, refugium, si caules prope sati, brassicæque prope satæ sint*. *O cænæ, quibus ipse meique vescor*, pro, *in quibus ipse vescor, & in quibus mei vescuntur*. Cicer. 1. Attic. 6. *Mater tua & soror à me diligitur*. Virgil, *Phrygii comites & latus Iulus incedunt*.

*Quid est falsum Zeugma?*

Quando unum illud verbum, ad quod plures sententiæ videntur referri, non omnibus sententiis convenit, ut *Disce puer virtutem ex me verumque laborem, fortunam ex aliis*. Hic verbum *disce*, non rectè refertur ad sententiam istam, *fortunam ex aliis*: sed subauditur, *opta*. Non ergo Zeugma est, sed *Ellipsis*. Sic *Sacra manu victosque Deos, parvumque nepotem ipse trahit*. Hic verbum *trahit*, refertur tantum ad nepotem: *Sacra & Deos portat*, quod verbum subaudiri debet. Cicero, *Fortuna, qua illi florentissima, nos durioris conflictati videmur*. Hic verbum *conflictati* convenit posteriori tantum orationis parti, in priore subaudiri debet verbum *usi*: quamvis de utraque fortuna Corn. Nepos dicat in Timol. *In his rebus non simplici fortuna conflictatus est*.

## DE SYLLEPSI.

*Quid est Syllepsis?*

Est figura Latinæ consuetudinis, in qua concordia partium orationis turbatur, cum animus aliud concipiat, quam verbis profertur.

*Quotuplex est Syllepsis?*

Duplex: *Absoluta & Relativa.*

*Quid est Syllepsis Absoluta?*

In qua generibus, aut numeris, aut utroque voces discrepant.

*Quotuplex est Syllepsis Absoluta?*

Triplex: *Generis, Numeri & Utriusque.*

*Quid est Syllepsis Generis?*

Cum aliud genus proferimus, aliud mente concipimus, ut: *Pars arduus altis pulverulentus equis furit. Capita conjurationis virgis casti. Latium Capuaque agro multati. Samnitium casti duo millia. Ubi iste scelus est, qui me perdidit. Cic. Hanc sibi rem praesidio sperant futurum. Plaut. Justam rem esse oratum à vobis volo. Plaut. Rud. a. 5. s. 3. Vidulum iste invenit, illud mancipium est meum. pro, Ille est mancipium, &c. Usu autem venit, non parum saepe, ut Syllepsis generis cum Ellipsi sit conjuncta, si nimirum vel praedicatum, vel subjectum orationis Ellipsin patiatur: tum enim non ejus, quod deest, sed alterius in oratione partis genus proferimus, ut si *adamantem* demonstrans dicam, *haec est gemma*. In adjectivo *haec*, deest substantivum *adamas*, quod est nomen masculinum, sed proferitur genus praedicati, quod est *gemma*. Sic eleganter dices: *Hic error est, non scelus: pro, Hoc negotium error est. Hic est panis, qui de caelo descendit,*  
pro,*

pro, hoc: subauditur enim *negotium*, quomodo etiam in illis: *Hic est sanguis meus. Hoc est corpus meum*. Eadem prædicati elliptici positi est ratio, ut *Homo est creatus à Deo; est animalium divinissimus*: subauditur enim vel *negotium*, vel *res*, adeoque concipitur quidem mente neutrum aut femininum genus, sed profertur illud, quod subiecto est accommodabile: Atque hæc Syllepsis Generis in omnibus participiis passivis, quæ de subiecto prædicantur, locum habet, ut, *Cicero dictus est pater patriæ*:

*Quæ est Syllepsis Numeri?*

Cum alium numerum proferimus, alium mente concipimus, ut: *Pars in frustra setant. Pars volucres facta. Aperite aliquis. Cæperunt se quisque magis extollere. Etiam poetæ suum quisque opus à vulgo considerari vult. Nec nostrum quisquam sensimus. Alius alium poscunt. Uter meruistis culpam. Uterque insaniunt. Te uterque ego atque hic oramus. Nobilissimus quisque delecti Romam mittitur. Eunuchum velle te dixisti, quia solæ his utuntur reginæ. Propterea quod, pro, propter id quod: Contentum esse suis rebus maxima sunt divitiæ. Amantium ira amoris integratio est. Dotis modus fuit quadraginta millia aris. Nobile erit Romæ pascua nostra forum. Anxur fuit, quæ nunc Terracina sunt. Gracchus. Credo ego inimicos meos hoc dicturum. In quo Ellipsin constituere licet, quasi esset, *Inimicos esse negotium dicturum. Valerius Antias: Si res divine factæ essent, omnia ex sententia processurum esse. Cic. act. 4. in Ver. Sestertium decies numeratum esse, pro, numerata esse, quod in libris quibusdam legitur: subauditur enim, ipso Cicerone ibidem do-**

cente, *Centena millia*. Vellejus lib. 2. de Curione: *An accepto centies sestertium fecerit: pro, acceptis centies centenis millibus sestertium*. Plaut. Trin. *Trapezita mille drachmarum sunt redditæ, pro, res mille drachmarum est reddita*. Idem Pers. *Athenæ sunt fortunatæ, pro, fortunata*; nam *Syllepsis* numeri est conjuncta cum *Ellipsi* vocis *Urbs*: nec enim sensus est: *Athenæ sunt Athenæ fortunatæ*, sicut, *Roma est sancta, pro, urbs Sancta*, non *Roma est Roma sancta*. Singularia enim, ut Aristoteles docet, determinationem non suscipiunt, cum de pluribus non affirmantur.

*Quæ est Syllepsis utriusque?*

Cum & genus & numerum aliter proferimus, quam mente concipimus, ut: *Pars in flumen acti. Tunc omnis ætas currere obvii. Pars in carcerem acti, pars bestiis objecti*.

*Quid est Syllepsis Relativa?*

In qua nomine relativo sive expresso, sive subaudito totam orationem præcedentem pro casu concipimus, aut casum in voce aliqua involutum referimus, ut: *Inter alia prodigia etiam carne pluit, quem imbrem aves feruntur rapuisse*. Hic relatio fit ad casum, *imber*, qui tamen non præcessit, sed oratio hæc, *carne pluit*, pro eo casu concipitur, quasi dictum foret, *Carnis imber fuit*. Sic, *Per literas me consolatus sum, quem librum ad te mit-tam*. Hic casus *liber* non præcessit, sed concipitur in hac oratione, *Per literas me consolatus sum*? Significat enim, *Per libri compositionem*. Sic, *De Prætiana hereditate, quæ quidem mihi magno dolcēri est (valde enim illum amavi) hoc velim cures*. Hic nomen *illum* refert *Prætium*, qui casus non fuit

fuit expressus, sed in voce *Prætiana* involutus, quasi dictum fuisset. *De Præti hereditate*. Catull. Nam *Sextianus dum volo esse conviva*, *Orationem in Attium petivrem plenam veneni & pestilentie legit*. Subaudi, ille, nempe *Sextius*, qui casus illa voce *Sextianus* est involutus, quasi fuisset: Nam *Sextii ipse dum volo esse conviva*.

## DE HYPERBATO.

*Quid est Hyperbaton?*

Est figura Latinæ consuetudinis, per quam verba transponuntur, nec servatur ordo Grammaticæ consentaneus.

*Quæ sunt species Hyperbati?*

*Anastrophe*, *Tmesis*, *Parenthesis*, *Synchysis* & *Anacoluthon*.

*Quid est Anastrophe?*

Præpostera vocabulorum collocatio, ut: *Mecum, tecum, nobiscum, quibus de rebus, quam ob rem, quem ad modum, me penes, mea interest, pro, est inter mea negotia. Adigere arbitrum, pro, agere ad arbitrum; quæ propter, ea propter.*

*Quid est Tmesis?*

Compositi vel conjuncti vocabuli divisio, ut: *Septemque triones. Quomocumque rapido tempestas.*

*Quid est Parenthesis?*

Senlus sermonis, antequam absolvatur, interjectio, ut: *Tityre dum redeo ( brevis est via ) pascere capellas. Nescis ( opinor ) quid evenerit.*

*Quid est Synchysis?*

Ordo vocum confusior, ut: *Nihil me tui invenisti penes. Saxa vocant Itali, mediis quæ in flum.*

*Etibus, aras: pro, Saxa, quę in mediis fluctibus, vocant aras.*

*Quid est Anacoluthon?*

Consequentium à superioribus discrepantia, cum scilicet nullo modo sequentia cum præcedentibus cohærent, ut Terent. Nam omnes nos, quibus est alicunde aliquis objectus labos, omne quod est interea tempus, priusquam id rescitum est, lucro est. Liv. 41. Indicandum vobis est, quid omnes bonos in vobis aut offendat, aut certe mutatum velint. Hirt. bello Alex. Ligarius quem Cæsar dimiserat, & postea se ad Pompejum contulerat. Varro lib. 2. rei rustic. 4. Me in Arcadia scio spectatum suem, quę pre pinguetudine carnis non modò surgere non posset, sed etiam ut in ejus corpore forex nidum fecisset, & peperisset mures. Pro, scio me spectasse suem adeo pinguem, ut non modò surgere ipsa non posset, sed etiam ut forex nidum in ea faceret. Sed hæc Figura potius pro vitio & quadam auctorum allucinatione vel oscitatione haberi debet; atque haud scio an Palæmon rectè Varronem, ut auctor est Suetonius, Porcum vocaverit, quippe qui de se ipso memoriæ prodiderit, se spectatum esse suem.

## DE HELLENISMO

seu Græcismo.

*Quid est Græcismus?*

Est Syntaxis consentanea Græcorum consuetudini, sed multis modis cū à regulis Grammaticę Latinæ,

Latinæ, tùm à patria Romanorum consuetudine discrepans.

*Quæ sunt Græcismi genera?*

Multa quidem, sed præcipua sunt Græcismi Generum & Casuum.

*Quotuplex est Græcismus Generum?*

Triplex; Nam vel Masculinum ponitur pro Neutro, ut Saxum ingens, campo qui forte jacebat limus agro positus; pro, quod jacebat. Vel Femininum pro Neutro, ut Mamme putres, equina quales ubera: pro, qualia sunt ubera equina. Vel Neutrum pro Masculino, ut Est locus in carcere, quod Tullianum appellatur, pro, qui appellatur.

*Quotuplex est Græcismus Casuum?*

Quintuplex: Nominativi, Genitivi, Dativi, Accusativi & Ablativi.

*Qualis est Græcismus Nominativi?*

Cum nominativus ponitur pro accusativo, ut: Parum habet consul creatus esse: pro, consulem se creatum. Vis videri doctus: pro, doctum te esse. Dixit daturus, pro, se daturum. Cæsar dicitur venire, pro, Cæsarem. Multi putantur venturi esse, pro, eos venturos esse. Cic. Multa sunt, quæ ego nescire malo, quam cum aliquo periculo fieri certior: pro, quæ me nescire malo, quam fieri certior. Nam ego hic suppositum est verbi nescire, non verbi malo. Ovid. Hanc pius Æneas eripuisse ferunt, pro pium Æneam.

*Qualis est Græcismus Genitivi?*

Cum genitivus ponitur vel pro accusativo, ut: Cum aliquid agas eorum, quorum consuevisti, pro, quæ. Apponendum est olentium herbarum, pro, olentes herbas. Vel pro ablativo, ut. Desine quere-

*larum*, pro, à *querelis*. *Lapsus maris*, pro, à *ma-ri*. *Plenus curarum*, pro, de *curis*. *Dives agri*, pro, *agro*.

*Qualis est Græcismus Dativi?*

Cum dativus ponitur pro accusativo, ut: *Nobis non licet esse tam disertis*, pro, *disertos*. *Tibi expedit esse bono*, pro, *bonum*.

*Qualis est Græcismus Accusativi?*

Cum accusativus ponitur vel pro nominativo, ut *Plaut. Merc. a. 2. s. 4. Quo leibo censes me ut peream potissimum*, pro, *Censes ego ut peream*. *Illum ut vivat optant*, pro, *ille*. *Patrem vellem viveret tibi*, pro, *Pater*. *Jube famulum ad me ut veniat*, pro, *famulus*. *Ego te faciam ut miser sis*, pro, *tu*. Vel pro dativo, ut: *Non me latet*, pro, *mibi*. Vel pro ablativo, ut: *Occurrunt animæ, quales nec candidiores terra tulit*, pro, *qualibus*. *Nec sevis animum mitior anguibz*, pro, *animo*. *Albus dentes*, pro, *dentibus*. *Similis illi faciem*, pro, *facie*.

*Qualis est Græcismus Ablativi?*

Cum ablativus pro accusativo ponitur, ut: *Raptim quibus quisque poterat elatis*, pro, *quæ quisque poterat*. Ablativo Græcos carere, ad reliquorum cumulum accedat, quæ Varro alique Grammatici oscitantes allucinati sunt.



## ANNOTATIONES

## I N

## SYNTAXIN.



Rimum omnium ad rem pertinere & ex usu discentium fore arbitrqr, ut Magister de *Genere Syntaxeos* nostræ, qualis scilicet illa sit, & quid ab aliorum præceptionibus ea intersit, tum de *Uso* ejus breviter admoneatur.

Quod ad aliorum de Syntaxi præceptiones attinet, res in propatulo posita vociferatur, regulas & nimis multas esse, & confusas, nec certis generibus distinctas, nullo scilicet *Concordiæ* & *Rectionis* discrimine: quodque multo majoris est incommodi, tot *exceptionibus*, *appendicibus*, & *observationibus* oneratas, ut discentem siminus ad insaniam, ad desperationem quidem certè possint redigere. Huc accedit, quod cum Philosophi judicio limantur, non nisi paucissimæ veræ inveniuntur. Verbi gratia de nominibus adjectivis, itemque de verbis genitivum regentibus complures traduntur regulæ, quas omnes falsissimas esse ex nostra Syntaxi discitur, quia scilicet genitivus tam in Græca, quam in Latina lingua à solo nomine substantivo, vel à Græca præpositione &, præterea verò à nulla orationis parte regitur. Similiter multæ ab aliis afferuntur regulæ de verbis, & nominibus dativum adsciscientibus: quod contra nostra hæc Syntaxis à nulla prorsus orationis parte eum casum regi docet. Non paucæ etiam sunt aliorum regulæ de nominibus & verbis accusativum vel ablativum regentibus, sed omnes falsissimæ, demta una illa de verbis activis, quæ accusativum adsciscunt. Cæterum & accusativum & ablativum perpetuò à præpositione regi, nostra Syntaxis facit planissimum: ex qua etiam dilucescit, quam ridicule delirarint, imò tota

via

via erraverint vel doctissimi Grammaticorum , qui omnes casus ab adverbii regi docuerunt . Omnes igitur , quotquot jam inde à secundo bello Punico ad hanc usque diem Latinæ constructionis præcepta didicerunt ( unam *Francisci Sanctii* Syntaxin excipio , quamvis ea nec perfecta , nec satis ordinata , adhæc autem subobscura sit ) labore se ipsi improbissimo eoque vano & irritò confecerunt , nec quisquam eorum exstitit , ne Cicero quidem ipse , aut Varro , aut Quintilianus , qui plerorumque quæ Grammaticè dixisset aut scripsisset , certam roganti rationem posset reddere , neque aut inepta , aut flagitiosa , aut palam falsa respondendo ; ludibrium eruditis deberet : quod ego minimè vereor ; ne cui audacius , quam verius , insimulare judicer , qui *Paradoxa* nostra *literaria* cognoscere dignum habuerit .

Nostra Syntaxis contra hæc omnia regulas habet numero paucissimas : Nam de *Nomine* , *Verbo* & *Participio* , quicquid dici potest , quindecim regulis complexi sumus , quas bonæ memoriæ & jam iudicii nonnullius adolescens vel una die edidicerit . Deinde eas , quæ *Concordia* inserviunt , ab aliis , quæ *casuum rectionem* dirigunt , distinximus : qua quidem re hoc præstamus , ut regulæ minori negotio intelligi ac memoriæ mandari possint . Ubi tamen Lectorem velim monitum , *Concordiam* aliam *naturæ* esse , cum scilicet duæ res in aliqua tertia conveniunt , cui propriè demum *Concordia* vel *Convenientia* appellatio debetur : Aliam *Arbitrii* , cum duo quædam nihil habent tertium , in quo consentiant , usu tamen hominum conjungi solent , cujusmodi est adverbii *utinam* concordia cum verbis secundorum temporum : quæ minus propriè *Concordia* dicitur . Adhæc ita regulas formavimus , ut non modò nullam patiantur *exceptionem* ( id quod omnibus inconcessum adhuc , sive impossibile visum est ) sed etiam ut ea , quæ regulis alioquin minimè serviunt , & ad *Irregularem Syntaxin* , sive *Figuras* pertinent , sub se comprehendant . In quo non doctrinæ , sed prudentiæ methodum custodivimus , discipulum compendiosè servientes . Hoc quippe lucri inde facient , quod labore vel falsæ constructionis , vel *Ellipsis* regulas ediscendi levantur . Qui enim ( exempli  
gra-

gratia ) primam hanc nostræ Syntaxis regulam didicit: *Nomen substantivum sive expressum , sive suppressum cum adjectivo consentit* : is nihil necesse habet ea ediscere , quæ de *Ellipsi* nominis substantivi , deque falsa gerundorum & participiorum rectione tradimus , sed satis erit , si ea sæpius relegat , probeque intelligat : Similiter cognita quinta nostra regula , qua docetur: *Omnem genitivum à nomine substantivo expresso aut suppresso regi* , eum nihil attinet in memoriæ mandandis vel *Ellipsis* substantivi , vel regulis de falsa verbi substantivi rectione , deque adverbii genitivum regentibus operam occupare . Tandem *Fundamenta* majoris Syntaxeos duodecim aliquibus *Maximis* sive *Regulis* complexi sumus , quas qui didicerit , multo minore negotio tam falsas , quam veras regulas cum veritatis & falsitatis earum causis intelliget , neque semel perceptas facile memoria sua delabi aut effluere sibi sentiet . Harum aliæ ad orationem , aliæ ad orationis partes , *Nomen* puta & *Verbum* , pertinent . Prioris generis duæ sunt : una :

*Omnis affirmatio & negatio nomine & verbo constat .*

Sive iis vocibus , quæ nominis & verbi vim atque significationem habent , quia nimirum *affirmatio* est oratio , in qua alterum de alterum affirmatur : *negatio* , in qua negatur . Illud , de quo altero affirmatur aut negatur , *Nomen* est : *Verbum* verò , quod de alterum affirmatur aut negatur . Itaque cum , quando dicitur *pluit* , aliquid affirmari certum sit , aliquid necesse est , de quo illud *pluit* affirmetur . Hinc regula Syntaxeos nascitur : *Omne verbum finitum habet ante se nominativum , secum in numero consentientem* . Si quis ergo dicat , *Cælum pluit* , erit *Syntaxis regularis* , qua scilicet regula modò tradita custoditur . Sed si dicat , *pluit* , erit *Syntaxis irregularis* seu *figurata* , in qua per figuram *Ellipsin* nomen , verbi suppositum , supprimitur , adeoque subaudi debet . Fecimus igitur regulam in Syntaxi nostra , quæ magis Philosophica esset quam Grammatica , & sub se figuram quoque comprehenderet hoc modo : *Omne verbum finitum habet ante se nominativum sive expressum , sive suppressum , secum in numero consentientem* .

AL-

Altera ad orationem pertinens *Maxima* est:

*Præter nomen & verbum sunt certæ particulae, quibus & illæ duæ, & aliæ minores orationis partes, veluti nervis colligantur, variis significationibus assignatæ, quæ cum exprimuntur, Regularis; cum subaudiuntur, figurata est Syntaxis.*

Exempli causa. Præpositionum aliarum usus est in significando loco, à quo, in quo, & ad quem: aliarum in significando tempore, ante quod, in quo, circa quod, & post quod: aliarum in causa vel efficiente, vel impellente, vel administra sive instrumentati (quo & modus pertinet) vel insciente seu permittente, vel materiali, vel finali: aliarum in parte certæ: aliarum in adjuncto vel comitatu: aliarum in objecto: aliarum in comparatione: aliarum in pretio: aliarum in mensura, id quod ex illis intelligi potest exemplis, quibus præpositionum *Ellipses* in Syntaxi demonstravimus. Similiter reliquarum particularum, id est, conjunctionum & adverbiorum, aliæ copulationem partium orationis significant, aliæ disjunctionem, aliæ conditionem, aliæ concessionem, aliæ adversationem, aliæ comparationem, aliæ similitudinem, aliæ relationem, aut causam, aliæ tempus, aliæ votum & desiderium, velut in earum particularum *Ellipsisibus* distinctè exempla singularum asserendo planum fecimus. Cum ergo in hac oratione, *Gladio percussus*, manifestum sit *instrumentum* significari: jam sua sponte quivis intelligit, præpositionem aliquam in ea desiderari, quæ significando instrumento sit destinata, ut est *ab* & *cum*. Ita in hoc Virgiliano, *Devenere locos latos*, motum ad locum significari constat. Deest ergo præpositio tali motui significando inventa, ut est *ad* vel *in*. In hoc autem Terentiano, *Hac non successit, alia aggrediemur via*, posteriorem orationis partem interri ex priore cuivis appareat, adeoque particulam aliquam *illatram* subaudiri necesse est, quales sunt ergo, igitur, itaque. Hoc Magister legendis exemplis, quibus præpositionum, conjunctionum, & adverbiorum *Ellipses* declaravimus, cum ipse facillimè intelliget, tum discipulis explicare poterit, quos etiam ea memoriæ mandare, priusquam ad reli-

reliquam Syntaxin admittantur, minimè ab re futurum videtur.

Jam *Maxima* ad nomen pertinentes, aliæ de *Nominum formis* seu *speciebus* agunt, aliæ de *casibus*. Prioris generis tres sunt.

Prima:

*Omne nomen adjectivum habet suum substantivum.*

Sunt enim ista ex eorum genere, quæ *πρός τι*, ad aliquid seu *relata* perhibentur, & quomodo *Dominus est servi dominus*, item adjectivum est substantivi adjectivum, sive quod substantivo adjungitur. In quacumque ergo oratione nomen adjectivum invenitur, in ea substantivum cum adjectivo consentiens sive expressum, sive suppressum sit oportet. Si sit expressum, erit *Syntaxis Regularis*: Si autem sit suppressum, ac subaudiendum, *Syntaxis* erit *Irregularis*, seu *Figurata*. Hujus regulæ probè intellectæ longè maximus est usus. Ex ea enim de *Participiorum concordia*, deque *falsa* cum *Participiorum*, tum *Gerundorum rectione* facillimè judicari potest. In auctorum quoque lectione minimum difficultatis legentibus obiicietur, si exempla *Ellipseos* adjectivorum prius sibi familiarissima reddiderint. Ea igitur pueris Magister multum ac sæpe prælegere, tum ex iis auctorum verbis, quæ *Minerva* nostra recitat, magis explanare meminerit.

Secunda:

*Omne nomen Relativum habet suum nomen antecedens, quod refert.*

Ut *Odi sapientem, qui sibi non sapit*. In hac oratione nomen relativum *qui*, refert sive repetit nomen antecedens, *sapientem*. Itaque in hoc Horatiano, *Sunt quos arma juvant*, necesse est suppressum fuisse ac subaudiri nomen, *homines*, quod à relativo *quos* refertur: Est ergo *Figurata Syntaxis*.

Ter-

## Tertia:

*Omne nomen Comparatum habet suum nomen positivum, cum quo comparatur.*

Cujus regulæ, ut & superioris proximè ratio ex Philosophorum doctrina de relatione pendet: neque tamen necesse est, ut positivum sit conjugatum comparati nominis, cum satis sit id quovis modo in comparatione intelligi, ut cum dico: *Visus est mihi tristior*; subaudis nomen positivum; *aquo*; *justo*, aut *solito*, quasi sit, *Tristior præ illo tristi*; *qui ex aquo*; *justo*, aut *solito tristis est*. Virgil. *Ocyus incubuere omnes*, subaudi; *dicto*, sicut alibi: *Sic aut*; & *dicto citius tumida aquora placat*. Nempe; *Dictum ejus non tam citum est, quam cita est aquoris placatio*.

De nominum casibus quatuor sunt Maxima:

## Prima:

*Omnis nominativus est verbi finiti aut suppositum modo, aut simul appositum & suppositum; sive illud verbum sit expressum, sive suppressum.*

Si sit expressum; erit *Syntaxis regularis*: sin suppressum; *Irregularis*, & vel *Ellipsis*; vel *Zeugma*. Ratio hujus regulæ ex prima pendet, quia scilicet omnis oratio ex nomine & verbo constat. In hoc ergo Virgilii, *En Priamus*, quia aliquid affirmatur, necesse est verbum finitum subaudiri, nempe, *adeſt*. Atque hæc *Ellipsis* est. Sed in isto Horatii, *O noctes cœnaque Deum; quibus ipse meique vescor*; nominativus *mei* est suppositum verbi; *vescuntur*, quod subauditur, quæ figura *Zeugma* dicitur. In hoc, *Deus est animus*; duorum nominativorum alter est suppositum, alter appositum.

## Secunda:

*Omnis genitivus Latina constructione à nomine sub-*  
*stanti-*

*stantivo expresse aut suppresso : Græca vero etiam à præpositione in expressa aut suppressa regitur.*

Latinæ constructionis hæc est ratio, quia genitivus perpetuò possessorem significat, sive activè, sive passivè capiatur, ut *Pelias Achillis vulnere tardus est*, hoc est, *vulnere quod Achilles fecit*; *Paris Achillis vulnere latatur*, id est, *vulnere quod ipse Achilli fecit*. Utrobique autem *Achilles* est velut possessor, sive is, cuius res est. Jam *Possessor & res possessa* sunt nomina relata, quorum alterum sine altero non potest intelligi. Itaque cum audis, *Regis est debellare superbos*, necessariò subaudis nomen substantivum; velut *rem à rege possessam*, quod est, *Munus*; officium, opus, res, negotium. Sic *moris est*, subaudis, *res*. *Roma vivit*, subaudis, *in loco*. *Domus est*, subaudis *in adibus*. *Accusatus furti*, subaudis, *crimine*. *Miseret me tui*, subaudis, *miseratio*. *Pudet me facili*, subaudis, *pudor*. *Omnium primus*. *Græcorum optimus*, subaudis, *ex numero*. *Integer vita*, *sceleris purus*, *iuris peritus*, *cupidus vini*, *vir cæterarum rerum minime malus*, subaudis, *causa*; est autem *vini causa*, *cæterarum rerum causa*, idem ac si dicas, *quod ad vinum*, *quod ad cæteras res attinet*; ubi significatur causa non efficiens, sed inficiens, sive permittens, quæ quoque præpositione per significari solet, ut in hoc Cic. *Nunquam per Antonium quietus fui*; *Trahantur per me pedibus omnes rei*; *non laboro*. *Per me vel stertas licet*. Plaut. *Tu egrotas si lubet per me atatem*. *Per hanc cænam tibi incæmato esse licet*. *Meam filiam hanc esse oportet*. GR. *Sit per me quidem*. Eodem sensu Plaut. Trin. *Dum ne ille sis, quem te esse nolo, sis mea causa quidlibet*. Epid. *Dum sine me quæras; quæras mea causa vel in medio mari*. Rud. *Mea quidem causa salvus sis licet*. Observandum porrò est etiam adjectiva nomina, ex participiis facta, genitivum regere, quoniam substantivorum vim habent; sive *δυνάμει*, non *ᾠρῇ* substantiva sunt. Nam *Amans uxoris*, *appetens alieni*, nihil est aliud, quam *amator uxoris*, *appetitor alieni*. Scholastici dicerent esse substantiva virtualia, non formalia. Cur verò Græca Syntaxi genitivus ab *in* regatur, nulla reddi potest ratio, nisi quod Græcum idioma sic ferat, quemadmodum Latino idiotismo, seu propria

pria consuetudine ablativum à præpositione *de* regi videmus, quoniam scilicet linguæ conditoribus ita vitium fuit. Solent autem Græci præpositionem *ἐκ* per *Ellipsin* maiorem partem suppressere, quam eorum consuetudinem imitantes Latini dicunt: *Implentur veteris Baccini. Plenus vini. Participare aliquem sui consilii. Abstine irarum. Desine querelarum. Egere medici. Lassus maris, &c.* Vitruvius magis etiam græciffat, Latinis præpositionibus *ex* & in genitivum addendo, ut lib. 1. cap. 2. *Quantitas est modulorum ex ipsius operis sumptio*, pro, *ex ipso opere*. Et mox cap. 4. *Piscium natura plurimum ex aeris, & terreni sunt composita*, pro, *ex aere & terreno*. Et cap. 8. *Cum ergo iis rationibus erit salubritatis in mœnium collocandorum explicatio*, pro, *in mœnibus collocandis*. Et lib. 3. cap. 2. *Si ex imbrum aqua vis occupaverit*, pro, *ex imbribus*. Et lib. 8. cap. ult. *Descriptio ex duodecim caelestium signorum sic figurata*, pro, *ex duodecim caelestibus signis*. Sed Vitruvium, ut mechanicum, ac de plebe hominem puritatis linguæ studiosus nihil morari vult. Cæterum de genitivi usu minimè ab re fuerit monere, eo alias significari causam, ut *Oratio Ciceronis*, cuius auctor est Cicero. *Nummus argenti*, cuius materia est argentum. *Talentum dotis*, quod in dotem datur. *Habet quinquaginta talenta vestigalis*, quæ ex vestigali ad eum redeunt. Alias *Subiectum* sive recipiens, sive occupans, quod Logici *Objectum* vocant, ut *Pudor patris*, quod subjective significat pudorem, quo pater afficitur; objective, quem pater incutit. *Metus hostis*, quo vel metuit, vel metuitur. *Parvi filii desiderium mei*, quo filius me desiderat. *Officii deliberatio me cruciat*, qua de officio delibero. *Regis munus vel officium*. Alias *Adjunctum*, ut *Homo magni ingenii*, id est, cum magno ingenio, vel ingeniosus. *Homo multi cibi*, pro, vorax. *Pecus regis*, pro, regium. *Aulam auri inveni*, pro, ollam in qua est aurum. *Cadus vini*. Alias *Totum*, ut *In adibus domi. Conclavia meorum adium*. Alias *Partem* vel *speciem*, ut *Res cibi*, pro, *cibus*. *Res voluptatum*, pro, *voluptates*. *Urbs Roma*, pro, *Roma*. *Flos viola*, pro, *viola*. *Flumen Rheni*, pro, *Rhenus*. *Vitium arrogantis*, pro *arrogantia*. *Arbor fici*, pro *ficus*. *Pramia palma*, pro *palma qua est pramium*. *Delicia pueri*. *Frustrum pueri*, pro, *puer qui est delicia*, vel *frustrum*. Virgil.



gil: *Hic tibi mortis erant meta*, pro, *hic erat tibi mors meta*. Idem. *Corithi Tyrrhena à sede profectus*, pro ab urbe *Coritho qua sedes ei erat*. Curtius: *Libri arborum capiunt literarum notas*, pro, *litteras qua sunt nota*. Propert. *Vel tibi Medorum pugnaces ire per hostes*, pro, per *Medos qui sunt hostes*. Idem: *Jam negat Euphrates equitem post terga tueri Parthorum*, pro, *Parthos qui sunt equus*, sive *equestris exercitus*. Livius: *Lucus frequentis silva & proceris abietis arboribus septus*, pro, *abietibus, qua sunt arbores*.

## Tertia.

*Omnis accusativus à verbo activo expresso, aut suppresso, vel à nomine substantivo verbali, vel à præpositione regitur.*

Ut, *Tendimus iter in Latium*. *Æternas pœnas timendum est*. *Eo spectatum ludos*. Priorum ratio est, quia omne verbum activum significat actionis sive formam, sive materiam, circa quam occupatur, hoc est, objectum, sive effectum: quibus quidem significandis quartus casus fuit inventus. Postremum ab idiomate Latino pendet, quoniam scilicet linguæ effectioribus placuit præpositiones certi usus significationem habentes cum quarto casu jungere. Verbi gratia placuit, ut in significando loco ad quem, & in tempore ante & circa quod, certarum præpositionum accusativo junctarum usus esset, quæ quidem secundum regulas exprimuntur, per *Figuram* verò supprimuntur. Hinc fit, ut in *Pridie Calendas*. *Multos abhinc annos*, subaudiatur *ante*: in *homo id ætatis*, hoc *noctis*, subaudiatur *ad* vel *circa*. Plura hujus rei exempla in *Syntaxi de præpositionum Ellipsi* videri poterunt, unde facile quivis intelligat, ubicumque inveniatur accusativus, qui à verbo activo, aut à verbali nomine non regatur, eum necessario à præpositione per *Ellipsin* suppressâ regi, ut *Albus dentes*. *Fractus membra*. *Cætera latus*. *Alias*, pro, *aliocui*. *Proficiscor Romam*. *Eo domum*, *rus*. *Docebo te artem*. *Monearis utilia*. *Hoc sine te exorem*, &c. In illo *Pœnas timendum est*: accusativus *pœnas* regitur ab activo verbo *timere*,

M

mere,

*mere*, quod subauditur, ut in *Ellipsi verbi cognati demonstratum* est. In hoc *Eo spectatum ludos*, duo sunt accusativi; quorum posterior *ludos* regitur à nomine substantivo verbali *spectatum*; quod ipsum quoque accusativi casus est; & à præpositione *ad* suppressa regitur, de quo vide *Rectionem nominis verbalis*.

#### Quarta.

*Omnis ablativus à præpositione regitur.*

Cujus regulæ ratio etiam ipsa ab idiomate Latino, eorumque, qui linguam condiderunt, instituto pendet. Itaque pro explorato haberi potest, ubicumque ablativus inveniatur, ibi præpositionem aliquam desiderari per *Ellipsin*, cujus rei exempla in *præpositionum Ellipsisibus* allata, facile cuivis fidem fecerint.

Postremò tres sunt ad verba pertinentes *Maxima*.

#### Prima.

*Omne verbum accidentale ( id est, quod non sit substantivum ) aut activum est, aut passivum; quorum illud semper accusativum expressum, aut suppressum regit.*

Hujus ratio est, quia inter agere & pati nihil est medium, omnisque motus aut actio est aut passio. *Neutra* ergo verba nihil sunt, nisi indoctorum Grammaticorum commenta; qui non animadverterunt verborum activorum alia varios habere accusativos materiales, ut *Facere verba*, *fidem*, *finem*, *insidias*: alia non nisi unicum eumque formalem & cognatum, ut *Vivere vitam*, *mori mortem*, *furere furorem*, *egere egestatem*, *currere cursum*, *sedere sessionem*, *ambulare ambulationem*, *servire servitutem*, *certare certamen*. Illis, quæ plures accusativos regunt, necesse est certum semper accusativum adjungere, quoniam aliter, quid agant, incertum erit. Sed his, quæ unum tantum regunt, inane, otiosum ac supervacuum fuerit accusativum adjungi, quoniam  
nemi-

nemini de eo, tanquam essentiali seu formali, dubium esse potest. Ubi tamen modum verborum illorum, quod agunt, exprimere volumus, rectè & locupletium auctorum mori convenienter dicemus: *Vivo vitam hilarem; mortuus est mortem leniam; furit gravissimum furorem; eget acerrimam egestatem; currit cursum percelerem; sedet sessionem commodam; ambulat ambulationem solitam; servit servitutem publicam & laboriosissimam; certat anceps certamen*. Sed etiam prioris generis verba non pauca sic absolute sine accusativis poni solent; quoniam ex quotidiano loquendi scribendique usu satis scilicet noti erant; quorum exempla inter *Ellipses* recensuimus.

### Secunda:

*Omne verbum finitum habet pro supposito nominativum expressum, aut suppressum; aut etiam verbo infinito; aut alia oratione commutatum.*

Cujus rationem jam reddidimus, quoniam scilicet omnis oratio ex verbo & nomine constat. Itaque in *Amo*, *amas*; subaudiuntur nominativi suppositi *ego tu*. In *Ajunt*, *ferunt*, subauditur nominativus *homines*. In *Curritur*, *sedetur*, *statur*, *vivitur*, *evenit*, desiderantur nominativi *cursus*, *sessio*, *status*, *vita*, *eventus*. In *Iur* subauditur *itio* vel *via*. Sic *Ningit*, *nix*; *Lucescit*; *Advesperascit*, *Pluit*, *Jupiter* vel *ather*; *Miseret*, *miseratio*; *Tadet*, *radium*; *Pudet* *pudor*; *Piget*, *pigritia*; *Pœnitet*, *pœna*. *Urbem quam statuo vestra est*; pro; *Urbs quam urbem statuo, est vestra*. *Licet vobis esse beatis*, pro; *beatitudo vobis licet*; *Expediit esse divitem*; pro; *divitia expediunt*. *Deprehendi miserum est*; pro; *deprehensio misera res est*. *Moneri me non est necesse*, pro; *monitum meum non est necesse* vel *necessum* sive *necessarium*; nam sicut *imbecillus*, *a*; *um* & *imbecillis*, *imbecille*, similiter *necessus*, *a*, *um* & *necessis*, *necesse* priscis in usu fuit; pro; *necessarius*, *a*, *um*: quam rem si *Famianus Strada* cognoscendis *Grammaticis* didicisset; solœcismum illum, vix in puero ferendum, effugisset; *Nos monitore necesse non habemus*. Ratio certè & doctrina puerilis postula-

M 2 bat:

bat : *Moneri necesse non habemus* . Ubi *moneri* vim accusativi habet , sicut nominativi in hoc , *Moneri non est necesse* . Prisco more dici poterat : *Monitor nobis non est necessus* , vel *necessis* . *Monitorem non habemus necessum* vel *necessum* . In posterum verò nullum Stradæ , ejusque similibus , magnis illis literarum institutoribus , solœcismi tam deformis erit periculum , ubi eos artis hujus nostræ præcepta perdiscere non piguerit . Donati in Ter. Eunuch. act. 5. sc. 5. verba sunt : *Necesse est nomen : nam necessus , necessis , & necessum lectum est* . Eugraphius in prolog. Heauton. *Necesse habeo silentium* . Ut docerem rectè dici , *Necesse aliquid habeo* , oblitus fui addere hunc Senecæ patris locum 6. Controvers. 3. *Sic à se aligatus est , ut necesse haberet , quod non expediebat* .

### Tertia:

*Omne verbum infinitum habet pro supposito accusativum expressum , aut suppressum* .

Ut *Volo me facere* . *Possum me fingere* . *Studet se placere* : vel per *Figuram* : *Volo facere* . *Possum fingere* . *Studet placere* . *Dixit se dare* , vel , *se esse daturum* : vel per *Ellipsin* , *Dixit dare & dixit daturum esse* . *Videor me videre* , & per *Ellipsin* , *videor videre* . *Diceris te fecisse* , vel per *Ellipsin* , *diceris fecisse* . *Videtur eum nos odisse* , vel per *Ellipsin* , *videtur nos odisse* . Ratio hujus regulæ pendet ex idiomate Latino , quoniam scilicet hic suus Latinis mos est : nam Græcorum more dicendum est : *Diceris tu fecisse* , *dicunt tu fecisse* , *dicunt ille fecisse* . Ita Græcanica & transmarina Syntaxis est in hoc Ovidii Fast. 6. *Seu pius Æneas eripuisse ferunt* . Et in hoc Catulli , *Phaëlus ait fuisse navium celerrimus* , pro quo Latine , secundum regulam dixisset : *Ait fuisse se celerrimum* : secundum consuetudinem verò per *Figuram* : *Ait fuisse celerrimum* . Hor. *Vir bonus & sapiens dignis ait esse paratus* . Ita legit Charisius . Catull. *Quin Diis iratis desinis esse miser* , pro , *te esse miserum* , quomodo vetus Inscriptio apud Brissonium in formulis : *Quando me esse desero* . Plautus : *Viginti minas adolescens da-*

ENDUS

*turus dixit , pro , daturus esse . Virgil. Sensit medios delapsus in hostes , subaudi , esse , quod Græco , non Latino more dictum est : sicut Multi dicuntur venturi esse : nam secundum Latinæ artis regulam dicendum : Multi dicuntur eos venturos esse , eos venire , & per Ellipsin Latinam : Multi dicuntur venire , aut venturos esse : Perpetuò enim verbi infiniti suppositum est accusativus , nisi verbum substantivi nominis vim habeat .*



D E  
O R T H O E P E J A  
S E U  
R E C T A L I T E R A R U M  
Latinarum pronuntiatione.



Eram Latini sermonis *Orthoepejam* (quam Quintilianus interpretatur *emendatam cum sua virtute vocum explanationem*) explicare, nec multum habet utilitatis, & est vel doctissimis in omni antiquitate versatissimis inconcessum. Jam scilicet unusquisque persuasum habet, suæ nationis homines optimè, rectius quidem certè, quam aliarum, linguam Latinam pronuntiare, nec ulla vel auctoritate, vel ratione adduci potest, ut eam pronuntiandi rationem, cui jam adsuevit, mutare velit. Et qui peregrinas linguas earumque dialectos non didicere, sunt ad iudicium hac de re ferendum ineptissimi. Non longè abiero. Itali homines litteram *H* pronuntiare non possunt, adeòque litteram non esse facilè sibi persuadent: ex quo fit, ut non modò Hispanicum, Gallicum, & Germanicum sermonem ægrè addiscant, sed neque Latinum epigramma Catulli in Arrium sine iusto aliarum nationum irrisu legere possint. Sinenſes *R* non habent, sed

sed ejus loco *L* proferunt, quod contra fit à Japonis. Galli non possunt efferre Germanicum *Ch*, nec Germani Italicorum *Gn* & *Gl*, quæ sunt Hispanorum *Nn* & *Ll*. Accedit deinde, quod talis est ipsarum literarum, vocalium maxime, & diphthongorum conditio, ut vivam hominis vocem requirant, nec scripto exponi possint. Sed potissima omnis hac in re difficultatis causa est interitus linguæ Latinae: quæ quoniam abhinc mille annis amplius depravari cœpit, atque in usu esse desiit, Germaniæ populis Gothis, Francis, Burgundionibus, Suevis, Alanis, Vandalis & Langobardis ex sua vernacula & ex vulgari Latina nova illa linguarum genera conflantibus, quibus Itali, Galli & Hispani hodie quoque utuntur, nisi quod multa Hispanicæ Arabes intulerunt: eo factum est, ut quæ literarum pronunciandi ratio apud Romanos fuerit, ne suspicari quidem possimus. Hoc nemini non facillime probavero, qui sciat, quam irritum capiat laborem, si quis hodie exoticas linguas sine viva magistri voce discat. Ut enim Hispanus quispiam, aut Germanus, aut Gallus totum Boccaccium & Petrarcham memoriæ mandarit, & Hetruscè elegantissime scribere didicerit, si tamen numquam Italum hominem loquentem audierit, nec alio præmonstrante pronunciationem Italicorum didicerit, certissimum est, vix decimam quamque vocem ejus ore prolatam ab Italis intellectum iri, adeoque nullum ei cum Italis sermonis commercium esse posse. Itaque pro exploratissimo habeo, si Cicero in terris hodie existat, & non modò Gallos, Germanos, aut Hispanos, sed & illum ipsum florem illibatam Italiæ, Hetruscam dico Sirenam Johannem Ciampolum Latine loquentem audiat, fore ut

ne unum quidem verbum satis percipiat: sicut neque nostrum quemquam declamante Cicerone plus, quam si Arabicè peroraret, intellecturum arbitror. Ut autem hoc fiat planissimum, eademque opera complurium nationum homines errore suo liberentur, & quam ridiculè sibi linguæ Latinæ rectè pronuntiatae palmam asserant, intelligere possint, distinctè ac singulatim de iis, quæ rem explicatu adeò reddunt difficilem, ea in medium asseram, quæ inter legendum veteres scriptores, præcipuèque Grammaticos, observavi; quæ quidem ad sex omnino capita revocari possunt: Nempe vel ad *Vocalium* cùm *simplicium*, tùm *compositarum*, id est, *Diphthongorum* & *Triphthongorum*: vel ad *Consonantium* cùm *simplicium*, tùm *duplicium pronuntiationem*: vel ad *Accentum*: vel deniquè ad *Euphoniæ rationem*.

## DE VOCALIBUS SIMPLICIBUS.

*A*, duplicem sonum habere, vix quemquam tam illiteratum inveniri arbitror, quin sua sponte intelligat. In *Anna*, *Arra*, priùs *a* perspicuè aliter sonat, quam posterius. Sed & tertium ejus sonum fuisse, qui ad *o* propius accederet, ex Festo discimus. Ait enim: *Fovii*, qui nunc *Fabii* dicuntur: & vicissim *horreum*, antiquis *farreum*. Sic hodie in Germanis Westphali & Bavari, *Poter da mihi panem*, pro, *pater panem*. Quartus ejusdem sonus affinis fuit Græco *α*, sive *eta*; quam literam vox ovium exprimit, quæ est *bee*, *bee*: ex quo Latinis prius *beelare*, post *balare*, sicut Græcum *μῆτερ* *meeter*,  
Lati-



Latini extulerunt *maater*; & ex *ma*, quo Græci adjurantes utebantur, ut *μαί τόν ἀπόλλωνα*, fecerunt *me*, ut *Mecastor*, quod Donatus monet. Hec. act. 1. sc. 2. Hinc suspicari licet, in *facio* fuisse a pronunciatum more Bononiensium, ut ab *e*, in *feci*, minimum interesset.

*E*, similiter duplici sono effertur in *esse*, *peste*: testaturque Victorinus aliter *e* longum, aliter breve sonare. Tertius ejus sonus apud veteres ad *i* accedebat, velut ex iis, quæ subijciam, testimoniis discimus. Quintilian. lib. 1. c. 4. & 7. *E quoque I loco fuit, ut Menerva & Leber & Magester & Dijove & Veijove, pro, Dijovi & Veijovi: Livius & Pedianus, Sibe & Quase scribebant. In Here neque E plane, neque I auditur. Nos nunc E litera terminamus, at veterum Comicorum adhuc libris invenio: Heri ad me venit, quod idem in epistolis Augusti, quas sua manu scripsit aut emendavit deprehenditur. Varro 1. rust. 1. Rustici veam dicebant, pro viam, & vellam pro villam. Festus: Me pro mi, seu mihi dicebant antiqui, & ameci per E literam efferebant. Donat. in Phorm. act. 1. sc. 1. Propter cognationem E & I literarum, non dubitaverunt antiqui heri & here dicere, & mane & mani, & vespere & vesperi. Servius in Æn. 2. Veteres Pennas dicebant, non Pinnas.*

Sed & cum *O*, quandam literæ *E*, cognationem fuisse, frequens alterius pro altera commutatio arguit. Festus: *Helus & Helesa antiqui dicebant, quod nunc Holus & Holera. Hemonem, hominem. Quintil. 1. c. 7. Vortices & Vorsus ceteraque ad eundem modum Scipio Africanus in E literam secundam vertisse dicitur. Calliodor. de Orthographia: Vostra*  
olim

olim ita per O, hodie per E, ut *Advorsum*, *adversum*: *Pervorsum*, *perversum*: *Votare*, *vetare*: *Vortex*, *vertex*: *Convollere*, *convellere*; *Amplōcti*, *amplecti*: Priscianus lib. 1. *Antiqui Amplōcti* pro *amplecti* dicebant, & *Animadvorti* pro *animadverti*.

I, quoque duplici sono exauditur in ipsi, irri-  
ti. Testantur autem Grammatici, alium I longæ so-  
num fuisse, alium I brevis; ac ne breve quidem uno  
eodem sono pronunciari solitum. Quintil. 1. 6. 4.  
*Medius est quidam U, & I, literæ sonus: non enim*  
*sic optimum dicimus, sicut opimum. Et cap. 7.*  
*optimus, maximus, ut mediam I, literam, quæ ve-*  
*teribus U, fuerat, acciperent, Caji primum Cæsaris*  
*inscriptione traditur factum. Festus: Plisima veteres*  
*pro plurima. Velius Longus de Orthographia: I,*  
*litera interdum exilis est, interdum pinguis, ut in*  
*eo quod est prodit, vincit, condit, exilius volo so-*  
*nare. In eo vero, quod significatur prodire, vinci-*  
*re, condire, æque usque pinguescit, ut jam in am-*  
*biguitatem cadat utrum per I, quædam habeant dici,*  
*an per U, ut est optimus, maximus. In quibus*  
*annotandum, antiquum sermonem plenioris soni fuis-*  
*se, & ut ait Cicero, rusticanum, atque illis fere*  
*placuisse per U talia scribere & enunciare. Manet*  
*eadem questio, manubiæ, an manibiæ, libido an*  
*lubido. Nos vero postquam exilitas sermonis dele-*  
*ctare cœpit usque I, literam castigavimus illam pin-*  
*guitudinem, non tamen ut plenè I, literam enuncia-*  
*remus. Idem: In viro & virtute, I, scribitur,*  
*& panè U, enunciat. In contumaci melius puto*  
*I, servari. Venit enim à Contemnendo: etsi Nisus*  
*& contumaci per U, putat posse dici à tumore.*  
*Varie etiam scriptitatum est, mancupium, aucu-*  
pium,

pium, manubiæ: siquidem C. Caesar per I, scripsit, ut apparet ex titulis ipsius: at Augustus per U, ut testes sunt ejus inscriptiones.

O Similiter duplici sono proferri ex opto, porro, apparet; Sed in Pono, pote, bis idem sonus auditur: Victorinus etiam alio sono O, productum, alio correptum enunciari his verbis docet: O, ut E, geminum vocis sonum, pro conditione temporis promit. Qui O, correptum enunciat, nec magno hiatu labra reserabit, & retrorsum actam linguam tenebit. Longum autem productis labiis, rictu tereti lingua arcu oris pendula sonum Tragicum dabit: cujus observationis & in E litera similis penè ratio est.

Tertius O, sonus fuit, sono U, affinis: qua de re verba sunt Fabii lib. 1. cap 4 O, & U, permutata invicem, ut Hecoba & notrix, Culchides & Pulyxena scriberetur, & dederont ac probaveront. Sic Odysseus, quem Udyssæa fecerunt Æoles, ad Ulyxem deductus est. Nostri praeceptores cervom, servomque scripserunt: nunc U, gemina scribuntur: sed neutro modo vox, quam sentimus, efficitur. Festus: Quatenos antiqui dicebant pro quatenus. Velius Longus: Antiqui confusas O, & U, literas habuerunt, nam consul scribebant per O, cum legeretur per U, consul. Unde in multis etiam nominibus variæ sunt scriptura, ut fontes, funtes: frondes, frundes. Victorinus: Augustus mecom per O, non ut nos per U, literam scripsit. Nam O, non solum pro brevi & longa, sed etiam pro U, ponitur, ut populus, piacolum, hoic pro huic, sonus pro funus, item alia multa. Cassiodorus; Praesto, nos per O, scribimus: antiqui per U, qui & O, pro U, usi sunt. Publicum enim quod nos publicum, & quod nos cul-

pam,

pam, illi colpam dixerunt, & exfoles, quod nos exfoles, quod ex solo eant. Prisc. lib. i. O, aliquot Italiae civitates, teste Plinio, non habebant, sed loco ejus ponebant U, & maximè Umbri & Thusci. O, convertitur in U. Huc, illuc, pro hoc, illoc, Virgil. Hoc tunc ignipotens cælo descendit ab alto. Et pleraque quæ apud Græcos nominativum in OS terminant, O, in U, convertunt apud nos. Vetustissimi etiam huminem, pro hominem proferebant. Funt, pro fontes. Frundes, pro frondes. Fretu, pro freto. Acherunte, pro Acheronte: quæ tamen à junioribus repudiata sunt, quasi rustico more dicta. U, quoque multis Italiae populis in usu non erat, sed è contrario utebantur O, unde Romanorum quoque vetustissimi in multis dictionibus loco ejus, O, posuisse inveniuntur, publicum, polchrum, colpam, Hercolem dicentes. Sed sive longa, sive brevis est O, affinis est cum U, ut ebur, robur, βῆρ, pro ebor, robor, bos. Servius in Æn. 8. Hoc tunc ignipotens cælo descendit ab alto, id est, Huc tunc: nam ante, hoc, adverbium loci fuit, quod nunc aboluit: nam crebrò in antiquis lectionibus invenitur, sicut in epistolis probat Verrius Flaccus exemplis, auctoritate, ratione: dicens in adverbiiis pro, U, O, plerumque majores ponere consuetos: & sic pro huc, hoc, veteres dicere solebant, sicut pro illuc, illo dicimus. Unde etiam hoc, longum esse apparet, sicut illo, quod pro illuc ponitur.

U, gemino sono in fructu exaudimus, quamvis utrobique longum sit, adeoque more veteri fructus scribi possit. Plautus ejus sonum noctuæ voci tribuit, quam ait tu tu usque dicere. Et Terentianus non aliud sonare testatur, quam OX, diphthongum Græcam.

cam . Tertius ejus sonus cum *I* , quartus cum *O* , affinitatem habet . Et de hoc postremo jam veterum testimonia audivimus . De tertio nunc nonnulla subjiciam . Velius Longus : *Variè scriptitatum est mancupium , aucupium , manubiæ : siquidem C. Cæsar per I , scripsit ; at Augustus per U . Mihi videtur nimis rusticana enunciatio futura , si artubus per U , extulerimus : ita tamen existimo enunciandam , ut nec nimis I , litera exilis sit , nec U , literam scripseris enunciationis sono cum nimis pleno , ac meminimus artis Orthoepejæ esse , ut sive hac , sive illa litera scripseris , enunciationis sonum temperet . Idem puto & in clipeo , per I scripto observandum .* Victorinus : *C. Cæsar optimus , maximus scripsit , non ut nos per U literam . Messala , Brutus , Agrippa pro sumus , scripserunt simus .* Cassiodorus : *Lacrumæ an lacrimæ , maxumus an maximus , & si quæ similia sunt , scribi debeat , quæsitum est .* Varro tradidit , *Cæsarem per I ; ejusmodi verba solitum esse enunciare & scribere : inde propter auctoritatem tanti viri consuetudinem factam .* Servius in *Æn. 1.* In navibus *stupa* interponitur *vasis* , quam *stipam* dicunt . Et *Æn. 5.* *Stuppa* secundum antiquam orthographiam : nam *stipa* dicta est à *stipando* . Abusivè etiam *linum* dicimus :

*Y* , Græcam esse vocalem omnes norunt . Eam Latini per *U* , efferebant , sed tertio ejus sono , qui ad similitudinem *I* , accedit , quomodo hodie *U* , Galli & Itali Alpibus finitimi pronunciant . Velius Longus : *Verrio Flacco videtur , eandem esse apud nos U , literam , quæ apud Græcos Y , namque his exemplis argumentatur : quod illi dicunt cyminum , nos cuminum , quam illi cyparisson , nos cupressum ,*  
illi

illi Kybernieten , nos gubernatorem , nec non ex ejusmodi Theseus ; Peleus ; & similibus affirmant . Donatus in Hec. act. 1. sc. 2. Pro Syra , Sura veteres legerunt ; U , pro Y ; ponentes ; ut Musia ; Süria .

Scaurus de Orthogr. Y , *literam supervacuum Latino sermoni putaverunt ; quoniam pro illa U ; cederet : sed cum quadam in nostrum sermonem Græca nomina admissa sint ; in quibus evidenter sonus hujus literæ exprimitur , ut Hyperbaton & Hymnus & Hyacinthus & similia ; in eisdem hac litera necessario utimur .* Cassiodorus de Orthog. Y ; *litera antiqui non semper usi sunt , sed aliquando loco illius ; U , ponebant . Itaque in illorum quoque libris hanc scripturam observandam censeo ; Süriam ; Suracufas ; Sumbola ; Sucophantas .*

## De Vocalibus Compositis , id est , Diphthongis & Triphthongis .

Diphthongus est sonus ex duarum vocalium sono in unum conflatus , sic ut utriusque sonus exaudiat , etsi non pari tempore . Aliàs enim prior vocalis integrum tempus , aut etiam duo tempora habet , posterior dimidium modò tempus , aut etiam tertiam partem temporis , ut in *ae* , *ai* , *ao* , *au* & *eu* usuevit ; nam harum priores plenè efferuntur , nisi quod Germani inter *Ai* , *Ei* , & *Eu* , vix quicquam faciunt discriminis : posteriorum sonus ad aures ferè perit , adeò ut certò constitui non possit ultima in *mûsae* , *e* sit , an *i* , in *aura* & *euro* ; o , an *u* ; ex quo factum , ut veteres indiscriminatim

*musae* & *musai*, *Kaisar* & *Kaesar* scriberent. Sic *Aurelius* ( quomodo in veteri saxo scriptum visitur ) & *Aurelius* sono vix discernuntur. Alias contra evenit, ut posterior vocalis habeat tempus unum, vel duo, integrèque efferatur; prior verò semissem aut tertiam modò partem temporis consumat, adeoque mutilatè, seu raptim pronuncietur, ut in *eitur*, quod est tertiæ personæ verbum ab *eor*. Hic enim *i*, longa est, ac duorum temporum, sed *e*, propemodum absorbetur, ac vix tertia ex parte effertur, ut *e*, an *o* sit, dubium maneat: eoque factum est, ut pro tali diphthongo solum *i* scriberetur, sed *pingue*, ut à Grammaticis vocatur, cùjus sonum Velius ad sonum *u*, propius ait accedere. Bavari hodie, nisi fallor, omnium optimè eam efferunt in *Wei*, quod Latine significat *quei* vel *qui*, id est *quo modo*: nec ipsum *quei* aliter Romanis pronunciatum, adeoque si in *quei*, prima demta sit litera, nihil prorsus eam vocem nec significatione, nec sono à Bavarica *Wei* interesse arbitror. Plauti Comœdia existat, quæ *Capiteiwei* inscribitur, quam vocem hodie nemo, quam Bavarus, rectius pronuntiaverit. Sextus Empiricus, *ai* & *ei* apud Græcos simplicem sonum habere ait, quia scilicet unius vocalium *sonus ferè perit ad aures* ( quomodo in *Vir*, de *V* litera monet Velius ) hoc est, minima tantum ejus pars effertur, ut propemodum nihil ejus ad aures perveniat: nec tamen prorsus intercidit, quod aliter vocalis simplex, non diphthongus foret. Itaque non solum *a* in *æi* profertur, sed etiam aliquid literæ *Iota*, etsi tam obscurè, ut sit ne *i*, an *e*, aures vix judicent. Similis est *ei* diphthongi ratio. Græci posteriorem

riorem vocalem integram , priorem ex tertia tantum parte pronunciabant . Latini non eandem in ea efferenda rationem tenuerunt . Elegantiores imitabantur Græcos , & *Binei* seu *Bini* eodem prorsus modo , quo illi suum *Bium* efferebant , quod epistola ad Pætum Cicero testatur . Sed rustici ac messores , quique urbanorum peregrinitatem effugere studebant , ut Græcorum dissimillimi essent , ex *ei* priorem plenè , posteriorem ex tertia tantum parte pronunciabant : ut vix Jota animadverteretur , velut ex Ciceronis tertio de Oratore discimus . Similiter autem Varro 1. rei rust. cap. 2. *Villam* , quæ ex *vehillam* & *veillam* facta vox est , à rusticis *Vellam* efferri solitam auctor est , quo modo dubium non est , quin & antiquissimi Romanorum pronunciare fuerint soliti : nam *liber* posteriores fecerunt ex *leiber* , prior vocali suppressa , quod contra veteres dixerant *leber* , posteriorem vocalem supprimentes . Hinc porro intelligimus multis aliis diphthongis idem ipsum usuenisse , ut duplex earum esset pronunciatio , cum aliàs prior , aliàs posterior ejusdem diphthongi vocalis plenè sonaret : cujus rei insigne Germanicus sermo exemplum suppeditat . Vox *Feder* , Germanis significat *unusquisque* . Prior ejus syllaba diphthongo *Je* constat . Hanc qui elegantius loquuntur , sic pronunciant , ut *J* , audiatur plenum & duo tempora consumat , *e* verò tertiam modò temporis partem habeat ac vix sentiatur . Ripuarienses Germani contra *e* plenum efferunt duobus temporibus , sed *i* , non nisi ex tertia parte temporis , ut ferè ad aures pereat , quo modo prior in *Jesus* pronunciatur . Sic Hispani in *nuestro* , *u* plenum efferunt , sed *e* sic supprimunt , ut non nisi minima ejus pars audiatur :  
quod



quod contra Itali in *unguento* ex *ue* posteriorem integrè pronunciant , priorem *u* tanta celeritate , ut rectè Terentianus dicat , *eam parte tantum fungi temporis* : Velius verò : *eam ad aures ferè perire* . Sic in *fuisse* Lucillius facit , *u* , *i* , in diphthongum coalescere hoc versu : *Compernem aut varam fuisse Amphitruonis exortu* . Sed ejus diphthongi prior plenè effertur , altera vix tertia ex parte . Contra in hoc Horatii versu : *Præcipuè sanus , nisi cum pituita molesta est* : *a* , in *pituita* sicut in *vita* vix auditur , sed *i* , tamquam longa duobus temporibus effertur . Idem in *qui* seu *cui* usuvenit : nam sive *c* , sive *q* scribas , nihil ad pronunciationem interesse infra demonstrabitur . In *cui* , integrè sonat prior vocalis , in *qui* posterior , ita ut multi priorem ( *u* puta ) prorsus extriverint , sic ut *qi* seu *Ki* , Hispanicè & Gallicè *qui* , Hetruscè *chi* pronunciarent . Atque hoc discrimen in efferendis diphthongorum vocalibus non observatum Grammaticis Latinis turpissimum errorem objecit , ut *i* & *u* , sequentibus eas vocalibus , non diphthongi partes , sed consonantes esse crederent , alii tam vocalium , quam consonantium vim amittere putarent . Sed qui cum diversarum nationum hominibus versati sunt , variasque eorum diphthongos observarunt , quantum Grammaticos ratio fugerit minimè laboriosè intelligunt . Certè in *Jam* & *Jus* , primam litteram ita raptim efferri fatendum est , ut vix tertiam temporis partem absolvat : neque tamen suo prorsus sono caret , quod fieri in his necesse est , quæ consonantes dicuntur . Similiter in *Qua* , *quem* , *quis* , *quid* , *quod* , *lingua* , *sanguen* , *sanguis* , *suadeo* , *suetus* , *u* vocalis est , quia suum

N

pro-

proprium sonum habet , etsi is ad aures ferè perit , quod in quavis diphthongo alterutri vocali usuvenire necesse est , ne non una , sed duæ sint syllabæ . Hinc consequens est , ut in *Va* , *ve* , *vi* , *vo* , & *vu* non aliter *V* efferatur , quam in *lingua* , *sanguen* , *sanguis* , sine ulla scilicet etiam minima adspiratione , quod ratio nulla afferri possit , cur eadem syllaba ex iisdem elementis composita , aliter atque aliter proferri debeat . Itaque rectè Germani sua lingua *vin* , sive ut ipsi perperam scribunt , *win* , ita proferunt , quo modo à Romanis , qui vinum eis intulerunt , pronunciari majores eorum audierant , quomodo hodie scilicet ipsi quoque Itali mediam syllabam in *Sang-ui-nis* efferunt : ubi *u* non est consonans , cum sine ulla spiritus vel afflatus parte pronunciatur , secus quam iidem Itali in pronunciando *Vino* faciunt , ubi adspiratio aliqua seu flatus debilis percipitur , etsi non ita plenè , ut fit cùm Germanus *sino* profert . In quo etsi meritò ridetur , non tamen Italus culpa vacat , & Germano Priscianus totidem verbis patrocinator lib. 1. *Apud antiquos Romanorum F littera , habebat hunc sonum , quem nunc habet V , loco consonantis posita* . Verum ego dubium non habeo , quin Priscianus allucinetur perinde ut cæteri , qui *V* , sequente vocali non in diphthongum concrelescere , sed consonantem esse crediderunt : & sonum ejus non *F* , sed *F* digammate Claudiano efferri solitum certus sum . Quod autem de *ei* diphthongo dixi , priorem ejus vocalem tam correpto temporis momento pronunciari solitam , ut vix perciperetur , nec discerni satis posset , *e* esset , an *o* , id hæc Festi verba certius nobis faciunt : *Ab oloes dicebant antiqui , pro ab illis : nam litteram non geminabant . Pilumnœ po-*  

*ploe*

*ploe in carmine Saliari sunt Romani, velut pilis uti assueti*. Nimirum *oe* efferebatur prorsus ut Grædum *oi*, Terentiano & Victorino testibus: unde in veteribus Terentii libris *Adelphoe*, & in prologo Casinæ Plautinæ, *Clerumonoe* legimus. In Græca verò diphthongo *oi*, litera *o* vix percipi poterat, nec ab *e* distingui, cum *i* pingue efferretur sono literæ *u*, sive *y* proximo, quem ipsum literæ *i*, in diphthongo *ei*, sonum esse, supra ex Velio Longo didicimus. Monet quoque Maximus Victorinus *Hoelas* & *Hylas* sono haud ferè quicquam differre, quod Inscriptionum veterum mos confirmat, in quibus *Oiti*, *Oeti* & *Uti*, similiterque *coera* & *cura*, *poenire* & *punire*, *loidos* & *ludos* passim legimus. Sed & Servius in principio *Æneid.* 10. ad hæc Virgilii. *Quin intra portas atque ipsis prælia miscent Aggeribus moerorum*--ita commentatur; *Moerorum*, antiqui pro murorum; nam veteres pleraque eorum, quæ nos per *u* dicimus, per *œ* diphthongon pronunciabant: & contra *punio*, pro *pœnio*, quod verbum à *pœna* venit; hinc est, *Punica regna vides: cum Pœnos ubique legerimus*. Festus denique *Loebesum*, inquit, & *loebertatem* antiqui dicebant, *liberum* & *libertatem*, ita Græci *λοιβή* & *λοιβω*. Nimirum Latini aliàs *leiber* (quod in C. Cassii denario Ant. Augustinus invenit) alias *loiber* nulla pronunciationis differentia scribebant, cum utrumque *liber* sonaret, sed *i* pingui, quod inter *u* & *i* exile medium sonum obtinere supra demonstratum est: idemque ipsum apud Græcos obtinebat, ut *λοιβω*, *λοιβω* & *λοιβω*, quod Latinis est *libo*, indifferenter scriberent & pronunciarent, ita scilicet, ut in *λοιβω* & *λοιβω* Jota plene duobus temporibus efferretur, sed prior vocalis ob pro-

nunciationis celeritatem relinqueretur in ambiguo . Nihil ergo jam mirum est animi dubios fuisse Athenienses , λοιμὸν ne , id est , *pestilentiam* , an λιμός , id est , *famem* , versus hic Delphis ex oraculo red-  
ditus minaretur : ἤξει δωρταχὸς πόλεμος καὶ λοιμός ἀπ' αὐ-  
τοῦ , siquidem fieri facile potuit , ut surdè audientes Jota longum seu pingue ab exili non distinguerent . Est autem in λιμός , Jota breve sivè exile , in λοιμός verò longum ac pingue . Neque tamen non idem ipsum in oi & oe fieri potuit , quod in ai , au & ei , supra diximus factum , ut prior o , in aliquibus vocibus plenè efferretur , posterior e vel i , tam correptè , ut distinctus & certe ejus sonus ad aures non accederet , quod Suevi & Bavari faciunt in verbo *Woint* , quod est *plorat* . Sic certè nihil impedit , quin proinde pronunciatur in hoc Maronis versu : *Proinde tona eloquio , solitum tibi , meque timoris* . Si quis tamen sono literæ o suppresso , i pingue ibi efferre malit , cum eo nec verbum commutatum volo , qui cum maximè hoc nunc agam , ut de veteri Linguae Latinae pronunciatione nihil prorsus explorati haberi posse demonstrarem . Nunc de Diphthongis quædam veterum testimonia recitari operæ pretium fuerit .

Quintil. lib. 1. cap. 7. AI , *syllaba* , *cujus secundam nunc E , literam ponimus , variè per A & I , efferebant : quidam semper , ut Græci : quidam singulariter tantum , cum in dativum , vel genitivum casum incidissent , id est , quidam semper Musai pro Musæ dicunt , quidam tantum in genitivo & dativo singulari .*

Velius Longus : *Ea quæ nos per AE , antiqui per AI , scriptitaverunt , Juliai , Claudiai . Et nihil obstat ,*

obstat, quo minus hoc aut illo modo scribamus in utroque numero.

Terentianus: *Alpha semper atque Jota quem parant Grecis sonum, A & E nobis ministrant: sic enim nos scribimus.*

Scaurus de Orthograph. *Apud antiquos I, litera, pro E, scribebatur, ut testantur metaplasmī in quibus est ejusmodi syllabarum deductio, ut Pictai vestis, & Aulai in medio, pro pictæ & aulæ: sed magis in illis E novissima sonat, & præterea quoque antiqui Græcorum hanc syllabam per AE. scripsisse traduntur.*

Festus: *Aulas antiqui dicebant, quas nos dicimus Ollas, quia nullam literam geminabant. Auxilla, olla parvula. Ausculari, pro Osculari, quod est os cum ore conferre. Aurum rustici orum dicebant, & auriculas, oriculas. Atque ex hoc formavit Catullus oricillam.*

Priscianus lib. 1. *AU, videtur quasi pati divisionem, cum I, post U, addita, transit eadem U in consonantium potestatem, ut Gaudeo, gavisus. Ναύτης, navita, & ναῦς, navis. Contra fit à Labor, lautus: faveo, fautor: avis, auceps, augurium, augustus. Transit quoque AU, in O, productam more antiquo, ut lotus, pro lautus: plostrum, pro plaustrum: cotes, pro cautes: sicut etiam contra pro O, AU, ut Austrum, pro ostrum: auscuium, pro osculum, frequentissimèque hoc faciebant antiqui,*

Hic non satis scio tutòne Prisciano de omnibus credamus, quoniam & ratio & auctoritas suadere nobis videtur, ut inter *nauta* & *navita* nihil credamus fuisse discriminis, nisi quod *i*, in *navita*, pro-

pter pronuntiationis celeritatem extrita fuerit, sicut in *favior*, quo Plautus utitur prima correpta. Et Cicero inter *Cauneas* & *cave ne eas* perpusillum interfuisse significat, ita, ut qui audiret *Can ne as*, sibi *cave ne eas* dictum putare posset, quasi esset: *Can-en'eas*, ut *u* simul cum *a*, non cum *e* efferretur: quod si verum esset, etiam *nau-ita*, non *naa-vita* pronuntiandum foret: quid hic veri sit, ab aliis doceri avelo.

Lucretius lib. 2. *Aut nulla inter se duo sunt ex omnibus eadem*. Hic *EA*, diphthongum habemus, sicut etiam in hoc versu Terentii prolog. *Adel. Eam commorientes Plautus fecit fabulam*. Et in hoc Virgil. *Nec tantum Rhodope miratur & Ismarus Orphea*. In hac porro diphthongo, *e* plenè efferri arbitror, *a* verò non nisi ex semisse aut tertia parte.

Lucillius: *Uni se atque eidem studio omnes dedere & arti*. Hic diphthongus est, de cuius pronuntiatione diximus, Latinos scilicet & Græcos semper posteriorem plenè extulisse pingui quodam sono, qualis ferè est tertius *u* literæ, sive *y*. Vetustiores tamen Romani & rustici, *e* plenum pronuntiabant, ut *i* ferè tollerent: quos imitati posteriores, dixerunt *Calliopea* & *Chorea*, cum in Græco esset, *ei*, teste Prisciano, qui & ista monet: *In vocalibus sunt affines E correpta, sive producta cum EI diphthongo, qua veteres Latini utebantur ubique loco I longæ, more antiquo Oracorum*.

Virgilius: *Rege sub Eurystheo fatis Junonis iniquæ*. Idem: *simul accipit alveo*. Idem: *Uno eodemque igni sic nostro Daphnis amore*. Lucret. *Omnia jam*

*jam seorsum carnes ancisa recenti*. Hic est diphthongus, in qua *e* plene efferendum puto, ut o minimam partem temporis consumat, ex eoque o, an u sit, satis distinctè sciri non possit.

Virgilius: *Præferimus manibus vittas ac verba precantia*. Idem: *Bis patriæ cecidere manus, quin protinus omnia*. Hic *IA*, diphthongum habemus, in qua prior vocalis plenè effertur, quod Vittembergenses rusticos facere animadverti, pro quo cæteri Germani posteriorem *a*, duobus temporibus pronunciant suppressa priore *i*, quod ipsum faciunt omnes in *Jam* & *Allelu-ja*. Grammatici hic suas *Synæreses* & *Synalæphas* obtrudere conantur, sed nihil afferunt, cur Latini non æquè atque alii populi diphthongum credantur extulisse.

Virgil. *Immortale jecur tundens sæcundaque pænis*. Hic *IE* diphthongum habemus, in qua posterior *e* plenè pronunciatur, priore *i* ad aures quasi pereunte. Germani tamen, ut dixi, alteram præterea ejus efferendi rationem servant, in voce *Jeder*, ut *i* plenum efferant, *e* verò non nisi tertia ex parte.

Sed hoc loco contradici potest, *Jacet*, *jecur*, *Jovem*, *juvat*, propterea non esse diphthongum, quia *i* sit consonans, cujus rei causa sit, quoniam non sit vocalis, ut quæ syllabam non faciat longam, quod omnes diphthongi faciunt, & quoniam consonanti brevi subjecta, syllabam natura brevem faciat positione longam, quod consonantis proprium esse nemo ambigit. Cum enim *ad* sit brevis, tamen in *adjuvat* fieri longam positione, & *ju* brevis est, cum unaquæque vocalis unum tempus habeat, adeoque diphthongus nisi *di-xporo*, seu duo-

rum temporum intelligi non possit . Ad hoc respondetur , Grammaticorum regulas de syllabarum dimensione ex positione & diphthongo nonnulla correctione indigere . Positione enim non modò syllaba , natura brevis , fit longa , sed etiam natura longa fit brevis . Est autem *Positio* vel *Vocalium* , vel *Consonantium* . Gredimus , an qui amant ipsi sibi somnia fingunt . Hic qui natura longum , fit breve positione vocalis , quia nimirum ante vocalem posita est : Et *Insulae Ionio in magno , quas dira Celeno . Stipitibus duris agitur sudibus .ve praeustis* . Hic *AE* diphthongus ex longa fit brevis positione vocalis consequentis , quia scilicet posterior diphthongi vocalis minimam modò temporis partem habet , quæ sequenti vocali quodammodo accrescit , quod tamen semper fieri nihil necesse est . Ad in *adjuvat* longum fit , non ex positu consonantis , sed ejus vocalis , quæ propter moram , quam pronuntiationi affert , consonanti fit similis : nec enim tam celeriter , ac sine impedimento decurrit pronuntiatio , quam in *adipe , aditu* : atque ab hac causa *Lucretius , aqua & liquidus* , nonnumquam prima producta extulit . Sed hæc mora in *pluvia* vocalem ante se positam propterea non retardat , quia brevissima temporis pars , quæ est in priore diphthongi litera , utrique vocalium , hoc est , antecedenti & consequenti velut contribuitur , quod præcedente consonante , tamquam soni experte , fieri non potest . Similiter in *Favitor* , prima quamvis longa à *Plauto* corripitur , in prologo *Amph. Si cui favitores delegatos viderint . Virtute ambire oportet , non favitoribus* . Nimirum *Au* fit brevis positione , quia ponitur ante vocalem i .

quo



quo exemplo nihil peccabit, qui *Gavisus* primâ brevi dixerit, ut sit *Gav-isus*, non *Ga-visus*.

Quintilianus lib. 1. cap. 4. *Litera I, sibi infidit*. Conjicit enim est ab illo jactis. Hæc *Ji*, diphthongus est, in qua prior *i*, minimam temporis partem absolvit, coque factum est, ut eam veteres sæpè extererent, & *Conicit*, *obicit*, *subicit*, media brevi offerrent. Virgil. *Tityre pascentes à flumine reice capellas*. Hinc porro intelligi potest, nullam fuisse rationem, cur negarent veteres, v similiter sibi insidere in *Vulnus*, *servus*, ut in *conjicit*, *subjicit*. Par enim utrobique est ratio.

Lucretius lib. 2. *Quoad licet ac possis reperire inolentis olivi*. Hic Triphthongum, in eaque *OA*, diphthongum habemus, qua & rustici in Germania alicubi utuntur, cum uno sono *Joa* pro *Ja* efferunt, quæ est affirmandi particula: quos si Terentianus audisset, de Diphthongo *oa* minimè dubitasset, quemadmodum nec de *ou*, qua Horatius utitur: *Pasco libatis dapibus prout cuique libido est*. Hanc Bavari in appellanda vacca exprimunt, cum dicunt *Kou*, ut prior vocalis *o*, vix exaudiatur, quomodo & Latini *loumen*, *louncem*, & similia videntur extulisse, qualia Inscriptiones veteres exhibent, *Courato*, *joussit*, *jondicare*, &c.

Velius Longus: *V, literam digamma esse interdum, non tantum in his debemus animadvertere, in quibus sonat cum aliqua adspiratione, ut in valente & vitulo: sed etiam in his, quibus confusa hæc litera est in eo quod est quis: nam si omnino hæc vocalis est V, procul dubio hæc syllaba longa esset, quoniam numquam duæ vocales coeunt, ut non longam syllabam faciant*.

Hoc

Hoc verum est de vocalibus, quæ paribus temporibus efferuntur, ut unaquæque tempus unum habeat. Tum enim duo sunt tempora, quæ syllabam longam faciunt. Sed dispar est ratio in diphthongo *Va*, *ve*, *vi*, *vo*, cum posteriores vocales plenè efferuntur, prior verò vix tertiam temporis justæ partem consumit, ac vix sensibilem pronunciationi moram affert, proptereaque sæpè cùm scribendo, tùm pronunciando exterebatur, ut esset *Qis*, *god*, *qotidie*, velut infra de consonantibus docebitur. Hoc loco illud observandum moneo, Velii Longi ætate ( quæquæ illa fuerit ) *V*, literæ vocalibus præpositæ duplicem sonum fuisse, alterum sine ulla adspiratione in *Qua*, *que*, *qui*, *lingua*, *suadeo*, *suetus*, alterum cùm adspiratione nonnulla, vel potius flatu, prorsus ut hodie quoque Itali in *Vado*, *vento*, *vino*, *volo* & vulgo pronunciant. Sed veteres Romanos satis exploratum est, ad quemcunque flatum, seu fortem, seu debilem, nulla alia nota, quam *F* litera usos fuisse, sicut *H* litera ad halitum, seu spiritum, vel adspirationem. Non igitur Æolicum digamma *Ϝ*, sed *F*, dimidiatum Itali hodie in *Vini* voce efferunt, adeoque Germanos *F*, plenum efflantes irridere non debent. Illud tamen minimè negaverim, jam tum Theodosio imperante digamma cum flatu aliquo pronunciari fuisse solitum. Servius enim ejus ætatis Grammaticus propter affinitatem ex *Henetis Venetos*, ex *Helia Veliam* exiisse credidit. Verba ejus sunt in *Æn.* 6. *Velia dicta est à paludibus quibus cingitur*, quas *Græci* *ἑλιν* dicunt. Fuit ergo *Helia*: sed accepit digammon, & facta est *Velia*, ut *Henetus Venetus*. Sed de digamma ejusque usu plu-

ra

ra qui vœlet , apud Priscianum libro primo videre poterit.

## TRIPHTHONGI.

Quintilianus lib. 1. cap. 4. *Aut unam longam vocalem faciunt , ut veteres scripsero , qui geminatione earum velut apice utebantur ( ut maater , felix , abiire ) aut duas ( ut Musae ) nisi quis putat etiam ex tribus vocalibus syllabam effici , quod nequit , si non aliquę consonantium officio fungantur .*

Terentianus : *Syllabam nec invenimus ex tribus vocalibus .*

Annæus Cornutus : *Tres vocales quibusdam videntur esse sub una syllaba VAE : errant , si ita putant , nam nusquam neque apud Græcos , neque apud Latinos ex tribus vocalibus syllaba constat : quare hic Digamma erit , & duę vocales .*

Charisius lib. 1. *Syllabę natura longę , cum singulę vocis literę producuntur , ut A aut E ( in maater , felix ) aut cum duę , ut VA ( in vado ) aut cum tres , ut VAE ( in aquę . )*

Sic habemus , veterum alios Triphthongis locum dedisse , alios easdem repudiasse , propterea quod ex tribus temporibus syllabam longam constare non posse , rectè judicarent . Sed illos cogitare æquum fuit , diphthongos per se non habere duo tempora , sed unum modò tempus & semis , imò ne semis quidem , sed tantum tertiam partem temporis propterea , quod semper altera vocalium ea celeritate effertur , ut ferè ad aures pereat . Itaque sequente vo-

cali

cali diphthongi corripuntur , si prior earum vocalis plenè pronuncietur . Sed per accidens seu fortuitò & ex eventu producuntur , quoniam scilicet consonans eas excipit , quæ nullum habet sonum , cum quo vocalis diphthongi posterior , quæ vix exauditur , coalescere queat . Atque hæc demum vera est productionis ratio , non illa , quam Priscianus reddit , quod scilicet consonans dimidium tempus habeat , adeoque cum vocali diphthongi antecedente tempus integrum absolvat . Consonans enim nullum omnino sonum proprium habet , proptereaque nec minimum temporis momentum facere potest . Accipio tamen , quod dat Priscianus , diphthongos sequente vocali duo tempora non habere . Verba ejus lib. 1. sunt.

*Invenitur hæc diphthongus AE vel AI in media dictione correpta tunc , quando compositæ dictionis antecedentis in fine est sequente vocali , ut præultis . Virgil. Stipitibus duris agitur sudibusve præultis : Homerus : ἀνιπτόποδες καμουῦναι . Oe quoque vel Oi idem patitur apud Græcos . Æschylus : ἴσπερ τοιαύτας παρθένου λοκώσται . Unde quidam non sine ratione unum tempus & semis singulas eas habere dicunt . Ideoque si consequatur consonans , quæ dimidium tempus habet , omni modo producuntur .*

Jam quod *V* , in *VAE* , digamma vocant , & cum quodam flatu proferri volunt , coque nomine consonantibus accensent , vel vox Italica *GVAI* ( ex Latino *Væ* facta , quam Suevi *WAI* efferunt ) & priscum *aquai* , errorem eis eripere debebat : nam neque vel minimum illius flatus , sive adspirationis hic est vestigium , neque aut *g* , aut *q* , cum flatus nota consequente pronunciari potest , nisi quis tamen

Ro-

Romanos ; Sarmatarum more *Qſamqſam* , pro *quamquam* , enunciaſſe putet.

Triphthongi *VAU* aliud exemplum non habeo , niſi quod Varro ipſum *V* , digamma *VAU* appellandum putavit . Bavari *WAO* ſeu *WAO* , quod *ubi* ſignificat , ita efferunt , ut *o* plenum ſit , priores duæ vocales vix exaudiantur , adeoque triphthongus non niſi duorum eſt temporum , quomodo apud Græcos *uv* , & *uv* , non ſunt trium temporum , eſſi *u* & *u* , velut longæ , duo abſolvunt tempora : eo quod *u* inſigni labiorum preſſu comprimatur . Unam verò ſyllabam duo tempora & ſemis habere poſſe , ipſe quoque Priſcianus & alii agnoſcunt , tamquam in *Juno* , ubi *u* longa duorum eſt temporum , *i* verò vix dimidium tempus , atque adcò non niſi tertiam temporis partem conficit.

Virgilius : *Seu lento fuerint alvearia vimine texta* . Hic *VEA* triphthongum habemus . Ubi ſi quis *v* , conſonantem eſſe & cum adſpiratione aliqua proferendam contendat , eum docere velim , cur ergo in *laquearia* , *u* nihil habeat flatulenti.

In *Quei* , quo veteres utebantur pro *qui* , triphthongum eſſe ſatis jam planum eſt.

Horat. *Quis ſudor vietis aut quam malus undique membris* . Hic in *vietis* ( quæ vox eſt diſſyllaba ) prior ſyllaba ex Triphthongo duorum temporum conſtat : nam *v* & *i* , vix unum tempus conſumunt . *V* verò ſine omni ſtatu proferendum , ex voce *quietis* diſci poteſt.

Lucretius lib. 2. *Quoad licet ac poſſis reperire inolentis olivi* . Hic triphthongum *VOA* habemus , cujus media vocalis plene efferitur , prima & ultima ſerè ad aures pereunt .

Catullus : *Quoi dono lepidum novum libellum* ;  
 Hic triphthongus *VOI*, mediam vocalem habet plenam ac duorum temporum, cum extremæ duæ propter pronunciationis celeritatem vix simul unum tempus conficiant.

## D E

CONSONANTIBUS  
SIMPLICIBUS.

## B.

*B*, Romani sic efferebant, ut à *p*, quam minimum differret: quæ causa est, cur in saxis inscriptum videamus, *Apsolutus*, *apsens*, *opses*, *optinere*.

Quintilianus lib. 1. cap. 7. *Cum dico obtinuit: secundam B literam ratio postulat aures magis audiunt P.*

Scaurus de Orthographia: *B, cum P consentit, quoniam origo eorum non sine labore conjunctione revelli à quoquam potest. Græci πυρρῖον, nostri Byrriam, & quem Purrum, antiqui Burrum: Balatium, Palatium: item Poplicolam, Publicolam: Scapillum, alii Scabillum dicunt.*

Hanc pronunciandi rationem qui Germanis hodie in usu esse prædicat, quos ille Germanos dicat nescio. Ego quidem numquam ejus nationis quemquam audire memini, qui *Ponum* pro *Bono* efferret. Sed plerisque scio pro *B*, efferre digamma  
 live

sive *V* consonantem quam dicunt, sed sine adspiratione ulla, ut in *Bene* perinde sonet, atque *U* in *Quane*, sive *W*, quomodo ipsi scribunt. Maxime verò omnium in eo sunt ridiculi, qui Bavarica dialecto utuntur. *Wacchus* enim dicunt, pro *Bacchus*. *Wuarca*, pro *Barca*. *Wonus*, pro *Bonus*, sicut *U* in *Quoniam*.

Nec tamen tolerabilius peccant Hispani & Vascones, qui *B*, & *V*, adspiratam inter se commutant: nam inter *bibere* & *vivere* nihil faciunt discriminis, nec inter *Baro* & *Varo*, *bellum* & *vellum*. Et in re divina facienda Sacerdotes sic loqui audiuntur: *Per Christum Dominum nostrum, qui tecum bibit & re-gnat in sæcula sæculorum*. Est autem error iste pervetus, ut in saxorum veterum Inscriptionibus passim videre est: nam ibi *Bibus*, pro *virus* sæpius legas, *Vase*, pro *base*: *plevi*, pro *plebi*: *Vene*, pro *bene*: *Abe*, pro *ave*: *Bale*, pro *vale*.

## C.

*C* antè *A*, *O* & *V*, rectè hodie ab omnibus pronuntiatur. Sed ante *E*, *I*, & *T*, aliæ nationes aliter efferunt, malè tamen omnes: Hispani, Galli & Cisalpinæ Galliæ Itali, *Cicero* sic pronunciant, ac si esset *Dsidfero*, Germani *Tsitfero*. Maxime ridiculi & odiosi sunt Hetrusci, inprimisque Florentini, qui in *Cicero* aliter primam, aliter mediam syllabam efferunt, utrobique scil. strepitum, sive *S* densum aut pingue, sed ei in priore syllaba, & præmittunt. *Strepitum* voco, quem Germani per *Scha*, *Sche*, *Schi*, scribunt: Galli per *Cha*, *Che*, *Chi*: Hetrusci per *Scia*, *Scie*, *Scio*: Hispani per *Xa*,  
Xe,

*Xe*, *Xi*, aut *Ge*, *Gi*, aut *Je*, *Ji*, etsi ab annis non ita multis morem hunc Hispanæ mulieres mutarunt, ita ut ista cum adspiratione efferant, ut *χ* Græcum, vel *Ch* Germanicum, vel gutturale *Ca* Hetruscorum, quod ipsi *La gorga* vocant, cum *Duca* pronunciant, ut Germani *Ducha*, Hispanæ faminae *Duxa* vel *Duja*. Galli id efferre non possunt. Hetrusci ergo *Cicero* sic pronunciant ac si Germanus legeret *Tschischero*, Hispanus veteriore modo, *T-xixero*. Itaque si nihil aliud inter hodiernam & veterem Romanorum pronunciationem esset discriminis, vel hujus solius literæ pronunciatio omne inter nos linguæ commercium impedire posset. Illi enim *KIKERO* effercbant, sive ut Italus scriberet, *Chichero*, ut Gallus & Hispanus *Quiquero*.

Fest. *Priscipro* acipenser dicebant aqipenser, pro sexdecim, sexdequim. Ex Græco *καίπαρ* fecerunt febrim querqueram & carcerem; quia scilicet *καίπαρ* efferebant.

Quintilian. 1. cap. 7. Quidam & necessariam credunt quoties *A* sequatur, cum sit *C* litera, quæ ad omnes vocales vim suam perferat. Ergo nulla prorsus inter *ka* & *ca*, inter *ke*, & *ce*, inter *ki* & *ci*, fuit pronunciationis differentia: proindeque Cato pro *dicam*, scribebat *dicem*, & *faciem* pro *faciam*, ut eodem capite Fabius auctor est. Et Livius lib. 21. *Saguntum* à *Zacyntho* nomen duxisse monet, quoniam scilicet *cy* Græcorum, à *Gu* Latinorum sono vix quicquam interesset.

Julius Hyginus apud Servium *Æneid.* 8. Cum Romani euntes per *Tusciam* interrogarent *Agyllinos*, quæ diceretur civitas, illi utpote Græci quid audirent ignorantes, & optimum ducentes, si eos prius salutarent, dixerunt *χαίρε*: quam salutatio-

nem



nem Romani nomen civitatis esse putaverunt, & detracta adspiratione eam Cære nominaverunt.

Ergo inter Latinum Cære & Græcum *καῖρ* nulum aliud soni discrimen fuit, quam quod in Græco esset adspiratio: ex quo planum fit *Cæsar* Romanis itidem ut Germanis hodie pronunciari solitum, nempe *Kaisar*, quomodo & Græci scribebant. In compluribus quidem Claudii Imp. Inscriptionibus *CAISAR* disertim perscriptum visitur, ut mirari satis non possim, qua ratione barbarum nostrate *Zesar* vel *Tschesar* aut *Tsciesar* aut *T--chesar* (quomodo Germani & Galli Hetruscum *Cesar* scriberent) subrepere potuerit. Similiter autem aliàs *pulcher*, aliàs *pulcer*, nullo ferè pronunciationis discrimine scribi solitum ex Grammaticis discimus.

## D.

Quintilianus lib. 1. cap. 4. *T litera cum D quadam cognatio est: quare minus mirum, si in vetustis operibus urbis nostræ & celebribus templis legantur Alexanter & Cassantra*. Et cap. 7. *Illa quoque servata est à multis differentia, ut AD, cum esset præpositio, D literam, cum autem conjunctio, T acciperet*. Multi ergo ad & at indifferenter pronunciabant.

*Festus: Apot antiquis erat, quod postea apud.*

*Idem: Odefacit veteres dicebant pro olfacit, & dacrinas pro lacrimas, item dautia pro lautia, impedimenta pro impedimenta.*

*Scaurus de Orthograph. Seddam antiqui dicebant, quam nos Sellam.*

*Victorinus: Kadamitatem veteres & scribebant*

O

&amp;

& dicebant pro calamitatem. *Communionem* enim habuerunt *litera* hæ apud antiquos, ut *dinguam* & *linguam*: *dacrimis* & *lacrimis*: *capitodium* & *capitolium*: & *sella* à *sede*: *olere* ab *odore*.

Terentius Phorm. act. 2. sc. 2. *Rete accipitri tenditur*. Ubi Donatus: *Legitur* & *tennitur*. *Habet enim N litera, cum D communionem*.

Servius in Georgic. 2. DI, in *Media*, sine sibilo proferenda est: *Græcum enim nomen est, & Media provincia est*. Hinc apparet in Latino vocabulo *medio*, *D* cum sibilo proferri solitum. At enim *D* cum sibilo est consona duplex *Z*. Dicebant ergo *Mezo*, quomodo hodie quoque Itali sua lingua pronunciant. Sed & hoc ab eadem pronuntiatione ortum video, ut *Zabolus* dicerent, pro *Diabolus*, *Zasta* pro *Diæta*.

Antiquissimi vocalibus *D* adiciebant, ut in columna rostrata Duilii: *In altod marid pugnandod cepet*: pro *In alto mari pugnando cepit*. Alii vocalibus duabus hiatus vitandi causa interponebant, sicut in *Redeo*, *redambulo*, *redigo*, *redarguo*, *prodest*, adhuc apparet. Hinc Plautinum *antidhac*, pro *antehac*. *Antideo*, pro *ante eo*. Horat. *Omniem crede diem tibi diluxisse supremum*. Idem: *Maled ominatis parcite verbis*. Vide Muret. 14. Var. lect. 19.

## F.

Hæc nota flatus est, quam Priscianus monet *non tam fixis labris esse pronuntiandam quam PH*. Cicero pro Fundanio (ait Fabius) testem irridet, qui primam Fundanii litteram dicere non posset, nimirum  
Græ-

Græculus ille *Bfundanium* proferebat, qui literæ Græcæ sonus erat. Similiter Græcorum & Latinorum interjectionem *Phui* vel *Phy* (quæ est asperantis aliquid, ut spurcum aut foetidum) Germani hodie *Bfui* vel *Pfui* pronunciant.

Priscianus lib. 1. *Apud antiquos F litera hunc habebat sonum, quem nunc habet V, loco consonantis posita. Unde antiqui AF pro AB, scribere solebant, & sifilum pro sibilum dicebant.*

## G.

Festus: *Antiqui per C literæ formam nihilominus G usurpabant. Acetare dicebant, pro agitare. Prodigia, quod prodicunt futura, permutatione G literæ: nam que nunc G appellatur, ab antiquis C vocabatur. Quincentum per C literam usurpabant antiqui. Negotium, quod non sit otium. Neglegens dictus est, non legens, neque delectum habens quid facere debeat, omissa ratione officii sui.*

Quinctilianus lib. 1. c. 4. *Quædam scribuntur aliter, quam enunciantur: nam & Gajus, C litera notatur: nec Cneus eam literam in prænominis nota accipit, quam sonat.*

Servius Geor. 1. *Amurca per C scribitur & per G pronunciat, ut C Gajus, CN Gneus.*

Victorinus Artis Grammat. lib. 1. *Pro agro Gabino dicebant Cabino: pro Lege, lece: Acna pro agna. Auctio certè ab augendo dicta est: & numeri cum C habeant, ut Ducenti, trecenti, sexcenti; G reliqui habent, ut Quadringenti, nongenti. Et infra: C & nomen habuit & usum præbuit literæ G.*

Scaurus de Orthogr. *Camelum alii dicunt, alii Gamelum*

*melum* . *Negotium dictum est , quia nec otium* . *Nec* porro significat *non* , ut *Nec rectè loqui* , pro , *non rectè* , seu *malè* .

Ex omnibus istis apparet : Romanos *legio* , *legere* pronunciasse , quomodo hodie effertur ab Italis & Germanis *legio* , *leghere* , ab Hispanis & Gallis *leguo* , *leguere* : nam cæteræ omnes literæ , *G* , pronunciationes , quæ hodie in usū sunt iisdem nationibus , à Romanis nullo pacto intelligerentur . *GA* etiam *GO* & *GU* , Romani sic efferebant , ut à *CA* , *CO* , *CU* , perpaulum interesset . Testatur Fabius , *G* , in fine quoque vocabuli lectum , ut in *Vesperug* . Eo utuntur Germani in *Sing* , cano : *Ge-sang* , cantus : habentque hunc morem ut in *Singen* , *G* , priori syllabæ attribuant , ut sit *Sing-en* : quod haud scio , an & Romani fecerint in *longa* , *longæ* , *longis* : sicut nec illud possum decernere , quam rectè veteres Grammatici *unguem* admittant , *ungo* vero & *ungentum* , sine *u* scribi postulent .

## H.

Festus Longus : *De Ha litera quæritur , quæ inferat his Vocibus , Vehemens , Reprehendit : cum elegantiores & Vemens dicant & Reprendit , secundum primam positionem . Prendo enim dicimus , non Prebendo . Idem ; Alia est syllaba , Ha , alia Ah . Idem : H adedò litera est , ut possit videri etiam vicem duarum consonantium implere .*

Scaurus de Orthogr. Respondemus *H* & esse literam , & apud Græcos quoque fuisse , qui *ἑκατόν* , id est , centum , *H* litera notant Et sicut *As* , & *Sa* , aliam vocem & aliam efficiunt potestatem , & *Ad* & *Da* ,

Da, ita Ha & Ah. Et literarum proprium est propinquitate sociari & invicem succedere, ut quam nos Fabam dicimus, antiqui Habam dixerint, &c.

Priscianus initio libri quinti: In A, neutra non inveniuntur Latina, nisi tria monosyllaba literarum nomina indeclinabilia, A, Ha, ha.

Quintilianus lib. 1. c. 6. irridet eum, qui dixerat *Avete* sine adspiratione. Et subjicit: *Recta est hæc via, quis negat? Sed adjacet & mollior & magis trita.*

Velius Longus: *Harena*, ut testis est Varro, à Sabinis *Fasena* dicitur, & sicut S familiariter in R transit, ita F, in vicinam adspirationem mutatur, Similiter ergo & *Hædos*, dicimus cum adspiratione, quoniam *Fædi* dicebantur apud antiquos: item *Hircos*, quoniam eosdem æquè *Fircos* vocabant: nam & è contrario quam antiqui *Habam* dicebant, nos *Fabam* dicimus.

Festus: *Fædum* antiqui dicebant, pro *hædum*: *Folus*, pro *holus*: *Fostis*, pro *hostis*: *Fostia*, pro *hostia*. *Formia* ex *Oraco* *hormia*. *Hanula*, parva delubra & quasi *fanula*. *Horreum* prisçi dicebant *farreum*, à *farre*.

Donatus in *Phorm.* act. 4. sc. 4. *Hariolus* est, qui divina mente vaticinatur, quasi *Fariolus*, à *fari* & à *fando*, cum F pro H, & item H pro F, in multis locutionibus ponatur, an quod imitantur adspirationem in exhalando? nam halitu solent excludere velut mortalem animam, ut divinam recipiant: unde & vocem ejusmodi dabant, quæ est OE, quod OE sonus exhalandi vim præstat. Ubi scribendum videtur OH vel HO aut HOE.

Servius in *Æn.* 7. *Halisci* immutato H in F, *Falisci*

*lisci dicti sunt, sicut Febris dicitur, quæ ante hebris dicebatur. Formiæ, quæ hormiæ fuerunt.*

Varro lib. 3. rei rust. cap. 1. Colles vocant Tebas sine afflatu, id est sine H litera.

Scaurus iterum de Orthogr. Nec minus consonantes inter se mutuis vicibus funguntur, ut F & H. Utraque enim flatus est, quare quem antiqui Fircum, nos Hircum, & quam Falisci Habam, nos Fabam appellamus, & quem antiqui Fariolum, nos Hario-lum.

Quintilianus lib. 1. c. 4. & 7. Illa vitia non nisi aure exiguntur, quæ fiunt per sonos: quamquam per adspirationem, siue adjicitur vitiose, siue detrahatur, apud nos potest quæri, an in scripto sit vitium, si H litera est, non nota. Cujus quidem ratio cum temporibus mutata est sapius. Parcissime ea veteres usi etiam in vocalibus, cum Oedos Ircosque dicebant. Diu dein servatum ne consonantibus adspiraretur, ut in Graccis & Triumphis. Erupit brevi tempore nimius usus, ut Choronz, Chenturiones, Præchones, adhuc quibusdam inscriptionibus maneat: qua de re Catulli nobile epigramma est. Inde durat ad nos usque vehementer & comprehendere & mihi: nam mehe quoque pro me, apud antiquos Tragædiarum præcipue scriptores in veteribus libris invenimus. Fortasse sicut scribebant, etiam ita loquebantur. Hic enim usus est literarum, ut custodiant voces, & velut depositum reddant legentibus. Itaque id exprimere debent, quod dicturi sumus. In quam sententiam Papyrianus: *Aliter scribere, aliter pronunciare recordis est Galli.*

Ex istis primum discimus, nomen H literæ fuisse HA, ut à Germanis pronunciatur, non ACA Ita-lorum,

lorum, neque *ACHE* Hispanorum, quod illi perinde pronunciant, ac si Hetruscè *ACIE*, Germanicè *Atsche*, Gallicè *At-che* scriptum foret. Nimirum ex *Ha* primum factum fuerat *Ah*, quod alii pronunciarunt, ut *Ach*, sicut ex *mihi* fecerunt *michi*. Inde porrò natum est Italicum *Acha* vel *Aca*: undè postea Hispani & Galli plus etiam literæ appellationem corruerunt.

Deinde discimus, *H* esse literam consonantem, nequicquam reclamantibus Varrone & Nigidio Figulo, maximis Romanorum literatoribus, quorum plurimis aliis, quæ ridiculè, atque adedò stolidè censuerunt, hoc addamus licet, quod *H*, non esse literam statuerunt, eo quod sit adspirationis nota. At enim non propterea *F*, litera esse definit, quod sit flatus nota, neque *S*, quod sit nota sibili, neque *R*, quod sit nota rictus.

Præterea discimus, Romanos solitos *H* pronunciare, sive eam in scribendo vocalibus præmitterent, sive consonantibus subjicerent. Itaque aliter efferebant *Ave*, aliter *Have*, sic aliter *commoda* aliter *chommoda*: nec dubium est aliter *Tebas*, aliter *Thebas* efferri solitum; hoc scilicet cum afflatu, ut Varro vocat, illud sine eo. *Afflatum* verò Varro improprie vocat *adspirationem* sive *exhalationem*. Aliud quippe *flare* est, aliud *halare* seu *spirare*, sive *halitum* emittere. *Flat*, qui *F* pronunciat: *Halat*, qui *H*. Arrius Catullianus consonantibus & vocalibus pariter adspirabat, sive *H* proferebat etiam, ubi minimè opus erat, ut *Chommoda*, *hinsidias*, *mather*, *hævus*, *havunculus*. Assentior enim iis, qui partim veteris scripturæ vestigia persecuti, partim conjectura ducti, sic legunt Catulli epigramma:

*Chommoda dicebat , si quando Commoda vellet*

*Dicere , & Hinfidias Arrius Infidias :*

*Et tum mirificè sperabat se esse locutum ,*

*Cum quantum poterat , diceret Hinfidias .*

*Credo , sic Mather , sic liber Havunculus eij est ,*

*Sic Mathernus , Havus dixerit , atque Havia .*

Hos versus multi Italorum non si capitis res agatur pronunciare sciunt , sed neque quomodo pronuncientur , suspicari possunt , nisi Arbitri Eumolpum illum cum maxime nequam facientem capere magistrum velint , de quo rivalis ejus verba sunt : *Unus , & senex non erit gravis . Etiam cum voluerit aliquid sumere , opus anhelitu prodet : aut illum , ad quem poetæ versus est : Quod lateri parcas , nec quantum jussit , anheles .* Hispani non ferè *H* pronunciant , nisi cum pro *F* positum est , ut in *Haba* , pro *Faba* , in *Hacer* , quod est *facere* : in quo Romanos imitantur . *Ave* tamen dicunt , cum Fabius ætate sua molliorem magisque tritam viam fuisse testetur adspirandi , id est *Hæve* pronunciandi .

## K.

Priscianus lib. 1. *K & Q , quamvis figura & nomine videantur , aliquam habere differentiam cum C , tamen eandem tam in sono vocum , quam in metro continent potestatem . Et K quidem penitus supervacua est : nulla enim ratio videtur , cur A , sequente K , scribi debeat .*

Scaurus de Orthogr. *Antiqui in connexionem syllabarum , ibi tantum K utebantur , ubi A litera subjungenda erat : quoniam multis vocalibus instantibus quo-*

*ties*



ties id verbum scribendum erat , in quo retinere hæc literæ nomen suum possent , singulæ pro syllaba scribebantur , tamquam satis eam ipso nomine explerent , ut puta Decimus , D , per se in dicimus ( lego D , per se in Dcimus ) item cera , C simplex & ra : & Bene , B & ne : ita & quoties Kanus & Karus scribendum erat , quia singulis litteris primæ syllabæ notabantur , K prima ponebatur , quæ suo nomen A continebat : quia si C posuissent , Cenus & Cerus futurum erat , non Canus & Carus .

Sententia est , veterum morem fuisse , ut DCEM vel DCM esset Decem , quia E continetur in D & C. BNE sonaret Bene . CRA , Cera . KNUS , Canus . KRUS , Carus . CNUS , Cenus , CRUS , Cerus .

## L.

Priscianus lib. 1. L. triplicem , ut Plinio videtur , sonum habet . Exilem , quando geminatur secundo loco posita , ut Ille , Metellus : Plenum , quando finit nomina vel syllabas , & quando habet ante se in eadem syllaba aliquam consonantem , ut Sol , silva , flavus , clarus . Medium in aliis , ut lectus , lecta , lectum .

Hanc sonorum ejusdem literæ varietatem nemo est hodiè qui dijudicare possit , nisi quod suspicari licet , hodiernam literam , quam Itali per GL , Hispani per LL , exprimunt in Capegli & Cabellos , aliquam cum exili sono illo affinitatem habere ; de cujus pronuntiatione mox agemus , ubi ad duplices consonantes perventum fuerit .

## M.

Quintilianus lib. 9. cap. 4. *M* litera, quoties ultima est & vocalem verbi sequentis ita contingit, ut in eam transire possit, etiamsi scribitur, tamen parum exprimitur, ut malum ille & quantum erat: adeo ut pene cuiusdam novae literae sonum reddat, neque enim eximitur, sed obscuratur, & tantum aliqua inter duas vocales velut nota est, ne ipse eocant.

Priscianus lib. 1. *M* obscurum in extremitate ditionum sonat, ut templum: Apertum in principio, ut magnus: Mediocre in mediis, ut umbra. Transiit in *N*, & maxime *D* vel *T* vel *C* vel *Q* sequentibus, ut Tam, tandem: tantum, tantundem: idem, identidem: num, nuncubi: & ut Plinio placet, nunquis, nunquam. Anceps pro Ambiceps. *AM* enim praepositio, *F* vel *C* vel *Q* sequentibus, in *N* mutat *M*, ut Anfractus, ancisus, anquiro: vocali vero sequente intercipit *B*, ut Ambitus, ambefus, ambustus, ambages: nec non etiam in comburo, combustus idem fit. Immo vero comburo formatum fuit ad exemplum verbi amburo, quod fuit compositum ex *ambi* sive *ambe* (sicut *heri* & *here*) & *ur*. *Ambe* porro factum est *am*, & ex hoc *an*, sicut *a* ex *ab*, & hoc ex *abs*. *Ambi* autem est à Græco ἀμφί, & significat circum. Festus: *AM* praepositio loquularis significat circum, unde servus ambaetus, id est circumactus dicitur. *AM* ex Graeca praepositione sumtum, quæ est ἀμφί, significat circum. Hinc Ambegni bos & vervex appellabantur, cum ad earum utraque latera agni in sacrificium duce-

ducebantur. Varro de lingua Lat. lib. 6. *Ambages profectum est à verbo ambe, quod est in ambitu. Ambustum, quod circum ustum est, ut Ambiegna bos apud augures, quam circum alia hostia constituntur. Ancilia dicta ab Ambecisu, quod ea arma ab utraque parte incisa. Et lib. 4. Amictus est dictus amjectus, id est, circumjectus. Amnis id flumen est, quod circuit aliquid: nam ab Ambitu amnis. Sed fieri potest, ut comburo, ex con & buro factum fuerit, cum a buro profectum videatur bustum seu bustar, id est usti cadaveris locus, sicque buro esset ex Græco πυρ. Πῶρ verò ignem significat.*

Annæus Cornutus de Enunciatione: *Si duo verba conjungantur, quorum prius M consonantem novissimam habeat, posterius à vocalibus incipiat, M consonans perscribitur quidem, ceterum in enunciando durum & barbarum sonat. At si posterius verbum quamlibet consonantem habuerit, vel vocalem positam loco consonantis, servat M literæ sonum. Par enim atque idem est vitium, ita cum vocali, sicut cum consonante M literam exprimere. Tamtus & quamtus, in medio M habere debent: quam enim & tam est: unde quamtitas, quamtus, tamtus: nec quosdam moveat, si M non sonat: Jam enim docui, non sonare debere, tametsi in scriptura M posita sit.*

Velius Longus: *Ipsa N litera in locum M cedit, ut cum dicimus, clandestinum, cum ab eo trahatur, quod est clam. Item sinciput, quod est semicaput: ex eo scilicet factum, semicaput, semiciput, senci-put.*

Idem: *Cum dico, Etiam nunc, quamvis per M scribam, nescio quomodo tamen exprimere non possim. Nonnulli Synalæphas quoque observandas circa talem scri-*

scriptionem existimaverunt, sicut Verrius Flaccus, ut ubicumque prima vox M litera finiretur, sequens à vocali inciperet: M non tota, sed pars illius prior tantum scriberetur, ut appareat exprimi non debere.

Cicero in oratore: Quid? illud non olet unde sit, quod dicitur cum illis, cum autem nobis, non dicitur, sed nobiscum: quia si ita diceretur, obscœnius concurrerent literæ, ut etiam modò, nisi autem interposuisssem, concurrissent. Ex eo est mecum & tecum, non cum me & cum te, ut esset simile illis: vobiscum atque nobiscum.

Quintilianus lib. 8. cap. 3. Vitanda est jūctura deformiter sonans, ut si cum hominibus notis loqui nos dicimus, nisi hoc ipsum hominibus medium sit, in *κακόφωνον* videmur incidere: quia ultima prioris syllabæ litera (M puta in Cum) quæ exprimi nisi labris coeuntibus non potest, aut interfistere nos indecensissimè cogit, aut continuata cum (N) insequente in naturam ejus corrumpitur.

Sententia horum Tullii & Fabii verborum est, M sequente N, pronunciari ut N. Itaque cum nobis, sonat cun nobis, ubi auditur obscœna vox cunno, quam deformitatem seu turpitudinem ut vitarent, dixerunt pro eo nobiscum, posteaque ad idem exemplum vobiscum, mecum, tecum. Idem hodie fit ab Italis, qui omnia dicunt pro omnia.

Victorinus Artis Gram. lib. 1. Clari in studiis viri, qui aliquid de Orthographia scripsere, omnes ferre ajunt, inter M & N literas mediam vocem, quæ non abhorreat ab utraque litera, sed neutram propriè exprimat, tam nobis deesse, quam Græcis: cum illi Sambyx scribant, nec M exprimere, nec N.

## N.

Priscianus lib. 1. N plenior in primis sonat, & in ultimis partibus syllabarum, ut nomen, stamen: exilior in mediis, ut amnis, damnum. Transiit in G, ut Ignosco, ignarus, cognosco, cognatus. Et sequente G, vel C, pro ea G scribunt Græci: & quidam tamen vetustissimi auctores [Romanorum Euphonia causa bene hoc facientes, ut Agchises, ageps, aggulus aggens: quod ostendit Varro primo de origine lingue Latine his verbis: Aggulus, aggens, agguilla, iggerunt. In ejusmodi Oraci & Actius noster binam, G, scribunt, alii N & G, quod in hoc veritate facile videre non est. Similiter ageps & agcora. Hæc Priscianus.

Nigidius Figulus in Commentariis Grammaticis: Inter literam N & G, est alia vis, ut in nomine anguis, & angaria & ancora & increpat & incurrit & ingenuus. In omnibus enim his non verum N, sed adulterinum ponitur: nam N non esse lingua indicio est: nam si ea litera esset, lingua palatum tangeret. Cum enim nos dicimus, neque projectis labris pronunciamus, neque profuso, intentoque flatu vocis, sed & spiritum & labias quasi intra nosmet ipsos coercemus.

## Q.

Quintilianus lib. 12. cap. 10. Duras facit syllabas Q, quæ ad conjungendas demum subjectas sibi vocales est utilis, alias supervacua, ut equos ac equum scribimus, cum ipsæ etiam hæ vocales duæ efficiant sonum,

num, qualis apud Græcos nullus est, ideoque scribi illorum literis non potest.

Idem lib. 6. cap. 3. *Cum* is candidatus, qui coqui filius habebatur, coram Cicerone suffragium ab alio peteret: Ego quoque, Cicerone inquit, tibi jure fa-  
vebo; pro ego coque.

Donatus in Adelph. act. 3. sc. 3. Ciceronis dictum refertur in eum, qui coqui filius secum causas agebat: Tu quoque aderas huic causæ: nam apud veteres coquus non per C, literam, sed per Q, scribebatur.

Velius Longus: *Cicum*, nonnulli in utraque syllaba per Q, scribunt, nonnulli & inserta U. In verbo etiam coquere, pro quoquere: Nisus censet ubique C, literam ponendam tam in nomine, quam in verbo.

Idem: De Q litera quaesitum est, & multi illam exclusērunt, quoniam nihil aliud sit, quam C & U, & non minus possit scribi quis per C, & U, & I, & S. Ideoque nonnulli quis & quæ & quid, scripserunt qis, qæ, qid, quoniam scilicet in Q, esset C & U.

Idem: Quor est cui rei, quod significat ob quam rem. Ex hoc retinuit consuetudo hodierna, ut dicemus quare: Quod una syllaba castigatum sit cur, quod nos contenti sumus per C scribere.

Festus: Quando & Quando ab Ennio scriptum invenitur. Quaxare, pro, coaxare, ranæ dicuntur, cum vocem mittunt. Querquera à Græco κάρπαρα certum est dici, unde & carcer. Querquetum, pro quercetum.

Priscianus lib. 1. Apud antiquos frequentissime loco CU syllabæ, QUU ponebatur, & è contrario, ut Arquis, coquis, oquulus, quum, quur.

Don-

Donatus in Andr. act. 1. sc. 1. Cui, per Q veteres scripsere. Nimirum nihil inter qui & cui interest, nisi quod diphthongus aliter atque aliter effertur, ut scilicet modo U, modò I integrum tempus consumat.

Scaurus de Orthogr. Quis, quidam per cui scribunt, quoniam supervacuam esse Q literam putant. Sed nos C in dativo ponemus, ut sit differentia cui & qui, quamquam secundum analogiam omnes partes orationis, quæ per casus declinantur, eandem literam in prima parte omnis casus servant, quam in nominativo habuerint. Cum quidam, nonnulli quom scribunt, quidam etiam esse differentiam putant, quod præpositio quidem per C, adverbium autem per Q debeat scribi, ut Cum Claudio, quom legissem: quoniam antiqui pro hoc adverbio cume dicebant, ut Numa in Saliari carmine.

Annæus Cornutus de Orthograph. Quotidie, sunt qui per CO, cotidie scribunt, quibus peccare licet desinerent, si scirent inde tractum esse à quot diebus, hoc est, omnibus diebus.

Papyrianus: Reliquiæ & Reliqui per C, scribuntur. Cotidie per C & O dicitur & scribitur per Q, quia non à Quoto die, sed à continenti die dictum est.

Victorinus Artis Grammat. lib. 1. Licinius Calvus Q, litera non est usus. Antiqui cum adverbium, scribebant quatuor literis quom, sed pronunciabant tamen perinde, ac si cum scriptum esset.

## R.

R, omnes hodie, nisi quibus blæsa est lingua,  
rectè

rectè pronunciant, inprimisque Hispani, qui eam geminant, ut in *Homra*, sicut Romani fecerunt in *narrare*, pro, *narare*, id est, *narum* vel *gnarum* seu *scientem facere*.

Papyrianus: *Narare*, per unum R, scribitur, ut *Varroni* placet. Secutus est enim etymologiam nominis ejus, qua *gnarus* dicitur, qui scit & accipit quod loqui debeat. Denique compositio verbi ita scribitur, ignorare, quæ non per duo R, sed per unum scribitur, idè & *naratio* unum R, habere debet.

Festus: *Tor:am*, ut significat *torridum*, *aridum*, per unum quidem R, antiqua consuetudine scribitur, sed quasi per duo R, scribatur, pronunciari oportet: quoniam antiqui nec *mutas*, nec *semivocales* literas geminabant, puta in *scriptione*.

Priscianus lib. 1. *Antiquissimi* pro *ad*, frequentissime ar ponebant, ut in *arvenas*, *arventores*, *arvocatos*, *arfinas*, *arvolare*, *arfari*, *arcio*, unde *arcesso*. *Ager* pro *agger*, qui dictus ab *adgerendo*.

Festus: *Antiqui* dixerunt *malosibus*, ex quo factum, *majoribus*, *meliosibus*, *lasibus*, *feliis*: ex quibus facta, *melioribus*, *laribus*, *feriis*. Sic *furui* factum ex *prisco fusui*. Dicebant veteres similiter *Labos*, *colos*, *odos*, *arbos*: pro *labor*, *color*, *odor*, *arbor*. *Dasi*, pro *dari*, & *plisima* pro *plurima*.

Servius in *Æn.* 4. *Veteres* *Asas* dicebant, postea immutata litera S, in R, *Aras* dixerunt, sicut *Valesios*, *Valerios*: *Fusios*, *Furios*. Ita Cicero ad *Pætum* *Papyrios* prius dictos ait *Papysios*.

## S.

S, nota sibili est, sed ex illis, non illius densi  
aut



aut pſinguis , qui *ſtrepitus* rectius dicatur , quem Germani tribus literis exprimunt , *SCHA* , *SCHE* , *SCHI* , Hetrufci verò ſic *SCIA* , *SCIE* , *SCIO* , Galli hoc modo , *CHA* , *CHE* , *CHI* , Hiſpani veteriore pronunciandi ratione per *XA* , *XE* , *XI* , aut per *j* oblongum , quod illi Jota vocant , *ja* , *je* , *ji* , aut per *g* , ſequentibus dumtaxat *e* aut *i* , *ge* , *gi* . Itaque *Oxeare* ( quod Hiſpanis eſt gallinas aliasque aves vocis ſtrepitu abigere à voce , *Ox* , *Ox* , ) Germani ſcibunt *Oſtheare* , Galli *Ocheare* , Hetrufci *Oſcieare* . Sed proprium ei ſono characterem inventum oportuit , qualis eſſe poterat illa Jurisconſultorum Paragraphi nota §. Verùm ego Romanos nullo ſtrepitu in pronunciando uſos puto , contra quam hodiè faciunt non modò Galli *ge* & *je* & *che* pronunciantes , aut Germani , qui *ſtatum* ſeu *ſchtatum* , *ſponte* ſeu *ſchponte* , *ſcamnum* ſeu *ſchamnum* , *ſuavis* ſeu *ſchuavis* moleſtiſſimo ſtrepitus genere efferunt , ſed ipſi etiam Hetrufci in *Scipio* , *ſcire* , *diſcere* , & ſimilibus , quæ Romanis erant *ſkipio* , *skire* , *diſkere* , exili illo ſibilo , quem omnium optimè Hiſpani edere ſolent , adeò ut *caſſus* & *diviſio* dicant , pro *caſus* & *diviſio* , quod & Romanos factitaſſe ſcimus.

Quintilianus lib. 1. cap. 7. *Cicero* , & *Virgilius* ſcribebant *cauſſa* , *caſſus* , *diviſſiones* , quod manus eorum docent . Sed paulum ſuperiores etiam illud , quod nos gemina *S* dicimus juſſi , una dixerunt juſi.

Festus : *Duſmoſo* in loco apud *Livium* ſignificat dumoſum locum . Antiqui enim interferebant *S* litteram , & dicebant coſmittere , pro committere , & caſmœnæ , pro camœnæ . Sic pœſnas , pro pœnis , & cœſnas , pro cœnis . Dicebant quoque ſtlo-

cum , pro locum , flitem , pro litem , flatam , pro latam , strenam , pro trenam , stritavum , pro tritavum .

Id. Serpentes dicimus ex Græco , quod illi ~~ipso~~ nos pro adspiratione eorum S litera posita , ut iē sex , ~~in~~ septem .

Priscianus lib. 1. saepe pro adspiratione ponitur in his dictionibus , quas à Græcis sumimus . Semis , sex , septem , se , si , sal. Et Bæoti in quibusdam dictionibus pro S , solebant H scribere , muha , pro musa dicentes , propter cognationem literæ S cum H.

Maximus Victorinus : Antiqui S litera quasi pro liquenti utebantur , inerudita adhuc novitate , quod posteriores poetæ non ferunt . Lucillius : Tum lateralis dolor certissimus nuncius mortis : pro , Tum laterali dolor certissimu nuntiu mortis .

Agrætius de Orthogr. Apud Latium , unde Latinitas orta est , major populus & magis egregiis artibus pollentes Tusci fuerunt , qui quidem natura lingue suæ , S , literam raro exprimunt . Hæc res fecit haberi liquidam .

Cledonius in Arte : Quia S , superflua invenitur , interdum & ipsa liquefcit in metro , quia sibilus magis est , quam consonans .

Virgil. Æn. 1. Troas reliquias Danaum atque immitis Achilli . Ubi Servius : Propter homæoteleuton detraxit S , literam , quæ plerumque pro sibilo habetur , non solum necessitatis , sed etiam Euphonia causa , ut Sallust . A principio Urbis ad bellum Persi Macedonicum . Detrahatur autem S , tertiæ declinationis genitivo .

Charisius lib. 1. Varro genitivo hujus fami dixit , cum famis sit rationis . Herculi , pro Herculis , & Uly-

Ulyxi , pro hujus Ulyxis dici cæptum est , inquit Plinius , ut fortis Achatî , acris Orontî.

Prisc. lib. 6. Sciendum in nominibus tertiæ declinationis frequentissimè veteres dativum protulisse pro genitivo , Aristoteli , Demostheni , Euripidi , pro Aristotelis , Demosthenis , Euripidis ponentes , ut Virg. Cic. Terent.

Victorinus libro 1. Artis : Nemo & nullus , quorum genitivum aliter , quam nos , veteres extulerunt : Nemini enim & nulli dixerunt : item bonæ frugis quoque , nos omissa parte ejus solum frugis scribimus.

## T.

T , rectè hodie pronunciatur ab omnibus , nisi ubi I cum alia vocali eam consequitur. Tum enim addito ei sibilo , perinde eam efferunt , ut z : nam *litium* dicunt *lizium* seu *lisium* , quod quidem satis scio , Romanorum nemo intelligeret . Maximè tamen in ea efferenda ridiculi sunt Galli , quos cum *intentio* dicentes audias , *intentio* an *intensio* illa sit , discernere haud quaquam possis : Hispani in linguæ suæ vocabulis , & sine ullo sibilo efferunt : adeoque Sacerdotem , ego in Hispania ad altare canentem audivi : Et ne nos inducas in *tentathionem* : quo modo & Itali *Malatia* dicunt , quasi esset *Malathia*. Non potest vocalis post i posita eam habere vim , ut sonum illum , qui t litteræ suus ac proprius est , immutet . Nam , ut ait Fabius , *hic est usus literarum , ut custodiant voces , & velut depositum reddant legentibus* . Itaque si in *justi* , sonus litteræ t , est affinis sono d ,

ne sine ullo fibilo non potest ille alius atque alius.  
esse in *justitia*.

## D E

# CONSONANTIBUS DUPLICIBUS.

## X.

Quintilianus lib. 1. cap. 4. *X litera carere potuimus, si non quæsissemus.*

Annæus Cornutus de Orthogr. Varro *X literam esse negat: in quo quid viderit, nondum deprehendi.*

Victorinus Artis Gram. lib. 1. *Latini voces, quæ in X literam incidunt, si in declinatione earum apparerebat G, scribebant G & S, ut conjugs, legs. Nigidius in libris suis, X litera non est usus, antiquitatem sequens.*

Priscianus lib. 1. *X duplicem loco C & S, vel G & S, postea à Græcis inventam, assumpsimus, ut Dux ducis, Rex regis.*

Charisius lib. 1. *Merx, Sallustius merces dixit. Sic faces antiqui pro fax, teste Festo: quomodo etiam hodie Italos dicentes audias: Pacēs (seu paches, pakes, paques) huic domui, pro pax.*

Servius in Æn. 1. *Adnexus antiquum est, ut connixus, quibus hodie non utimur. Dicimus enim adnifus & connifus. Et in Æneid. 8. Galli Senones dicti sunt, quod Liberum patrem hospitio recepissent,*  
quasi

quasi *Xenones* : cum *ξένος* Græcum significet *hospes*.

*Festus* : *Senonas* Gallos *Verrius* ait existimari appellatos , quia novi venerint ex *Transalpina* regione , ac primum appellatos *Xenos* , postea *Senonas* .

*Cicero* in *Oratore* : *Verba* sæpè contrahuntur non usus causa , sed aurium : quomodo enim *vester Axilla* , *Ahala factus est* , nisi *fuga literæ vastioris* ? quam *literam* etiam è *maxillis* , è *taxillis* , & *velixillo* , & *paxillo* , consuetudo elegans *Latini sermonis* evellit . Maluerunt scilicet dicere *Malas* , *talos* , *velum* & *palum* . Ita & *sedecim* , pro *sexdecim* , *sedigitus* , pro *sexdigitus* . Sic *Avauilla* *priscis* fuit *olla parvula* . *Fest.*

## Z.

*Maximus Victorinus* de *Litera* : *Litera peregrinæ* sunt *Z* , & *Y* , quæ propter *Græca* quadam assumptæ sunt , quæ si non essent , pro *Hylas* & *Zephyrus* diceremus *Hœlas* & *Dsephurus* . *Z* , apud nos loco duarum consonantium fungitur *DS* .

*Diomedes* lib. 2. *Z* , admissa nominum *Græcorum* causa . Pro hac *veteres* quidam *I* , *vocalem* , nonnulli duas *SS* , ponere solebant , unde *Jugum* dictum est veluti *ζυγόν* , & *Jupiter* velut *ζῷς* pater : *Messentius* & *pitissare* , & cetera hujusmodi usum *veterem* declarabant .

*Prisc.* lib. 1. Pro *Z* , quod pro *SS* , conjunctis accipitur , *veteres* inveniuntur vel *S* , vel *D* , posuisse , ut *Saguntum* , pro *Σαγῦντος* . *Massa* , pro *Μαζα* . *Setus* , pro *ζῆθος* . *Odor* ἀπό τοῦ ὀζῆου . *Mendentius* , pro *Μεζεντιος* dicentes .

Annæus Cornutus de enunciatione: Z, in antiquis libris modò scripta est, modò non: sed pro illa dua SS, ponebantur, ut Crotalizo, crotalisso, Malacizo, Malacisso, & his similia.

Veliùs Longus: Sciat Mezentium solitum scribi per duo SS, & sic enunciari.

## CH.

Hæc consonans duplex est  $\chi$ , Græcorum, id est  $c$  vel  $k$  cum spiritu, quam soli hodie Germani rectè pronunciant: proximè accedunt Hetrusci cum anserino seu gutturali suo CA, CO, QUA, ut cum dicunt *Duca*, *Quaranta*, pro quibus Germanus scriberet, *Ducha*, *Chuvaranta*: similiterque Hispani cum recentiore pronunciatione à fæminis inducta, dicunt *Muger*, *Baxo*, quod Germanis est *Mucher*, *Bacho*. Galli enunciare non possunt, & in Gallia Cisalpina pauci. Cæterum *che* hodie Itali efferunt, ac si esset Germanicum *ke*, Gallicum & Hispanicum *que*. Pro *che*, Galli dicunt Italicum *scie*, Germanicum *sche*, cum strepitu scilicet, de quo supra cum de *s*, ageretur, dictum satis est. Hispanis autem *che* est Italicum *ce*, Germanicum *tsche*, quod Galli efferunt, si *t*, ante *che* exprimant. Sed Romani sine dubio per *c* gutturale efferbant, velut ex Catulli epigrammate supra patuit.

Quintilianus lib. 1. cap. 5. *Diu servatum, ne consonantibus adspiraretur, ut in Gracis & Triumpis. Erupit brevi tempore nimius usus, ut Chorona, Chenturiones, Præchones adhuc quibusdam inscriptionibus maneat, qua de re Catulli nobile epigramma est.*

Ser-

Servius in Geor. 3. *Tria veteres habebant nomina, in quibus C, literam sequeretur adspiratio, Sepulchrum, Orchus, pulcher: è quibus pulcher tantum hodie recipit adspirationem.*

Idem in Æn. 6. *Thus & Orchus veteres dicebant & Lurcho, id est vorax: quibus sequens ætas detraxit adspirationem.*

Scaurus de Orth. *Negat Varro Gracchus adspirandum, quoniam à gerendo sit cognominatus. Matrem enim ejus, qui primus Gracchus sit dictus, duodecim menses uterum gessisse. Et pulchrum quamvis in consuetudine adspiretur, nihilominus tamen ratio exiliter C, enunciantum & scribendum esse persuadet, ne una omnino dictio adversus Latini sermonis naturam in medio adspiretur: quamvis S antea à Græcis putet esse translatum, quasi πολυχρῆν.*

Victorinus Artis Gram. lib. 1. *Legistis præceptum antiquorum, qui ajunt scribi omnibus literis oportere chorona, anchora, sepulchrum, brachium, pulcher: in enunciando autem H elidere.*

## PH.

Priscianus lib. 1. *Eum prope sonum, quem nunc habet F, significabat P, cum adspiratione, sicut etiam apud veteres Græcos pro Φ, π & H. Unde nunc quoque in Græcis nominibus antiquam scripturam servamus, pro Φ, P & H ponentes, ut Orpheus, Phaeton: postea verò in Latinis placuit verbis, pro P & H, F scribi, ut fama, filius, facio. Hoc tamen scire debemus, quod non tam fixis labris est pronuncianda F, quomodo PH. Atque hoc solum interest inter F & PH.*

P 4 TH,

## TH.

Hujus in Græcis modò vocibus usus est, eamque omnes hodie exiliter, ut & pronunciamus, sed sine dubio vitiosè. Hodierni quidem Græci *Θεός* longè aliter efferunt, quam nos *Theos*, sed id nisi viva voce declarari non potest. Adspirationem aliquam, sive ut Varro vocat *afflatum*, in ea audiri oportere certum est.

## PS.

Priscianus lib. 1. *Literæ S*, preponitur *P*, & loco *ψ* Græcæ fungitur, pro qua Claudius Cæsar antisigma hac figura *Ϟ* scribi voluit, sed nulli ausi sunt antiquam scripturam mutare: quamvis non sine ratione hac quoque duplex à Græcis addita videatur: nam multò molliorem & volubiliorem sonitum habet *ψ*, quam *PS*, vel *BS*.

## C O N S O N A N T E S

## Duplices Novitiæ.

## GL. LL.

Itali & Hispani hanc consonantem duplicem usurpant, quam Latini ignorarunt, & Germani hodie Idifficillimè pronunciant. Qui Latinis sunt *capilli*, talis dicuntur *capegli*, Hispanis *cabellos*: ubi eodem modo *gl* & *ll* pronunciat. Hispani etiam in vocum principiis ea consonante utuntur, ut  
in



in *Llano*, *Lleno*, *Llorar*, *Lluvia*. Sed revera hic sonus suum proprium characterem desiderat, cum nec *gl*, nec *l* duplex eum exprimat. Germani, ut cum efferre discant, scriptum putent *capelii*, *cabelios*, sic tamen, ut prior vocalis *i*, cum sequenti *i* vel *o*, in unam velut diphthongum coalescat, fiatque *i* consonans, quam vulgo vocant: aut fingant scriptum *capejili*, *cabejilos*, sic ut illud prius *i*, velut consonans, altero *i*, velut absorpto efferratur.

### GN. NN. sive N cum apice.

Ex Latino, *Senior*, quo Gothi pro *Domino* usi fuerunt, Hispani *i* in *n* converso, fecerunt *Sennor*, sive ut ipsi scribunt *Señor*, ex eo postea Itali *Signor*, Galli *Seigneur*: unde porro nata sunt *Seor*, *Ser*, *Misser*, *Sire*, *Monsieur*: quod contra Latinos olim *n* & *l*, converso in *i*, ex Græcis *Ἀμείνων*, *ἀμείνων*, *Menius*, *melius*, *melior*, ex *ἄλλος* *alius*, ex *ἄλλομας* *salio*, ex *Φύλλος* *folium* formasse Festi emendator observavit, qui tamen fallitur, cum id semper eos fecisset censet. Ex *ἰσχυρῶς* enim eos non *serpilium*, sed *serpillum* fecisse constat. Cæterum & huic sonus suum ac proprium characterem effectum oportebat, cum eum nec *gn*, nec *n* duplex efficiat. Romani, *g* nondum invento, *pugnare* scribebant, à cujus vocis sono sive Italicum *pugnare*, sive Hispanicum *punnare* diffidet longissimè: quem quidem Germani multum sudant, ut efferre discant, eoque id magis, quod *n*, ante *g* pronunciant. *Magnus* enim dicunt pro *magnus*. Oportet ergo ut prius *n*, in *Sennor*, vel *g*, in *Signor*, illud ipsum *n* esse meminerint, quod

Nigi-

Nigidius supra *adulterinum* esse dixerat , qualè in *Ancus* , *angor* , *incus* , *ingratus* exauditur : posterius autem *n* , velut *i* consonantem exprimant , quæ cum sequente vocali in diphthongum coeat , quasi esset *Sen-ior* .

## DE ACCENTU.

Cicero in Oratore : *Quid hoc elegantius , quod non sit natura , sed quodam instituto ? Inclitus dicimus brevi prima litera , infanus producta , inhumanus brevi , infelix longa , & ne multis , quibus in verbis ea primæ literæ sunt , quæ in sapiente atque felice , productè dicitur , in cæteris omnibus breviter , itemque , composuit , consuevit , concrepuit , confecit . Consule veritatem , reprehendet : refer ad aures , probabunt , quære , cur ? Ita se dicent iuvare . Voluptati autem aurium morigerari debet oratio .*

Putant viri docti , qui priores de pronuntiatione linguæ Latinæ commentati sunt , Ciceronem non de syllabæ , sed de literæ quantitate loqui . At nos mox dabimus , qui perspicuè idem de syllabis dicant . Sed esto : qui tandem sit , quod nostræ aures non hoc magis sono , quàm illo iuvantur ?

Maximus Victorinus : In & Con , *præpositiones aliquando corripuntur : sequentibus S , vel F , literis producuntur , ut instare , infidus : & cæteris omnibus corripuntur , ut inconstans , imprudens .*

Varro lib. 8. de lingua Latina : *Quidam reprehendunt , quod pluit & luit dicamus in præsentī tempore . Falluntur : nam est , ac putant aliter : quod*  
in

in præteritis U, dicimus longum, in præsentī breve: Ideoque in venditionis lege fundi, ruta cæsa ita dicimus, ut U, producamus.

At enim in præsentī non minus Luu-it, U, longa dixit Lucillius; Tantalus qui pœnas ob facta nefantia luit, quomodo in veteri libro Gifanius se legisse testatur. Et ruta, u brevi habemus apud Virgil. Aut Ida in magna radicibus eruta pinus.

Asconius Pedianus in Verrin. 3. Poscunt majoribus poculis. Sunt qui producta scilicet O, litera, poscunt legunt, quasi sæpe potant.

Consentius: Accentus ostendit diversam significationem unius dictionis. Pone, si verbum est, gravis est ultima: si adverbium, circumflexa.

Maximus Victorinus: Adverbium ponè, posteriore acutum recipit accentum, ne sit verbum.

Velius Longus: Multa nomina & contracta syllaba aliud significant, & producta: quomodo aliud sit producas Pila, & corripas Pila. Et loco rursus transmutatus accentus partes quoque orationis immutat, ut aliud est Circum, aliud Circum: aliud Ergo, aliud Ergò.

Servius in Æneid. 1. Maria omnia circum. In fine accentum ponimus contra morem Latinum: sed correptio hoc facit; nam præpositio postposita correpta est sine dubio.

Festus: Ergo correptum significat idem, quod apud Græcos οὐρ (igitur) producte idem quod χάρις, hoc est, gratia, seu causa. Hic de productione non vocalis, sed syllabæ loquitur.

Quintilianus lib. 1. c. 5. Si Cethegus prima acuta pronuncias, media mutatur. Ultima numquam acuitur, in dissyllabis prior.

Idem

Idem cap. 6. cum irridet, qui salutans amicos, *Avete* sine adspiratione & producta secunda syllaba dixerat. *Recta est* (addit) *hec via: quis negat? sed adjacet & mollior & magis trita.*

Ergo ætate illa *Havete* media syllaba (non litera) correpta dicebant, idque mollius pronuntiatur, audituque judicabant, quod nobis nihilo secius videtur, quam insomnia.

Agell. Noctium Attic. lib. 7. cap. 7. *Probus Grammaticus & Anianus poeta*, affatim, admodum, prima acuta pronuntiabant. *Causam esse huic accentui Anianus dicebat*, quod affatim non essent due partes orationis, sed utraque pars in unam coaluisset, sicut in exadversum, secundam syllabam debere acui existimabat, quoniam una, non due essent orationis partes. Addebat, quod ad, præverbium, tum ferme acueretur, cum significaret *πίναξ* sive intentionem, sicut affabre & admodum & approbè dicuntur. Sed id non perpetuum videtur: nam & appotus cum dicimus & apprimus & apprimè, intentio demonstratur, neque tamen ad particula, satis commodè accentu acuto pronuntiatur. Approbus tamen, quod significat valde probus, non inficias eo quin prima syllaba acui debeat. Igitur in istis vocibus, quæ non acuiuntur, ea causa est, quod syllaba sequitur natura longior, quæ non ferme patitur acui priorem in vocabulis syllabarum plurium quam duarum. In præmodum prima syllaba acuitur.

Ita discimus cæteros plerosque in affatim & admodum mediam syllabam acuto accentu proferre solitos: nec locum habet doctissimi viri commentum de A brevi & longo. Similiter enim Agellius præmodum & admodum prima syllaba acui affirmat.

Idem

Idem lib. 9. cap. 6. *Ab eo, quod est ago & egi, sunt verba frequentativa actito & actitavi: quæ quosdam sanè non indoctos viros audio ita pronuntiare, ut primam in his literam corripiant, quoniam in verbo principali, quod est ago, prima litera breviter pronuntiatur. Cur igitur ab edo & ungo, in quibus verbis prima litera breviter dicitur, esito & unctito, prima litera longa promimus? & contra dictito à dico, correptè dicimus: num ergo potius actito & actitavi producenda sunt: quoniam frequentativa fermè omnia eodem modo in prima syllaba dicuntur, quo participia præteriti temporis ex his verbis, unde ea profecta sunt, in eadem syllaba pronuntiantur; sicut lego, lectus, lectito, facit, &c. Sic igitur actito productè in prima syllaba pronuntiandum, quoniam ex eo fit, quod est ago & actus.*

Hic perspicuè habemus, in *actus* & *actito*, non primam modò literam, sed & syllabam productè pronuntiarì debere, etsi alii docti homines eadem corriperent.

Terentianus *au*, in *Aurunci* breve esse ait, adeoque barbarè produci, & *eu* semper esse breve, propterea quod *e* Græcum breve sit. Hoc quale sit, quis hodie vel suspicetur? verba ejus sunt.

*Aut age, inquit. ille vates: sape dixit aut ubi.*

*Dixit Aurunci, quod æque barbarum est producere.*

*Pes ubique lege constat prima cùm correpta sit:*

*Au, tamen capere videtur sape productum sonum.*

*Auspices cùm dico & Aurum, sive Græcus aurion.*

Mira

*Mixta nec putanda nobis talis alternatio est.*

*Dichronon quod alpha notum est, sicut à nostratibus.*

*Indè communem ministrat sola diphthongus sonum.*

*Eu, manet correpta, semper est quod E Gracum breve.*

*Literis sed E, latinis sæpe cum sit dichronos.*

*Facta diphthongos nequibit esse producti soni.*

*Charisius lib. 1. Calumnia prima syllaba correpta effertur. Venit enim à verbo calvor, hoc est, frustror. Plinius Os, oris, productè efferendum censuit: Os, ossis, correptè.*

*Donatus in Andr. act. 1. sc. 1. Filium perduxere ut una esset. Si productè legatur esset, significat cibum caperet, sive ederet. Et Eunuch. act. 3. sc. 4. Ut de symbolis essemus. Melius essemus, producta E, litera.*

*Servius in Æn. 5. Edo habet & rectam, sed antiquam declinationem, ut Edo, edis, edit: & anomalam, ut Edo, es, est: quarum secundæ & tertiæ personæ longæ sunt propter differentiam, Sum, es, est.*

*Idem in Æn. 1. Ibidem & ubinam, multi dubitant, ubi debeat esse accentus, quia ubi & ibi naturaliter breves sunt, sed ratione finalitatis plerumque producantur in versu; nescientes hanc esse rationem, quia pronuntiationis causa contra usum Latinum syllabis ultimis, quibus particule adiunguntur, accentus tribuitur, ut musaque, illene, huiusce. Sic ergo & Ibidem. Et infra: Ut, cum est quemadmodum, in pronuntiatione extenditur; quando temporis non est.*

*Ibidem: Sarpedon, ubi tot Simois correpta sub undis. In Sarpedon & in ultima syllaba & in penultima possi-*

possimus accentum ponere: nam *Homerus* & *Sarpedon* nis declinavit & *Sarpedontis*: unde & varius accentus est: nam si *Sarpedonis*, in antepenultima erit: si *Sarpedontis*, penultima habebit circumflexum, qui est in ultima syllaba nominativi. *Simois*, hoc nomen integrum ad nos transit, unde suo accentu profertur: nam si esset Latinum, in antepenultima haberet accentum, quia secunda à fine brevis est. Vult scilicet *Simois* in hoc versu pronunciari cum accentu in media syllaba, quamvis correpta.

Idem in *Æn.* 2. *Una ingens Periphas* & equorum agitator *Achillis*. Ultima in *Periphas* accentum non habet, ne femininum sit, nec tertia à fine, quia novissima longa est. Ergo *RI*, habebit accentum. Quid hoc loco dicent, qui inter vocalem longam & syllabam longam distinguunt?

Idem in *Æn.* 6. Exinde una pars orationis est, & in tertia à fine accentum habet, licet pænultima longa sit.

Idem in *Æn.* 7. In *Asia* cum paludem significamus, *A*, longa est: cum de provincia dicimus, *A*, brevis est.

Idem in *Æneid.* 10. Dum textit *Imaona Halesus*, id est, dum spoliat, nam tempus præsens est, non præteritum. Et textit, te primam syllabam corripuit, ut tantum positione longa sit. Et infra: *Trophæum*, declinatio Latina est: unde pænultima habebit accentum. In numero vero plurali, quia *tropæa* dicimus, sicut *Græci*, nec aliquid inde mutilamus, erit *Græcus* accentus, sicut apud *Græcos*, scilicet tertia syllaba à fine.

*Donatus* in *Eunuch.* act. 5. sc. 1. Si quando & prima syllaba acui potest & media. Tamen variat sententiam.

*Festus* : Quando , cum gravi voce pronunciatur ; significat quoniam , & est conjunctio . Quando , acuto accentu est temporis adverbium .

*Idem* : *Inlex* , producta sequenti syllaba , significat qui legi non paret , correpta sequenti , inductorem , ab illicito . *Plaut. Persa* : Impure , inhoneste , injurie , illex , labes populi . *Idem Asin.* Esca est meretrix , lectus illex est , amatores aves . Et *Poen.* Qui illi malæ rei tantæ fuimus illices .

*Idem* : *Muscerdas* prima syllaba ( non litera ) producta stercus murum appellant .

*Idem* ; *Quincentum* , & producta prima syllaba , & per C , literam usurpabant antiqui .

*Diomedes lib. 1.* *Comperio* , *comperii* . *Compereo* , *comperii* . Sed accentu discernitur sensus . Acuto enim accentu profertur , quoties pro eo accipitur , quod est rescii . *Compereo* verò circumflexo accentu declinatur , quoties pro eo accipitur , quod est , cum alio perii . *Comperieram* enim facit .

*Charisius lib. 1.* Quoties de neutro loquimur , correpta O , litera dicimus . Duo millia . In accentu longo , duo homines , ambo homines .

## DE EUPHONIA.

*Euphonia* seu *Sonoritas* est , quæ pronunciationem auribus commendare quærit , ut suavi minimèque odioso sono ad eas allabatur . Hujus causa Latini litterarum alias omittebant , alias inferebant , alias mutabant .

*Cicero in Oratore* : *Inclitus* dicimus prima brevi , *Insanus* producta . *Consule* veritatem , reprehendet : refer ad aures , probabunt , quare , cur ? Ita se dicent



cent *juvari*. *Voluptati autem aurium morigerari debet oratio*. *Pomeridianas quadrigas, quam postmeridianas, libentius dixerim.*

*Velius Longus: Meminerimus artis Orthæpeja esse, ut sive exili cum litera Artibus, sive cum plena Artibus scripseris, enunciationis sonum temperet.*

*Idem: Scio sermonem decori servire & aurium voluptati. Unde fit, ut sæpe aliud scribamus, aliud enunciemus, Cum dicimus, hic est ille, unum C, scribimus, & duo audimus. Constatendum quædam aliter scribi, aliter enunciari. Nam quibusdam literis deficiamus, quas tamen sonus enunciationis arcessit, ut cum dicimus virtus, periisse ferè ad aures primam litteram invenies.*

*Idem: In hac præpositione DE, quam dixi plenam præponi, animadvertendum illud, quod minuitur, si quando sequens vox à litera E incipit, ut est deerrare, deesse: qua enunciatione sufficit ipsa productio. Virgil. Vir gregis ipse caper deerraverat, atque ego Daphnin. Lucret. Talibus in rebus communi deesse saluti.*

*Idem: Sequenda est nonnumquam elegantia eruditorum, quod quasdam literas lenitatis causa omiserunt, sicut Cicero, qui Foresia & Megalesia & Hortesius sine N litera, libenter dicebat.*

*Hinc judicari potest, quam parum iusti & æqui fuerint, quibus Lambinum notare libuit, tamquam Hortesium contra receptam scripturam malo novitatis studio approbarit.*

*Servius in Æn. 1. Adplicat, secundum præsentem usum per D, prima syllaba: secundum antiquam autem orthographiam (quæ præpositionum litteram consonam in vicinam mutabat) per P, secundum verò eu-*

*phoniā*

Q

*Phoniam per A, tantum. Præpositio enim cum ad compositionem transierit, aut vim suam retinet, ut indico; aut mutat ultimam literam, ut sufficio: aut perdit, ut Coemo. Hinc discimus veteres applicat scribere, sed applicat pronunciare solitos.*

Quintilianus lib. 1. cap. 7. *Quædam scribuntur aliter, quam enunciantur: nam & Gajus, C, litera notatur, nec Cneus eam literam in prænominis nota accepit, qua sonat. Sensus est: scribi Gajus & Cneus, pronunciari autem Gajus & Gneus.*

Ibidem: *An cujusvis auris est exigere literarum sonos? non hercule magis, quam nervorum.*

Igitur Romani partim pronunciabant literas, quas non scribebant & quarum characteribus deficiebant; partim eas, quas scribebant, non pronunciabant, vel certè aliter multo, quam vel ipsi in aliis vocibus, vel in iisdem ipsis nos hodie, pronunciabant; partim accentu utebantur, quem nos, qualis fuerit, nec imaginari possumus: partim denique aliter, quam nos, literarum sonos exigebant, ut jucundum eis esset, quod nos hodie offendit, sicut vicissim fatis exploratum haberi debet, multa quæ nostras aures hodie minimè offendunt, vel molestissima eis futura fuisse. Itaque & imperiti & ridiculi sunt, qui ex Italis tanto cum supercilio de suavitate compositionis Latinæ sententiam ferre audent, velut is, qui vocem *plerumque* nimis asperam judicabat, & alter, qui negabat aures suas verbum *recreaverunt* ferre posse. Si enim in legendis optimis linguæ Latinæ auctoribus aliquantum diligentiores fuissent, effæminatam illam suam, mollem ac discinctam pronunciandi rationem longè à mascula altius cinctorum Romanorum consuetudine dissidere intelligerent. Qui  
usque

usque eo delicati sunt , ut eos *Ipse* , *Rex* , *pax* , *plenus* & *Cnossius* pronunciare pigeat , atque *Isse* , *Res* , *pakes* , *pienus* & *Conossius* dicere malint , quis eos animum inducturos putet , ut non lapides loqui Romanos conquerantur , si eos *Selis* pro *lis* , *Slatus* pro *latus* , *Stritavus* pro *Tritavus* dicentes audiant : Certè nisi omnia me fallunt , Lucretium patria multabunt , nec Romanum magis , quàm Transalpinum perhibendum censebunt , cùm hunc ejus versum legent lib. 5. *Religione refrænatus ne fortè rearis* . Fortassis autem neque illud Ciceronis Verrin. 5. propitiis excipient auribus : *Quem agrum si oblitum vidisses , annonæ caritatem minime verere* . Sed de Orthoepeja Latini sermonis hæcenus .

# FRIDERICI SILBURGII

DE

## Vetere Romanorum Scri- ptura tractatio.



U<sup>t</sup> de vetere Scriptura pauca præmo-  
neam , differt ea ab recentiore ,  
quæ hodie in usu est , vel *quantita-*  
*te* , vel *qualitate* , vel *utroque* .  
*Quantitas* in *additione* cernitur , vel  
*detraktione* . *Additio* aut *vocalis* est ,  
aut *consonantis* . *Vocalis* additio est  
in dihthongis *ei* & *ou* . Sic enim *eidem* , *jous* scri-  
psere , pro *idem* , *jus* . Sic *leitem* , *leimites* , *meili-*  
*tiæ* , *opeima* , *inveito* , pro , *litem* , *limites* , *militiæ* ,  
*opima* , *invito* . Sic *Eito* , *deixi* , *seierit* , pro , *ito* ,  
*dixi* , *sierit* . Item *Quei* , *sei* , *nei* , pro , *qui* , *si* ,  
*ni* ( *nei* tamen etiam pro *ne* usurparunt interdum ,  
& quidem non rarè . ) Sic *utei* , *ubei* , *ibei* , pro ,  
*uti* , *ubi* , *ibi* . Eandem diphthongum usurparunt  
in genitivis singularibus , ut *dolei* , *malei* , pro ,  
*doli* , *mali* . Item in nominativis pluralibus : ut *lei* ,  
*trevirei* , *decumanei* , pro , *ii* , *treviri* , *decumani* .  
Item in dativis & ablativis pluralibus : ut *Ieis* , *ter-*  
*tiis* , *riciniis* , pro , *lis* , *tertiis* , *riciniis* . Præ-  
terea

terea in dativis singularibus tertiæ declinationis : ut *Mortei*, *clientei*, pro, *morti*, *clienti*. Item : *Alterei*, *sibi*, pro, *alteri*, *sibi*. Et frequentissime in nominativis atque accusativis pluralibus : ut *Omneis*, *cineis*, pro, *omnes*, *cives*. O, verò ad *u* adjecta tùm alia sunt exempla, tùm hæc : *Jons*, *jousta*, *joudicare*, pro, *jus*, *justa*, *judicare*. Item : *Souuo*, *louci*, *doucito*, pro, *suo*, *luci*, *ducito*. In quibusdam utramque diphthongum conjunxerunt : ut *Souneis*, *Joudicei*, pro, *suis*, *judici*. In nonnullis *u* geminum usurparunt pro *ou*, seu *u* : ut *Plus*, *secuus*, pro, *Plus*, *secus*. Sic *Comitatu*, *arbitratu*, pro, *comitatu*, *arbitratu*. Interdum o post *u*, interseruerunt : ut *Queicuumque*, pro, *quicumque*. Consonantes quoque interseruerunt, ut *Quotiens*, *quotiescumque*, pro, *quoties*, *quotiescumque*. Sic *exsigunto*, *exsercere*, pro, *exigunt*, *exercere*. Item *Quips*, *aliquips*, pro, *quis*, *aliquis*. In *Jouxsta* verò pro *juxta* gemina est insertio vocalis o & consonantis s. In quibusdam integram syllabam interseruere, ut in *Postidea*, *indotestato*, pro, *postea*, *intestato*. Ejus generis etiam *Ævitas* videri alicui possit : sed habet illud legitimam ab ævo derivationem : in *Ætas* verò, quod post usurpari cœpit, facta est contractio. Quibusdam à fronte consonantes adjecere : ut *Stlis*, pro, *lis*. Nonnullis in fine : ut *Ead*, *tuad*, *plebed*, *frauded*, pro, *ea*, *tua*, *plebe*, *fraude*. Sic in verbis *Datod*, *removetod*, *luitod*, *estod*, pro, *dato*, *removeto*, *luito*, *esto*. In *exsercetod* autem geminata est additio semivocalis s, & mutæ d. Sic in *Leibertated*, additio est vocalis e, & consonantis d.

*Detractio* & ipsa vocalis est, aut consonæ. Voca-

lis detractio est in monophthongis illis, *fenus*, *semina*, pro, *fœnus*, *fœmina*. Sic *heres*, quamquam eam vocem non ab *hærendo*, sed ab *hero* deductam malunt eruditiores. Detractio etiam quibusdam videtur esse in verbis istis, *Adicito*, *ejicito*, *deicitor*, *conicere*, *subicere*, pro, *adjicito*, *ejicito*, *dejicitor*, *conjicere*. Quod si ita est, eadem ratione simplex *icere* contractum erit ex *jacere*. Sic certe *Dis*, contractum ex *Diis*. E consonantibus etiam, quæ nunc geminari solent, omittebant alteram, ut *Osa*, *clase*, pro, *ossa*, *classe*. Item *Aceras*, *conubia*, pro, *Acerras*, *connubia*; *pelex*, *tolito*, *poluceto*, pro, *pellex*, *tollito*, *polluceto*.

Quali *as* in commutatione potissimum cernitur. Ea quoque vocalis est, aut consonantis. Vocalis, ut *e*, pro *i*. Sic enim *leher*, *addecito* scripsere, pro, *liher*, *addicito*. Item *u*, pro *i*. *Æstumata*, pro, *gittinata*. Sic *optumus*, pro, *optimus*. Eadem ratione *postumum* quoque, pro, *postimum*, seu *postremum* à veteribus dictum volunt eruditi, ut significet non tam eum, qui post inhumatum patrem est editus, quam eum qui postremus patri, seu vivo, seu mortuo natus est. Item *u*, pro, *y*, ut *Ægyptus*, pro, *Ægyptus* quemadmodum *mus* quoque & *sus* & hujus generis alia, sunt ex Græcis *μῦς*, *ὄνις*. Frequentius *o*, pro, *u*, ut *Totela*, *porporea*, pro, *tutela*, *purpurea*. Sic *Osocapitor*, pro, *usucapitor*. Item *soper*, *quomque*, pro, *super*, *quamque*. Sic in nominum finibus; *Patronas*, *servos*, pro, *patronus*, *servus*. *Vitiom*, *manom*, pro, *vitium*, *manum*. Nec non in verborum finibus; *Conferant*, *moritor*, pro, *conferunt*; *moritur*. In nonnullis geminatur hæc mutatio, ut *Piacolom*, *fortom*, *foratos*, pro,

pro , *piaculum* , *firtum* , *furatus* . In quibusdam hæc cum superiore conjungitur : ut *Leberom* , pro , *liberum* . Sic *Ædebos* , *compedebos* , *noctebos* , *tibicinebos* , *soperstitebos* , pro , *Ædibus* , *compedibus* , *noctibus* , *tibicinibus* , *superstitibus* . Interdum diphthongo *oe* & *oi* , pro *u* longo usi sunt : ut *Oetier* , *Oesocapio* , *Oesorpatum* , pro , *uti* , *usacapio* , *usurpatum* . Sic *Coeratores* , pro , *curatores* . *Oi* , pro , *u* positum in *Oitier* , *Oitile* & consimilibus . Sic *Moinicipium* , pro , *municipium* . Consonantes quoque non paucas inter se commutarunt : *C* , pro , *g* , frequenti in usu fuit . Sic enim *Cenas* dixerunt pro , *genas* . Sic *Frucem* , *lece* , pro , *frugem* , *lege* . Itidemque *Lecere* , *rocato* , pro , *legere* , *rogato* . *D* pro *l* posuere , cum *Dingua* dixere , pro , *lingua* . Sic *Fedetrio* , pro , *Feretrio* . *F* pro *B* , usurparunt sequente *vau* : ut *Af virod* , pro , *ab viro* . *Q* , pro *c* , ut *Pequnia* , pro *pecunia* . *S* pro *r* , *Asa* , *nesvo* , *casmen* , pro , *ara* , *nervo* , *carmen* . Sic in nominum flexionibus , *Majose* , *minose* , *arbofes* , *plusa* , pro , *maiore* , *minore* , *arbores* , *plura* . Sic *Fenose* , *unciasio* , pro , *fœnore* , *unciario* . Item in verborum flexionibus . *Arasit* , *vocasit* , *secuesit* , pro , *ararit* , *vocarit* , *secuerit* . *T* , pro *d* , ut *Quit* , pro , *quid* . In compositis finalem præpositionis consonantem plerumque retinuerunt : ut *Conlegium* , *inprobis* , *adsignare* , *adtribuere* . Interdum tamen etiam mutarunt : ut *Opsepito* , *opturato* , *optinere* . In quibusdam geminata est commutatio , altera consonantis , altera vocalis , ut *Rocom* , *flacitiom* , *prodicos* , pro , *Rogum* , *flagitium* , *prodigus* . Sic *Acrom* , *acnom* , *ticnom* , pro , *agrum* , *agnum* , *tignum* . Item *Fidius* , pro , *filius* . *Ofualogatom* ,  
Q 4 pro ,

pro , *Obrvagulatum* . *Poplicom* , pro , *publicum* . *Quoi* , pro , *cui* , *Ausom* , pro , *aurum* . Sic *Capintor* , pro , *capiuntur* . In quibusdam duarum vocalium & unius consonantis facta mutatio , ut *Centileom* , *arvorsom* , seu *asvorsum* , *plusebos* , pro , *gentilium* , *adversum* , *pluribus* . In nonnullis gemina consonantis mutatio est , ut *arcuesit* , pro , *arguerit* .

Interdum *quantitatis* metaplasmos conjunxerunt , *additionem* scilicet & *detractionem* : ut *Jousus* , *jouisit* , pro , *jussus* , *jussit* . Sic *Poplei* , *confesei* , *demiseis* , pro , *populi* , *confessi* , *dimissis* . Interdum ad *quantitatis* metaplasma adjunxerunt metaplasma *qualitatis* , ut cum unum idemque vocabulum *additione* & *commutatione* transformarunt . Sic enim *Deicundo* , *adjectos* usurpata , pro , *dicendo* , *addictus* : sic *Maxsiano* , *proxsimos* , *fousiosos* , pro , *maximo* , *proximus* , *furius* . His adde *Endo* , *entera* , *supera* , *continoeis* , pro , *in* , *intra* , *supra* , *continuis* : in quibus *commutatio* præcedit , *additio* sequitur . *Detractionem* quoque & *commutationem* quandoque copularunt , idque *commutatione* interdum sequente : ut *Adecito* , *poplos* , *prasentebos* , pro , *addictio* , *populus* , *prasentibus* . Interdum præcedente : ut *subicito* , pro , *subiicito* . Sic *Olo* , pro , *illo* . Item *Fasis* , pro , *farris* . In quibusdam triplicatus est metaplasma : ut *Pupilei* , *praseted* , pro , *pupilli* , *prasente* .

In nominum flexionibus præter superiora notabilem mutationem habent *Folminis* , *iplos* , *im* , pro , *fulmen* , *ipse* , *eum* . Sic *Oloe* , pro , *illi* .

In verbis quoque varii præter supradictos metaplasmi à veteribus facti sunt : ut in verbo substanti-



vo, *escit & escunt*, pro, *erit & erunt*. Itemque *siet, sient*, pro, *sit, sint*: & in futuro perfecto, *fuat*, pro,  *fuerit*. Ejusdem futuri perfecti magna in aliis quoque verbis est varietas, ut *Vindicit, verberit, prohibesit, occisit*, pro, *vindicarit, verberarit, prohibuerit, occiderit*. Item *tagit*, pro, *te- tizerit*, *pacit & pacone*, pro, *pepigerit & pepige- rint*: *faxsit, rupsit*, pro, *fecerit, ruperit*. *Paret, ceperit*, pro, *pararit, ceperit*. *Miseit, viveit*, pro, *miserit, vixerit*. Item *Duit*, *adduit*, *conduit*, *transduit*, pro *dederit, addiderit, condiderit, tra- diderit*. In passiva etiam forma *turbassitur*, pro *tur- batum fuerit*: *fariator, nancitor*, pro *fari velit, nactus fuerit*. Item *darier, leibarier*, pro *dari, li- bari*. Sic *oetier & oitier*, pro *uti*.

In conjunctis vocibus facta interdum separatio: ut *En do, in do, in du*, pro *endo, indo, indu*. Sic *indo testato*, pro *intestato*. *Endo ponito, endo jacito, endo manos jactio*, pro *imponito, injicito, manus injectio*: Item *queicuumque*, pro *quicumque*, & consimilia. Contra interdum conjunguntur, quæ alioqui separari solent, ut *Stataleberom*, pro *statu liberum*.

Vetus scribendi ratio ab hodierna differt, vel

A

Quan-  
titate  
in

Addi-  
tione

Vo-  
calis,  
ut

E. Eidem, pro idem. Lei-  
tem, pro litem.

O. Jous, pro jus. Sono,  
pro suo. Quicquomque,  
pro quicumque.

U. Jus, pro jus. Arbi-  
tratum. Luuit.

N. Quotiens.

S. Exfigunt. Exsercere.  
Amasso, pro amaso,  
& hoc pro amaro, seu  
amavero.

Con-  
so-  
nan-  
tis, ut

P. Quips, pro quis.

ST. Stelis, pro lis. Stri-  
turus.

D. Tuad. Plebed. Marid.  
Estod.

Syll. ut Postidea. Indotestato.

Vo-  
calis,  
ut

O. Fenus. Femina. He-  
res.

U. Popli, pro populi.

I. Adicito. Subice. Dis-  
ce. Reice.

Detra-  
ctione

Con-  
so-  
nan-  
tis, ut

S. Osa, pro ossa.

Clase, pro classe.

Jusit, pro jussit.

R. Acera, pro acerra.

L. Pelex, pro pel-  
lex.

Utraque, ut Jousit, pro jussit. Jous-  
sus, pro jussus, Poplei, pro po-  
puli.

A

Quali-  
tate in  
com-  
muta-  
tione

Vo-  
cals,  
ut

Conso-  
nantis,  
ut

E, pro I. *Leber*, pro *liber*. *Menervia*.  
*Prasentebos*, pro *presentibus*.

O, pro E. *Versus*, pro *versus*, *Vo-*  
*ster*, pro *vester*.

O, pro U. *Servos*, pro *servus*.  
*Volnus*, *Dicont*, *Piacolom*. *No-*  
*tebos*.

Oe, & Oi, pro U. *Carare*, pro  
*curare*. *Oitier*, pro *utier*. *Oitile*,  
pro *utile*.

U, pro E. *Dicundo*. *Faciundo*.  
*Ferundo*.

U, pro I. *Optumus*. *Maximus*.  
*Astumare*.

U, pro O. *Adulescens*. *Epistula*.

U, pro Y. *Agyptus*, *Surius*. *Sulla*.

C, pro G. *Cenas*, pro *genas*, *Lece*,  
pro *lege*. *Lecio*, pro *legio*. *Ro-*  
*com*, pro *rogum*.

D, pro L. *Fidius*, pro *filius*.  
*Dingua*, pro *lingua*.

D, pro R. *Fedetrius*, pro *Feretrius*.

F, pro B. *Af virod*, pro *ab viro*.  
*Sifilus*, pro *sibilus*.

L, pro D. *Delicat*, pro *dedicat*.

Q, pro C. *Pequinia*.

R, pro D. *Ar labi*, pro *ad labi*.  
*Arfinis*, pro *Adfinis*.

S, pro R. *Asa*, pro *ara*. *Casmen*,  
pro *carmen*. *Minose*, pro *mi-*  
*nore*. *Amaso*, pro *amaro*.

T, pro D. *Alexanter*. *Cassantra*.  
*Set. Quit*.

A

B

A	B	
		Præpositionum finales, ut <i>Inlu-</i> <i>stris</i> . <i>Adfectus</i> . <i>Conlega</i> . <i>Opti-</i> <i>neo</i> . <i>Exfociont</i> , pro <i>effugiunt</i> .
		<i>Utriusque</i> , ut <i>Arcuesit</i> , pro <i>arguerit</i> . <i>Exfociont</i> , pro <i>effugiunt</i> .
		<i>Utroque</i> , ut <i>Adecito</i> , pro <i>addicito</i> , <i>Addeictos</i> , pro <i>addictus</i> . <i>Continoeis</i> , pro <i>continuis</i> . <i>Dei-</i> <i>cundo</i> , pro <i>dicendo</i> . <i>Endo</i> , pro <i>in</i> . <i>Fasis</i> , pro <i>farris</i> , <i>Fousiosos</i> , pro <i>furiosus</i> . <i>Maxsumo</i> , pro <i>maximo</i> . <i>Oloi</i> , pro <i>illi</i> . <i>Poplos</i> , pro <i>populus</i> . <i>Præfeted</i> , pro <i>præsente</i> . <i>Præsentebos</i> , pro <i>præ-</i> <i>sentibus</i> . <i>Proxsumos</i> , pro <i>proximus</i> . <i>Sopera</i> , pro <i>supra</i> . <i>Aula</i> , pro <i>Olla</i> .

### Corrigenda.

Pag. 4. in not. col. 2. vers. 5. lege, *ex artis in-*  
*strumentis efficiatur* — — — v. 7. *Opus* posset  
legi *scopus*; licet aliz item editiones habeant  
*opus*.

PASCASII GROSIPPI  
PARADOXA  
LITERARIA


*In quibus multa de literis nove contra Ciceronis ,  
Varronis , Quinſtiliani , aliorumque litera-  
torum hominum , tam Veterum , quam  
recentiorum , ſententiam diſputantur .*

A D

D. FERDINANDUM HENRIQUEZ  
A R I V E R A

Ducem de Alcalaa & Marchionem Tariffæ .





*Illustrissimo & Excellentissimo Heroi*

D. FERDINANDO HENRIQUEZ

A R I B E R A

*Duci de Alcalaa, Tariffæ Marchioni &c.*

*Regiæ apud Castellanos Stirpis*

*Principi.*



PERFECI tandem, Princeps sapientissime, quod in tuæ spem gratiæ abhinc triennium Romæ cœperam. nam simul ac Theologicæ illi controversiæ, quam nosti, post diurnos nocturnosque vertentis anni labores extremam manum imposui, cujus mihi digerendæ & illustrandæ provinciam Regii in Urbe Oratores, Duces Arborquerqueus & Pastranius Catholici Regis nomine mandaverant, etsi corporis & ingenii vires tanta studii contentione sic debilitaveram, ut nihil novi laboris impune suscepturus viderer, temperare tamen mihi non potui, quin ad indagandas linguæ latinæ causas toto pectore incumberem, quæque

quæque Sanctius vester *ὁ δαιμονίου ἀνὴρ* tam in Minerva sua, quam in Grammaticæ latinæ institutionibus acutissimè invenerat, quoniam obscurius pleraque nec satis probabili methodo tradita non ferè lectores allicere aut retinere poterant, opera mea explanarem, in meliorem ordinem Artisque formam redigerem, non paucis locis correctiora & certiora redderem, alicubi verò reciderem, passim denique iis augerem, quæ me plurimus Latini sermonis usus accuratissimaque bonorum auctorum lectio docuerat.

Et si autem huic meo conatui gravissimus intercessit adversarius, Quartanæ morbus, qui me perpetuos XV. menses exercuit, neque mihi, ut ingenio meo usus semel cœpta uno tenore pertexerem, permisit: eo tamen loci in medio febris incendio rem jam deduxeram, ut etiam si quid humanitus me fuisset, non tamen defuturum videretur, ex quo meam tibi obsequendi beneque de aliorum studiis merendi voluntatem posses agnoscere. Accidit autem ut cum Roma Ciceronis incunabula cognoscendi causa Arpinum concessissem, præstantissimi Principis, Soræ & Aquini Ducis, hospitalitate, & Insulæ illius, in qua se Cicero secundo de legibus natum memorat, jucundissima cum eodem Duce obambulatione, Fibrenique omnium Italiæ fluminum limpidissimi frigidissimique conspectu recreatus molestissimæ illius concubi-


næ



næ meæ contubernium excuterem , mequæ  
 mox sanum salvumque Neapolim afferrem :  
 Ubi non multo amplius bimestri commora-  
 tus postquam utcumque vires recuperasse  
 visus sum , ut navigare non dubitarem ,  
 maritimo Genuam , & inde porro Man-  
 tuam pedestri itinere perveni . Et quam-  
 vis eo potissimum animo in hanc Italiæ  
 partem me contuleram , ut ea Principi-  
 bus subjicerem , quibus pax publica conser-  
 vari & gravissimorum motuum , quos jam  
 imminere intelligebam , occasio præcidi posse  
 videbatur ( qua de re coram ex illustrissimo  
 Comite Franquemburgico, Cæsario apud Re-  
 gem Catholicum Oratore cognoscere te ma-  
 lo , cum quo consilia mea in hac urbe com-  
 municaveram , quæ ille sibi plurimum proba-  
 ri ostendit ) non tamen Sanctianorum cu-  
 ram omnino missam feci , sed subinde aliquid  
 iis eliminandis perpoliendisque operæ impendi.  
 quo vero successu , ejus tibi Grammatica phi-  
 losophica specimen præbebit , quam proximis  
 hebdomadis curavi formis æneis describen-  
 dam . Poteris autem ex his etiam epistolis  
 meis idem intelligere , quas ad amicos , ho-  
 mines doctissimos , Paradoxa nonnulla partim  
 mea , partim Sanctiana constabiliturus diver-  
 sis cum locis , tum temporibus dederam . Eas,  
 nomine tuo præscriptas propterea emittendas  
 duxi , ut cum ipse me in tuo ære esse pro-

R            fitear

ſitear, quem tantis tuis beneficiis obſtrictum  
 tenes, tum omnes, ad quos ſive ex his ipsis  
 vigiliis meis, ſive ex multo pluribus, quæ  
 conſequentur, fructus aliquis redierit, tibi ſe  
 debere intelligant. Vale, Princeps clariffime  
 & eruditiffime, meque amore tuo ac benefi-  
 ciis complecti perge, Mediolani ex Hierony-  
 mi Sagarragæ, viri optimi & præſtantiffimi  
 Jurisconſulti ædibus prid. Id. Maj. anni  
 M. DC. XXVIII.



# PARADOXA LITERARIA.

## EPIST. I.



*Cicero & Varro nesciverunt, utro modo rectè Latine diceretur, Pompejus tertium Consul, an tertio Consul.*

*Primum & Primo, non sunt adverbia, sed nomina, nec significatione differunt.*

*Loco, pro cito, statim, Romani videntur dixisse, sicut Hispani Luego.*

*Alias, non est adverbium, sed nomen.*

### Epist. 2.

*In lingua Latina nulla sunt Gerundia.*

*Nec ulla Supina.*

*Latine non dicitur, Reus damnatum iri videtur, sed Reum. Vide in Grammat. pag. 84.*

### Epist. 3.

*Cicero Solæcismi ab Attico postulatus perditissima sui defensione usus est, seque solæcismum fecisse agnovit, cum tamen rectè locutus fuisset.*

R 2      Cicero

*Cicero ridicule putat Oppida non esse Loca.*

*Cicero Piræum perperam putat non esse oppidum.*

*Cicero sibi à Grammaticorum regulis imponi passus est, ut vitiose dici putaret, quod & rationi, & auctoritati, & publica ac suæ propriæ consuetudini consentaneum esse scire poterat.*

*Grammaticè qui loquitur, sæpe minimè Latine loquitur.*

*Varro, Sallustius, Calius impura dictione usi fuere.*

*Latine dicitur Proficisci ad Romam & in Romam, Discedere à Roma & de Roma, & ex Roma, & scribere de Roma.*

*Sum Ruri, Carthagini per Ablativum, non per Dativum dicitur.*

*Quintilianus imperite censet Solæcismum esse. Veni de Suis in Alexandriam.*

#### *Epist. 4.*

*Optimi quique linguæ latine auctores fuerunt pessimi Grammatici.*

*Varro minime bonus linguæ latinæ auctor est.*

*Cicero Syntaxeos rationem in Attii verbis prorsus nescivit.*

*Cicero suæ & aliorum loquendi consuetudinis in ratione dictorum reddenda turpiter oblitus fuit.*

*Invidere aliquem, recte Latine dicitur.*

*Quintilianus perperam censuit, non satis Latine dici, Adulari alicui.*

*Cicero Attii poeta verba non recte intellexit.*

*Omne verbum ( præter Sum & Fio ) aut activum est, aut passivum: nullum Neutrum.*

## Epist. 5.

Idonei censores lingua latina raro bene latine scribunt.

Magni oratores & poetæ latini raro de literis bene judicant.

Ætate Quintiliani, ac prius Senecæ, latina lingua degeneraverat.

Qui vel versa vel prorsâ oratione latina cupiunt excellere, perpaucos auctores, sed multum legere necesse habent.

Italia sola plures quam reliqua Europa tota, produxit latine scribendi facultate præstantes.

Itali cum omnes Europæos iudicio superent, plerumque tamen pessimi sunt literarum iudices.

Etiam elegantissimi oratores & poetæ interdum vitiôsè scribunt.

Politianus fuit Sannazario infinite doctior, etsi in scribendis versibus latinis ad elegantiam & puritatem ejus nequaquam accessit.

De Politiani mortis genere Julius Burdoscaliger improbissime mentitus fuit.

Permingere (quo verbo Sannazarius utitur) minime Latinum est.

Nuncium, non est nomen Substantivum.

Carcer à Baltasare Castilione non sine auctoritate neutro genere dicitur.

Exosus pro Invisus, non satis Latine dicitur.

Diffitus locus, pro remotus Latine non dicitur.

Aquæ Vaticani fontis ad laudem multo plus interest hominem Germanum, quam ipsum Pindarum laudatorem habere.

Adhibere fidem alicui, pro Credere minime Latine dicitur.

*Cornelius Nepos Ciceronis iudicio fuit omnium Romanorum scriptor elegantissimus.*

*Daretis, Phrygii historia est hominis indocti & ludenti opus.*

*Historia belli Trojani, quæ Dictyn Crentensem auctorem præfert, perbono Latinitatis sæculo scripta fuit.*

*Quantum, tantum, multum, paulum, aliquantum, immensum. perperam à Grammaticis habentur pro adverbis, cum sint nomina.*

*Medicina, Senecta, Sutrina, Pistrina, Textrina, Salinum, Piscina, Regina, Lucina, perperam à Grammaticis habentur pro Substantivis.*

*Epist. 6.*

*Nemo doctorum vidit, quomodo insigne mendum in principio Apocolocyntosis Senecæ tolli deberet, cum ejus rei facillima esset ratio.*

*Epist. 7.*

*In principio Æneidos legendum videtur: Musa mihi causas memora, quo nomine læsa. non, quo numine læso.*

*Epist. 8.*

*In Plauti Amphitruone repugnantibus omnibus libris præterquam omnium doctorum opinionem legendum: Et clandestina ut cæletur consuetio, non Suspicio.*

*Epist. 9.*

*In Plauti Milite libris omnibus invitis, pro Non sum in Umbria, legi debet, Non sum Animula.*

*Epist.*

## Epist. 10. &amp; 11.

*Media syllaba in Ambitus, cum est participium,  
pro negotio corripitur & producti potest.*

## Epist. 12.

*In Tibullo de aqua Hetrusca legendum videri, Sacris  
Cajarum proxima lymphis, pro Maxima.*

## Epist. 13.

*In Propertio legendum: Et sacer æstivis intepet  
Imber aquis, pro Et lacus æstivis intepet UMBER  
aquis.*

*Josephus Burdosciligeri incredibilis fuit audacia,  
sed major aliquanto inscitia ac stupor circa Propertii  
patriam.*

*Nævius versus Hexametros scripsit etiam in bello  
Punico.*

*Livius Andronicus Romanidem sive Annales Ro-  
manos ante Ennium versibus Heroicis scripserat.*

*Odyssea Livii etiam versibus Hexametris, non Sa-  
turniis modo scripta fuit.*

*Burdo quid versus Saturnius esset, flagitiosè igno-  
ravit.*

## Epist. 14.

*Multiplex Grammaticorum veterum fuit stultitia in  
reprehendendis primæ classis auctoribus propter negle-  
ctas ipsorum regulas.*

*Recentiores Grammatici longe antiquis sunt stolidio-  
res, partim dum stolidas illorum regulas approbant,  
partim dum discipulis, Latinam linguam nondum in-  
telligentibus, artem tradunt.*

*Varronis omnium Romanorum doctissimi Josephi Bur-*

donis iudicio ingens fuit stultitia, meo triplex saltem error vel puero pudendus.

Mille nummorum, non est rectio genitivi à nomine Substantivo, sed concordia substantivi cum adjectivo.

Decem nummorum æque Latine dicitur ac Mille nummorum.

*Burdo Varronem longe anteit stultitia.*

*Epist. 15.*

Sestertium neutri generis non est Substantivum, sed Adjectivum, in quo subaudiri potest minæ pondus.







# HIERONYMO ALEANDRO

JURISCONSULTO

CARDENALI BARBERINO

Ab epistolis.



Uas sat tempori, Illustrissimi Patroni literas humanitatis & officii plenissimas nudius demum tertius accepi. Librum tuum ingenii tui cultu, variaque eruditione dignum magna cum voluptate legi, nisi quod non possum supinæ operarum typographicarum oscitantæ non succensere, cum paginarum ordinem tam turpiter turbatum adspicio. Sed nec te ipsum culpa absolvo, qui non statim à principio tantum flagitii animadverteris, & correxeris. De loco illo Johan. 8. *Principium*, qui & loquor vobis, longè à te seorsum sentio. Nisi enim me fallit in Græco est *τῆς ἀρχῆς*, ut sensus sit: Ego idem ipse sum, qui & principium, sive à principio, vobis locutus sum, nempe Deus. Nam Principium in accusandi casu, pro *Ad principium* accipi debet: sicut Principio in sexto casu pro *A principio*, hoc est, quod ad principium  
acti-

attinet. Afranius apud Charisium eodem modo dixerat : *Principium hoc oro , in animo ut sic statuas tuo , officiis cogi , ut abs te seorsum sentiam .* Nimirum Græcorum more præpositio *πρῶτα* per ellipsin supprimitur , quod imitantes Latini , *Primum* dicunt , ubi subaudiendum est *Initium* , pro , ad primum initium , sive quod ad primum initium seu principium attinet , quod aliter à *Primo* , & *ἄρτιος* *Primo* effertur , ubi supplendum est *Initio* . In hoc genere Tullium nostrum & Varronem fœde allucinatos video . Ut enim Agellius lib. 10. c. 1. narrat , ille decernere non audebat , utrum esset rectius *Pompejo tertium Consule* , an , *tertio Consule* , adeoque scripturæ compendio , si nempe scriberetur *Tert.* evadere conatus est , ne à peritioribus vapularet . Hic vero cornici oculum configere sibi commento suo visus est ; cum *Tertium* à *Tertio* significatione sic discerevit , ut *Tertium* esset temporis , quasi tertia vice ( *la terza volta* ) *Tertio* autem esset ordinis seu loci , quasi in loco tertio , tanquam si dicatur *primo consul fuisse Pompejus , secundo Cicero , tertio Caesar* . Sed quantas in eo nugas egerit , exemplis planum fecero . Cato de consulatione suo : *Id ego primo minus attinadvertis , veniunt iterum atque tertium tumultuosius* . Hic apparet pro *Primo* potuisse *Primum* dici nulla differentia , cum sensus sit à primo initio , ab initio , ad initium , ad principium , *τῇ ἀρχῇ* , aut etiam primo adspectu , ut in hoc Cicer. 7. ad Attic. 3. *Ex literis tuis hanc primo adpectu voluptatem cepi , quod erant à te ipso scripta : deinde earum diligentia sum mirum in modum delectatus .* Virgil. Obstupuit primo adpectu Sidonia Dido . Ubi *τό* *Adpectu* omitti poterat . Plaut. Men. Ubi rex Agathocles regnator fuit , & iterum Pythia , *Tertium* Liparo . Hic iterum valet secundo loco , *Tertium* , tertio loco . Livius lib. 23. 9. Tibi ter prodita patria sustinendum est crimen , semel cum defectionem inisti à Romanis : iterum cum pacis cum Annibale fuisti auctor : tertio hodie , cum restituenda Romanis Capua impedimentum tu es . Ubi *Tertio* valet tertia vice , sicut apud Cicer. pro Deiotaro : *Ille Ephesium pecuniam misit , ille iterum , ille tertio auctionibus factis pecuniam dedit , et si apud eundem in 2. de divinat. legimus : Nemo est qui saepe talos jactans Venerium aliquando jacias , nonnumquam*

quam etiam iterum ac tertium . Ut planum jam sit Ciceronem Tertio & Tertium pro tertia vice indifferenter dixisse : qui etiam in 3. de nat. Deorum : *Marius septimo consul* , disertim scribere nihil dubitavit . Terent. Eun. act. 3. sc. 3. *Non hercule veniam tertio* . Ubi quis dubitet , quin significet se jam bis venisse ? Rursum Livius lib. 6. *Cum Carthaginensibus eodem anno fœdus tertio renovatum* . Similiter lib. 7. 8. *Inserunt pedem , & primum gradu moverunt hostem* , deinde perpulerunt , postremo jam haud dubio avertunt . Ubi Primum non significat prima vice , sed ad primum , à primo : & postremum est postremo tempore , pro quo dicere poterat *Postremum* , sive ad *Postremum* , quomodo *Ad extremum* . Similiter l. 9. 34. *Id jus esse quod postremo populus jussisset* . Et mox : *Lex quam postremum jusserat* . Ubi *Postremum* & *Postremo* indifferenter dictum videmus pro eo , quod est in postremo tempore vel loco . Cornelius Nepos , cujus elegantiam judicii Ciceronem reveritum comperio , in Hamilcaris vita : *Quibus malis adeo Pœni sunt perterriti , ut auxilia etiam à Romanis petiverint* . Sed extremo cum prope jam ad desperationem venissent , *Hamilcarem imperatorem fecerunt* . Hic *Extremo* , esse tempore extremo , ex compluribus aliis locis intelligi potest . In Datame : *Hic tamen tam callidus vir extremo tempore captus est Mithridatis dolo* . In Eumene : *Sed extremo tempore cum consilio capi non posset , multitudine circumventus est* . Hoc loco extremo tempore significat tandem , pro quo in Phocione dixit , *Extremis temporibus* . Hygin. fab. 136. *Natum esse vitulum , qui ter in die colorem mutaret , primum album , secundo rubrum , deinde nigrum* . Ubi *Primum* significat ad primum tempus , secundo est secundo tempore . Rursum Liv. 10. 41. *Arma signaque per turbidam lucem in primo appa- rebant : post altior pulvis equitum speciem dabat* . Hinc discimus *Primo* non esse Adverbium , sed nomen Adjectivum , cum quo necessario suum substantivum subauditur , quod est vel *aspectu* , vel tempore , vel initio , sicut & in hoc Tullii : *Utinam à primo ita tibi visum esset* . Et Plauti Mostel. *Multum improbiore sunt postes , quam à primo credidi* . Apud quem quoque Amph. act. 5. ic. 1. indifferenter , *Omnium primo* , & *Primum omnium* , dictum invenimus , ut omnino commentitium sit discrimen

crimen illud Varronis . Subaudiri etiam potest *Loco* , quod tamen pro tempore ponitur, adeoque *Hoc loco* pro *Tum* , eo tempore , Cicero dicit 15. ad Atticum 11. & Terentius *Loco motum* dicit , qui suam horam non obtinet , in Prolog. Phorm. Ubi Donatum videre est operæ precium . Hyginus quidem fabula 273. perspicue *Nono loco* dicit , pro quo alii dicerent *Nono* . Ait enim : *Nono loco facti sunt ludi in Nemea Archemoro , quos fecerunt septem duces , qui Thebas ibant oppugnatum .* Potest etiam in *Primo* subaudiri *Pretio* . Plaut. Pœn. a. 1. s. 2. *Primum prima salva sis , & secunda tu secundo salve in pretio , tertia salve extra pretium .* Hic per ellipsin dicere poterat *Secundo* , & pro *Primum* poterat *Ad primum pretium* . Sedigitus Volcatius : *Cecilio palmam Statio do Comico . Plautus secundus facile exsuperat ceteros .* Dein Nevius qui servet , *pretio in tertio est* , pro , tertio servat. In *Asinaria* principio vulgo legitur : *Tu primus sentis , nos tamen in pretio sumus* , quod rectum est . Tu in primo pretio sentis , qualis sit uxor tua , nos tamen & ipsi aliquo in pretio , sive nostro loco , & tempore id sentimus . Similiter verò & *Numerum* ac *Numero* subaudiamus licet : nam quod Plautus in *Pœnulo* dixit , *Salve secundo in pretio & salve extrapretium* , pro eo dici potuisse , *salve secundo numero & extra numerum* , ex his ejus verbis in *Menæchmis* discimus act. 1. sc. 3. *Anime mi Menachme salve .* PEN. quid ego ? ER. extra numerum es mihi . Nimirum idem valent , *Número* , *pretio* , *loco* , ut : *Esse aliquo vel nullo numero , loco aut pretio , Esse extra numerum aut pretium .* In hostium numero locoque duci , *Esse alicui parentis loco aut numero .* Hinc porro factum , ut pro *Cito* , Latini promiscue dicerent *E numero* vel *In numero* , & postea omissa præpositione *Numero* , & *E loco* , *In loco* , ex quo factum *Illico* & *Illico* , pro quo Præpositione omissa videntur dixisse *Loco* , quod idiotismus Hispanicus retinuit . *Luego* enim dicunt pro statim , cito , numero , quod postremum Plauto familiare est , apud quem *Loco* pro *E loco* , *Illico* semel sine interpolatione legitur Aul. act. 4. sc. 8. *Effodio aulam auri plenam , inde exeo . Loco video recipere se senem , ille me non videt .* Hic *Loco* eodem

dem prorsus modo dixit, quo sæpe alias *Numero*. Etiam *Pedatum*, aut *Pedatu* in similibus exaudiri potest, quod significat congressum, Italice *Voltam*, Hispanice *Vicem* (quod Horatiano illo tuebimur: *plus vice simplici*, id est, *πὺν ἄ' una volta*) Germanice *Mallum*, id est, Convivium, quia publicos congressus convivii notabant, ex quo sæpe *Malli* in Latinis Germanicorum populorum legibus pro *Conventibus publicis* leguntur. Plaut. *Cist.* *Nisi pedatu tertio omnes afflixero*. Cato: *Igitur tertio pedatu bellum nobis fecere*, hoc est, tertium, tertia vice. Idem: *In his duobus bellis alteras stipendio agrique parte multati, alteras oppidum vi captum*. Hæc verba declarans Charisius, ait *Alteras* idem valere, quod *primo*, & *secundo pedatu*. Sed rationem dicti non expedivit, quæ est ista: *Alter* & *Alius* pro eodem accipiuntur: *Alteras* ergo & *Alias* etiam Festo auctore nihil differunt, in quibus subauditur præpositio *Ad*, & *Res temporis* vel *Loci*, hoc est, ad alium locum, vel ad aliud tempus, sive, alio tempore aut loco, quomodo Græcorum more Plautus *Rem voluptatum* dixit, pro voluptate, Phædrus fabulator *Rem cibi* pro cibo. Plautus *Epid.* a. 4. sc. 2. *Meus servus eam rem sobrie & frugaliter accuravit, ut alias res ille est impense improbus*. Ita est in omnibus libris, nisi quos Lambinus & Douza depravarunt. *Alias res τὰ ἀλτὰ*, cæterum, sive quod ad cæterum attinet, cætera, ad cætera, pro quo simpliciter dici poterat *Alias*, quod vulgo perperam pro *Adverbio* habetur. Sed illuc redeo, unde abii. Virgilii tui in tertio *Æneidos* verba sunt, quibus *Scyllæ* figura describitur: *Prima, hominis facies & pulcro pectore Virgo Pubetenus; postrema, immani corpore Pistrix*. Ubi Servius: *Prima*, inquit, est *Nominativus pluralis à Neutro*, & est figura Græca, *τὰ πρῶτα ἀνδρῶν*. *Postrema*, *τὰ ἔχαστα*. De figura recte ille, sed quod *Nominativum* dicit, in eo fugit eum ratio. Est enim *accusativus* dependens à præpositione *κατὰ*, non minus, quam superius illud Christi *τὴν ἀρχὴν*. Cornelius Nepos in vita Hannibalis: *Quem ipse primum apud Rhodanum, iterum apud Padum, tertio apud Trebiam fugaverat*. Ubi *Tertio* est illud ipsum, quod Varro vult dici *Tertium*, id est, vice tertia, tertio pedatu: cujusimodatio-

tatione , vel sui oblitus , vel sententia posterius mutata , idem ipse Varro in 1. rei rust. 18. dixit : *Ut fecerunt ii insariendo iterum & tertio & 32. Vineas veteres iterum occare , novellas etiam tertio* , pro eo , quod ipse dicendum censuerat *Tertium* . Plura horum similia afferri possent . Sed vereor , ne ista nimia jam putes , nisi tanti fuisse videbitur , erroris heroas nostros Tullium ac Varronem revincere . Vale , meque redamare perge . Neapoli a d. xvi. Januar. anni M. DC. XXVII.

## GUILHELMO SETONIO

Scoto Jurisconsulto .

### II.

**N**arro tibi . Verba Gerunda & Supina , tanquam supinorum & oscitantium Grammaticorum commenta ac deliria , ex omni Grammatica explosi , extrusi , eliminavi , exterminavi , illuc denique unde malum pedem tulerunt , facessere jussi . Quid ego audio ? inquires . quas igitur orationis partes posthac dicemus ea , quæ adhuc Gerundorum & Supinorum appellatione censeferi sunt solita ? An participia dices *Amandi* , *amando* ? Nomina vero *Amatum* , *amatu* ? quid ego ni dicam ? cum personis & temporibus careant ( sine quibus verbum nec intelligi potest ) egoque in illis eandem prorsus , quam in aliis participiis Nominibus rationem Syntaxeos deprehendam . Non longe abiero . Participii Concordiæ regula est : *Omne participium cum Substantivo nomine suo expresso , sive suppresso numero & casu concordat* . Substantivum verò nomen etiam Verbum Infinitum censeo , cum potestatem habet Nominis , cujus rei causa Veteres Prisciano teste id Verbi Nomen perhibebant . Cum ergo legis , *Nunc est bibendum* , subaudis *Bibere* , quod est nomen Verbi , cum vim habeat Nominis substantivi in nominandi casu , cumque hoc Nomine participium *Bibendum* numero & casu consentit . In hoc vero , *Tempus est bibendi* , subauditur Nomen Verbi *Bibere* in patrio seu genitivo casu . Ita cum dicitur , *Aqua utilis bibendo* , idem *Bibere* in dandi casu subauditur , valetque idem quod

*Potui* .

*Potui. Vtilis ad bibendum*, supple *Bibere* in accusandi casu, quasi sit *Potum*. *Bibendo fies ebrius*, subaudi *Bibere* sexti casus seu *Potu*. Esse autem *Bibendo* Participium, vel Præpositio arguit, quam subaudiri ex hoc Plauti loco discimus, Mercat. *Sed quid ego hic in lamentando pereor?* Et Stich. *Scio atque in cogitando mœrore augeor*. Et Terent. Andr. *In denegando queis est pudor paululum*. Hinc facile est intellectu, quæ sit dicti ratio in istis, *Petendum est pacem, Discendum est literas*. subauditur scilicet *Petere* & *Discere*, adeoque *Petendum* & *discendum* ineptè Gerunda verba dicuntur, cum palam sint Participia, non aliter quam *Pugnatum* in hoc veteri: *Hanc pugnam pugnatum est à mane usque ad vesperam*: subauditur enim *Pugnare*. Jam vel tacente me judicabis, supplendum esse *Discere* in isto; *Ardet desiderio discendi literas*, ut Accusativus *Literas* regatur à Verbo *Discere*, non à Participio *Discendi*. Similiter in hoc, *Legendo Virgilium fies poeta*, subaudis *Legere*, quod jam Nomen est, cumque Participio in numero & casu concordat. Rem autem ita se habere, hinc potest effici: Omne participium habet rationem nominis Adjectivi. Adjectivum porro & Substantivum sunt in eorum censu, quæ  $\pi\rho\sigma\tau\iota$  dicuntur, seu Relata, quorum uno posito alterum simul poni necesse sit, Cum ergo audis, *Tempus est legendi*, quoniam *Legendi* Participium est Adjectivi instar, non potes quin ejus Substantivum requiras, quod est *Legere*: quod ipsum subaudis in hoc, *Legendo fies doctus*; tamquam dictum foret: In *Legendo* lectu, sive in legenda lectione fies doctus. Tempus est legendi lectus seu legendæ lectionis. Nam *Legere*, cum Nomen Verbi est, & nomen Verbale *Lectio* non nisi genere discrepant, cum illud Neutrum sit, hoc Fæmininum. Eodem ergo sensu *Jucundum est Legere*, & *jucunda est lectio*. Huic porro consequens est, ut cum audis, *Tempus est legendi libros, Legendo libros fies doctus*, Accusativus *Libros* non à *Legendi* aut *Legendo*, sed à *Legere*, quod subaudis, regatur, adeoque duo illa Participia germana sint, non Gerunda Verba, quod Grammatici consomniarunt. Neque tamen Verbi *Legere*, quod pro Nomine substantivo ponitur, casum sibi ex Verbi natura debitum, Accusativum puta, perpetuo regit.

Est

Est enim cum ex toto Nominis substantivi naturam induit, & Genitivum sibi casum adsciscit, quem à solo nomine substantivo regi non semel ex me coram audiisti. Hinc illa: *Qua fuit causa collocandi siderum? Non est nunc tempus videndi Luna.* Nam genitivus *Siderum* non regitur à participio *collocandi*, sed à subaudito nomine Verbi *Collocare*, quod omnem vim & potestatem Nominis Substantivi possidet, ut si dictum foret: *Causa collocandi collocaminis, seu collocamenti siderum, sive collocandæ collocationis siderum.* Pari modo genitivus *Luna* non à Participio *Videndi* regitur, sed ab eo, quod subaudis, verbo *Videre*, quasi esset *Tempus videndi visus Lunæ.* Non multum dissimiliter Participium activum, cum naturam Nominis induit, casum substantivo nomini debitum adsciscit. Quod enim per Participium audis, *Amans uxorem*, per Nomen participale sic effertur, *Amans uxoris.* Atque hæc de Gerundis.

Supina verba Grammatici duum generum faciunt, ut alia in *um* alia in *u* terminentur. sed hæc posteriora in *u* non Verba, sed Nomina substantiva quartæ declinationis Dativi vel Ablativi casus esse, jam olim Augustinus Saturnius, & Franciscus Sanctius odorati sunt. Cum enim neque tempus, neque personam habeant, neque casum ullum verbi regant, qui Verba esse possunt? Et cum eis Præpositio Nomenque adjectivum adungi possit, quis Nomina substantiva esse dubitet? Præpositionis exemplum habes apud Varronem 2. rei rustic. 5. *Ad matres mane adigi oportet lactantes, & cum redierunt è pastu.* Et apud Fabium lib. 11. cap. 3. *Spiritus nec brevis, nec parum durabilis, nec in receptu difficilis*, id est, ad recipiendum, sicut *Anhelitum recipere* apud Plautum, & *Petitus imo latere spiritus* apud Horatium. Adjectivi apud eundem Fabium lib. 8. cap. 3. *Rebus atrocibus verba etiam ipso auditu aspera magis convenient.* Et apud Statium 9. Theb.—*Longo defessa redibat venatu*—Præterea vero invenio, quod vulgo diceretur, *Acerbus Sensu*, non minus in plurali numero *Acerbus Sensibus* dici posse, quo quidem vel uno planissimum evadit, *Sensu*, non Verbum supinum, sed substantivum nomen esse. Politissimi hominis Cn. Matii versus sunt ab Agellio relati.



*Quapropter edulcare convenit vitam,  
Curasque acerbis sensibus gubernare.*

Quo exemplo Lucretius lib. 2. prius scripserat.

*Omnia postremo bona sensibus & mala tactu,*

*Dissimili inter se pugnant perfecta figura.*

Id est, quæ sensibus jucunda, quæque iisdem molesta sunt & aspera, habent dissimilia principia, ex quibus constant. Ubi perspicuum est *Bonum sensu* vel *sensibus*, & *malum tactu* contrario nomine opponi. Est ergo *Tactu* dandi casus, sicut apud Virgil. *Mala tactu vipera.*

Hæc eadem porrò omnia in illis locum habent, quæ in *um* exeunt, ut & Nomina substantiva sint Accusativi casus, & verba nullo modo esse possint. De verbis res est expeditissima, quando nullum personæ aut temporis genus in eis invenitur. Nomina esse arguit adjecta præpositio, ut in hoc Varronis loco 3. rei rust. 16. *Non omnis tempestas apes ad pastum prodire longius patitur.* Et hoc Fabii lib. 2. cap. 3. *Tamquam mediocritas præceptoris ad intellectum atque imitationem sit facilior*, pro quo alii dicerent: *intellectu & imitatione facilior*, subaudita scilicet *Ab* præpositione: nam *Ab intellectu* & *Ad intellectum* nihil sensu differunt, sicut eandem rem duobus casibus sic effers: *Est illi faciem similis*, & *facie similis*, illic *Ad*, hic *A* præpositiones per Ellipsin reticendo, pro quod ad faciem attinet. Similiter vero in eo, quod dicitur, *Pastum se refert*, non verbum supinum esse *Pastum*, sed nomen, duo sunt, quæ arguant. Unum, quod ei Præpositio præponi possit, ut sit *Ad pastum*, velut in Varronis verbis vidimus. Alterum, quod nullo discrimine in plurali *Pastus* pro eo dici potest, id quod in hoc Ciceronis versu factum patet: *Tam rursus catros avida se ad pastus refert.* Ubi non minus, ad *catrum pastum* dicere poterat, sicut, *Meam veni domum.* Nam & paulo prius dixerat: *Jovis satelles pastu dilaniat fero.* Varro 5. de lingua Lat. *Ad locutum mulieres ire ajunt, cum eunt, ad aliquod locutum consolandi causa.* Unde constat, *Locutum ire*, idem esse, quod *ad Locutum ire*, adeoque *Locutum* non verbum supinum est, sed accusativus nominis. Neque verò hoc eis status controversiam facere aut Nominum familia exigere potest, quod non regant casum Genitivum instar Nominum, sed Accusativum modo Verborum. Dicimus enim *Eo spectatum ludos*, non *ludorum.* Nam Verbalia

nomina, five originem suam verbis debentia, in regendo casu alias Nominis, alias Verbi, unde orta sunt, consuetudinem servant. Verbi gratia: *Tactio*, *Tactus* & *Tactura* sunt nomina Verbalia à *Tango* derivata. Itaque qua sunt Nomina, Genitivum regunt, ut dicatur *Tactio illius*, sed qua sunt verba, Accusativum, ut sit: *Tactio illum*. Hoc nihil est apud Plautum frequentius, ut Curcul. *Quid tibi istum tactio est?* pro, *Quid tu istum tangis?* Et Asin. *Quid tibi meum virum ad te receptio est?* pro, quare virum ad terecipis? quo exemplo dici potest, *Quid tibi receptus est meum virum?* cum significationis, utro modo dicatur, nihil interfit. Ita quoniam verba *Obtemperare*, *Tradere*, *Reddere* cum Dativo junguntur, neque Nomina ab iis orta eum casum spernunt. Cicero: *Justitia est obtemperatio scriptis legibus*. *Abalienatio est rei traditio alteri*. Asconius: *Pœna damnati est redditio pecunia iis, ad quos pertinet*. Similiter cum dicamus *Eo & redeo domum*, Nomina *Itus*, *itio*, *reditus*, & *reditio* non aliter collocari solent. Cicer. *Rhodiorum classi propinquum reditum ac domum itionem dari*. *Is meus fuit domum à foro reditus*. Cæsar: *Ut domum reditionis spe sublata paratiores ad omnia pericula subeunda essent*. Nomen *Itus* pro *Itio* est apud Lucretium lib. 3. *Nec sentimus itum cuiusviscumque animantis*. Et Titin. *Setina: Itum, gestum, amictum qui videbant ejus*. Eodem modo cum recte dicatur *Interrere ferro*, *Scire quid agatur*, *Memnisse quid dictum sit*: Nomina ab illis verbis deducta non dissimiliter Tullius usurpavit. Ait enim: *Exercitus nostri interitus ferro, fame, frigore*. *Scientiam quid agatur, memoriamque quid à quoque dictum, sit omnium puto esse oportere*. Sed etiam Adjectiva nomina à Verbis orta, nec nisi terminationem cum participiis passivis communem habentia, cum Verborum suorum casu construi solent: de quo genere sunt, *Populabundus agros*, *Vitabundus castra hostium*. Itaque cum *spectatio* & *spectatus* æquè sint Nomina Verbalia, mirum jam videri non debet, si modo Genitivum ut Nomina, modo Accusativum ut Verbalia adsciscant, ut rectè scilicet utrovis modo dicatur: *Quid tibi spectatio est ludorum*, & *Quid tibi spectatus est ludos*. Similiterque *Eo ad spectatum ludorum*, & *eo ad spectatum ludos*, etsi consuetudo fert, ut Præpositio per Ellipsin reticeatur, sicut

sicut in his Plauti Pœnul. *Malam crucem ibo potius*. Et iterum eadem fabula: *Utinam hinc abierit malam crucem*. Et Catulli: *Cur non exilium malasque in oras isis*. Et Attii in Phœniss. *Iussit proficisci exilium quovis gentium*. Et Varronis 1. rei rusticæ 55. *Olea dominum & balneas & gymnasia sequitur*; pro; ad vel in balneas & gymnasia. Plaut. Merc. *fam redii exilio*; pro ab exilio. Virgil. *Devenere locos latos*; *Ibimus hinc Afros*; *Veniemus Britanos*; *Quascumque me abducite terras*. Neque verò non eadem Syntaxis est; cum audis; *Eo spectare ludos*; Præpositio enim *Ad* subauditur; cum *spectare* sit Nomen verbi; sive vim habeat substantivi nominis in Accusativo casu; quod est *spectatum*; vel *spectationem*. Lucretius quidem Præpositionem sic expressit: *Ad sedare sitim fluvios fontesque vocabant*. Latine ergo secundum artis regulas dicemus: *Veni ad sedare sitim*; *ad sedationem sitis* vel *sitim*; *ad sedatum sitis* vel *sitimi*; sed pro consuetudine plus usitata: *Veni sedare sitim*; & *sodatum sitim*. Itaque quod est apud Julium Obsequentem, *Taurus cum ad immolationem duceretur*; non est dubium; quin aliter efferri potuerit; per regularem quidem Syntaxin; *Ad immolatum*; per Irregularem verò seu Figuratam; *Immolationem* duceretur: Atque hinc dilucet, quæ sit in istis dicti ratio: *Cur te is perditum*; *Venimus te admonitum*; *Cur non imus sessum*: Sunt nimirum ista nomina substantiva accusandi casu; qui à præpositione *Ad* suppressa regitur; quâ quidem Præpositionis ellipsi recte dicitur: *Cur te is perdere*; *Venimus te admonere*; *Cur non imus sedere*. Ita quod est in Plauti Cistell. *Eunt nos depressum*; valet *ad depressum*; seu *depressionem* nos; sive nostri: Anti-quâ enim Syntaxi ad superiorum more recte dicitur: *Quid vobis nos depressio est*; vel *depressus est*; pariterque *Eunt ad deprimere nos* vel *nostri*. Neque tamen dictorum rationem sic investigo; quin consuetudini eorum; quos optima ætate vixisse optimeque loqui & scribere solitos constat; priores deberi agnoscam; tamquam ei; *Quam penes arbitrium est*; & *jus & norma loquendi*: quo nomine Fabius aliud esse judicat Grammaticè scribere; aliud Latine; quoniam scilicet illud non nisi ratione ac regulis artis; hoc autem more sive usu dirigitur. Is tamen; quem fugit dicti ratio; non parum sape ea; quæ in usu

*damnatum iri videbatur*, *Reum* reponi debere ex prædictis apparet. Nimirum *Via* videtur iri ad *damnatum reum*, seu *damnationem rei*. Si enim dicam, *Judices reum damnatum eunt*, certum est Nomen *Reum* non esse appositum verbi *Eunt*, sed regi à nomine *Damnatum*, ex eoque perspicuum fit, idem nomen *Reum* in Fabii oratione à nomine *Damnatum* regi. Hinc porro de lectione deque sententia versuum illorum judicari potest, qui Plauti *Rudente* act. 4. sc. 7. leguntur:

*Mihi istac videtur præda prædatum irier,*

*Ut cum majore dotē abeat, quam aduenerit.*

Nimirum *istac* legi verum est, ut sit Ablativi casus, hoc sensu: Cum ista præda videtur major præda quaeri; quia, si quis rem hanc furtivam penes servum meum repererit, pariter & rem sibi furto sublatam, & furem sive servum illum vindicaret, eoque modo præda prædam duceret. Dicti ratio talis est: Videtur via iri (vel viam iri, quod est regulæ artis consentaneum, cum in illo altero sit Ellipsis, pro, *Via videtur eam iri*) cum ista præda, sive videtur via affectari ad prædatum seu prædationem.

Habes, Vir clarissime, meam de Gerundis & Supinis sententiam, cui si literarum istic columina, te, inquam, Ciampolum, Quærengum, Aleandrum, Malacridam, Conæum, Leonidam, Laurum, Moricuttium, Dohnium & Belmisserium accedere intellexero, non Grammaticos modo, quantum est, *omnes unius æstimabo flocci*, sed neque magnum illum Protomantin vel Anispicem vestrum mihi adstipulatorem quicquam morabor, qui si, quod se dignum est, facere volet, de se non Comici poetæ versum, sed redditam ex oraculo sortem credet,

*Vilis est restis, velet gulam sibi.*

Vale, ac doctissimos illos viros salvere plurimum jube,  
Mantua a. d. 28. April. 1627.

# HIERONYMO BOSSIO

## Jurisconsulto & Philologo,

### III.

**N**on me fugit, quam non modo novum & inopinatum, sed & falsum temeritatisque plenissimum plerisque omnibus accadat, cum Tullium ipsum, linguæ Latinæ parentem, causarum ejus linguæ imperitissimum perhiberi audiant, qui eorum, quæ rectè scripisset, rationes forte rogatus, non ferè nisi falsa ac flagitiosa ac vix in puero aut linguæ tirone ferenda respondere sciverit. Tu tamen pro eruditione tua minime vulgari id ex me auditum neutiquam aspernandum duxisti: eaque re faciendum mihi visum est, ut aliquid speciminis ad te mitterem, quo minore negotio aliis probares, neque mihi meam judicii illius libertatem invidiæ esse oportere, neque te, ut mihi assentires, obsequio potius & amicitia, quam veritate inductum fuisse. Epistolarum ad Atticum lib. 6. epist. 9. scripserat Cicero: *In Piræa cum exissem pridie Idus Octob. accepi ab Acasto tuas literas.* Horum verborum causa visum fuit Attico violatæ Latinitatis dicam Ciceroni suo scribere, quod neque *Piræa* rectè dictum censeret, qui *Piræus* ex vero nomine vocaretur, & urbium oppidorumque propriis nominibus Præpositionem minimè adjungendam statueret. Audire est operæ pretium, quemadmodum Tullius causam pro se dixerit lib. 7. epist. 3. *Veni ad Piræa* (inquit) *in quo magis reprehendendus sum, quod homo Romanus Piræea scripserim, non Piræeum* (sic enim omnes nostri locuti sunt) *quam quod IN addiderim, non enim hoc ut oppido proposui, sed ut loco. Et tamen Dionysius noster, qui est nobiscum, & Nicias Cous non rebatur oppidum esse Piræa. Sed de re videro. nostrum quidem si est peccatum, in eo est, quod non ut de oppido locutus sum, sed ut de loco: secutusque sum, non dico Cacilius: Mane ut ex portu in Piræum* (malus enim auctor latinitatis est) *sed Terentium, cujus fabella propter elegantiam sermonis putabatur à C. Lelio scribi: Heri aliquod adolescentuli coimus*

mus in Piræum . *Et idem* : Mercator hoc addebat & captam è Sunio , quod si dñus oppida volumus esse , tam est oppidum Sunium , quam Piræus . Sed quoniam Grammaticus es , si hoc mihi *ῥήματα* persolveris , magna me molestia liberaris &c. Hic enimvero mirari ac tantum non inter monstra numerare possis , quod optimus omnium patronus , quo defendente plerique vincere solerent , in causa pro se ipso dicenda tam turpiter se dederit . Primum peccasse se agnoscit , quod quartam urbis Athenarum partem , quæ *Piræus* ab omnibus Romanis dici sole- ret , ipse nullo auctore *Piræa* dixerit . Deinde flagitiosè Oppidum à Loco distinguit , perinde ac si quis se non de Homine , sed de Animali locutum defenderet . Si enim quærenti *Quo vadis ?* respondeatur *Romam aut Ithacam* , similiter *Ubi est ? Roma aut Ithaca* , quis usque eo hebes est , ut de Loco quæri ac responderi non intelligat ? *Quo* enim est priscus accusativus pro *Qua* vel *Qua* , qui in *Quo* circa permansit , & subauditur præpositio *Ad* vel *In* , ut *Quo* sit , *Ad* qua loca : & *Vbi* , non est aliud , quam *in quo loco ?* cui respondetur *In loco Roma aut Ithaca* , quomodo apud Virgilium legimus : *Hic locus urbis erit* . Et Horatium : *Non est aptus equis Ithaca locus* , Adhæc nonnullius *ῥωμαιστίαι* vituperationem suscipit cum ipse , tum ad stipulatores ejus Nicias Grammaticus , & Ciceronum puerorum magister Dionysius , cum Piræum urbem aut opidum non esse putant , Quid enim ? non illi Attium poetam legerant , ab eoque , quod Festus testatur , *Athenas Quadriurbem* dictam invenerant ? Quarta igitur Athenarum urbs Piræus erat , ipso Astu ad dignitatem & speciem nullo genere inferior , si Ciceronis amico , simulque censori & laudatori Cornelio Nepoti credimus , cujus de Themistocle verba sunt : *Cum Phaleræo portu neque magno neque bono Athenienses uterentur , hujus consilio triplex Piræi portus constitutus est , isque mœnibus circumdatus , ut ipsam Urbem dignitate æquipararet , utilitate superaret* . Præterea cum ipse se Terentius Plautum habere auctorem gloriatur , neque Cicero in gravissimis rebus Plautinos orationi versus inferere dubitet , in tertio verò de Oratore fateatur , eos , qui Plauti & æqualium sermone assuefacti sint , ne cupientes quidem posse , nisi Latine , præclare & eleganter loqui : nulla fuit ra-

tio, cur ex unius Terentii auctoritate præsidium sibi peteret, Plautum verò sic penitus missum faceret, in cuius Bacchidibus legimus: *Ibo in Piræum, visam ecquæ advenerit in portum ex Epheso navis mercatoria*. Et Mosell. *Ego ire in Piræum volo, in vesperum parare piscatum mihi*. Ad extremum nimis ἀναπολόγητος est, nec excusationem habet, quod Grammaticorum auctoritate imponi sibi passus est, ut stolidæ eorum Regulæ subscriberet, quam Rhæmnius Palæmon apud Charisium lib. 2. priores scilicet artis doctores secutus, his verbis complexus est: *Nomina civitatum sine Præpositione sunt cum verbis eundi, manendi, redeundi: sed & Rus sine Præpositione, ut Ruseo, ruri sum, rure venio, & Domus sine præpositione, ut Domum eo, domi sum, domo venio, sed & De domo dumtaxat: in tertia persona invenimus saplus, In domum*. His verbis subiicit Sospater: *Generaliter autem & Canonice (ut C. Julius Romanus disertissimus artis scriptor refert) Præpositiones gentibus seu nationibus adduntur, civitatibus adimuntur & detrahuntur, licet contrà dixisse nonnullos veteres reperiamus*. In eandem sententiam Servius ad illud *Æneid. 1. Italiam fato profugus Lavinaque venit Litora*, hoc modo commentatur: *Ars quidem hoc exigit, ut nominibus Provinciarum Præpositionem addamus, Civitatum numquam: tamen hoc plerumque perverso ordine legitur. Sciendum enim usurpatum ab auctoribus, ut vel addant, vel detrahant præpositiones*. Cum ergo nescire Cicero non posset, quod ipsi Grammatici ultro confitentur, inertis eorum artis Canonas ab auctorum linguæ latinæ consuetudine dissidere, non debuit certè ipse sui accusatorem agere, nec in eo, quod Præpositionem opido addisset, ullum suum peccatum agnoscere. Ut enim ipse tertio de Oratore docuerat, omnis latine loquendi ratio quatuor fundamentis nititur. Quorum primum est literæ doctrinaque puerilis, id est, artis Grammaticæ præcepta, quæ pueri imbuuntur: alterum subtilior cognitio ac ratio literarum, id est, investigatio causarum linguæ latinæ, qua præcepta artis ad Logicæ normam & veritatem limantur: tertium usus, beneq. loquentium & scribentium consuetudo: postremum auctoritas oratorum ac poetarum veterum. Ipsa ejus verba sunt hæc: *Præterea mus præcepta Latine loquendi, qua puerilis doctrina tradis, & sub-*

& subtilior cognitio ac ratio literarum alie, aut consuetudo  
 sermonis quotidiani ac domestici, libri confirmant, & lectio  
 veterum oratorum & poetarum. Et Artis quidem præcep-  
 ta hoc discentibus præstant, ut ne quid vel in singulis  
 vocibus, vel in earum compositione peccent, sive ut  
 Barbarismi & Solæcismi crimen effugiant, quod cum  
 consecuti erunt, Grammaticæ loqui censebuntur: memi-  
 nisse tamen debent, non temere Quintilianum monuisse,  
*aliud esse Grammatica, aliud Latine loqui*. Fieri  
 enim potest, ut verba sint Latina, ipsa nihilominus ora-  
 tio minus pura sit, quod eam aures eorum, qui optima,  
 hoc est, Ciceronis ætate vixerunt, vel repudient, vel  
 non agnoscant. Quæ repudiant, sunt *prisca & obsoleta*:  
 quæ non agnoscunt, aut *Nova* sunt, nondum scilicet  
 illis temporibus usitata, aut *Peregrina* & ad aliarum  
 linguarum consuetudinem conformata. Quibus tribus  
 orationis impuræ generibus aurea illa latini sermonis  
 ætate præter cæteros M. Cœlium, Crispum Sallustium  
 & M. Varronem orationem infuscare solitos videmus,  
 & de Sallustio veterum non pauci apertissime tulerunt.  
 Etiam in M. Antonio novandi licentiam Tullius agit, qui  
*Piissimus* dixerit & *Dignus* pro eo, qui in dignitate sit consti-  
 titus, & *Contumeliam* facere propati sive accipere, sicut  
*Facere iacturam* aut *detrimentum*. Rationis literarum ac  
 subtilioris cognitionis partim in Arte perficienda, partim in  
 dirigenda consuetudinis regula usus est. Et ad Artis  
 quidem præcepta quod attinet, satis illa fidem Athe-  
 næi sententiæ firmaverint, *exceptis medicis nihil Gram-  
 maticis stultius* existimantis. Pueros scilicet dicto audien-  
 tes habent, quibus quicquid dixerint, ex tripode re-  
 sponsum aut ab Ammonis fonte relatum videri sciunt.  
 Eo illi feroces sunt, adeoque illud minui, in quo sibi  
 cæterisque maximi videntur, ferunt indignissime. Do-  
 cti proinde hominis est adversus ista Arcadiæ pecuaria  
 Ratione obarnari, eorumque Regulas partim investi-  
 ganda causa, quam linguæ conditores spectarunt, par-  
 tim observandis locupletium auctorum exemplis, sive  
 corrigere cum falsa præcipiunt, sive recidere & com-  
 pescere cum redundant, sive numero augere, cum quæ  
 desiderantur. Quarum quidem rerum omnium quan-  
 multiplex relicta sit occasio, satis jam tibi multisque  
 docuisti.



doctissimis viris nova Syntaxis nostra fidem fecisse debet. In ea enim, ut scis, duodecim Latinæ orationis fundamenta jecimus, majorem partem ex Academiæ sylvis & Lycæi spatiis petita, quæ qui memoriæ mandarit, omnes postea Syntaxeos regulas quam veras nostras, tam Grammaticorum falsas cum veritatis falsitatibusque causis nullo negotio percepturus, nec temere in earum oblivionem venturus videtur. Quis deinde Rationis in consuetudine corrigenda & expurganda usus sit, totidem verbis Cicero in Bruto declarat: *Solum & quasi fundamentum Oratoris vides locutionem emendatam & Latinam: cujus penes quos laus adhuc fuit, non fuit Rationis aut scientia, sed quasi bona consuetudinis. Mitto C. Lelium, P. Scipionem. Ætatis illius ista fuit laus tanquam innocentia, sic latine loquendi, nec omnium tamen; nam illorum aequales Cæcilius & Pacuvius male locutos videmus. Sed omnes tum fere, qui nec extra urbem hanc vixerant, nec eos aliqua barbaries domestica infuscaverat, recte loquebantur. Sed hanc rem deteriore vetustas fecit & Roma & in Grecia. Confluxerunt enim & Athenas & in hanc urbem multi inquinati loquentes ex diversis locis. Quo magis expurgandus est sermo, & adhibenda tamquam obrussa Ratio, qua mutari non potest, nec utendum pravissima consuetudinis regula. Ex quibus verbis hoc amplius discimus, duo hominum fuisse genera, qui bonam latine loquendi consuetudinem inquinarent. Unum eorum, qui extra urbem Romani vixerant, in alia scilicet Italiæ parte nati atque: alterum, qui Romæ quidem nati & educati, nec alioqui rationis literarum aut scientiæ expertes, sibi tamen ab exteris, qui in Urbem plurimi confluerant, nova & peregrina cum vocabula, tum loquendi genera affricari passi fuerant. Recte proinde Cicero Rationem etiam consuetudinis obrussam, sive lapidem Lydium facit, ad quam non illa minus, quam præcepta Artis, exigi probarique debeat: quod quidem Cæsarem Dictatorem feliciter præstitisse hoc modo prædicat: *Cæsar Rationem adhibens, consuetudinem vitiosam & corruptam puram & incorruptam consuetudine emendat. Cottam rursum & Sisennam, pravam novandi & Græcissandi, sive exoticis utendi consuetudinem non Ratione, sed judi-**

judicio non minus pravo corrigere voluisse narrat . De priore in eodem Bruto verba sunt : L. Cotta de industria cum verbis , tum etiam ipso sono quasi subrustico persequebatur atque imitabatur antiquitatem . Et iterum : Cotta quia se valde dilatandis literis à similitudine Græcæ locutionis abstraxerat , sonabatque subagreste quiddam planeque subrusticum , alia quadam quasi inculta & sylvestri via ad eandem laudem pervenerat , ut nimirum bene Latine loqui , nec invec̃ta ab exteris verborum aut prononciationis barbarie orationem infuscas̃se diceretur . Quorum verborum sententiam alius locus in tertio de Oratore pluribus exprimit ac declarat : Ut Latine loquamur ( inquit ) non solum videndum est , ut & verba efferamus ea , quæ nemo jure reprehendat , & ea sic & casibus , & temporibus , & genere , & numero conservemus , ut ne quid perturbatum ac discrepans aut præposterum sit : sed etiam lingua & spiritus & vocis sonus est ipse moderandus . Rustica vox & agrestis quosdam delectat , quo magis antiquitatem , si ita sonet , eorum sermo retinere videatur , ut L. Cotta gaudere mihi videtur gravitate linguæ sonoque vocis agresti , & illud , quod loquitur , priscum visum iri putat , si plane fuerit rusticanum . Et paulo infra : Cotta noster , cujus tu illa lata nonnumquam imitaris , ut Iota literam tollas , & E , plenissimum dicas : non mihi oratores antiquos , sed messor̃es videtur imitari . Rustici nimirum , ut ex Festo discimus , diphthongos vitantes , earum loco vocales latius efferebant , ut pro Aurum , dicerent Oorum , pro Auriculas , Ooriculas ( unde natum Oricilla Catulli ) pro Captivei , Capteevee . Eisdem Varro 1. rei rust. 2. Vellam pronuciare solitos testatur pro Villam seu Veillam , quasi Vehillam , ab eo dictam , quod in eam convvehuntur fructus , & evehuntur cum veniunt . Hos Cotta imitabatur , ut à Græcæ locutionis tanquam peregrinæ similitudine se abstraheret , Græci autem diphthongum EI , sic pronuciabant , ut posterior vecalis , velut longa , duo tempora consumeret , prior non nisi tertiam temporis partem , ita ut sonus ejus ad aures quodammodo periret , quæ causa est , cur Sextus Empiricus τ̃ EI , simplicem sonum esse , Cicero etiam Græcum BINEI , & Latinum BINI , eodem sono efferi scripserint , quæ de re in disputatione de Or̃thoepeja sive

sive recta latinæ linguæ pronuntiatione uberius à me actum nosti . De Sisenna porro hæc in eodem Bruto legimus : *L. Sisenna doctus vir & studitis optimis deditus , bene Latine loquens , quasi emendator sermonis usitati cum esse vellet , ne à C. Rufio quidem accusatore deterrieri posset , quo minus inusitatis verbis uteretur . Recte loqui , putabat esse inusitate loqui .* Ita discimus ætate Ciceronis hunc Rationis usum fuisse in emendanda vitiosa & corrupta loquendi consuetudine , ut neque abolita & obsoleta referri pateretur ( quod quidem Fabius *frivola in parvis jactantia esse rectè* judicat ) neque aut appellationem literarum seu pronuntiationem peregrinam , aut verba loquendique genera à peregrinis hominibus ad vernaculi seu patrii sermonis usum conformata in Urbem admitteret . Atque hoc est , quod Cicero latinitatem non modo *quotidiani* , sed etiam *domestici* sermonis consuetudine ali confirmarique dixerat , ut omnem scilicet *Novitatem & Peregrinitatem* excluderet , Addit idem *librorum lectionem* , quod scilicet , qui ætate illa libros scribebant , majorem in scribendo , quam in loquendo cautionem ad effugienda pravæ consuetudinis vitia adhiberent . Atque hinc judicare possumus , quæ nobis hodie Latine scribentibus sequenda sit ratio , ut nimirum multo maxima utamur cautione in vitandis primum obsoletis , tum peregrinis & linguarum hodie vigentium idiotismis , tandem novis & circa Ciceronis ætatem nondum usitatis , nisi cum iis meliorum penuria locum dederit , aut hominis eruditi multumque in Ciceronis & æqualium lectione versati judicium suffragabitur , ut illorum consuetudine haud quaquam aliena aut indigna videri possint . [Postremo loco poetarum & oratorum veterum , id est , ætate sua antiquiorum lectione Latinitatem confirmari censet Cicero , propterea quod ut ipse tertio de Oratore disputat , *omnis loquendi elegantia , quamquam expolitur scientia literarum , tamen augetur legendis oratoribus & poetis .* Sunt enim illi veteres , qui ornare nondum potuerant ea , qua dicebant , omnes prope præclarè locuti : quorum sermone assuesacti qui erunt , ne cupientes quidem poterunt loqui nisi Latine . Neque tamen erit utendum verbis iis , quibus jam consuetudo nostra non utitur , nisi quando ornandi causa parce , quod ostendam : sed usitatis ita poteris uti lectissimis , ut utatur

is, qui in veteribus erit scriptis studiosè & multum volutatus. Nimirum orationem verè Latinam, puram minimeque inquinatam præstabat, tum verborum lectorum minimeque plebeiorum aut humilium copiam illa veterum lectio suppeditabat. Quanto igitur magis hodie nobis in legendis veteribus illis sumenda est opera, si diligenter latine loquendi, vel potius scribendi laudem expetimus?

His ita præmunitis age videamus, quam vincibilem Cicero causam habuerit, quamque parum se dignum fecerit, cum hoc Attico & Grammaticis concessit, Solæcismum ab eo fieri, qui opido præpositionem addat: nam & Ratio, & Consuetudo sermonis quotidiani ac domestici, & veterum denique Auctoritas ab omni eum culpa vindicare poterat. Et Ratio quidem hæc est, quoniam orationis partes aliæ principes sunt, ut *Nomen & Verbum*, sine quibus affirmatio & negatio ne cogitari quidem potest; aliæ secundariæ, nimirum *Particula*, ut Præpositiones, Adverbia & Coniunctiones: quarum ultimæ sunt velut Nervi, quibus nomen & verbum aliæque minores orationis partes colligatæ tenentur. Adverbia modum verbi præcipuè significant. Præpositiones verò nominum casus certis significationibus distinguunt, ut videlicet nomina Locum à quo, in quo, & ad quem, similiter & Tempus ante quod, circa quod, in quo & post quod; tum causam efficientem, impellentem, administrantem, inficientem seu permittentem, materiam & finem, adhæc Adjunctum, Subiectum, Objectum, Partem certam, Præteritum, Mensuram aut aliud quid significantia, Præpositionibus certis tamquam notis impositis inter se discernantur. Sic *Ad*, & *In*, placuit nominibus quarti casus præponi, cum locus ad quem iretur, significandus esset, nullo prorsus nec domus, nec ruris, nec urbis, nec provinciæ aut regionis discrimine, similiterque *Ab*, *de* & *ex*, nominibus sexti casus, ad significandum Locum, unde iretur. *In*, verò ad Locum ubi maneretur. Qui quidem Præpositionum usus cum à primo stabilitus fuisset, factum est postea, quoniam compendio studebatur verborum, omnesque inter se quam paucissimis commutatis vocibus animi sensa exprimere cupiebant, ut sæpe cujuscumque usus Præpositiones reticere ac subaudiri mallerent: quod quidem sermo-

fermonis compendium pro quodam ornamento habuerunt; idque Grammaticorum lingua *Ellipsis* dici cœpit. Utrovis ergo modo postea loqui fuit liberum: nam qui Præpositionem cuiusque nomini in Loco significando addebat, primigenia sermonis regula se tuebatur: qui verò eam lucrifaciebat, ultro etiam ornatus commendationem vindicabat. Si ergo *Solæcismus* orationis vitium appellari debet, quo compositionis seu Syntaxeos leges migrantur, ille demum *ὁλοκλήρως* censendus fuerit, qui Præpositionem nominibus locum significantibus addere supersedit. Et huiusmodi quidem Ratione se Tullius tutari poterat. De *Consuetudine* verò *quotidiani ac domestici sermonis*, quantum in ea Ciceroni ad defendendum Solæcismi crimen præsidii fuerit, vel hinc iudicari potest, quod & ipsum; & Cæsarem; Virgilium; Livium aliosque ejusdem aureæ ætatis scriptores quibuscumque Locorum nominibus Præpositiones; alias ex verò Artis præscripto addidisse; alias compendii & elegantiae causa per Ellipsin detrahere solitos videmus. Cæsaris verba sunt: *Præius Cassus ad Messaniam navibus advolavit; quam Pomponius de ejus adventu cognosceret & Livii verò: Ductus Veios exercitus. Inde ad Veios exercitus ductus; Valerium à Veiiis abducere exercitum jubet. Abducere infecta re à Veiiis exercitum noluerunt: Cum exercitibus ad Veios accessere. Qui à Veiiis fugerant: Cum exercitu novo ab Roma advenit. Placuit ab Ardea Camillum acciri. Profectus ab Ardea. Æsculapium ab Epidaurō Romam accersendum. Samnitibus ab Aquilonia clam egressis. Abesse ab domo non possum. Dum senes ab domo accersunt. Ubi vos dilapsi domos & in rura vestra eritis. Cyprum classem misit. Egyptum induxit exercitum. Virgilius similiter: At nos hinc alii sitientes ibimus Afros; Pars Scythiam & rapidum Cretā venimus Oaxem. Unde iter Italiam. Tollite me Tencri; quascumque abducite terras: Æoliam venit; loca fata furentibus Austris: Devenere locos latos & amana vires. Hac limina tendere adegit. Varronis etiam: Olea dominum & balnea & gymnasium sequitur; pro; ad balnea. Catulli autem: Quam talia Cretam funera portarentur. Cur non exilium malasque in oras itis? Ipsi denique Ciceronis: Cum in Piræum Socrates venisset ad Cephalum: A Piræo ad Zosterā venio molesto venimus. Miles profectus sum*

• ad

ad Capuam, quintoque anno post ad Tarentum quæstor. Quinquaginta naves delatas in Utricam. Ut ab Alexandria discederet. Nec me in Arpinum abdant. Is ad Messaniam venturus dicebatur. Ne citius ad Brundisium, quam opus sit, accesserit. Tertiò die abs te ad Ariciam accesseramus. Ab Dianio, quod in Hispania est, ad Sinopen, qua in Ponto est, navigaverunt. Ipse iter ad Mutinam dirigerem. Fugisse à Mutina viderentur. Ab Epheso profectum: A Bibone discessimus. De illius ab Alexandria discessu. Exclusus ab Antiochia. Quatridui iter à Laodicea abest. Sardiniam cum classe venit. Bosphorum confugit. Italià cedit. Cum in sua rura venerint. In domo Caesaris. Ad pretoris domum. In ipsius patris domum detulimus. Quasi in domum suam venerit. De Gyro ad te dedi de Messala literas. De Pomptino scripsi.

Tandem veterum quoque auctoritate persfacile Cicero-  
ni fuit illam Grammaticorum regulam convellere, seque Attico suo *Quæstor* probare. Plauti enim sunt ista: Is ex Anactorio huc commigravit in Calydonem. Quando iturus est hinc in Seleuciam. A patre ex Seleucia venit. Ubi ipse erat? In Seleucia. In Ephesum abii. Ex Epheso literas huc misi. Diserucior animi; quia ab domo abeundum est mihi. Jam per hortum amicam transibo meam. Malam crucem ibo potius. Utinam hinc abieris malam crucem. Jam redi exilio. Similiter Attii est in Phœnissis: Jussit proficisci exsilium quovis gentium. Fannii vero laudante Charisio: villam venit, pro in villam: quò exemplo Rur ire & Ruri esse dixerunt, Præpositione per Ellipsin suppressa: nam Ruri sextus est casus; pro Rure; sicut Carthagini pro Carthagine. Plautus Most. Veniunt ruri rustici; pro à ruri; sicut Terentius, à villa. Idem Plautus Casin. Uxorem ubi rus abduxero, rure incubabo usque in præfectura mea; pro in rure. Horatius: Quinque dies tibi pollicitus me rure futurum. Cornelius Nepos: Ut Roma consules, sic Carthagine quotannis bini reges creabantur. Virgil. Tyria Carthagine qui nunc expectat. Hinc planum fit apud Livium lib. 29. legendum. Præcipue Carthagini prope ut capta sumultus fuit. Ubi male vulgo, Capta: nec enim ruri Carthagini Dativi sunt, velut oscitantes Grammatici tradiderunt. Asconius politissimus linguæ auctor in Miloniana Præpositionem sine dubio veterum exemplo sic expressit:

Qui

*Qui forte ex rure in urbem revehebatur. Quid nunc? Utrum satis tibi Ciceroni Auctori adversus Ciceronem Grammaticum bene advocatus fuisse videor? Si bene te novi, promisso meo ac recepto egregie me satisfecisse agnosces, nec verbum amplius addendum putabis. Ego nihilominus hoc addam, minus esse mirum uique eo haustum ex puerili Grammaticorum doctrina errorem Tullio infedisse, ut eum neque ratio, neque veterum auctoritates, neque consuetudo loquendi & scribendi cum publica omnium, tum ipsius propria evellere ei potuerit: quando idem ipsum Fabio quoque Quinctiliano, acerrimo literarum judici, videmus usuvenisse, ut eum nihil omnia, quæ jam attulimus, deterrent, quin Solæcisimum esse statueret, si quis dicat, *Veni de Susis in Alexandriam*. Mecum igitur, opinor, ita decernes, neutrum Grammatica satis calluisse, ac propterea, si nunc in terris existerent, sicut ipsi nos, quomodo loquendum, docerent, item eos à nobis, cur ita loquendum, discere debere. VALE. Mediolani a. d. XIII. Augusti anni M. DC. XXVII.*

## PAULO JOSEPHO MERONO Theologo & Philologo.

### IV.

**L**egendis Scriptoribus Latinis, quorum ad nos libri pervenerunt, hoc mihi comperisse me videor, neque eos, qui boni auctores linguæ fuerunt, fuisse bonos Grammaticos, neque rursus, qui in Grammaticis præstare visi sunt, fuisse bonos linguæ auctores. Nam quod ad posteriores attinet, ut missos faciam Priscianos, Diomedes, Charisios, Nonios, Donatos, Servios, eorumque similes, ipse certe Varro, togatorum cæteroqui doctissimus, Ciceronis, Cæsaris, Nepotis & Livii dissimillimus existit, eaque re deterius notæ auctoribus annumerari meretur. Ut enim quo quidque propius ab eo abest, quod in quoque genere primas tenet, eo præstabilius judicandum est: sic è diverso tanto deterius videri oportet, quanto longius ab optimi similitudine

litudine se removerit . Neque vero id dubium cuiquam esse potest , qui vel eos ipsos libros , quos de lingua latina ad Ciceronem Varro misit , vel rei rusticæ commentarios , vel denique multa ejus fragmenta librorum cognoverit . Præterquam enim quod tota ejus conscriptio verborum aspera & salebrosa est , plerisque etiam locis perobscura , eorum iniri vix potest numerus , quæ vel ex priscorum ruderetis jam olim desita & abolita retulit , vel audacia minime ferenda ac plerumque ridicule novavit , vel ad Græcanici sermonis consuetudinem licenter effinxit . Quæ quidem orationis vitia quod cavere neglexissent Cæcilius , Pacuvius & Aquilius , eos malos linguæ auctores Cicero perhibet , quamvis ea ætate vixissent , qua omnes prope præclare loquebantur . Priorum vero , id est , eorum , quos optimos linguæ latinæ auctores fateri oportet , vel unus ille , qui familiam inter eos ducit , Cicero satis exemplo suo fidem fecerit , notæ eos non optimæ Grammaticos fuisse . Jam alias coram in sermone tibi demonstravi , quam aqua Ciceroni hæserit , cum à Pompejo consultus fuisset , utro tandem modo , *Pompejus tertium Consul* , an *Tertio Consul* , rectius scriberetur , etsi ipse in libris suis nullo discrimine *Tertium* & *Tertio* scribere nihil dubitarat : quoniam videlicet utriusque dicti causam ignoraret , ac perinde ut quivis unus è medio , literarum nihil admodum peritus , consuetudinis impetu auferretur . Meministi etiam quam idem perdita sui defensione usus fuerit , cum ab Attico Solæcisismi postulatus esset , eo quod scripserat , *Cum in Pireaa exissem* . Nunc aliud ejusdem rei tibi affero specimen , ex quo perspicere licebit , quanta erroris vis fuerit , quo Tullium in primis pueritiæ annis puerilis doctrinæ magister imbuerat , ut postea neque illum ratio neque propria etiam loquendi scribendique consuetudo eo errore liberare potuerit . Verba ejus sunt Tusculanarum tertio : *Invidia verbum ductum est à nimis inveniundo fortunam alterius , ut est in Menalippo* : *Florem quisnam liberum invidit meum ? Male Latine videtur , sed præclare Attius . Ut enim Videre , sic Invidere florem , rectius quam Flori dicitur . Nos consuetudine prohibemur . Poeta jus suum tenuit & dixit audacius . Hoc loco quid erraverit Cicero , & quæ erroris illi fuerit cau-*

T

sa,



sa, operæ videtur pretium distinctius exponi. Erratum ejus duplex est, unum ad Syntaxin, alterum ad poetæ sensum pertinens. Primum *Invidere* cum accusativo casu poni rationi quidem & juri consentaneum, mori tamen seu consuetudini contrarium sive insolens esse statuit: sed utrobique non parum allucinatur, non quo non ratio postulet, accusativum æque cum verbo *Invidere*, ac cum *Videre* jungi, sed quoniam in hac Syntaxi *Invidere* *flori*, accusativum deesse putat, quod tamen est aliter: necessario enim Accusativus quispiam subauditur, isque vel proprius seu cognatus, qui actionis formam significet, *Invidiam* puta, vel communis cum multis aliis verbis activis, ut *Honorem*, *Speciem*, *Fortunam*, quæ sunt Objectum actionis, sive materia circa quam invidentia seu malignus intuitus occupatur. Horatianum illud nosti: *Non semper idem floribus est honos*, cui simile hoc Virgilianum: *Frigidus aut sylvis Aquilo decussit honorem*. Apud Plautum Rudent. naufragio ejecti uvidique verba sunt: *O scirpe, scirpe laudo fortunas tuas, qui semper servas gloriam aritudinis*. Hunc scirpo fortunam & aritudinem invidere recte dixeris, cum laudationi non addat verbum *Præfiscini*, quod quidem veteres consuetudine fecisse nosti, ut sine invidia laudem se impertitos probarent. Apud Titinium in Setina, cum Paula mulier novam nuptam ut omnium, quæ Setiæ essent, puellarum pulcherrimam ita collaudasset: *Accede ad sponsum audaciter: virgo nulla est talis Setia*, ab alio nescio quo sic monetur: *Paula mea amabo pol tu ad laudem addito Præfiscini*, nempe, ut Charisius notat, *ne puella fascinetur*. Sed simplicius certiusque est cognatum accusativum subaudiri, ut dictum putetur *Invidere alicui invidiam*, sicut *Vovere alicui votum*, *Pugnare pugnam*, *Ludere ludum*, *Quærere quæstum*, *Furere furem*, *Vomere vomitum*, *Basare basia*, *Turbare turbas*, *Jurare jusjurandum*, *Currere cursum*, *Gaudere gaudium*, *Ridere risum*, *Somniare somnium*, *Vivere vitam*, *Nocere noxam*, *Servire servitutem*, Sicut ergo, cum dicit Lucretius: *Tibi ridens aquora ponti*, subaudimus *Risum*, & in hoc Tullii, *Gaudeo tibi*, *Gaudium*, in ista ejusdem Lucretii: *Sibi quisque valere & vivere doctus*, *Valitudinem & Vitam*, in pervulgato *Nocere alicui*, *Noxam*,

*xam*, in *Servire alicui*, *servitutem*: similiter in *Invidere alicui* suppressum audimus *Invidiam*, etsi *Invidere aliquem* non minus recte dicitur, quam *Nocere* & *Servire aliquem*, quæ Plautus frequentat. Eodem certe modo *Adulari aliquem* Ciceroni & æqualibus in usu fuit, non tamen ut *Adulari alicui* aspernarentur, quod perperam Quintilianus sibi persuaserat: nam apud Nepotem, cuius dictionem tamquam divinam ipse prædicabat Cicerone, in Attici vita legimus: *Neque eo magis potenti adulatus est Antonio*. Sic apud Livium lib. 3. 69. *Consules per prodicionem dignitatis patrum plebi adulosos*, sed in eo *Adulationem* subauditur. Est ergo circa verborum Attianorum Syntaxin primus Ciceronis error, quod quomodo ea Rationi sit consentanea minime percepit, id est, Figuram, Accusativi puta ellipsin, non animadvertit. Non minus tamen Ratio eum fugit, cum *Invidere*, cum accusativo bene loquentium & scribentium Consuetudini repugnare censet: nam & ipse hoc ipso Tusculanarum loco duobus ante versibus ita scripserat: *Invidiam tum est, cum invidetur*, quo exemplo idem alibi: *Invidetur commodis hominum ipsorum*, ubi supplendum est *Invidia* sive *Invidere* vim nominis habens. Cum enim ista sit affirmatio, nomen pariter & verbum in ea sit necesse est, cum scilicet oratio sit, in qua de altero alterum, id est, de nomine verbum affirmatur. Jam ratio dicat, ut Nomen, quod in recto casu est passivi suppositum, idem in accusandi casu sit verbi activi appositum. Itaque si *Invidia invidetur*, à loquendi consuetudine non abhorret, non minus *Invidere invidiam*, consuetudini consentaneum fateri oportet. Sed nihil multa argumentatione opus est, cum rursus eodem libro Ciceronem *Invidere* cum accusativo ex consuetudine posuisse videamus. Sic enim loquitur: *Ut nobis optimam naturam invidisse videantur, qui nihil melius populari gloria judicant*. Cui simile hoc Virgilii: *Jam pridem nobis cæli te regia, Cæsar, invidet*. Horatius: *ego cur acquirere pauca, si possum, invideor*, ubi *Ob* seu *Propter* subaudiendum est, ut *Visuperor hoc fecisse*, pro, *ob fecisse hoc*, seu *ob hoc factum*: aut hoc modo interpungemus locum: *Ego cur, acquirere pauca si possum, invideor*. Sed vero tandem modo dixerit, sive *Invideor ob*

acquirere, sive *Invideor*, si possum acquirere, necesse est, ut recte dicatur, esse qui cum invideant, quomodo Ovidius in Laodamiæ epistola: *Troas invideo, qua sic læcrimosa suorum Funera cernunt, nec procul hostis erit*. Atque hinc satis planum jam factum arbitror, quam Cicero cum aliorum, tum propriæ consuetudinis oblitus fuerit, cum se, ne verbo *Invidere* accusativum jungeret, consuetudine prohiberi dixit, nec poetam Attium, quod Rationi serviens a consuetudine discesserit, insolentiæ & audaciæ insimulare dubitavit. Jam quod ad versiculi Attiani sententiam attinet, fallitur non parum Cicero, cum sensus nihil interesse arbitratur, sive *Flori*, sive *Florem invidit*, in eo legas. Ut enim ipse agnoscit, *Invidere alicui* est nimis videre in alicui, obtutu uno defixum intueri alicui, & velut idem Attius in Tereo loquitur, *conspicere in alicui*. Postea per Metonymiam causæ duplex verbi orta est notio, cum duplex invidentiæ, id est, intuitus, adspectus, &, ut ita dicam, *inspiciencia* effectus sit; unus internus subjecti, nempe dolor, alieni boni intuitu excitatus, ex quo *Dolere oculi*, sive dolori esse, aut dolorem asserre iisdicuntur, qui animo minus æquo alienum, quod intuentur, bonum ferunt: & isti *Invidere alicui* dicuntur: alter externus objecti, nempe fascinatio ejus, cujus quis bonum maligno oculo intuetur, & tunc *Invidere aliquem* dici res postulat: quo pertinet illud Virgilii: *Nescio quis tenebras oculus mihi fascinat agnos*, ubi pro *Fascinat*, per Metonymiam eodem sensu dicere poterat, *Invidet*, quo ipso sensu Attius videri potest dixisse: *Quisnam oculus florem liberorum meorum mihi invidet seu fascinat*? Catullus quidem utroque verbo indiscriminatim utitur. Prius quidem hoc modo: *Conturbabimus basia, ne sciamus, Aut ne quis malus invidere possit*. Postea autem sic: *Qua basia nec pernumerare curiosi possint, nec mala fascinare lingua*. De hujusmodi maligno invidentis oculo etiam in sacris habemus, Proverb. 23. *Ne comedas cum homine invido*. Ubi Græce est: *μή συνδέσῃς ἀνδρὶ βασκάνῳ*, id est, *ne convescares homini fascinatori*, nempe *πονηροφθάλμῳ*, mali oculi viro. In Hebræo fuerat: *Ne comedas panem mali oculi*, id est, invidentis seu maligne intuentis, qualis est operarii illius Matth. 20. ad quem Dominus: *An*  
*oculus*

oculus tuus nequam est, quia ego bonus sum? id est, an tu aliis bonitatem seu liberalitatem meam invidēs? sive an oculi tibi dolent, dum meam in alios bonitatem intueris? Eodem pertinet Horatii versus: *Non istic obliquo oculo mea commoda quisquam Limat.* nam id est, nemo ruri mihi invidet, nemo maligno oculi obtutu mea commoda corrumpit seu fascinat. Fascinationem enim sive βάσκιον dicebant, τὸν ὀφθαλμοῖς κτείνοντα καὶ φθείροντα τὸ ἔπ' αὐτοῦ ὁρᾶν, qui oculis interimit & corrumpit, quod ab ipso cernitur, ut laudatus Lambini Theocriti Scholiastes interpretatur. Atque hoc ipsum sibi volunt Attii verba, fuisse scilicet, qui obliquo & maligno oculo liberorum florem limaverit seu corruperit aut interemerit: quod contra Cicero interpretatur, fuisse, quem conspectus liberorum flos invidiæ dolore affecerit, sive, cui ex felicitatis liberorum intuitu oculi doluerint.

Reliquum nunc est, ut quæ Ciceroni erroris causa fuerit, consideremus. Grammatices videlicet doctor ei primis pueritiæ annis persuaserat, verba quædam *Ab-soluta* sive *Neutra*, hoc est, nec activa, nec passiva esse, adeoque nec Accusativum ab illis regi. Eo factum est, ut *Invidere* neutrum esse crederet, eique accusativum adiungere dubitaret: nisi si quando consuetudo & quotidiani sermonis usus regulæ illius memoriam ei excussit, etsi non minus consuetudinis cum aliorum, tum suæ, oblivisci fuit solitus, cum usus illi venit, ut de dicti scriptive ratione cogitationem aliquam susciperet, quod in examinando Attii versu jam vidimus contigisse. Ab ejusmodi errore nullum cuiquam posthac erit periculum, qui *Minervam* nostram *Sanctianam*, sive *de causis lingua Latina comentarium*, ex eaque formatas nostras *Grammaticæ latinæ institutiones* cognoverit. Sciet enim, omne Verbum, quod ὑπαρκτικόν seu Substantivum non sit, hoc est, præter *Sum* & *Fio*, aut activum, aut passivum, nihil neutrum esse, cum omnem motum aut actionem, aut passionem esse necesse sit. Sciet etiam omne verbum activum aut unum modò proprium, seu cognatum & domesticum, aut alios etiam externos, sive alienos pluribusque verbis communes Accusativos sibi adscribere, idque hoc discrimine, ut accusativo proprio significetur *Forma* actionis, quæ, ut in Scholis

loquuntur, *dat Esse actioni*, sive, per quam actio est, quod est ut in illis, quæ recensuimus, *Ridere risum, gaudere gaudium, furere furorem, vivere vitam, nocere noxam, servire servitutem*; similiterque in *Sedere sessionem, ambulare ambulationem, stare statum, saltare saltationem*: communi vero & externo *Objectum* denotetur, seu *Materia circa quam* actio occupatur, sive etiam *Effectus* quispiam, ut *Amare virtutem, Discere literas, audire vocem, videre lucem, scribere epistolam*. Non etiam causam ignorabit, cur Accusativum proprium Latini plerumque suppressere maluerint, quippe quod eum ab omnibus sua sponte subauditum iri minime dubitarent. Quis enim non intelligat Gauderi gaudium, etsi quis non nisi *Gaudere se* dixerit? Ubi tamen actionis modus & formæ ejus quoddam velut genus significaretur, cognatus ille accusativus necessario exprimebatur, ut *Gaudeo gaudium tuum, videt risum absurdum, servit servitutem publicam & durissimam, currit cursum percelerem, ambulat ambulationem solitam*; quoniam scilicet *Gaudii* species quædam sunt tuum & alterius; *Risus*, absurdus & decens, *servitutis*, publica eademque dura, & privata justa ac clemens; *Cursus*, celer & remissior; *Ambulationis*, consueta & insolita: quæ ipsa in aliis omnibus est ratio. Neque tamen propterea quod sine accusativo plerumque posita inveniantur, ea ex Activorum censu exigere decet, cum etiam ex illis Activis, quæ diversos accusativos addiscunt, plurima recitari possint, quæ absolute poni solent, eo scilicet, quoniam quis accusativorum à brevitate & compendii studio per Figuram reticeretur, quotidiani sermonis usus neminem paulo humaniorem dubitare patiebatur. Ex quo genere sunt, *Imponere alicui*, nempe sarcinam velut asino, *Pralucere alicui*, nempe facem vel cereum, *Tendere vel Pergere aliquo*, nempe iter, *Detrahere alicui*, nempe laudem, *Cedere, Decedere*, vel *Succedere alicui*, nempe locum, *Cavere sibi*, *Timere alicui*, *Metuere ab aliquo, de aliquo, pro aliquo*, nempe malum, *Obire, Occumbere, Oppetere*, nempe mortem, *Solvit, conscendit, in portum appulit*, nempe navem, *Ignoscere alicui*, nempe peccatum, *Ire, inire, ingredi*, nempe viam, *Consulere vel Prospicere alicui*, nempe utile vel commodum, *Incipere*, nempe principium. Pleraque

que denique verba agentia, quorum suppositum in se ipsum agit, suppressere accusativum consueverunt. Cum enim legimus, *Terra movit, nox calo precipitat, bene verat, res bene habet, ira leniunt, venti tenent, venti posuere, anno vertente, volventibus annis, vestibulum pulverat, pallium maculat*: in his omnibus accusativus se subauditur, quod quidem alia idoneorum auctorum nos loca docent, in quibus ex Artis præscripto Accusativum expresserunt, id quod in *Minerva* non minus, quam superiora compluribus exemplis comprobatum vidisti. Et quoniam te non minus limato in literis iudicio præditum, quam castissimæ dictionis Latinæ potentem esse comperi, neminemque eorum, qui hodie latinè scribunt, tenere tibi antepono, minore me negotio, quod tibi jam visum est, cæteris probaturum confido, cum videlicet ipsi Tullio multis modis fraudi fuerit, erroresque tam deformes objecerit, puerilis doctrinæ præceptis perperam imbutum fuisse, multo idem magis nostræ ætatis hominibus usuvenerit oportere, ut scilicet, quando errores, quos in Grammaticorum scholis conbibuerunt, missos non fecerint, nostræque *Minerva* monita in aures animosque admiserint, veram Latinitatem non nisi per caliginem videant, inque scriptis auctorum interpretandis turpiter subinde allucinentur. Vale. Mediolan. a. d. 15, Augusti anni 1627.

## JULIO CÆSARI CAPACCIO Neapolitano.

### V.

**E**orum hominum, qui Latinis literis censentur, alios meliores scriptores, quam iudices ac censores, alios rursus meliores iudices, quam scriptores esse comperio: quod quo minus incredibile videatur, consimile quiddam in re architectonica usuvenerit in tertio Politicorum Aristoteles monet, ut scilicet longe melius de domo jam facta iudicet, qui eam colit & possidet, quam artifex, qui eam architectatus est. Minime autem obscura est ratio, cur, qui explorato de Latinitate

te judicant, non fere eleganter Latine scribant. Deest enim illis scribendi exercitatio, sine qua ut bene scribatur, fieri prorsus non potest. Omnem quippe operam in iis occupant, quæ ad eruditionis copiam faciunt, Grammaticos veteres omnes diligenter excutiunt, cum eos, qui vel artem totam, vel de certa ejus parte commentati sunt, quos duobus voluminibus comprehensos Putschius postremum edidit; tum illos, qui de verborum Latinorum origine, significatione aut usu literis aliquid consignarunt, quorum sunt Varro, Festus, Agellius, Macrobius, Nonius, Philoxenus, Placidus, Isidorus alique Glossarum scriptores; tum eos denique, qui veteres auctores explanandos susceperunt, tanquam Asconius Pedianus Ciceronem, Cornutus Persium, Donatus & Eugraphius Terentium, Servius & Junius Phylargyrius Virgilium, Acro Horatium, Luctatius Statum, quibus auctorem glossarum in Juvenalem & Persium à Petro Pithæo editum addamus licebit. Deinde autem ipsos linguæ auctores, eorumque ætates diligentissime inter se contendunt, ut non modo, quæ cuique auctorum sua ac propria sint, sed etiam quid quaque latini sermonis ætate sit dignius, discernere queant, cum jam tum ætate sua Fabius, aliquanto etiam ante Seneca linguam ab ævi Augustæi puritate degenerasse fateantur. Adhæc in meliorum temporum auctoribus non verborum modo loquendique generum elegantiam animadvertunt, sed hoc amplius origines ac nativas, & (velut Varro loquitur) primigenias vocabulorum significationes indagare curæ habent, cum certum habeant, unam tantum uniuscujusque vocis significationem esse, reliquas eis per Tropum aliquem accessisse. Præterea delectu utuntur in auctorum editionibus, nec una illa, quam eis casus obtulit, contenti sunt, sed operam dant, ut quam emendatissima accuratissimeque cum veteribus libris collata & typis expressa potiantur: nam his annis sexaginta proximis omnes bibliothecas publicas ac privatas summo studio excusas fuisse constat, eoque contigit, ut omnes fere scriptores veteres ab hominibus ingenio, doctrina & judicio præstantibus recensiti, notisque & animadversionibus, nonnulli etiam justis explanationum commen-

tariis

tariis auctiores prodirent, quorum operam refutare & aspernari beneficium non nisi ejus videtur, quem frugibus divino beneficio inventis adhuc glandibus victitare delectet. Qui vero auctores hodie ex Colonienſium præcipuè & Venetorum typographorum officinis exeunt, tot mendis ac prodigiſis erroribus obſiti deprehenduntur, ut neque ipſi cuiquam uſui eſſe poſſint, & id genus furtum, vel dicam ſacrilegium nefariis illis hominibus impune eſſe, nec ab iis, qui rerum potiuntur, *gladio ad vindictam malorum* ipſius commiſſo recidi ad perpetuam eorum ignominiam pertineat. Porro autem ne illa quidem cognoscere eos piget, quæ recentiores Critici & politiores literas profeſſi velut ſymbolæ conferendæ cauſa multo ſtudio elucubrarunt, qualia ſunt, quæ compluribus Theſauri Critici Tomis Gruterus tuit complexus, tum varia Petri Viſtorii, Guilhelmi Budæi, Hadriani Turnebi, Barnabæ Briſſonii, Jacobi Cujacii, Petri & Nicolai Fabrorum, Andrææ Alciati, Caroli Sigonii, Antonii Auguſtini, Petri Ciacconii, Fulvii Urſini, Oberti Giſanii, Scipionis Gentilis, in primisque Juſti Lipſi opera. In illis enim etiam qui veteres omnes translegerit, longe plurima inveniet, quæ ignoret, quæque ab eo, qui hoſpes in literis videri nolit, ſciri debere judicet. Ad extremum hoc etiam ad rem pertinere judicant, ut uſum habeant veterum monumentorum tamquam numiſmatum, inſcriptionum & codicum multis abhinc ſæculis ſcriptorum, ut ne in antiquitate penitus hoſpites ſint, ſemperque aliis de ea referentibus credere neceſſe habeant. Atque iſta ſerè ſunt, in quæ curas ſuas ii diſtrahunt, qui Critici perhiberi ac de literis literatiſque judices ſedere poſtulant: quæ quidem tam multa tamque varia ſunt, ut eos orationis cultui vacare pœne ſit inconceſſum. Nam nec illa res non totum ſibi hominem videtur vindicare, cum etſi perpauci, quos quis ſcribendo imitetur, multum tamen ei ac ſæpe lectitandi ſint, ne in vitium illud incidat, quod *νομιολογία* Fabius vocat, quod eſt miſta quædam & confuſa ex variis inter ſe diſſimillimis verborum generibus dicendi ratio: quo ſerè vitio Tranſalpini homines laborant, id quod minus, quam Itali, judicio valeant. Hi enim quod exactiſſimi judiciū eſſe



Fabius rectè censet, qui sit in uno quoque genere optimus, sumunt imitandum, tum ut quisque est optimo simillimus. Ita poetæ Virgilium, Horatium, Lucretium, Catullum, Tibullum & Propertium, tamquam ætate conjunctiores & inter se similiores dignos demum censent, ad quorum exemplum in scribendo conformentur. Qui verò solutæ orationis laudem animo affectant, Ciceronem, Cæsarem, Cornelium Nepotem & Livium, quosque Cicero deterso antiquitatis squalore imitandos ipse censuit, Plautum & Terentium exprimere conantur. Reliquos tamquam istorum dissimiliores, ex eoque deteriores ( quod non ferè ne ipsi quidem inficiantur ) aut prorsus missos faciunt, aut hæcenus tantum cognoscunt, ut ex iis ea excerpant, quæ ex multo superiorum usu ejus esse notæ judicant, ut ea ne Cicero quidem dedignaturus fuisse videatur. Hinc porro evenit, ut longe plures una Italia, quam cætera Europa, produxerit seu solutæ, seu pedibus illigatæ orationis laude insignes, quorum non paucos ne Ciceronis quidem & Virgilii ætas aspernetur. Rursum tamen contingere Italis fatendum est, ut fere quo quisque est scribendo cultior, si in congressu hominum doctorum ( eorum dico, qui docti sunt, non qui tales se existimari satis habent ) de re literaria mentio sit illata, aut turpiter obmutescat, aut ea in medium afferat, quæ nihil eum quovis flosore aut caprimulgo interesse arguant, adeoque ludum intelligentibus jocumque faciant. Neque tamen hoc eo fit, quod non longe judicio Itali cæteros Europæos præstent, sed quod nemo de illo, quod cognitum non habet, explore liquidoque judicare potest. Sed nec hoc non eis in loco usuvenit, ut parum caveant, ne orationem cæterum purissimam & elegantissimam iis vel verbis, vel loquendi generibus inquinent quæ ipsis, seu malorum librorum lectio, sive hominum non satis doctorum usus, seu denique vernaculi sermonis idioma nec opinantibus affricuit: quod fortassis effugerent, si aut ipsi plura legisent & observassent, aut se suaque minus amarent, nec eos, quos plus eruditioni, quam eloquentiæ & ornatui operæ tribuisse norunt, consulere fastidirent. Exemplo sit vel civis tuus nobilissimus Sannazarius, qui

qui quidem omnium nationum concessu Latine scribendi palmam ita sibi vindicavit, ut nullo genere vel Tibullo, vel Propertio inferior censeatur, unoque omnes ore hoc Bembi Cardinalis elogium, quod cum apud vos essem Mausolæo ejus inscriptum mihi monstrabas, in eum consentiant.

*Da sacro cineri flores: hic ille Maroni*

*Sincerus Musa proximus, ut tumulo.*

Hic tamen præ se *Angelum Bassum*, à patria *Politiani* nomine notio-rem, non aliter quam si vix ultimæ notæ Grammatista foret, contemnere & versibus insectari ausus est, quod eum sermonis puritate minimè sibi parem esse recte judicaret. Etsi enim ille quoque versus scripsit Latinos, qui vetustati se possint inferere, nihil tamen ad Sannazarium. Habuit tamen alia, quorum causa non Sannazarius modo, sed quotquot ætas illa, doctorum hominum minime sterilis, habuit, quotque exinde ad hanc usque diem Europa tulit, eum & colere & admirari merito poterant. Mitto Jurisprudentiam, mitto Philosophiam, in qua Marfilio Ficino Platonico & Johanne Argyropilo Peripatetico doctoribus, Pico verò Mirandulano studiorum socio tantum profecerat, ut eam magno cum applausu publicè doceret: Græcos versus ea elegantia scripsit, ut Græcorum nemini priores relinquere judicaretur. Latina verò ejus oratio etsi *καυσιμαδον*, de quo dixi, effugere curæ non habuit, tantum tamen habet Veneris tantumque argutiæ, ut nemini, quamvis decies relecta, satietatem afferat, aut, ut Plinius loquitur, tædio veniat. Quem denique censes eum fuisse, cui se homo Italicis ingeniis palam iniquus Josephus Burdosciger continere non potuit, quin hoc in castigationibus Catullianis præconium impertiretur? *Omnium maxime ridiculus Marullus, qui cum nullum, aut admodum exiguum sensum harum literarum haberet, ridet Politianum, virum non solum se majorem, sed & cum nullo nostræ ætatis comparandum.* Putares hoc eum pacto injuriam redimere conatum, quam Julius pater ejus Politiani manibus fecerat, cum non solum immaniter, sed & mendaciter in poematis hoc ei versu insultavit: *Obsceno moreris sed Politiane furore*, quod quidem à Medicæ domus æmulis confictum fuisse

fuisse Johannes Pierius Valerianus de literatorum infelicitate lib. 2. hoc modo testatum facit:

*Angelus Politianus nullius ignarus: eruditionis & disciplina cum in adversa Medicorum procerum tempora incidisset, inclinantibus jam Petri, quem ipse literis instituerat, rebus, in eam incidit agrestudinem, ut in multis & variis molestiis cogitationibusque consolationem nullam admittere voluerit, atque ita demum dolore mestitiaque confectus expiravit; quodque illi longe fuit infelicius, confecta in eum turpitudinis fabula, maledicentissimis obreftationibus proscissus calumniatusque est, utque ea gens (Florentina) promptissima est ad insimulandum, in invidiam Petri ipsius ignominiosam aliam mortis voluntaria causam universo terrarum orbi magna cum ejus infamia propalarunt.*

Nimirum hoc Politiani peccatum fuit maximum, quod disciplinæ ejus alumnus Petrus Laurentii literarum parentis filius ea corporis specie fuit, ut multi non sibi potius, quam Politiano, familiarem ejus usum contigisse, æquis animis concoquere vix possent. Hinc illud natum Bartholomæi Scalæ insulsi ac malevolentissimo genio nati hominis epigramma, quod Politianus innocentia suæ sibi conscius ultro in epistolis suis evulgavit, cui etiam quid pro se reposuerit, operæ pretium est cognoscere:

*Sunt (inquit) quidam familiares tui, qui latere cavillum nescio quod in calce dicant istius epigrammatis, quod equidem nec agnosco, nec credo, nam & tu homo prudens non temere jeceris in alterum, quod in te facile rejiciatur: & me adeo morum non pœnitet, ut si surpiculè aut nequiter quippiam dixeris, pertinere id ad me ideo credam.*

Sed ad Sannazarium ex diverticulo revertor: qui si Politianum velut multis millibus se doctiorem consulere, quam propter invidiam & esurientis illius Græculi, Marulli amicitiam (quem idem Pierius inter horrendas diras distaque in aternos aspera verba Deos in aquæ modicæ rivo suffocatum interisse auctor est) laudes ejus obrectare & infestis eum versibus discerpere maluisset, cum alia non pauca ab eo discere, tum hoc etiam moneri poterat, ne poemata sua verbo non modo fordido,  
sed

sed & barbaro contaminaret, quod est *Permingere*, nec enim quisquam Latinorum *Mingo*, umquam, sed *Mejo* dixisse reperitur. Eadem ipsa porro fiducia sui nimia hominumque literatorum minus ornate scribere solitorum contemptus aliis quoque magni nominis hominibus fraudi fuit, ut eorum hodie opera cedro minime indigna fœdis quibusdam mendis deformata habeamus. Hujus rei illustria exempla complura in eo libro, quem de stili Historici virtutibus decem ab hinc annis conscripsimus, lector inveniet. Hoc loco libet pauca ex *illustrium poetarum Italorum tomo primo* Lutetiæ an. 1576. edito (quoniam ejus libri copiam superioribus hebdomadis amici comitate nactus sum) in medium afferre, ut non id modo, quod dicere cœperam, lectori probem, sed alii etiam magnis ingeniis præditi modestè de se sentire discant, nec alienam censuram prorsus velut supervacuum aspernentur. Pagina ergo tertia in Johannis Cargæ tersissimis magnæque pietatis carminibus hunc invenio Senarium, *Ut te secutus clara super sidera*: ubi priorem syllabam in *Super* produci videmus, quam brevem esse nec puer sine flagitio ignoret. Pagina postea 37. averfa in politissimi prorsusque ad unguem facti hominis F. Marii Mollæ elegia pentametrum hunc lego: *Imperio dignus qui videretur erat*: ubi; secunda in *Videretur* vitiole corripitur. Idem pagina 39. averfa: *Arctius at miserum vincierant oculi*, pro *Vinxerant*, quod rectum erat. Et pag. 47. *Me duce lata tua mittantur nuncia genti*. Mendoso scilicet aut adulterino Catulli versu inductus, *Nuncium* nomen substantivum esse credidit, cum auctorum usus & veterum Grammaticorum contestatio planum faciat, adjectivum esse, cum quo semper substantivum subaudiatur, ut *Nuncius* homo, vel rumor vel sermo, *Nuncia* fama vel res, *Nuncium* verbum. Et pag. 48. averfa: *In tibi vicino me velis esse loco*, posteriore in *Velis* ex longa facit brevem. In Paltafaris Castilionis summi poetæ eleg. pag. 68. *Carcer neutro genere dictum invenio. Et validum nimis hac lumina carcer habent*. Sed ille *Carcerem* fortasse scripserat, nec enim usque eo antiquarium fuisse credo, ut Claudium Quadrigarium imitari voluerit, cujus ex quarto Annali Priscianus recitat: *Ne ad carcer perveneris*.

g. x. jam

Jam pag. 69. plorantibus, opinor, Musis *Rideo* primæ correpta protulit hoc verſu: *Hunc ego delicias facio, ar-rideoque jocorque*. Pag. 165. averſa in Petri Bembi elegia: *Et me ſi videat quis veſtrum accedere ad illam, Avertat ſe, aliam diſſimuletque viam*: Diſſimulare pro Aſſimulare nulla prorsus ratione dicitur, cum res contrario nomine oppoſitas ſignificent. Sed ei fortasſe mendoſus Plauti verſus impoſuit Epid. act. 2. ſc. 2. *Atque diſſimulato quaſi per totam urbem hominem quaſiveris*. Ubi ſcriptorum codicum fide jam annis abhinc amplius triginta reponendum monui: *Itaque aſſimulato*. Ejuſdem Bembi eſt pag. 174. averſa: *Ten' decuit toties ultima damna pati*? quomodo & Paulum Manutium, alioſque claros viros *Dammum* vel *Detrimentum* pati dicere ſcio. Sed id haud dubie barbarum eſt, cum idioma Latini ſermonis poſtulet, *Facere, capere, accipere damnum, aut damno affici*, ſive ut Terentius ait, *augeri*. Unus Seneca philoſophica licentia ſic ſibi loqui permittit lib. 1. de Ira cap. 2. *Totos populos capitis damna paſſos*. Cato apud Agellium lib. 11. cap. 2. videri queat nove dixiſſe *Detrimentum facere* pro efficere, afferre, ſive ut rure loquuntur cauſare: *Si nihil exerceas vitam, inertia atque torpedo plus detrimenti facit, quam exercitatio*. Sed etiam, qui afficitur damno, aliquid rei ſuæ demit ſeu deterit, ſimiliterque jacet aut projicit, unde *jaſturam facere* dicimus. Pag. 209. averſa in Andreae Naugerii hymno eſt: *Tu dum ſers nova nuncia, quod jam in Moſſa notavi*. Pag. 235. in Antonii Marii verſu *Cupiditas* ſecundam habet productam in hoc Jambico dimetro: *Non me impiis cupiditas*. Pag. 273. averſa Jani Etruſci verſus eſt: *Quod liquidi irrigant fontes per opaca viarum*. Ubi *Irrigo* media longa poni quis non ſtomachetur? Pag. 285. averſa in Annibalis Cruceii epigrammate: *Exoſusque mihi alterius conſtringor amore*. Exoſus pro Inviſus ponitur, vel Offenſus, quod Suetonius uſurpat in Galba cap. 16. *Per hac prope univerſis ordinibus offenſus vel præcipua invidia flagra-avit abud milites*. Sed multo locupletio-rem ea vocis ſignificatio auctorem habet, Ciceronem puta Verrin. 3. *O miſerum atque invidioſum offenſumque paucorum culpa ordinem ſenatorum*. qui etiam pro eodem *inſenſum* dicit Catil. 1. *Si me meis civibus ſuſpectum tam graviter atque inſen-*

*inensum viderem* . Plautus eodem sensu *Infestum* Trucul-  
act. 1. sc. 1. *Quem infestum ac odiosum sibi esse memorabat* .  
Et Livius lib. 26. 39. *Nico Tarentinus non publico modo ,*  
*sed privato etiam odio invisus atque infestus Romanis* . Exo-  
sus non nisi *ἰσχυρῶς* dicitur . Virgil. *Pugnas exosa re-*  
*linquo* . Ubi Servius : *Exosus ὁ Perosus de eo tantum, qui*  
*odit , dicitur* . Plauti Amph. 2. 3. f. 2. verba *Alcumenæ*  
*sunt : Inimicos semper osa sum obtuerier* . Agellius nequa-  
quam idoneus Latinitatis auctor primus eo *παύτως*  
usus est . Jam in Joh. Matthæi Toscani venustissimis poe-  
matis pag. 6. lego : *Hellæspontiacam cedat , qui ratibus*  
*oram* . Ubi prima in *Ratibus* male producitur . Ejusdem  
pag. 11. averfa *Vibicem* media correpta habemus : *Vibici-*  
*bis textit lavia membra flagrum* , ubi etiam corpus vibici-  
bus tegere , pro notare , implere , minime Latine dici  
videtur . Idem pag. 14. *Petiturus* secunda brevi extulit :  
*Vel solidi petiturus auri* , quomodo & pag. 23. *Mentis eat*  
*petiturus arces* . Pag. 17. *Stagiram* Aristotelis patriam me-  
dia brevi dixit , cum sit *στάγυρα* Pag. 32. averfa : *Difficili*  
*spatio dissita terra vetat* , pro Terra remota . *Diffitus* sic  
Latine non dicitur , etsi recentiorum doctissimi quique  
eo uti non dubitant . Significat enim dispersus , dissemi-  
natus , diditus , à *Disfero* quod est sparsim fero sive semi-  
no . Ita Lucretius *vim anima per totum corpus diffitam* di-  
cit . *Longe diffitus* pro remotus Apuleii asino , quem Tul-  
lio aut Livio dignius est . Pag. 36. averfa *Vitare* prima  
brevi ab eodem Toscano positum miror : *Hanc ergo ut*  
*maculam vitemus ipsa* . Idem pag. 58. *Mellitam* media  
brevi præfert in hoc phaleuco : *Ista mellitula ora suavia-*  
*ri* . Non ita Urbanus noster Pontifex Maximus in ex-  
temporali disticho suo de aqua Mellita Vaticani fontis,  
cum eam Scioppio probatam comperisset :

*Parcite Romani Mellitam dicere , laus est*

*Maxima Germano me placuisse viro .*

Ut autem aliud præterea specimen exhibeam , ex quo  
cerni possit , quam necessaria sit vel eloquentissimis ho-  
minibus amici non Humaniores modo , sed etiam Inte-  
riores literas docti admonitio , quotusquisque est eorum ,  
qui elegantix Latinæ laude florent , cui religio sit di-  
cere , *Ego fabulis nullam fidem adhibeo* , pro nihil credo .  
quos si quis eo nomine reprehendat , trium primæ clas-  
sis

lis scriptorum auctoritate se tutari volent. Primum enim Plaut. Rud. act. 4. sc. 2. ita loquitur:

*Quamquam ad ignotum arbitrum me appellis, si adhibebit fidem,*

*Et si est ignotus, notus est: si non notus ignotissimus est.*

At enim hoc loco *Adhibere fidem* non est *Credere*, sed *afferre fidem*, uti *fide* ad causam dijudicandam, sicut *adhibere diligentiam*, *adhibere officium* erga aliquem, *adhibere alicui consolationem*, *adhibere fidem* in amicorum periculis, oratio lumen rebus *adhibere* debet. Deinde ex Ciceronis 2. de div. afferunt: *Quod si insanorum visis fides non est adhibenda, quia falsa sunt, cur credatur somniantium visis, qua multo etiam perturbatiora sunt?* Ubi perspicue contendunt, *Adhibere fidem* pro *Credere* usurpari. At enim si fecissent, quod eis, qui verè de literis judicare volunt, faciendum demonstravi, ut veteres scilicet codices, aut editos, veterum fide diligenter emendatos, consulerent, non *Adhibenda*, sed *Habenda* Ciceronem scripsisse scirent. Legant Petri Victorii notas, consulant Manutii & Gruteri editiones, invenient, scio, cur ipsos erroris tædeat. Tandem apud Cornelium Nepotem in Themistoclis vita sic legi defendunt: *Æquum esse illos viros bonos nobilesque mittere, quibus fides adhiberetur, qui rem explorarent.* Sed Lambinus edidit: *quibus fides haberetur*, monetque in notis: *Sic legendum, non ut habent vitiosi codices, Adhiberetur.* Verum mihi dubium non est, quin totum hoc, *Quibus fides haberetur*, ex glossa vel interpretatione ad oram libri posita, in contextum orationis irrepperit, eoque expungi debeat. Est enim palam otiosum. Si enim Lacedemonii ex civibus suis viros bonos nobilesque Athenas mitterent, qui rem explorarent, fieri aliter non poterat, quin maximam eis rerum omnium fidem haberent. Minus autem difficulter ei hoc probavero, qui assidua hujus scriptoris lectione non semel idem ei usuvenisse deprehenderit, ut scilicet quæ quis verba interpretandi causa adscripsisset, ea posterius simul cum auctoris verbis librarii perscriberent, cujus rei unum alterumque specimen placet subjicere. In vita Miltiadis ita legimus.

*Cum multi ejus demigrationis peterent societatem, ex his*

*his delecti Delphos deliberatum missi sunt ( qui consulerent Apollinem ) quo potissimum duce uterentur . His consulentiis nominatim Pythia praecepit , ut Miltiadem sibi imperatorem sumerent .*

Ubi verba his signis ( ) à me inclusa sine dubio sunt adventitia, nec enim delecti illi hoc deliberarunt, quinam consulere Apollinem deberent, sed ipsi potius eam rem consuluerunt. Aliud quippe est, Missi sunt ut deliberarent, à quibus consuleretur Apollo; aliud, Missi sunt, ut deliberarent, quem sibi imperatorem sumerent. Sed nimirum verba inclusa adscripta fuerant ab eo, qui declarare volebat vim vocis *Deliberatum*. Eam porro idem valere, quod *Consulere*, hic ejusdem Nepotis in Themistocle locus ostendit:

*Miserunt Delphos consultum, quidnam facerent de rebus suis. Deliberantibus Pythia respondit, ut mœnibus ligneis se munirent.*

Alter locus est in vita Timothei:

*Huic in consilium dantur duo, usu & sapientia praestantes ( quorum consilio uteretur ) pater & socer.*

Hic similiter verba inclusa sunt interpretatio ejus, quod dictum fuerat, *Dantur in consilium*, ut mirer Lambinum glossematam putidum ejicere non ausum. Magis tamen est, quod mirer, & Lambinum, & eos, qui post illum Nepoti manus admoverunt, cum omnia auctorum loca, in quibus Nepotis sit mentio, studiosè in unum congestissent, Ciceronis locum omisisse, qui unus trium millium instar esse poterat. Is est lib. 16. ad Attic. epist. 5.

*Nepotis epistolam expecto. Cupidus ille meorum? qui ea, quibus maxime γαυρία ( gloriator ) legenda non putet. Et ais, μὴ δ' ἀμύμωρα ( post irreprehensibilem ) in verò ἀμύμων ( inculpabilis ) ille quidem ἀμβροτός ( immortalis seu divinus ) Mearum epistolarum nulla est συλλογὴ ( Collectio ) sed habet Tiro instar septuaginta, & quidem sunt à te quadam sumenda. Eas ego oportet perspiciam, corrigam, tum denique edentur.*

Nimirum Attico scripserat Nepos, maximi se Ciceronis epistolas facere, vehementerque adeo cupere, ut earum epistolarum volumen edatur. Hujus rei Cicero-nem Atticus certiore faciens, ei gratulandum duxit,



cum tanti à Nepote fieret, qui præsertim unus omnium elegantissime scriberet, & ab ipso Cicerone alter esset, velut ab Achille Ajax, qui Homero describi solet fortissimus.

Τῶν ἄλλων δαυαῶν μετ' ἀμύμονα τηλεφῶνα

*Ex Græcorum aliis post inculpabilem Achillem.*

Respondet ergo Cicero, permirum sibi videri suas epistolas à Nepote expeti, quem tam elegantis ac fastidiosi iudicii esse comperisset, ut etiam illa, de quibus ipse maxime sibi placeret, aspernaretur. Cæterum non se, sed Atticum esse illum, qui cum Achille comparari debeat, omnique reprehensione vacet. Nepotem verò prorsus in Latine scribendo divinum esse, eoque incomparabilem. Quo vero nomine Ciceronis epistolas Nepos tanti faceret, ipse in vita Attici totidem verbis promptum habere voluit.

*Qui legat volumina epistolarum Ciceronis ad Atticum missarum, non multum desideret historiam contextam illorum temporum. Sic enim omnia de studiis principum, vitiis ducum, mutationibus reipub. perscripta sunt, ut nihil in iis non appareat, & facile existimari possit, prudentiam quodammodo esse divinationem. Non enim Cicero ea solum, qua vivo se acciderunt, futura prædixit, sed etiam qua nunc usu veniunt, cecinit ut vates.*

Hinc porro judicari potest, cujus notæ Critici sint, qui historiam belli Trojani, quæ *Daretis Phrygii* nomen præfert, à Cornelio Nepote Latine conversam censuere. *Elegantia stili ductos* id fecisse Johannes Savaro, homo Gallus iudicat. Haud vidi magis: cum qui vel primoribus labris bonos Latinitatis auctores attigit, historiam tam luculentam non nisi ab homine indoctissimo, qui nec minimum Latini sermonis gustum umquam hauserit, scribi potuisse statim agnoscat. Ita in omnibus pagellis ea se offerunt, quæ *τῶν κοινοβίων* claustra resipiant, aut Actuariorum cancellos nuper admodum refrigerisse videantur. Facilius multo intelligentibus fidem fecissent, si alteram historiam, cujus *Diclys Cretensis* auctor inscribitur, ad Nepotem retulissent, quippe ad cuius stili similitudinem illa proxime accedit, ut omnino Velleii, Valerii Maximi & Curtii ætate ab aliquo elegantis

gantis ingenii & iudicii homine animi gratia & exercitationis scripta videatur, etsi nonnullis locis aliquid mali à mala ei objectum est manui; quod & belli Alexandrini scriptori; & aliis præterea contigit. Josias Mercerus, vir sanè magnæ eruditionis acrique iudicio; perfrivolis ducitur argumentis, ut eam post Constantini demum Magni ætatem scriptam putet. Scilicet in præfatione *Consularis Cræta* fit mentio; quæ imperii appellatio est recentior. At enim Præfationem non ejusdem esse; cuius est historia; quivis non indoctissimus facile intelligat: quam haud dubie indoctus quispiam nugator subjecit. Tum in aliis scriptis codicibus; quos editi sunt secuti, non *Consularis*, sed *Præses* legitur, nihil autem Mercerus affert, cur suo tantum codici credere alios postulet. qui quod quædam loquendi genera Latinæ linguæ puritate non satis digna in eadem historia legi censeret; profectò se jam depontanum factum probat, quem jam domi se continere; nec suffragii ferendi in literarum Comitium ire par fuerit. Lib. 2. in prius editis legebatur:

*Namque nostros multorum dierum navigatione aliquantum exhaustos maxime presentia Telephi exanimavero. Et infrà: Cohortati suos quisque acie conflixerat. Tum verò aliquantulum tracto certamine plurimi utriusque partis cadunt.*

Mercerus utrobique in aliquantum edidit, annotatque: *Ita libri; & sic sæpe noster; à cujus sæculo non est exigenda Latini sermonis puritas.* Sed primum falsum est; sæpè sic apud hunc scriptorem legi. nec enim præterea est locus in omni ea historia; ubi vocis *Aliquantum* idem usus sit. Deinde negare Mercerus nequit, nec suos libros nusquam corruptæ lectionis esse. Quid ergo est; cur auctorem id potius; quod in Merceri, quam quod in aliorum libris est, scripsisse accredamus? Tandem parum Mercerus doctrina sua & bonorum auctorum usu dignum facit, cum id damnare animum inducit, quod & regulis artis congruit, & locupletissimis se auctoribus tutari potest. Ut enim in Grammaticis docui, Quantum, Tantum, Multum, Paulum, Aliquantum, Immensum, regulariter cum præpositione *Ad* vel *In*; figuratè verò sine præpositione dicuntur, ut: *Quantum pater filio, tantum poeta ingenii sui partem gaudet. Avarus multum est*

*ambitioso deterior . Senex est paulum ad rem attentior . Adolescens aliquantum animo omissior . Mons immensum edisus . In his omnibus præpositionem desiderari , plurima optimorum auctorum exempla vincunt . Livius 22. 27. In tantum suam virtutem enituisse . Virgil. Nec puer Iliaca quisquam de gente Latinos In tantum spe tollet avos . Juvenal. In quantum sitis atque fames & frigora poscunt . Plinius 10. cap. 36. Solutus columbarum volatus est in'vulsum velocior . Livius 29. 25. Ad immensum augere aliquid . Et 42. 15. Dextera pars terra labo in aliquantum altitudinis diruta erat . Ubi genitivus *Altitudinis* non regitur ab *Aliquantum* , sed a suppresso nomine substantivo , quod est *Negotium* , quod similiter in omnibus reliquis adjectivis jam enumeratis subauditur . Minus autem Syntaxin istam Mercerus mirabitur , si rationem ineat , eadem ista nomina in sexto casu nullo sententiæ discrimine usurpari solere : ut Terent. Heaut. Paulo qui est homo tolerabilis . Pater aliquanto iniquior . Et Phorm. Ego isti nihilo aliter sum ac fui : Sallust. Jugurt. Cum vinea paulo processerant , igne aut lapidibus corrumpebantur . Cicero : Quanto superiores sumus , tanto nos submissius geramus . Idem : Arrogantia ingenii multo est molestissima . Senec. epist. 94. Adspice quanto aliter unusquisque populo vivat , aliter sibi . Livius extremo lib. 9. Flavium aliquanto antea desisse scriptum facere . Justin. lib. 39. Sed quanto Grypus abnuvit , tanto soror accenditur . In quibus omnibus præpositio A , & nomen *Negotio* subauditur , ut eodem sensu dicatur *Quanto magis* , & *Quantum magis* , *Quanto melior* & *Quantum melior* : quo posteriore Livius utitur lib. 3. 15. Quantum magis juniores patrum plebi se insinuabant , eo acrius contra Tribuni tendebant . Et lib. 44. 7. Quantum longius procederet , eo majorem rerum omnium inopiam sentiens . Atque hinc opinor , Mercerus intelliget , quam imperite ista Grammatici Adverbiis annumerent , quæ Præpositio eis præmissa Nomina esse clamet .*

Aliud ejus argumentum est , quia libro 5. in suis exemplaribus legerit :

*Priamus re cognita ad aram Jovis ante adificiale confugit .* annotatque : *Adificiale pro adificio sive regia Priami . Elegantiæ hujus sacris .* Atqui nihil necesse est ita nos lege-

legere, ut libri ejus exhibent, sed potius ut alii rectè habebant: *Ad aram Jovis adificialis confugit*. Id enim est ad aram Jovis Hercai, quomodo alii Græcè dicere maluerunt, ut Ovid. in Ibin. *Cui nihil Hercai profuit ara Jovis*. Hygin. fab. 91. *Paris in aram Jovis Hercai insiluit*. Festus: *Hercaus Jupiter intra consecrum domus cujusque colebatur, quem & Deum penetralem appellabant*. Servius in *Æn.* 2. *Singula domus sacrata sunt Diis, ut Culina diis penatibus, Maceries, qua ambit domum, Hercaus Jovi*. Itaque nihil Mercerus egit, cum probatæ Latinitatis laudem huic historiæ sententia sua abrogavit, ultroque gratiam ejus emendatione meritam effudit. qui non minus in eo alucinatur, quod cum libro primò membranarum suarum fide sic edidisset:

*Podalirius & Machaon, Æsculapio geniti, acciti ad id bellum ob solertiam medicina artis.*

Annotavit, Medicinam artem dictam esse, ut Terram Italiam, mulierem meretricem, Senectam ætatem. Perperam scilicet Medicinam, Senectam & Meretricem, perinde ut Italiam, nomina substantiva esse credidit. nam *Senectus* participium esse, idemque significare, quod *ὄψις*, Priscianus veterum auctoritate satis probavit. Dicebant nimirum *Senectus* vir, *Senecta* femina, *Senectum* corpus: adeoque quoties *Senectam* pro Senectute legimus, *Ætatem* subaudimus, quod quidem Mercerus Servio credere poterat in *Æn.* 11. sic monenti: *Si dicamus Senecta, aut addendum Ætas, aut intelligendum*. Meretrix non aliam rationem habet, quam Genetrix, Victrix, Altrix, quæ adjectivorum instar esse nemini potest dubium, *Medicinam* porro merum adjectivum esse, ut *Arts*, vel *Taberna* subaudiatur, quomodo tandem Mercerus tantus literator ignorare potuit? Legerat enim in Varrone lib. 4. de lingua latina: *Artificibus maxima causa ab arte, id est, ab arte medicina ut sit Medicus dictus, à Sutrina Sutor, non à mœdendo ac suendo*. Et lib. 7. *Taberna, ubi vivit caro, Laniena, ubi peller, pella suena, ubi calcei, Sutrina dicitur*. Donatus in Adel. act. 4. sc. 2. *Veteres absolute dicebant Pistrinam, ut Sutrinam & Medicinam, ad Tabernam referentes*. Charisius lib. 1. *Pistrinum neutro dicitur, sed Lucillius famini no extulit: Media à pistrina, ad Tabernam referens*. Ubi

ridiculè Josephus Burdofcaliger postrema tria verba Lucilli esse credidit, quæ Charisii esse ex Donati verbis discere poterat. Hyginus fabula 274. *Ne quis servus artem medicinam disceret*, Plinius: *Hippocrates clarissimus medicina scientia*. Cæterum Varro in eo nil præter solitum nugatur, cum Medicum à medicina, & Sutorem à Sutrina derivatum affirmat, cum nec pueri jam ignorent, nomina in *Inus* exeuntia ab eo primigenii nominis casu, qui cadat in I, formata esse. Itaque cum à participio passivo *Sutus* factum fuisset *Sutor*, ab hujus postea tertio casu *Sutori* profectum est *Sutorinus*, & per syncopen *Sutrinus*, similiterque a verbo *Piso* (priscis *Piso*, teste Diomede à Græco *πίσσω*) participio *Pistus* factum fuit *Pistor*, & à *pistori* *pistorinus* & *pistrinus*, à *Textori* *textorinus* & *textrinus*, à *Medicus*, *medici*, *medicinus*, à *Piscis*, *pisci*, *piscinus*, à *Rex*, *regi*, *reginus*, à *Sal*, *sali*, *salinus*. In *Salinum* ergo subaudimus *Vas*, In *Salina* vel *Taberna*, vel *Fodina*, in *Piscina* aqua. nam & *Petimen piscinum* Nævius teste Festo dixit. In *Regina* subauditur *Famina*, *filia*, *uxor*. Charisius: *Regina nullo modo recipiendum, nisi reciperemus & Reginum*. Itaque Virgilius *Iliam* vocat *Reginam*, nec secus *Ariadnam*, quod *filia* essent *regia*. Et Servius in illo *Æn.* 1. *Quod regia Juno monstrarat*, *Regia* interpretatur *regina*. nempe ut à *Lux* est *Lucius*, & *Lucinus*, unde *Juno Lucina*, sic à *Rex* *regius* & *reginus*. Etiam à *Taurus* exiit *Taureus* & *Taurinus*. nam ut ait Plinius, *derivationes non habent firmas regulas, sed exeunt prout auctoribus placet*. Sed quid ago? verèor ne liber exeat, quæ fieri epistola cœperat, nisi manum de tabula. Vale ergo, virorum optime & doctissime, mihi-que merito tuo carissime, & præstantem spectatæque fidei Jurisconsultum Ludovicum, filium tuum, verbis meis salvere plurimum jube.

# JOHANNI CIAMPOLO, Summo Pontifici à Brevibus epistolis.

## VI.

**S**Cio te, vir Illustrissime, si quod tibi à munere tuo negotiosissimo tribuitur otium, non id philosophicis modò, & Mathematicis studiis consumere, sed & auctorum Græcorum ac Latinorum lectione oblectare consuevisse. Itaque minime ingratum tibi facturus videor, si te ad Senecæ lectionem vocavero, quem tibi in amoribus esse satis perspectum habeo. In ejus ludo de Claudii obitu ipsum vestibulum turpissimo mendo deformatum est, quod tot homines doctissimos, qui ei emendando operam dicarunt, non sustulisse, cum id nullo negotio videatur potuisse fieri, merito mireris. Totum locum hic subjiciam, ut facilius sit rei judicium.

*Jam Phabus brevior viâ contraxerat ortum  
Lucis, & obscuri crescebant tempora somni,  
Jamque suum victrix augebat Cynthia regnum,  
Et deformis hyems gratos carpebat honores  
Divitis auctumni, visoque senescere Baccho,  
Carpebat raras serps vindemitor uvas.*

Puto magis intelligi, si dixerò, Mensis erat October, dies tertius Idus Octobris. Horam non possum tibi certam dicere. Facilius inter Philosophos, quam inter Horologia conveniet. Tamen inter sextam & septimam erat. Nîmis rusticè acquiescunt omnes poeta non contenti ortus & occasus describere, ut etiam medium diem inquietent. Tu sic transibis horam tam bonam?

*Jam medium cursu Phabus diviserat orbem,  
Et propior nocti fessas quatiebat habenas,  
Obliquo flexam deducens tramite lucem.*

Claudius animam agere cœpit, nec invenire exitum poterat.

Non dubito, quin verba illa aliquid mostelli alere judices, Nîmis rusticè acquiescunt omnes poeta. Sic enim est in omnibus scriptis libris, non ut editur: *Acquiescunt oneri poeta*, Neque verò non subolere tibi arbitror, Senecam

cam per occupationem id , quod sibi Lectorem ingerere posse intelligebat , verbis illis complecti voluisse . Vide ergo , num ductum literarum studiose persecutus ex *Acquies* rectè faciendum censuerim *Inquies* , ut totus locus ita legatur:

*Inter sextam & septimam erat . Nimis rusticè , inquies : cum omnes poeta non contenti ortus & occasus describere , etiam medium diem inquietent , tu sic transibis horam tam bonam ?*

Sensus est , nimis rustice de obitu Claudii dictum esse , cum inter horam sextam & septimam contigisse . Horam tam lætam & auspiciatam mereri ut versibus describatur . Si enim poetæ omnes ita negotiosi sint in ortu atque occasu solis , atque etiam in meridie describendo , nullam certè excusationem Senecæ debere contingere , qui horam tam bonam versibus indictam abire sinat . Quid nunc ? an etiam dubium habes , cum aut Princeps Cæsius , aut Palavicinus Marchio , aut Abbas de Comitibus more suo visum ad te veniunt , tecumque de literis , quarum scientiam cum pari generis nobilitate conjunctam habent , sermones cædere incipiunt , quin vel ludibundus nec ulla Euclidis tui demonstratione subnixus hoc eis παραδόξον persuadeas , me quamvis ingenio tardiozem aliquid tamen in literis perspexisse , quod tantorum virorum , qui priores Senecæ manus admoverunt , acumen præterierit ? neque tamen plus mihi cordi est , ut ea de re , quam de meo erga eosdem studio atque observantia fidem eis facias : quos etiam ut verbis meis salute plurima impertiaris rogo , ac te quoque ipsum cum Achate tuo , amoribus nostris , Georgio Conæo ex sua sententia valere beneque rem gerere cupiq̃ . Mediolano postrid. Kal. Maii M. DC. XXVIII.

# OCTAVIO VALENTI

## Mantuan.

### VII.

**N**on heri demum aut nudius tertius Virgilii versus corrumpi coeptos esse, auctoribus fatis, opinor, luculentis didicimus. Ut enim alios mittam, Agellii notum Atticarum scriptoris lib. 1. cap. 21. verba sunt:

*Versus istos ex Georgicis Virgilii plerique omnes sic legunt:*

At sapor indicium faciet manifestus, & ora  
Tristitia tentatum sensu torquebit amaro.

*Hyginus autem non hercle ignobilis Grammaticus in Commentariis, quæ in Virgilium fecit, confirmat & perseverat, non hoc à Virgilio relictum; sed quod ipse invenisset in libro, qui fuerit ex domo atque familia Virgilii, torquabit amaror.*

Servius etiam de hoc versu Æn. 12. *Filia prima manu flavos Lavinia crines*, ita commentatur:

*Antiqua lectio Floros habuit, id est, florulentos, pulchros, & est Ennianus sermo. Probus vetus Grammaticus sic annotavit: Neotericum erat, Flavos. Ergo bene Floros. nam sequitur: Et roseas laniata genas.*

Eiusdem Servii non multo post verba hæc legimus:

*Vera & antiqua lectio hæc est: Inter se coiisse viros, & cernere ferro. nam Ennium secutus est, qui ait: Olli cernebant magnis de rebus agentes. Posteritas capit legere — & decernere ferro. Secundum quam lectionem synalæpha opus est, ut sit, Inter se coiisse vir' & decernere ferro.*

Sed & prius eodem libro ad hunc poetæ versum, *Velati limo & verbena tempora vincti*; sic idem Servius annotat:

*Caper & Hyginus hoc loco dicunt lectionem esse corruptam, & Virgilium ita reliquisse confirmant: Velati limo. Limus autem est vestis, quæ ab umbilico usque ad pedes propæ (lego, Popæ) tegebantur. Hæc an-*  
tem



*sem vestis habet in extremo sui purpuram Limam, id est, flexuosam. unde & nomen accepit. nam Limum obliquum dicimus.*

Et Æn. 4. ad hæc verba, — *si te Carthagini arces Phœnissam, Lybicaque ad spectus detinet urbis*, de lectionis varietate sic monet:

*Sane quidam in novis & emendatis libris pro Detinet, Demeret, inventum asserunt. nam & Ciceronem Phili-  
p. 1. ita ajunt dixisse: Putasne eum immortalita-  
tem mereri voluisse.*

Similiter in hoc versu Æn. 2. *Præcipitare jubent, subjectisque urere flammis*, non eandem omnium codicum scripturam esse testatur Servius:

*Antiqua exemplaria non QUE, sed VE, habere inven-  
iuntur. VE, enim proprium significatum habet, ut in-  
terdum pro VEL accipitur,*

Possem multo plura eandem in rem veterum testimonia afferre, sed etiam istis me facile tibi, homini ingenioso & erudito, id quod habeo propositum, probaturum confido, minime scilicet temerariam videri debere conjecturam meam de hoc Virgilii loco, qui principio divinæ Æneidos legitur:

*Musa mihi causas memora, quo numine laeso,  
Quidve dolens regina Deum tot volvere casus  
Insignem pietate virum, tot adire labores  
Impulerit. tantane animis caelestibus ira?*

Hoc loco verè satageus est Servius, mirificèque se torquet in expedienda sententia verborum, *Quo numine laeso*. Primò arbitratur, *Quo* significare In quo, In qua causa, atque septimum esse casum, & communem elocutionem, cum dicimus, *Quo te laesi*, in quo Grammaticorum solemnia delirat. Semper enim Ablativus à præpositione vel expressa, vel suppressa regatur necesse est, velut coram non semel tibi demonstravi. Deinde autem *Quo numine*, ut adjectiva & substantiva conjungenda putat, ut sensus sit, Quodnam numen Junonis ab Ænea læsum fuit, cum varia sint ejus numina? Est enim Juno Lucina, est Curitis, est Regina. Tandem ex aliorum sententia separandum Junonis numen à cæterorum numinibus censet; ut quærat poeta, quodnam aliud numen, præter Junonem, læsum fuerit, tan-

tanquam scilicet Juno injurias non suas, sed alii alicui deorum factas persecuta sit, quod quam sit abhorrens ac ridiculum, qua es judicii acrimonia, sponte tua te intelligere certum habeo. Vide autem, quam plana & expedita res omnis futura sit, si poetæ verba, ut sæpe alias, item hoc loco depravata fuisse, ac nulla pæne mutatione sic legenda esse concedamus:— *quo nomine læsa*. Nam *quo nomine* est qua causa, qua re, seu qua de re. Suetonius Galba cap. 16. *Subinde jactavit. legere se militem, non emere consuevisse. Atque eo quidem nomine omnes qui ubique erant milites exacerbat*. Illo scilicet nomine læsi, ea causa exacerbati fuere milites, quod ita Claudius jactasset. Servius Sulpicius apud Ciceronem 4. famil. epist. 5. *Quid est, quod tu aut filia tua cum fortuna hoc nomine queri possitis?* Ipse quoque Cicero 2. de Finibus cap. 7. *Qui cum luxuriose viverent, à summo philosopho non reprehenderentur eo nomine*. Quærit ergo poeta, quo nomine exacerbata, quo *Æneæ* facta læsa, quidve graviter ferens Juno *Æneæ* tam addita infestaque fuerit, in quo periculum non est, ne per tautologian aliter atque aliter rem eandem extulisse verbis judicetur: quod tamen si fecisset, non esset, cur eum copiose suæ pæniteret. Sed profecto aliud lædi est, aliud dolere: nam & usuvenire potest, ut doleat, qui læsus non sit, & rursus, quem quis læserit, æquo sit animo, nec quicquam ea in re commoveatur. De hoc Paradoxo nostro quid tui sit judicii certior fieri à te studeo. Interea vale, Vir nobilissime officiique plenissime, meque tui ac tuorum omnium merito vestro amantissimum mutue amare perge. Mediolano postid. Cal. Maj. anni M. DC. XXVIII.

## BALDUINO DE MONTE Simoncello.

### VIII.

**E**T si scis, ferre non soleo eorum audaciam, qui præ corrigendi pruritu quicquid ipsis rectè habere in bonis auctoribus visum est, in medicinam abripere audent,

dent, ac vel invitis libris omnibus immutant. In Plauto tamen scripturam quamdam, quam omnes antiqui & novi codices præferunt, contra omnium doctorum hominum opinionem tam soluto liberoque animo mutare ausim, ut prorsus nihil verear, ne quis in eo mihi intercedere, aut iudicium meum reprehendere animum inducat. Amphitruonis act. 1. scena 2. legitur:

*Sed Alcumena hujus honoris gratia  
Pater curavit uno ut satum fieret,  
Uno ut labore absolvat arumnas duas,  
Et ne in suspitione ponatur stupri,  
Et clandestina ut caletur suspicio.*

Hujus loci postrema vox *Suspicio* non immerito multis mendæ suspicionem movit: nec enim expedire queas, quid sit clandestinam cælare suspicionem, cum suspicio semper sit clandestina, in pectore quippe alieno sita, ut idem in Trinum. habet Plautus. Sine dubio aliquid clam factum cælari debere Mercurius significare voluit: quid autem clam in Amphitruonis domo gestum fuerit, Plautus infra act. 5. sc. 1. ancillam sic eloquentem facit: *Jupiter se dixit clam cum Alcumena consuetum cubilibus.* Hoc ipsum ergo est, quod Jupiter cælatum voluit. Itaque Donatus in Terentii Adelph. act. 4. sc. 5. hunc Plauti versum laudans pro *Suspicio*, legit *Consuetudo*. Interpretans enim illa Comici sui verba: *Qui cum illa consuevit prius*, quo loco *Consuescere* *ἐνθυμίζω* sive honestè ponitur pro *Rem habere*, addit pro exemplo: *Ut Plautus, Et clandestina ut caletur consuetudo.* Atqui versus non petit vocem *Consuetudo*, cum sit Jambicus Senarius. Itaque pro *Consuetudo*, repono *Consuetudo*, ne fraus fiat legi pedariæ. Rectè id porro à me fieri Festus, vel potius Verrius Flaccus præstiterit, cujus hæc verba sunt: *Consuetudinem Plautus pro consuetudine dixit.* Ecque jam alium lectionis meæ fundum & auctorem à me requiras, aut quem codicem quis Verrii testimonio opponere audeat? nam quod ad Donatum attinet, etiam ille sine dubio *Consuetudo* scripserat, sed quod vox insolens videretur, ab aliis postea fuit interpolata. Facessere ergo jam alii cum suo *Susceptio*, alii cum *Susceptio*, alii cum *Huc itio*, possunt, quæ nihil sunt nisi ægrorum somnia, quod te quoque, Vir illustrissime judica-

dicaturum, persuasum habeo: qui cum cæteros locupletes linguæ Latinæ auctores multum lætitaſti feliciterque ſtilo imitaris, tum vero Plautum habes familiariffimum. Cæterum quoniam de *Conſueſcendi* verbo mentio incidit, conſiderare te hunc Cornelii Nepotis locum velim in Alcibiade:

*Quem barbari miſſis telis interfecerunt. At mulier, qua cum eo vivere conſueverat, muliebri ſua veſte conſectum adificii incendio mortuo cremavit.*

Mihi quidem dubium non eſt, quin verbum *Vivere* hinc circumſcribi tollique debeat, tamquam gloſſema ab aliquo ſciolo invecum atque inculcatum, qui non ſatis magnum bonorum auctorum uſum haberet. Illi enim *Conſueſcere cum aliquo* per Ellipſin honeſtè dicebant, ſubſtantes *Rem habere*. Hoc ex allatis Plauti & Terentii locis jam partit, quibus addere libet Cæcil. Plotio: *Uxor ait, me cum ancilla mea conſuetum*. Et Ciceron. Verrin. 5. *Huc omnes mulieres, quibuſcum iſte conſueverat, conveniebant*. Et iterum Terent. Hecyr. act. 4. ſc. 1. *Si is poſſet ab ea ſeſe derepente avellere, cum qua tot conſueſſet annos, non eum hominem ducerem*. Ubi Donatus: *Conſueſſet proprie dicitur in ſtupro*, qui etiam in hoc loco Phorm. act. 1. ſc. 3. *Expecto quam mox veniat, qui adimat hanc mihi conſuetudinem*. Nota, inquit, proprietatem: nam *Conſuetudo ſpecialiter de coitu dicitur*. Plautus iterum Ciftel. act. 1. ſc. 1. *Sed tunc umquam cum quiquam viro conſueviſti?* In qua ipſa ſcena conſimiliter a meretrice de matribusfamilias dictum videmus: *Viris cum ſuis prædicant nos ſolere, ſuas pellices eſſe ajunt*. quo exemplo de meritoriiis pueris Pfeud. act. 3. ſc. 1. *Neque ego illud poſſum, quod illi poſſunt, qui ſolent*. qui ſcilicet ex eo *Soliti* vocabantur. Eadem Pfeud. act. 4. ſc. 7. *Etiarne facere ſolitus es puer*. S I. ſcilicet ſolitum eſſe. Sed vereor, ne tibi merito *πρῶτος* videar, qui hæc apud te prædicem, quæ tu alios non minus, quam illa, quæ magno cum ſupercilio de ſuperiore loco Philoſophi præcipiunt, docere poſſis, Itaque verbum non addo. Vale.

# JOHANNI BAPTISTÆ DONIO Florentino.

## IX.

**N**on dubito, quin legendis veteribus Grammaticis sæpe eos longe aliter auctorum verba recitare deprehenderis, quam in ipsis eorum libris leguntur. Ego quidem ex facili non unum ejus rei specimen edere queam, si necesse sit. Sed ea re apud te virum Græcè & Latine doctissimum omnisque antiquitatis cum primis peritum merito supersedeo, justam *παραρτίσις* ac supervacuæ operositatis notam veritus. De cauta tantum, qua id contigerit, quid mihi videatur, aperire libet. Sæpe ergo usui venisse comperi, ut in illis auctorum exemplaribus, quæ compluribus post sæculis fuere descripta, sive sciorum audacia, sive librariorum imperitia aut oscitantia, ea, quæ Grammatici ex emendatæ scripturæ codicibus recitarant, depravarentur. Alias ipsorum quoque Grammaticorum libros vitiose descriptos fuisse comperi, ut eorum verba ultro ex auctoribus emendaridebeant. Sed non parum sæpe memoriola vacillarunt & alucinati sunt Grammatici, ut non inspectis auctorum libris verba eorum referrent, non quomodo ea ibi legantur, sed quomodo sibi legisse videbantur. Hoc innumeris Donati, Servii, Nonii, aliorumque exemplis planum facere possem, sed duobus hoc tempore contentus ero. Priscianus cæterum minimè oscitator lib. 9. ut doceat veteres à Seneca participium præteritum *Senectus* formasse, quod significaret ὁ γηράσκας, id est, is qui jam consenuit, hæc Catulli verba laudat: *Sed hac fuere non recondita senecta quiete, πῶ τὲ παροπαμαστος* En umquam quemquam plus luscitiosum aut stultivum vidi! In Catullo enim legitur; *Sed hac prius fuere, nunc recondita Senet quiete*. nec verò aliter legi res finit, cum puri sint Iambi; quo majus Prisciani flagitium est, quod versus retentu tam faciles effluere sibi passus fuerit.

Nulla genere excusabilior est Junii Phylargirii, per-  
vete-

veteris & eruditi Virgiliani interpretis alucinatio in laudando Plauti versu. Hæc enim poetæ verba Georg. 2. explanans, quæ malorum Medicorum usum docent: — *animas & olentia Medi Ora fovent illo & senibus medicantur anhelis*, ita commentatur.

*Olentia*, ad *animas* est referendum, & subaudiendum *Male olentia*. Sic Plautus in *Milite*: *Tum in Apulis non sum natus, non sum animata*.

Vult docere *Animatus* à Plauto dictum pro malè animatus, sive, qui malam aut foetidam habet animam, *plenior puta aliis ulpique quam sint Romani remiges*, ut Plautus Pænulo loquitur, qualesque veteres Romanos omnes fuisse Varro Bimargo sic dixerat:

*Avi & atavi nostri, cum allium ac cape eorum verba olerent, tamen optime animati erant*.

Primum verò permira res videtur, non animadvertisse Grammaticum, se Solæcismum in Plauti versu admittere. Si enim prius recte legit, *In Apulis non sum natus*, posterius certè non *Animata*, sed *Animatus* legere debuit. Deinde autem multo aliter in Plauto hodie legimus, hoc puta modo:

*Post Ephesi sum natus, non in Apulis, non sum in Umbria*, qui ergo factum putabimus, ut Grammaticus pro *Non sum in Umbria*, nobis repræsentaverit *Non sum animata*? Hoc est nimirum, quod docere à primo institeram, Grammaticum vel oculis minus sincerè usum, vel memoria falsum fuisse. Plautus enim ita scripserat: *Non sum Animula*, aut certè *Animula*, id est, non sum natus Animulæ, aut non sum ab Aninula, sive Animulas, quomodo apud eundem Plautum est, *Hospes Zacyntho*, pro à Zacyntho, apud Terentium *Anus Corintho* pro à Corintho, apud Lucillium *Sargus Ægypto* pro ab Ægypto. Jam Philargyrius aut oculis alucinatus pro *Animula Animata* legerat, aut saltem cum diu locum non inspexisset, ita sibi legisse visus fuerat, quando occasione verbi *Olentia* Plautini versus ei in mentem venit. Sed hoc loco, nisi me fallit, scire avebis, quo tandem divinationis genere usus, Plautum ita, ut dixi, scriptum reliquisse compererim, cum in omnibus ejus editionibus nec minimum ejuscemodi lectionis exstet vestigium. Accipe ergo quæ me vestigia ad indagandam

oruen-

eruellendamque veram lectionem tulerint. In membranis nonnullis, *Non sum in insula*, scriptum compereram, quemadmodum & alii sibi in quibusdam libris inventum fatentur, quam lectionem cum illo Philargyriano *Animata* contendenti venit in mentem, quod apud Festum legere memineram: *Animula*, *urbs parvarum opum in Apulia*. His argumentis fretus adeo nihil de lectionis, quam posui, veritate dubito, ut nihil umquam Apollinem ex tripode verius certiusque respondisse persuasum habeam, idemque ipsum tibi quoque visum iri magnopere mihi pollicear. Vale

. Viris Clarissimis & Præstantissimis  
D. Antonio Quærenge, Hieronymo Aleandro, Augustino Mascardo, Fabio Leonidæ, Hieronymo Moricuccio, Julio Rospiglioso, Ascanio Belmisserio, Paganino Gaudenzio cæterisque Academicorum Romanorum.

## X.

PRISCIANUS extremo libro decimo de Hadriano Imp. commemorat, eum per literas consuluisse Vellejum Celerem, quomodo *Ambitus* cum est participium passivum à nomine distinguatur, eique responsum à Grammatico fuisse, alterum ab altero cum declinatione, tum tenore, id est, mediæ syllabæ quantitate discerni, quia scilicet *Ambitus* participium sit secundæ declinationis, mediamque habeat productam, nomen vero sit quartæ declinationis & media correpta. Atque hoc Priscianus probat, & usu confirmari putat. Sed unus Ovidii versus, *Iussit & ambita circumdare litora terra*, non

non satis probat , ut id usu receptum credamus , cum præsertim ratio ei palam repugnet . Omnia enim reliqua participia verborum ex *Eo* & præpositione compositorum I habent breve , ut ipse Priscianus de *Aditus* , *Abitus* , *Exitus* , *Initus* , *Obitus* , & *Præteritus* recitatis poetarum verbis demonstrat . Itaque frivola est ratio illa Prisciani differentię causâ factum dicentis , ut *Ambitus* nomen esset media brevi , *Ambitus* verò participium eadem producta . Cur enim magis in hoc , quam in cæteris nomen à participio discerni oportuerit , nulla profecto reddi causâ potest . Itaque Scaurus vetustissimus Grammaticus non minus in participio *Ambitus* , quam in nomine mediam brevem esse statuit . Aut igitur omnia me fallunt , aut Hadrianus etiam ob istam Velleii sententiam satis habere causæ sibi visus est , cur *Grammaticos* more suo velut doctior videret , contemneret , & obtereret . Verum quicquid de illo sit , de Ovidio nobis minime negligendum videtur , quemadmodum crimine eum liberemus , cujus quidem rei in libro de causis linguæ latinæ mihi eveniet occasio , Sed cum artis poeticæ non sim æque peritus , vestrum velut augurum Collegium capiundum mihi visum est , quos honori summi & ingeniosissimi poetæ hoc daturos confido , ut hæc de recapita conferatis , mihi quid vobis visum sit pro illo dici à me debere , significare ne gravemini . Valete sæculi lumina , mihi quæ favete nominis vestri studiosissimo . Mediolano , a. d. 22. Martii 1628.

## I I S D E M.

### XI.

**D**E voce *Ambitus* , viri clarissimi , superiori mense ad vos retuli , quidque Hadriani Imperatoris quæsito respondendum censeretis , fieri certior à vobis studui . Sed inter moram istam aliquid ipse commentus mihi videor , quod nisi me animi fallit , nullo negotio etiam ei , qui multis partibus sit Hadriano captiosior , probare possum . *Ambitus* videlicet mediam habet ancipitem : nam I per se & ex natura sua brevis est , velut ex cæteris partici-



ticipiis *Aditus*, *Abitus*, *Exitus*, *Initus*, *Obitus* & *Præteritus*, itemque ex nomine *Itus* discimus, quo Lucretium usum videmus: *Nec sentimus itum cuiusvis cumque animantis*. Hoc autem fortuitum est, & ab eventu, quod eadem I, in *Ambitus* produci potest, quoniam ei accidit, ut ex præpositione loquelari *Ambe*, postrema vocalis E, non elidatur per Synalæpham (id quod tum fit, quando *Ambitus* I correpta effertur) sed cum consequente vocali I, in unam diphthongum coalescat. Est enim *Ambe* eo, *Ambeo*, & inde natum *Ambio*, idem quod *Circuméo*. Festus *AM*, præpositio loquelaris significat *Circum*, unde *Servus ambactus*, id est, circumactus dicitur. Sumtum ex Græca præpositione, qua est *ἀμφι* & significat *Circum*. Varro de lingua lat. lib. 6. *Ambages profectum* est à Verbo *Ambe*, quod est in *Ambitu*, *Ambustum*, quod circumustum est. *Ancilia dicta* ab *Ambecisu*, quod ea arma ab utraque parte incisa. Sicut ergo ex *Circumitus* factum est *Circuitus* I brevi, ut apud Senecam *Medea Orbem circuitis cornibus alligat*. Similiter *Ambitus* I correpta dicere oportet, si quatuor syllabis proferatur. Sin quis tribus efferat, aut E per Synalæpham elidit, ut fit in *Ambadedere* & *Ambustus*, & tum I, corripere necesse est, velut natura breve: aut E, non exteritur, sed cum I sequente coit in diphthongum, quæ jam dichthonos est, ac velut longa duo aufert tempora, quod ipsum in *Circuitus* usuvenire potest. Recte enim dixerit, *Alcida immenso tellus circuita labore*, ubi I longum est ex eventu seu per accidens, quoniam cum V antecedente in diphthongum concrevit. Sed si quis V elidat, I brevis manet, velut in *Circitor* videre est, qui est *Circuitor*, qua voce non Jurisconsultos modò & Vegetium utrosque videmus, sed & poetam in libero carmine: *Quid mecum tibi circitor moleste?* Ad idem porro exemplum *Ambitor* dicebatur I brevi, quod postrema præpositionis litera esset elisa. Servius in *Æn.* 4. *Ambitores dicuntur, qui, ut honores consequantur, discurrendo & rogando suffragia anquirunt*. Nihil autem refert, quod in *Ambitus*, cum media producitur, E scribi non solet, siquidem veteres in I longo semper diphthongum pronunciasse scimus, sic tamen ut I tempus integrum, E non nisi dimidium, vel potius tertiam temporis unius partem ab-

solve-

solveret, ita ut Velio Longo teste, *sonitus ejus ad aurē fere periret*. Quo pacto quod prius *Leiber*, postea *Liber* scribi fuit solitum, nullo quamvis enunciationis discrimine, quoniam scilicet I longa semper diphthongi sono efferebatur, Ita planum fit in *Ambitus*, cum media longa est, E inesse, idque propterea contingere, quod præpositio, ex qua vox conflata est, nullam postremæ suæ literæ elisionem passa sit. Ac de hac quidem re sic ego ænseō. Vos tamen, viri clarissimi, si meliorem tuleritis sententiam, vestra rata esto, mea nulla esto. Valete Mediolano a. d. 26. April. anni 1628.

## P E T R O V I C T O R I O Florentino.

### XII.

**P**Lures in Hetruria vestra aquas calidas earumque alias ad alium usum idoneas jam tum sua ætate fuisse Varro lib. 8. de lingua lat. literis prodidit. Eorum tamen celeberrimas fuisse Clusinas; opidulo Sancti Cassiani subjectas, Horatianus ille versiculus fidem facit. *Qui capis & stomachum supponere fontibus audent Clusinis* — Harum Tibullus lib. 3. eleg. 5. hoc modo commemorat:

*Vos tenet; Hetruscis manat qua fontibus, unda.  
Unda per æstrum non adeunda canem.  
Nunc autem Sacris Bajarum Maxima lymphis,  
Cum se purpureo verè remittit hiems.*

### Eē infra.

*At vobis Tusca celebrantur numina Nympha;  
Et facilis lenta pellitur unda manu.*

Significat nonnullos thermis innatare, quod ipse quoque abhinc circiter triennium facientes vidi. Sed tertio versu tenebræ sunt, quas vir ingenio & eruditione præstans Achilles Stätius hac explanatione dissipare conatus est: *Hetruscæ quidem aqua nullo modo per æstatem adeunda;*

ut nunt, id est, vere inelunte, etiam ipsi Bajarum aquis maxima atque optima videntur. Dandi enim casu, Sacris lymphis: positum accipio. Quo sane modo difficultas omnis tollitur, qua multos exercuit, eoque adegit adeo, ut veterem lectionem commoverent, multaque inepta & commenticia inculcarent. Sed mihi quadam die cum bene mane potum ad fontes illos equo veherer, meque loci hujus Tibulliani sententia exeritum haberet, in mentem venit minima literarum mutatione pro Maxima Proxima legendum videri, Ita sententia erit perspicua, proximam Puteolanis thermis laudem Clusinas vindicare. Non dissimiliter Virgil. — Proxima Phœbi Versibus ille facit. — Et Propert. lib. 1. eleg. 13: Nec mirum, cum sit Jove digna, & proxima Leda. Et eleg. 20. Est tibi non infra speciem, non nomine dispar, Thiodamanteo proximus ardor Hyle. Ipse quoque Tibullus lib. 4. Valgus æterno propior non alter Homero. Hanc tamen conjecturam meam tui, vir optime, facio judicii, cujus ego & eruditionem suspicio & exosculor humanitatem, teque à magno illo proavo tuo; literarum quondam principe, minime degenerare gratulor. Vale, meque ut cœpisti, porro etiam redama. Mediolano propriid. Non. Maj.

## GUILELMO MOONSIO I.C. Sereniss. Principum Electorum Colo- niensis & Bavari Consiliario.

### XIII.

**I**Ta est, vir clarissime, non semel tibi coram probavi. Valde propitias & quarumvis fabularum capaces auriculas in Batavis tuis Josephus Burdoscaliger invenerat. Ut enim alia multo plurima prætermittam, quorum familiam duxerit, quod eis se Scaligerum & ab illis Veronæ principibus oriundum persuasit, quem nos ex infima Veronensis plebis sæce, velut ex sterquilinio & Burdonio fimeto Scarabæum existisse, luculentissime demonstratum novimus: de Propertii quidem patria tam absurda, nec solum manifeste falsa, sed & indocta, ac-  
neque

neque in eo, qui sit in literis infimæum unus, ullo pacto toleranda popularibus illis tuis obtrusit, ut aurem Batavam eis non immerito approbari te ipsum judicatorum certus sis. Propertii versus sunt lib. 4. eleg. 1.


*Ut nostris summasæta superbiat Umbria libris,  
Umbria Romani patria Callimachi.  
Scandentes si quis cernet de vallibus arces,  
Ingenio muros æstimet ille meo.*

Hic satis significat patriam suam in planitie esse positam, cujus arces sive turres de valle consurgentes longe sint conspicuæ, neque tamen æquæ turres ejus, lateritio quamvis muro insignes, ac suum ingenium in ea eminere. De muro illo Plinius quoque sic meminit lib. 35. cap. 14. *In Italia quoque lateritius murus Arretii & Mevania est.* In eadem Elegia hæc Genethliaci ad ipsum Propertium verba sunt, ut quidem in melioris notæ codicibus Joh. Metellus Sequanus prescripta invenit:

*Umbria te notis antiqua penatibus edit.  
Mentior, an patria tangitur ora tua?  
Qua nebulosa cavo rorat Mevania campo,  
Et sacer æstivis intepet Imber aquis,  
Scandentique altus consurgit vertice murens,  
Murus ab ingenio notior ille tuo.*

Quis jam relictus est dubitandi locus, quin Mevania sit Propertii patria, illa, inquam, cujus celsa turris lateritio muro imposita etiam ex longinquo in magna campi planitie cerni possit? *Imber sacer* fuit fons aquæ calidæ muro inclusus, cujus etiamnum præclaræ visuntur reliquæ, quas sibi visas affirmat politissimi ingenii Theologus Josephus Paulus Meronus, ac thermarum illarum nomen nonnihil, ut sit, depravatum hodie quoque usurpari. *Inversato* enim vel *Imbersato* appellant. Fieri potest, ut aquæ illæ fistula imbris modo desuper expressæ nomen ei *Imbris sacri* pepererint. In vulgatis libris est: *Et lacus æstivis intepet Umber aquis.* Sed certissimum est nullum in universo illo campo latissime patente lacum inveniri, & aquas Clitumni fontis in eodem campo lato gremio (ut Plinius minor ait) patentes esse gelidissimas, ita ut eodem Plinio teste rigor

*farum nivibus vertet*, cujus quidem ipse priori anno magna cum voluptate experimentum cepi. Cum enim à meridie in maximis caloribus æstivis ac simul quartanæ ignibus inflammatus ad fontis ejus gurgitem pervenissem equos & rhedam, in qua æger cubabam, bene diu consistere in eo jussi, haustamque ex ipsis ejus venis aquam puram & vitream avidissime obduxi. Burdo tamen summa vi contendit, vitreum hunc & pellucidissimum Clitumni fontis gurgitem esse tætrum & sulphureum illum Vadimonis Lacum, nihil nisi sœdos serpentes ac testudines continentem & carbones subinde ex inferorum, credo, fornacibus subvectos ejectionem, Hoc amplius vero postulat, ut aquæ Clitumni non ex terra pluribus venis exprimantur, quod Plinius idem scribit, & omnes quotquot Spoletio Fulginium versus iter faciunt oculorum manuumque testimonio verum esse comperiunt, sed ex *Vadimone* emittantur. Tantumne est, inquires, an alia etiam monstra ac portenta loquitur? Ille verò loquitur, & nullo quidem genere jam expositis tolerabiliora. Dum enim Vadimonem à Propertio *Umbrium lacum* vocari contendit, ingenti prodigio agrum Stellatinum cum lacu illo Vadimonis ex Hetruriâ trans Tiberim in Umbriam transportat, & in loco quadraginta quasi passuum millibus remoto collocat. Adhæc Ameriam à campis Mevanatibus contingi, ex eaque Clitumnum despectari confidentissime pronunciat, cum eam à Clitumni fonte non minus viginti passuum millia dissidere, multosque altissimos montes interjectos esse constet. Nec enim hæc de campis Gurgustidoniis est controversia, aut de Thomæ Mori Utopia; sed de iis, quæ pæne in conspectu urbis Romæ cujusvis oculis, nisi qui sit iis captus, subiecta sunt. Qui Geographorum principis Clyverii Italiam antiquam consulere volent, de re tota exploratissimo judicium facient, & ad confutandos tam portentosos errores verbum amplius addendum non putabunt. Sed quibus ejus libri copia non est, ex subiecta figura nihilo deterius judicare poterunt,



- a a Tiberis fluvius.  
 b Perusia in Hetruria.  
 c c Mevania urbs in Umbria.  
 d Fons Clitumni.  
 e e e Montes inter Mevaniae campos & Ameriam.  
 f Ameria in Umbria.  
 g Castellum Amerinum in Hetruria.  
 h Lacus Vadimonis in Hetruria.

Perusiae mentionem non alia de re mihi facere hic visum est, nisi ut minore negotio intelligantur versus extremo libro primo, quibus patriam suam Propertius Perusiae finitimam esse hoc modo significat:

*Proxima supposito contingens Umbria campo*

*Me genuit, terris fertilis uberibus.*

Sensus est: Ego in ea Umbriae parte natus sum, quae contingit loca proxima campo illi, qui Perusia est suppositus, quoniam inter campum illum & loca patriae meae contigua non nisi Tiberis interest. Passeratius veniam meretur, cum velut caecus nihil inter Perusiam & Ameriam facit discriminis. Nec enim est hominis capti oculis alba signare linea, nihil se erraturum credidit, si ducem sequeretur Burdonem, tam *oculatum* vel deliciolo illius teste hominem: cuius etiam opera contigisse suspicio est, ut ex Clyverii libro circumscriberentur & inducerentur ea, quae ab illo detegendae multiplici Burdonis inscitiae scripta fuisse veri est simillimum. Nec enim perinde ut exoleti illi & in Burdonio lectulo intercutiti, stupro doctus evaserat, ut suam in eo existimationem verti crederet, Hammonis fonte relatum aut Pithiae redditam ex oraculo vocem credi, quidquid impurata illa & furiosa bellua temere evomisset. Cedo si vel ego, vel Italus quispiam tam flagitiosos errores literis consignassemus, quas non cin-

dorum istorum historias porrecto jugulo audire necesse haberemus? Jam verò talia Scaliger designavit. Itaque vocem mittere nefas fuerit, quæ ad minuendam Herois hujus opinionem vel minimum momenti factura videatur. Nimirum hoc illud est, cur nihil in Clyverio pro patria Propertii adversus Burdonis furias disputatum legamus. Sed non ego hac causa minuo, quæ facio, ut ne quid scilicet auctoritas hominis ad generum Cereris jam olim amandati causæ Ecclesiæ Catholicæ fraudi esse, aut aliis errorem probare possit. Age ergo animum parumper attende, & ipsa Burdonis verba accipe, quibus de Propertii patria à se uno demum inventa gloriatur. *Procul dubio ( inquit ) hactenus ignorata fuit patria Propertii: nam quod Mevaniam, quæ hodie Bevagna dicitur, putant, falluntur. Et infra: Quare & cujas esset Propertius, & quis sit lacus UMBER, & qua hic accipienda sit Mevania, primi indicavimus. Denique meo periculo Amerinum fuisse Propertium, omnes mihi concedant necesse est. Quid pote confidentius? Necesse est, inquit, omnes mihi concedant, Propertium non Mevaniensem, sed Amerinum fuisse. Nunc quæ argumenta eam in rem dicat, porro percipe.*

*Propertii patria, ait, est in monte sita.*

*Mevania non est in monte sita.*

*Mevania igitur non est Propertii patria.*

Assumptio nullius probationis indiget. Propositionem jam satis scio ex iis, quæ supra recitavi, falsitatis condemnas. Dixerat quippe Propertius, arces patriæ suæ non in clivo esse, sed *de vallibus scandere*, sive in editum extolli. At Burdo ad ravim usque oggannit, eam in colle aut edito clivo sitam à poeta prædicari. *Cum poeta ( inquit ) manifeste dicat, patriam suam in colle sitam, quomodo Mevania, quod opidum in planitie situm est, erit ejus patria?* Et iterum: *Patria Propertii in clivo fuit.* Et tertium: *In montanis patriam suam ipsemet constituit.* Et quartum: *Suam patriam in colle ponit.* Jam si quæras, ubinam hoc Propertius dixerit, cum ejus rei in versibus supra recitatis ne minimum quidem vestigium, sed contrarium potius appareat: duo tibi poetæ loca afferet, quibus sibi, quod ipse consomniavit, planissime expressum persuasit. Primum enim scribit poeta: *Scandentes*

*dentes si quis cernat de collibus arces*, quis ergo jam dubitet, quin ipse patriam suam in colle ponat? Ain verò Burdo, in colle poeta patriam ponit? non tu ipse in editione tua posuisti, *de vallibus*, quomodo in omnibus manu formaque descriptis libris legitur, non *de collibus*? Jamne igitur te stultivium, vel potius amentem fuisse sentis, qui cum tibi novum quid & à nemine umquam dictum invenisse videreris, voluptatis vi præceps auctus ne oculis quidem dehinc sincere uti potueris, & in poeta *Collibus* pro *Vallibus* legeris? Adeo verum est, quod Tertullianus ait, *cacitatis duas species facile concurrere, ut qui non videns, qua sunt, videre videantur ea, qua non sunt*. Hoc tuum *παράπαισμα* & vāsani hominis alucinationem qui non riserit, eum non nisi sinapi victitare & flebile cæpe comedere consentaneum fuerit. Alter poetæ locus est, *Scandentisque axis consurgit vertice murus*. Sic enim ipse Burdo edidit, & *Axis* voce editum collem significari Juvenalis, Statii & Sili locis docere conatur. Sed omnem in istis quoque ludit operam, velut ipse ejus subscriptor & astipulator Passeratius fatetur. Primum enim non ea vocabuli *Axis* est significatio apud tres illos poetas. Deinde si omnino id significaret, aliter catuli longe olent, aliter fues: id est, longe ab aurea Propertii ætate trium illorum Latinitas degeneravit, quod non uno loco aperte fert æqualis eorum Quintilianus. Tertio, non est in veteribus Propertii libris *Axis*: nam in suo Passeratius legi ait *Arcis*, idque probat. Sed in aliis Metellus invenerat, ut nos supra posuimus. Sed siue *Arcis* siue *Altus* legas, non aliud dicere poeta voluit, nisi quod ipsum prius dixerat, Turrim scilicet siue arcem lateritiomuro impositam valde editam & eminens conspicuam fuisse. *De vallibus*, inquam, non *de Collibus* arces illæ consurgebant, adeoque tota ista Burdonis disputatio huc denique evadit, ut Hircum mulgere videatur, cui exoletus sus, si libeat, cribrum subicere poterit. Nunc porro audi, quo pacto idem Ameriam Propertii patriam fuisse vincat:

*Propertii patria (ait) est in clivo posita, est antiqua,  
est contigua Mervania campo, & adspicit lacum Vadamonis.*

*Ame-*



*Ameria est in elivo posita, est antiqua, est contigua Mevania campo, & despectat lacum Vadimonis.*

*Ergo Ameria est Propertii patria.*

Propositio est quadrimembris. Primum membrum jam falsimonix revicimus, patriamque Propertii in planitie positam demonstravimus. Secundum ex poetæ verbis cogi non potest: non enim ille opidum, in quo natus erat, sed *Umbriam antiquam* vocat. Tertium ita esse assentio, cum opidum Mevania non sit in medio illius campi, sed propius ad oram sive extremitatem sita. Quartum esse falsissimum ex supra dictis patuit. Vadimon enim est in Hetruria plus quam triginta passuum millia à Mevanix campo remotus interjectis altissimis montibus. Assertionis pars consequens itidem quadrimembris est. Primum membrum verum esse fateor, non magis tamen de Ameria, quam de Tudertum opido. Alteri nihil moveo controversiæ. Tertium vero est falsissimum, nihiloque verius, quod appingit Burdo, Amerinos esse quidem Mevanates, etsi non Mevanienses. Nihil enim est Ameriæ cum Mevanix sive opido, sive campo.

*Interjecta etenim terrarum millia multa,*

*Qua varii retinent montes & sacra ferarum.*

Falsum etiam discrimen est inter Mevanates & Mevanienses, ut Mevaniensis scilicet sit natus in opido, Mevanas vero natus in planitie. Nam tria omnino campus ille habet opida, Mevaniam, Hispellum & Fulginium, quorum cives ab auctoribus Mevanates, Hispellates & Fulginates appellantur: cui consequens est, ut quoniam qui Hispellum & Fulginium fortiti sunt patriam, & in medio Mevanix campo nati sunt, Mevanates tamen dici non possunt, absurdissimum sit Amerinos Mevanatibus contribuere, quorum patriam in alto monte circiter viginti passuum millia distante positam esse constat. neque tamen Mevanates negaverim eisdem recte Mevanienses dici: nam locus Plinii, quo Mevanates à Mevaniensibus distinguuntur, mendosè legitur. In omnibus enim antiquioribus Plinii exemplaribus non *Mevanienses*, sed *Mevanionenses*, idque perperam legi doctissimus Glyverius monuit, qui & *Mevanionenses* legendum docet, cæterum Propertium rectè Mevanatem dici, tamquam in opido Mevanix natum, ultro confite-  
tur.

tur . Tandem quartum membrum similiter falsum esse , ex eodem Clyverio quivis discat licet . Burdonis verba sunt : *Præterea & illud mire convenit , quod ait patriam suam despectare lacum Umbrum , qui lacus non alius est , quam ille Vadimonis lacus veteribus celebratus . Hoc plane cognoscitur epistola Plinii ad Gallum libro octavo : Exegerat ( inquit ) profocer meus , ut Amerina prædia sua inspicerem hac perambulanti mihi ostenditur subjacens lacus Vadimonis &c. Junius Philargyrius : Clitumnus & Deus & lacus in finibus Spoletinorum , ex quo bibentia pecora alba sunt . Lacum Vadimonis Clitumnum vocat , quod ab eo lacu Clitumnus emittitur , Vides Ameria lacum esse Vadimonem ?* Hic enimvero nihil denuo demonstrare attinet , quanta inscitia sit Vadimonem vel in Umbria ponere , vel Clitumnum dicere . Satis enim jam ostendi , nihil ab eo , qui vel primoribus labris literas delibarit , dici potuisse stolidius & indoctius . Hoc tantum addere libet , Philargyrium minus proprie Clitumni fontem appellasse lacum , cum eum non nisi late patentem fontis gurgitem esse præter Plinii auctoritatem ipsa *avro-lia* omnibus probet . Fieri tamen potest , ut Philargyrius Virgilianè loqui voluerit , nam *Æn.* 8. hæc *Æneæ* ad Tybrin verba sunt : *Quo secumque lacus miserantem incommoda nostra Fonte tenet .* Ubi *Servius* : *Lacus est quoddam latentis adhuc aqua receptaculum , & dictus lacus quasi Lacuna , ex qua erumpens aqua efficit fontem , qui cum fluere cœpit , alveum facit .* Similiter autem & *Valerius Maximus* lib. 1. cap. 8. *Iuturna lacum & fontem* indiscriminatim dicit . Quod vero ad Plinii locum attinet de lacu Vadimonis Amerinis prædiis subiecto , id Clyverius recte de *Castello Amerino* , non de *Ameria* accipiendum docet . nam Castellum illud est in *Hetruria* , cum *Ameria* trans *Tiberim* sit in *Umbria* . Hoc autem loco merito quis obstupescat , cum eodem octavo libro duæ sint Plinii epistolæ , quarum octava fontem Clitumni , vigesima vero lacum Vadimonis curiosissima narratione exsequitur , quomodo adhuc Burdo sibi persuadere potuerit , lacum eundem esse & Clitumni fontem , quis dehinc ullius rei fidem belluæ habendam putet ? quis eum quoties maxime paratragediat & intolerantissime de novis & à se primum inventis opinionibus gloriatur , non ad idem exem-

exemplum magno conatu maximas nugas agere exploratum habeat? quæ tandem deliciolis ejus causificatio est, quin simul quid Catholicis ex Burdonis libris obiicitur, illi eum propter tantum inscitæ & stoliditatis, quantum jam modo deteximus, ne responso quidem ullo dignum arbitrentur, sed pastoritia fistula mentionem ejus exhibilare satis habeant? quod quidem qui magis faciant, aliud est Festo ejus paris inscitæ & audaciæ specimen lectorum oculis subicere hoc loco placet. Scripserat summus vir Antonius Augustinus, versus, quos Festus in voce *Topper* ex *Odysseâ* veteri recitat, senarios magis, quam Heroicos, ex eoque suspectos esse. Burdo ut in hoc quoque Augustinum præ se tænum esse oportere declaret, imperite ac velut in omni antiquitate hospitem censuisse insinuat, dum Livium Andronicum veteris *Odysseæ* scriptorem, Nævio antiquiorem, Hexametros versus scripsisse sensit. Verba ejus sunt: *Ita legenda verba Livii, quæ neque Senarii sunt, neque Livius aliis versibus Odysseam vertit, quam Saturnio: tantum abest, ut debeant esse Hexametri, quod tamen videntur sentire doctissimi viri. nam ante Nævium nemo adhuc Hexametros latine scripserat, ne ipse Nævius quidem.* Hæc postrema nos obtusioris homines ingenii percipere non possumus, quomodo scilicet ne ipse quidem Nævius ante Nævium Hexametros scripserit. Verum aliquis ex pusionibus ejus, quibus ille in Batavis olim simul cum Lucilliana omnem Burdoniæ doctrinæ vim immulsit, facile nobis istud tam sæptuosum delicaverit. Nos interea tria in paucis verbis illis mendacia notabimus, quæ hominem antiquitatis turpiter imperitum arguant. Primo, Nævium Hexametros scripsisse negat. In hoc eum mentiri nullo negotio demonstrari potest. Priscianus enim lib. 10. huc ejus Hexametrum ex *Ilid.* 2. laudat *fecundo penetrat penitus thalamoque potitur.* Hunc verò Festus in voce *Sola* ex tertio ejus belli Punici: *Tarquinio dedit imperium, simul & sola regni.* Nonius in *Locos* istum ex sexto Punico: *Convenit regnum simul atque locos ut haberent.* Hunc autem ex Punici Festus non expressio libri numero: *Summe deorum regnator quianam genus isti.* Ubi legendum suspiceor, *Genuisti?* Partem verò Hexametri *Ilidorus*: — *pulchramque ex auro vestemque citrosam.* Itaque

que quod Festus in voce *Saturnus* Bellum Punicum à Nævio Saturniis versibus scriptum ait, de majore operis parte intelligi oportere vel ex istis planum fit: nam alicubi & Senarios Jambicos intexuit, qualis est, quem libro sexto Priscianus refert, ut *Decorem media Syllaba correpta positum probet: Magnamque domum decoremque ditem vexerant*. Deinde nec Livium Andronicum ullos Hexametros Epicos scripsisse Burdo contendit. At enim certa res est, libros ejus XVIII. quos *Romanidem*, vel *Annales Romanos* inscripserat, magna saltem ex parte Epos five Heroicum poema fuisse. Hæc enim Diomedis libro tertio verba sunt: *Epos Latinum primus digne scripsit Livius, is qui res Romanas decem & octo complexus est libris, qui & Annales (quod singulorum fere annorum actus continent, sicut publici Annales, quos Pontifices scribique consuevit) vel Romanis, quod Romanorum res gestas declarat &c.* Ex horum primo & secundo libro verius Festus in *Quamde* recitat, quos ita legendos arbitror: *Jupiter ut muro fretus mage, quamde manum vi. Et in secundo: Quamde tuas omnes legiones ac popularis*. Sed & Victorinus ac Terentianus Heroum versum cum subiectis Hexametris mejuris ex Livii Jone sic recitant:

*Et jam purpureo suras include cothurno,  
Balthens & revocet volucres in pectore sinus:  
Pressaque jam gravida crepitent tibi terga pharetra.  
Dirige odoriferos ad cæca cubilia canes.*

Josephus Burdo in Aufon. lect. persuasum aliis cupit, non *Livium Andronicum*, sed *Levium* auctorem esse *Jonis*. Sed mentiri eum ex Terentiano discimus. Is enim perspicue ait poema esse *Livii veteris Grajo cognomine*, hoc est, *Andronici*. Sic igitur secundum Burdonis mendacium fatis luculente revictum arbitror. Tertium ejus mendacium est, *Odysseam Livii* nullo alio versuum genere, quam *Saturnio*, fuisse conscriptum. Priscianus enim hos indidem Hexametros laudat:

*At celer hasta volans perrumpit pectora ferro.  
Inferus, an superus tibi fert Den' funera Ulysses.  
Non etenim te sum oblitus Laertie noster.  
Cum socios nostros mandisset impiu' cyclops.*

Ubi ne quis miretur in *Mandisset*, T produci, idem hoc versu Ennius fecit.

*Omnis*

*Omnis cura vris, uter esset Induperator.*

Sed quid verbis opus est, cum ipse se Burdo de hoc mentitum fateatur? Ait enim etiam Jambicos Senarios in Livii Odyssea inveniri, qualis est, quem in *Nesfrendes* affert Festus: *Quem ego nesfrendem alui, lacteam immulgens opem.* Verumtamen non hac fine stant Burdonia flagitia. Aliud enim est reliquum, idque multo etiam deformius. Qui enim Grammaticorum principem omnisque antiquitatis condum & promum se profiteatur, is adhuc ignorat, quod genus carminis fuerit Saturnium, quotque pedes habuerit. Nam hoc ipso loco tres hos versus ex ejusdem Livii Odyssea petitos & Saturnios esse contendit:

*Namque nei lum pejus macerat humanum,  
Quamde mare savum. Vires quoi sunt magna,  
Topper confringent importuna unda.*

At enim vel puer non quidem ex doctis illis, quos multo Burdonius in Pimplæum montem enitens, Musarum choro una cum Crepundiis suis intulit, sed qui pervulgata modò Grammaticorum de versibus præcepta non ignoret, versus istos statim agnoscat esse Jambicos Senarios Catalecticos, quibus scilicet una in fine desit syllaba, cujus generis est Horatianus ille, *Trahuntque fidas machina carinas*, dum tamen in primo versu *Namque* per diæresin sit trium syllabarum, & in postremo diphthongus non elidatur, quid ergo? hos Saturnios esse Burdo persuasum habet? quid hunc hominem in bonis auctoribus legisse credas, qui Saturnium verum nesciat esse Jambicum Senarium Hypercatalectum, id est, in cujus extremo una syllaba redundet? qualis est iste Plauti: *Ut demonstrata sunt, hæce ades esse oportet.* Audiatur Asconius Pedianus, cujus in Cicer. Ver. rin. 2. verba sunt: *Antiquum Nævii est: Fato Metelli Romæ fiunt consules. Cui tunc Metellus consul iratus versu responderat Senario hypercatalecto, qui & Saturnius: Dabunt malum Metelli Nævio poetæ. Hæc Asconius: quibus consentanea sunt, quæ lib. 3. Diomedes scribit. Saturnium (inquit) in honorem Dei Nævius invenit addita una syllaba ad Jambicum versum, sic: Summas opes qui regum regias refregit. Huic si demas ultimam syllabam, erit Jambicus.* Eadem Victorinus, Terentianus, Plotius

cate-

cæterique Grammaticorum consensu tradiderunt, quanti ergo flagitii merito putabimus, hoc eum, qui perpetuus literarum dictator audiat, ignorasse, prorsusque domi suæ hospitem fuisse? Nimirum insanivit, cum ista sic scriberet, sed nempe solemnia, quod ei non minus in Varrone suo usu venit, cum Gingivam nihil dentibus interesse, nihilque ab albo vel candido rufum colorem differre censuit, quod tu si minus credis, hem tibi ipsa cerriti hominis verba:

*Apud Catullum ex Apulejo legi debet: Dentem atque rufam defricare gingivam. Rufam gingivam, id est, dentes, dicit habere Egnatium: quia eum colorem contraxerat ex lotii defricatione. Lotii verò color rufus est, maxime ἰσχυρὰ τοιαυτήν, ut vocat Strabo. Itaque quo plus rufam gingivam haberet, eo plus urina ebibisse videretur.*

Vides ejus opinione Egnatii gingivam, id est, dentes esse rufos, idque ex urinæ usu in dentibus defricandis. At enim gingiva illi perinde ut cæteris mortalibus à suffuso sanguine rubebat, cum dentes ab usu lotii albicarent. Sic enim ait: Egnatius, quod candidos habet dentes, Renidet usque. Quid jam? ecquid causæ est, quin me, quod his epistolis facturum me receperam, optima fide præstitisse, hoc est, Paradoxa nihilo Stoicis illis credibilia attulisse prædicer? Habes quippe, si numerum capere velis, sexdecim à Burdone:

1. Propertium fuisse Amerinum, non Mevaniensem.
2. Valles idem esse quod Colles.
3. Ameriam Mevania campis esse affinem seu contiguam.
4. Amerinos rectè dici Mevanates.
5. Alios esse Mevanates, alios Mevanienfes.
6. Clitumini fontem à lacu Vadimonis emitti.
7. Lacum Vadimonis esse in Umbria.
8. Aquam Vadimonis esse tepidam.
9. Nevium nullos scripsisse versus Hexametros.
10. Livium Andronicum nullos scripsisse Hexametros.
11. Livii Odysseam nullo alio versuum genere, quam Saturnio, conscriptam fuisse.
12. Saturnium versum esse Jambicum Senarium catalecticum.
13. Gingivas nihil à dentibus differre.

14. Ruf-

14. *Rufum colorem candido nihil interesse.*  
 15. *Dentes urina defricatos non albos, sed rufos fieri, quoniam ipsa urina ruffa fit, fuoque dentes colore tingat.*  
 16. *Urinam veterem esse, quod quisque minxit mane.*  
 De hac quippe Catullus loquitur, cum ea ruffam Iberorum gingivam defricari ait.

His duo à Batavis tuis accedunt:

1. *Qui hoc genus monstra ac portentosa scribat esse principem literarum, esse per omnia diis, quam hominibus similiorem, esse Deum, esse ter maximum.*  
 2. *Quibus Burdonem vivum officio atatis demereri, defunctum vero defensionis & pradicacionis beneficio prosequi verecundia non fuit, viros bonos & honestos esse.*

A me tandem hoc addas licet:

*Cum Bavaria Scaligeri à Verona principibus oriundi, vulgo perhibiti fuerint esse Tricolei, ex eoque vernis passeribus salaciores: nullum Burdonis exoleto relinqui argumentum, quo eum verum Scaligerum & Principum eorumdem stirpem fuisse doceat, quam si & ipsum Tricoleum fuisse fateatur. De hoc enim cum aliis, sum mihi ac lectoribus meis minimo negotio fidem fecerit. Aliis quidem, tamquam testis oculatus, qui ut plurimum crederet, utraque manu officiosissima Hellefontiaci numinis beneficia cum plausu & admiratione timidissima saepe tractaverit. Nobis autem, praesertimque in Italia viventibus, quoniam tanti stuporis sunt, de quibus velut acutissime excogitatis usque eo sibi Burdonem placere demonstravimus, ut jam pra illo, non Veronenses modo Scaligeri, sed ipsi etiam Bergomates Colei nullo pane numero esse videantur.*

Sed Paradoxon satis est. Tu vir praestantissime ride, & vale.

## ALEXANDRO TASSONIO

Philosopho præclarissimo.

## XIV.

**N**arro tibi, amicorum carissime. Magna cum voluntate tuorum Problematum librum subinde manibus verso, deque ingenio tuo sic variarum disciplinarum scientia exulto, atque polito & limato iudicio ætati nostræ gratulor. In primis autem me extrema libri illius tui pars oblectat, qua nostrorum temporum ingenia cum Græcorum & Romanorum præstantissimo quoque contendis, quaque laude alteri alteros superent, distinctè disputas. De Grammaticis tamen dissimulare nequeo, minus me, quam ab illa ingenii tui festivitate expectabam, invenisse. Tibi scilicet satis fuit recentiores ejus artis professores antiquis illis pares facere, & scientiæ palmam non his magis, quam illis, adjudicare. At enim non sola eruditione & literarum notitia, sed & stoliditate Grammaticos censeri solere nosti. Legisse enim te illud Athenæi oportet: *Exceptis medicis nihil Grammaticis esse stultius. nec minus hoc alterum Sexti Empirici: Maxime de artificio suo sibi placent seque magnifice jactant Grammatici: eos autem semper insectantur, qui sunt aliis ornatæ disciplinis, quasi illi ne communem quidem Græcorum morem & consuetudinem novissent: atque adeo, si quando in disputatione premantur, sæpe non inveniunt aliam evadendi rationem ad abstrahendos eos, cum quibus disputant, quam quod barbara sit ac solæca eorum oratio. Videmus etiam Grammaticos, qui fere ne duo quidem verba dextro possunt contexere, velle unumquemque ex antiquis, qui dicendi facultate & Græci sermonis proprietate plurimum valuerunt, ut Thucydidem, Platonem, Demosthenem, tanquam Barbaros reprehendere. Hujus rei specimen passim in Servio invenias. Cum enim regulas Grammaticorum ratione nixas videri postulet, quæque loquendi genera cum regulis illis non satis consentiunt, ea usurpari, sive usurpatione, aut usurpativè, hoc est, usâ potius, quam ratione dici contendat, non rarò Virgilium,*

Y



gillum, Horatium aliosque linguæ latinæ auctores locupletissimos quasi die dicta in crimen raptare non dubitat, velut ex iis, quæ subijciam, apparebit. Virgilius *Æn.* 5. *Cloanthum utrasque palmas tendere ait*. Hoc Servius cum Carminio nota dignum censet. *Per naturam enim vitiosam esse hanc elocutionem, & sive utramque palmam, sive utrasque palmas dixerimus, esse in aliquo usurpationem*. Similiter quod *Æn.* 2. poeta dixit, *Mgens ara fuit, juxtaque veterrima laurus*, nulla ratione dictum, sed *usurpatum* censet, ubi & *Vetus*, seu *Veter* comparativum habere negat, cum tamen Priscianus in extrema Bacchidum *Scena* apud Plautum legat: *Senem illum tibi dedo veteriorem*. Et *Æneid.* 3. *Terra hospita, usurpative* dictum censet, *qua enim in ES exeunt, Communia esse possunt: nam feminina in A, non mittunt*. Lucanus: *Hospes in externis auditur curia rectis*. Itaque nec Terentius satis Latine in *Andria* dixerit: *Propter hujusce hospita consuetudinem*. Ibidem & Plauto velut diem dicit, quod *usurpative Pauperam* dicere ausus fuerit. Et *Æneid.* 6. *Stabulant à Virgilio usurpative* positum ait, *cum latinum sit stabulor, cui consequens est, ut nec Varro Latine sciverit, cujus 1. rei rult. 21. verba sunt: Ut alienum pecus in suo fundo pascat ac stabulet*. Et *Æneid.* 3. ad hæc poetæ verba: *Lenis crepitans vocat Auster in altum*, censoriam notionem sic exercet: *Duo epitheta posuit vitiose. Fecit autem hoc improprie in decem versibus*. Ita nec Cicero non habebit, cur à Grammatici scutica metuat, quando eum persæpe bina aut plura adeo ejusdem rei epitheta posuisse scimus. Eodem libro ad illud, *Erigit eructans*, Horatio dicam impingit, qui *usurpative* dixerit: *Hic dum sublimes versus ructatur*. Eundem solæcismi postulat in *Æneid.* 2. quod *Pulcras clunes, non pulchros* dixerit. Et iterum in *Æneid.* 3. quod contra regulam *Stirpes raptas, non raptos* protulerit. Ad hos etiam Virgilii versus *Æn.* 4. *Me puer Ascanius, capitisque injuria cani, Quem regno Hesperia fraudo & fatalibus arvis*, hanc notam apponit: *Longe repetiit Quem, & non ad caput, sed ad Ascanium retulit. Et licet excusetur, tamen solæcophanes est*. Ejusdem in 1. *Georg.* verba sunt: *Suppellex usurpatum est, nam artis est hac suppellectilis. Genitivus enim aut par de-*  
bet

bet esse nominativo, aut una syllaba major, ut *Musa*, *musa*, *Doctōr*, *doctōris*. Si duabus majorem invenerimus, contra artem id esse manifestum est, ut *Anceps*, *præceps*, & pauca alia. Et in *Georgic.* 3. *Lea* dicit esse usurpatum, nam *Leana* esse Græcum. Latine autem dici *Hic* & *hæc Leo*. Ergo Grammatici hujus judicio ipse *Lucretius*, quo nihil in omni Latio fuit Latinius, non satis Latine scripsit lib. 5. *Irritata lea jaciebant corpora saltu*, nec *Ovidius Metamor.* 4. *Ut lea sava sitim multa compescuit unda*. Tandem in principio *Æneidos*, ubi de hoc versu commentatur, *Italiam fato profugus Lavinæque venit Littora*, hoc modo suam reliquorumque Grammaticorum stoliditatem testatam facit: *Ars quidem hoc exigit, ut nominibus provinciarum præpositionem addamus, civitatum numquam*. Tamen hoc plerumque perverso ordine legitur, ut est hic, *Italiam venit*, pro ad *Italiam*. *Tullius in Verrinis*: Ea die *Verres* ad *Messanam* venit, pro *Messanam* venit, Sane sciendum est usurpari ab auctoribus, ut vel addant, vel detrahant præpositiones. Usurpari est usurpative, & sine ratione contraque artis regulas dici. Fatetur ergo plerosque auctorum aliter loqui, ac regulæ Grammaticorum loquendum esse doccant, quod quidem nihil est aliud, quam aperte ferre, Regulas esse mendosas & fallaces, quique ex præscripto earum loquuntur aut scribunt, optimi cujusque auctoris linguæ latinæ fore dissimulimos. Et has tamen regulas linguam latinam discere aventibus obtrudere non dubitant veteres Grammatici, ut quin stolidi ac dementes judicentur, neminem intercessurum putem. At enim recentiores hoc eis præstant, quod easdem regulas, quas illi stolidè commenti fuerant, ipsi approbant, & à linguæ tironibus memoriæ insigi postulant. Ut enim ipse in *Problematum tuorum Gallogæsiæ* lib. 6. cap. 17. luculenter evicisti, haud dubie major ejus est stultitia, qui quod alteri stulte in mentem venit, comprobatur, quam qui ipse stulte quid comminiscitur. Est tamen & aliud quiddam, cujus nomine stultitiæ palma recentioribus debetur, quod pueros Grammaticæ præcepta prius discere postulant, quam illi linguam latinam, quæ præcepta traduntur, intelligant, quo quidem haud scio quid magis absurdum & abhorrens excogitari possit. Ve-

tères quidem certè artis magistri non nisi eos , qui jam Latine loquerentur , in disciplinam recipiebant . neque dubium habeo , si quis hodie Germanum hominem Hetruscum sermonem ex Pergamini vestri Grammatica , quæ tota Hetruscis verbis constat , discere jubeat , quin omnes ei sinciput minime sanum esse judicent , ejusque notæ magistrum ad agnatos & gentiles deducendum censeant . Bono itaque meo periculo Grammaticos nostros antiquis nec scientia artis inferiores , & stoliditate multis partibus priores pronunciare poteris . Hoc autem multo minore negotio aliis probaveris , si tibi concedatur , quod vel propter Aristotelis auctoritatem negari non debet , cujus generis maximum maximo alterius generis præstet , etiam illud genus alteri generi præstare : ut , si maximus vir maxima muliere major sit , omnino viri mulieribus majores censeantur . Jam Grammaticorum veterum quin multo maximus fuerit *M. Varro* , nemini paulum modo humaniori dubium esse potest . Hunc enim ipse Cicero *hominem omnium facile acutissimum & sine ulla dubitatione doctissimum , virum ingenio omnique doctrina præstantem & diligentissimum antiquitatis investigatorem* prædicat , qui *poetis Romanis , omninoque Latinis & literis & verbis plurimum luminis attuleris* . Hunc Quintilianus *Romanorum eruditissimum , linguaque latina , & omnis antiquitatis peritissimum* fatetur . Recentiorum palmam omnium concessu *Josephus Burdosciger* sibi vindicat , genus *Deorum* , per omnia diis , quam hominibus similior , *literarum Dictator perpetuus , aquila in nubibus , imo Deus , & quidem ter maximus* , ad cujus aram supplices se literati abjiciunt , cujus numen si placatum habeant , iratas *Musas* nequaquam pertimescant . Sic videlicet *Liplius* , *Casaubonus* , *Acidalius* , aliique literatores homini vanissimo acclamabant . Jam de togatorum illius doctissimi stoliditate voluminis res sit omnia , quæ ex libris ejus afferri possent , complecti , sed satis erit unius ea de re *Burdoscigeri* testimonium referre . Ejus in libro de re nummaria pag. 67. verba sunt : Illud mirum , veteres illos ; cum dicerent *Mille nummum* , putasse *quædam nummum* esse casus quarti , hoc est , accusativi singularis . Nam ut omittam *Nonium* , qui in illis exemplis , quæ non pauca adducit , accusativum pro genitivo positum ait in

mille

*mille passum, mille nummum, audiamus Varronem VIII. de lingua latina: Numeri, inquit, qui as non significant usque à quatuor ad centum, triplices habent formas quod dicuntur hi quatuor, ha quatuor, hæc quatuor. Quum perventum est ad mille, quartum adsumis singulare neutrum, quod dicitur hoc mille denarium: à quo multitudinis fit millia denarium. Item infra: Si esset denarii in recto casu, atque infinitam multitudinem significaret, tunc in patrio denariorum dici oporteret: & non solum in denariis, victoriatis, drachmis, nummis, sed etiam in viris idem servari oportet, quum dicimus, judicium fuisse triumvirum, decemvirum, non trium virorum, decem virorum. Quis tam futilem sententiam in doctissimo togatorum non miretur? Vult enim, ut ex ejus verbis clarè colligitur, mille drachmum ita dictum, ut drachmum sit quartus casus singularis. Adeo hæc stulta opinio mentibus illorum veterum inoleverat, ut putarent amphorarum, drachmarum non posse dici conjunctim, decem millia amphorarum, sed decem millia amphorum, in qua sententia fuit C. Julius Romanus vetustissimus & doctissimus magister, ut à Charisio vocatur. Quis hoc ferat in tanto Critico? quasi Lucilius non dixerit scalprorum forcipiumque Millia viginti— Et Plautus Trinum. act. 2. sc. 4. Mille drachmarum Olympicum. Hæc Josephus, qui addere poterat hoc Terentii Heaut. Huic drachmarum argenti hac mille dederat mutuum: Josephi ergo judicio jocularis ista est Varronis stultitia, quod Drachmum & Denarium in Mille drachmum, & Milie denarium, quæ genitivi pluralis sunt, pro accusativis singularibus neutri generis habuit. At enim valde vereor, ne Varroni ea in re fiat injuria: nam in Ingolstadiensi ejus editione fide optimarum membranarum, quibus Faernus usus fuerat, ita scriptum habemus: Cum perventum est ad millenarium, adsumis singulare neutrum, quod dicitur Hoc mille, à quo multitudinis fit Millia. Veruntamen sic quoque tenebrosus est Varronis locus, neque facile quis, quid verba ejus sibi velint, expediverit. Illud quidem satis planum est, in triplici eum errore fuisse, quorum nullus vel puero non sit pudentus. Mille scilicet nomen substantivum, & genere neutrum, & numero singulare esse credidit, idque propte-*

rea, quod id cum genitivo construi videret. Legerat scilicet apud Plautum Milite: *Mille annorum vivunt. Habet mille modiorum auri*. Et Stich. *Velim mihi esse mille modium argenti*. Hinc porro satis intelligebat *Modium* non esse accusativum singularem neutri generis, sed *Modium* pro *Modiorum* esse dictum, quod nihil dubito, quin etiam in *Denarium* & *Drachmarum* usuvenire probe perspexerit. Sed tamen quoniam genitivum à nomine substantivo regi oportet, hos genitivos à nomine *Mille* regi existimans, *Mille* substantivum esse statuit. In quo quam turpiter ratio eum fugerit, hinc judicari poterit. Latine recte quæritur, *Quantum nummorum est in arca?* Sic scilicet passim legimus. Sed unum Catulli exemplum satis ei fidem fecerit: *Lugete ò Veneres Cupidinesque, Et quantum est hominum venustiorum*. Et hoc Juvénalis; *Quantum quisque sua nummorum possidet arca*. Jam in *Quantum* subauditur *Negotium*, quod idem significat ac *Res*, velut apud Græcos *χρῆμα* vel *πράγμα*. Cum enim adjectivum & substantivum sint ex eorum censu, quæ *πρός τι*, seu *Relata* dicuntur, ubicumque nomen Adjectivum est, inibi substantivum, cui adjiciatur, vel expressum, vel suppressum ac subaudiendum sit necesse est. Similiter igitur recte respondebitur: *Negotio* seu *Res mille nummorum* seu *nummum est in arca*. Atque hæc est plena & regulis artis consentanea oratio. Sed quoniam Romani compendia sermonis consuetudine confectabantur, sic factum est ut per Ellipsin figuratè dicerent *mille nummorum est in arca*, voce *Res* aut *Negotium* suppressa, quod ipsum in multis aliis usuveniebat. Verbi gratia: *Moris est, Hoc laboris magni est, Satis est auxilii, Parum est vini; Non nostra opis est, Non mihi opera est*. In quibus omnibus *Res* vel *Negotium* subauditur. Cum enim Genitivus omnis velut possessorem significet, cujus scilicet *res* est, ad substantivum nomen velut ad rem possessam referatur necesse est. Id enim Relatorum natura postulat. Est autem *Res moris* idem quod *Mos*, *Res laboris* quod *labor*, *Res auxilii*, quod *auxilium*, eodemque modo in cæteris, quod loquendi genus Latinos à Græcis mutuatos disertissimus Muretus in Variis lectionibus olim demonstravit. Ita Plauto Amphit, *Parva res voluptatum in vita*, est parva volu-

voluptas, pro quo & *Parum voluptatum*, seu *Paruum negotium voluptatum* dicere poterat. Similiter apud Phædrum cultissimum fabularum scriptorem legimus lib. 4. fab. 65. *Cum tentaret, si qua res esset cibi*, id est, si quis esset cibus, pro quo si dixisset, *si quid esset cibi*, *Negotium* suppressum esse intelligeremus. Non minus autem recte dixerō, *Decem nummorum est in arca*, ut eodem modo *Res* vel *Negotium* subauditur, atque ita Paulum primi nominis Jurisconsultum loqui videmus, cujus verba sunt L. servum testamento Dig. de manumiss. testam. *Servum testamento ita manumisi: si juraverit se filio meo decem operarum daturum, liber esto*. Similiterque L. si peculium §. quædam. Dig. de Statu lib. *Cum decem operarum jussus est dare*, hoc est decem operas. Hac ratione & auctoritate satis defensus fuero, si mihi cognatum testamento decem talentorum reliquisse dicam. *Rem* porro in eo subaudiri, ex Terentio discamus licet, in cujus Phorm. act. 2. sc. 3. legimus: *Si cognatus talentum rem reliquisset decem, Progeniem vestram usque ab avo atque atavo esset proferens*. Jam nemo tam hebes futurus videtur, ut in hoc, *Reliquit mihi decem talentum*, *Decem* Substantivum nomen singularis numeri esse, & genitivum *Talentum* ab eo tanquam substantivo regi existimet. Satis quippe jam constat *Decem talentum* esse Syntaxin adjectivi nominis cum substantivo, Rectionem verò genitivi non esse regularem, sed figuratam, id quod per Ellipsin nomen *Rem* aut *Negotium* suppressum sit, à quo genitivus regitur. Flagitiosus igitur Varro nis error est, quod in *Mille hominum* vel *nummum* Syntaxin genitivi cum substantivo esse credidit, adeoque *mille* adjectivum plurale patrii casus esse non intellexit: *En cor Zenodori, en jecur Gracetis!* Neque tamen non multo majoris sunt flagitii, quæ cum alias passim, tum in hac ipsa adversus Varronem disputatione illustrissimus ille & incomparabilis Burdo noster designavit. Primum enim quod Varroni prius stulte in mentem venerat, avidissime arripuit, ut ne scilicet stultitiæ priores alteri relinqueret. *Mille*, ait, *purum putum substantivum est ut χιλιάς Gracis*. Quod etsi ab Agellio quoque affirmatum, quam falsum absurdumque sit, satis jam demonstravi, nec quicquam in Lucilli versu momenti est:

*Tu milli nummum potes uno quareo censum.* Scimus enim quæ literarum E, & I, fuerit affinitas, quamque nulla poetis, ut ne versum morarentur, alteram pro altera ponere religio. Non magis ergo aut novum aut mirum videri debet, Lucillium *Milli* pro *Mille* posuisse, quam *Corpore* pro *Corpori*: *Sic facies facie præstat, sic corpore corpus.* Cujus exemplo Ovidius *Fast.* 6. *In qua par facies nobilitate fuit.* Mitto jam, quod Lucillium satis constat plus æquo sibi sumere & à publica consuetudine discedere fuisse solitum, quo nomine à Varro-  
ne & Quintiliano reprehenditur, ut qui *Meille*, *Meillia*, *Meiles*, *Illei*, *puerei*, scribendum sibi duxerit. Deinde vero summa vi pugnat Burdo omninoque persuasum cupit omnibus, uti cum *Sestertium* in genitivo legimus, nos *Sestertia* legamus, dicamusque verbi gratia, *decem millia sestertia*, non *Sestertium*, quasi esset, *decem chiliades sestertia assium*, non decem millia assium seu nummorum sestertiorum. At enim Priscianus sibi Verrinas Ciceronis in antiquissima scriptura emendatis codicibus lectas fuisse, seque *Sestertium* pro sestertiorum, *Modium* pro *Modiorum* & *Medimnum* pro *Medimnorum* per Syn-  
copam scripta invenisse testatur. Hoc Priscianum dicere ipse quoque Burdo confitetur, sed quoniam, quæ in istis loquendi generibus sit syntaxeos ratio, non intelligit, ingenio utitur, & omnia auctorum loca interpolare ac depravare postulat. Verbi gratia Ciceronis in *Verrina* 3. de Frumento numero 58. verba sunt: *Falsa est sponsio sestertium quinque millium.* quo loco Burdo extremam vocem *Millium* inducit, quod in voce *Sestertium* ea subaudiatur, ut idem sit *Quinque sestertia*, & *quinque millia sestertia*, quo tamen modo nemo veterum locutus est. Etsi enim *Sestertia*, in plurali Adjectivum est, natura sua, usu tamen factum est substantivum, sicut *Patria*, cum adjectivum sit, in quo *Terra* subauditur, usus tamen Substantivum fecit, ut alii adjectivo subijci vel substare possit, quod sit, cum dicitur, *Neapolis mihi materna patria est.* Similiter *Sestertia quinque* substantive usurpantur, ad significanda totidem minæ sestertiæ pondera, quæ conficiunt 125. aureos sive scutatos, cum unumquodque Minæ pondus valeat decem aureis seu centum denariis, aut Juliis Romanis,  
vel

vel Regalibus Hispanicis: ex quo *Sestertium* mina pondus ( quod Per ellipsin *Sestertium* dicitur ) 25. aureos, seu 250. denarios, hoc est, mille nummos, five asses, sestertios valere omnes intelligunt. Non ergo Cicero *quinque millia sestertia* dixit, sed *Sestertium* five *Sestertiorum nummorum*, hoc est, *Assium semitertiorum*, qui duos scilicet asses & semissem valent, qui Romanis hodie *dimidii grossi*, Germanis *Drit halb creuzer* vocantur, Denario scilicet pro denis crucigeris accepto. Ita mox Cicero numero 60. de eadem summa verba faciens: *Cogit Scandilium quinque illa millia nummum dare*. Et iterum: *Cogit Scandilium Apronio Sestertium quinque millia mercedis dare*. Eiusdem 2. Ver. de Jurisdictione num. 19. verba sunt: *Sestertium ducenta quinquaginta millia jussu pratoris data*. Et mox: *Numerantur illa sestertia ducenta quinquaginta Syracusanis*. Simili modo 5. fam. epist. 20. *centum millia sestertium*, & *centum sestertia* indiscriminatim dicit. Unde planum fit, idem esse *Quinque sestertia*, & *quinque millia sestertium*, five *nummorum sestertiorum*. Neque quicquam negotii nobis exhibere debet, quod est apud Horatium: *Accipis & bis dena super sestertia nummum*: nam ibi *Sestertia* non adjective positum est, nec in eo *Millia* subauditur, sed velut de *Patria* dixi, naturam Substantivi induit, adeoque genitivum regit, quomodo *Culmen tecti* recte dixeris, etsi *Tectum* natura sit adjectivum, in quo *Culmen* subauditur, quæ ipsa in multis aliis est ratio, ut *Iusta funeris*, *Nemo homo* vel *hominum*, *Liber tertius Annalium*, *Altum maris*, *Locum astruorum*, in quibus omnibus ejusdem nominis substantivi genitivus regitur ab adjectivo, in quo subaudiebatur. Sed nec Charisii quicquam nos movere debet sententia, negantis recte dici *Quinquaginta sestertium*, vel *Centies nummum*, cum tamen *quinquaginta sestertia*, & *centies sestertium*, rectè dici agnoscat. Primum enim in aliis quoque alucinatum eum videmus, quale est, quod *ostrea* neutrum plurale esse negat, cum Lucillius perspicue dixerit, *Luna alit ostrea & implet echinos*. Ita *Pervigiliam* dicendum contendit, cum *Pervigilium* in Catulliani trochaici inscriptione & apud Livium, Suetonium, Tacitum & Petronium habeamus. *Favitor* quoque pro *Fantor* nec *auctoritate* nec *ratione* dici affirmat, cum



cum eo Plautus Amphit. & Lucillius apud Nonium utantur. Horum similia multo plura afferri possent, sed vel ista satis sunt, ut ne quid ei temere credamus. Deinde habemus Livii locum lib. 40. *Sestertium nummum quater & vicies ab eis est exactum*. Ubi ridicule Burdo quòd Nummum tolli jubet, quia Charisius neget recte dici *Vicies nummum*: nam causæ nihil est cur Charisio potius, quam Livio credatur, & ad Syntaxin nihil prorsus refert, siue *Vicies nummum*, siue *Vicies sestertium* dicas, cum uterque genitivus pluralis sit, & alter cum altero semper intelligatur, pendeatque à Substantivo, quod per ellipsin subticetur. Integra enim oratio secundum regulas est: *Quater & vicies centena millia nummorum sestertium sunt ab iis exacta*, & per Syllepsin numeri, *est ab iis exactum*. Rem ita se habere docet Cicero, qui Dionem modò *decies sestertium*, modò *decies centena millia sestertium* Verri numerasse ait, ut in *Decies*, *Vicies*, *Centies*, semper *Centena millia* subaudienda intelligamus, adeoque nihil in hoc Capitolini loco mutari debet: *Omne convivium aestimatum dicitur sexagies centenis millibus sestertium*, quod quivis non indoctus 150. millia aureorum seu Philippeorum esse intelligit, cum *decies* Plutarcho teste sit 25. myriades drachmarum, siue 227. millia denariorum. Sic neque in Velleji loco de Curione quicquam mutandum est: *Simulatione contra Pompejum & Casarem, sed animo pro Casare stetit*. Id gratis, an accepto *centies sestertium* fecerit, ut accepimus, in medio relinquemus. Nam eodem modo Cicero dixerat: *Multorum tabulis satisfactum vobis est, Sestertium decies numeratum esse*. Etsi ibi legi quoque potest, quomodo in nonnullis libris scriptis exstat, *numerata esse*. Utrovis enim modo integra oratio erit siue dicas, *Negotium decies centenorum millium sestertiorum esse numeratum*: siue, *Decies centena millia sestertiorum esse numerata*. Hanc Syntaxeos rationem quod non intelligeret Burdo, ista loquendi genera *barbara* esse pronunciare, & viginti quatuor auctorum loca interpolare ausus est, ut quin stultitiæ priores ferat, nihil te intercessurum arbitrer. quem in eo quoque fugit ratio, quod hunc Livii locum lib. 38. corrigendum censuit: *De pecunia summa, quam penderent Romanis Ætoli, nihil ex eo, quod cum Consule convenerat, mutatum: pro argento si aurum dare malent*,

lent, convenit, dum pro argenteis decem aureus unus valet. Contendit enim barbarissimum esse *Aureus valet pro decem argenteis*, ac propterea præpositionem inducendam. Ratio ejus est, quia Plinius soleat præpositionem omittere. Itaque si huic Grammaticorum principi dicto audientes simus, quicquid Cicero, Cæsar, Livius, alii aliter quam Plinius dixerunt, barbarum judicare nos oportebit. Atqui ephebus quivis, qui nostra Grammatices præcepta cognoverit, omnem ablativum ab aliqua præpositionum sive expressa, sive suppressa regi intelligit, adeoque æque Livium ac Plinium Latine locutum defendet: Plinium quidem Syntaxi irregulari, seu figurata, ut qui præpositionem constructioni necessariam per ellipsin subticuerit, Livium vero regulari, ut qui eam expresserit, quemadmodum & Seneca fecit lib. 7. de beneficiis cap. 15. *Non semper numero numerus aquandus est, aliquando una res pro duabus valet.* Sed ad *Mille Sestertium* & *Decies Sestertium* redeo, quæ ut per Genitivum pluralem efferri fiat manifestius, notat Priscianus à Tullio in *Frumentaria Verriana* dictum: *Sed tritici septies medimnum ex Nymphonis arationibus tollit.* aitque *Medimnum* esse *Medimnorum*. Burdo fatetur subaudiri *centena millia*, & nihilominus *Medimnum* esse adjectivum pugnat quæ jam ejus notæ est non stultitia, sed infania, ut ellebori jugere, vel dicam omni Anticyra persanari nequeat, quid homini putas esse reliquum, nisi ut *Talentum* quoque dicat esse Adjectivum? quippeni? cum prorsum ad exemplum *Sestertii* dicatur *Mille Talentum*, *Decies centum millia talentum*. Valerius Maximus lib. 6. cap. 4. *Dario filiam in matrimonium cum decies centum millibus talentum pollicente.* Nec tamen hætenus tantum Burdonis delirat acumen. Monet enim nos, ut observemus, Latine quoque dici solitum *Ducentum millia* & *Sexcentum millia*, pro ducenta & sexcenta. Quomodo si denum annorum puer locutus fuisset, certo, non arbitrario vapulasset. Et tamen Lucillii versibus, ut nobis persuadeat, utitur. Sed eos minime bona fide, nec ut à Nonio laudati sunt, recitat. Verba enim Nonii sunt: *Sexcentum pro sexcentorum. Lucillius: Maximus si argenti sexcentum ac mille reliquit. Idem: Quid vero est, centum ac ducentum possideas si Millium?* Hic videmus prioris versus sententiam esse: Maximus si rem mille ac sexcen-

sexcentorum nummorum argenti reliquit. Posterioris autem: Quid magni est, si rem centum ac ducentorum millium nummorum possideas? Ubi ergo sunt *ducentum millia*, & *sexcentum millia*, quæ Burdo nobis obtrudit? Tertius Lucillii versus est iste: *Millia ducentum frumenti tolle medimnum, Vini mille cadum*. Sed in eo legendum *Millia tu centum*, nemini non obesæ naris statim suboleat, ut sensus sit: Tu tolle negotium mille cadorum vini, & centum millium medimnorum frumenti. Sed neque non secunda intelligentium voluntate in superiore versu scriptum quis fuisse censeat: *Centum atque ducentum possideas si*. Eadem scilicet opera & legi pedariæ fatishet, nec solæcismi poeta insimulari poterit. Et dubitamus adhuc, quin ex facili lectoribus libri tui probaturus sis, quæcumque in veterum Grammaticorum stultitiam dici possunt, ea longe recentiorum fatuitatem exsuperare? Vale Italiæ lumen, meque mutæ amare perge. Mediolano Calend. Majis anni M. DC. XXVIII.

## ALBERICO & CAROLO SEPTALIIS Mediolanensibus.

### XV.

**N**ihil mirum est, idem ipsum vobis, nobilissimi juvenes, quod aliis plurimis in legendis linguæ latinæ auctoribus usuvenire, ut permolesta vobis accidat rei nummariae, qua Romani & Græci utebantur, ratio. Sed ea molestia non magno negotio liberabimini, si hominum doctorum ea de re Syntagmata, quæ postremum exierunt, consulere volueritis, præcipueque, *Petri Giacconii Tolletani*, summi in omni disciplinarum genere viri, edita Romæ opuscula, & *Andrea Schotti* rei nummariae tabulas Antuerpianis typis descriptas, quos libros non dubito, quin ornatissima patris vestri biblioteca contineat. Is enim cum Peripateticorum Philosophorum & Medicorum ætatis nostræ familiam ducat, nec humanitatis studia fastidit, quod alii solent, sed quoties à graviorum curarum severitate laxare animum cupit, ad amœnitates istas divertere consuevit, eaque re vix ullo

ullo librærum carere animum inducit, quem ad veterum scriptorum intelligentiam momentum aliquod facere intellexerit. Sed quoniam Schottus *Manutios* & *Ciacconium* sequendos sibi putavit, egoque *Fulvium Ursinum* & *Justum Lipsium*, rectius Sestertia & Talenta ad hodiernum Romanæ monetæ usum revocasse arbitror, rem minimè vobis ingratam facturus mihi visus sum, si novas vobis tabulas conficerem, quarum inspectione dubium omne, si quod vobis inter legendum auctores objiciatur, discutere possitis. Eas ergo vobis nunc mitto, ut me officiorum, quibus me sibi ac vobis pater vester devinxit, memoriam conservare intelligatis. Verum hoc vos præmonitos velim, non eadem semper significatione Nummi vocem in auctoribus usurpari. Alias enim *Denarium* significat argenti, qui est decem assium, cui par est pretium Julii Romani & Regalis Castellæ. Sic Terent. Heaut. act. 3. sc. 3. *Mille drachmarum* & *Mille nummum* indifferenter pro mille denariis dixit, qui & *Nummi argenti* dicuntur, ut Plaut. Pseud. *Nummum nusquam reperire argenti queo*: Et Mostel. *Locare argenti nemini nummum queo*. Alias *Nummus* significat *Drachmam auri*, seu decem denarios argenteos, qui Romæ hodie *Scutatus moneta* vocatur, decem puta Juliorum, quem vos Mediolani Ducatonem dicitis, Germani *Talerum Philippeum*. Livius lib. 38. *Dum pro argenteis decem aureus unus valeret*, subaudi Nummis. Plaut. Rud. *Nummi octingenti aurei in marsupio insuerant*. Idem Persa: *Sexcenti nummi quid agunt?* aurei puta, quos aliter ibidem vocat *Sexaginta minas*, id est, sexcentæ drachmæ auri, sive 600. scutati vel ducatonem aut philippi. Et hic est *Nummus auri*. Absolute tamen cum *Aureus* dicitur, nummus auri sestertius intelligitur, qui valet. 25. denarios argenti sive Julios. Alius *Nummus* pro *didrachmo* accipitur seu duobus denariis argenti, ut Ciacconius notat in hoc Plauti loco Trucul. act. 2. sc. 7.

*Nam jam de hoc obsonio de mina deminui modo quinque Nummos: mihi detraxi partem Herculanæam*

Josephus Burdo, qui turpe sibi putaret aliquid à Ciacconio discere, quem tamen multo se doctiorem esse facile intelligebat, quinque nummos interpretatur totidem drachmas auri, sive 50. denarios, quod ea sit Hercula-

neæ

nea seu decima pars de quinque minis seu 500. drachmis . At enim servus non de quinque minis, quas metretici ferre jussus erat, sed de una illa mina, qua obsonaverat, quinque se nummos ait detraxisse : quoniam decima Minæ pars sunt, decem denarii sint oportet, ex quo nummum duobus denariis hic valere apparet . Alias *Nummus* significat *Assem*, qui est nummus æreus penditque libram æris, ex quo & *Assipondius*, & *Assarius* dicebatur, voce *Nummus* per ellipsin suppressa . Aliter & *Libella* dicitur, Romanis hodie *Bajoccus*, Germanis *Ein crenzer* seu cruciger aut cruciatus, si philippeus centum cruciatis æstimetur . Hinc *Dupondius* est As vel Assis duorum ponderum, seu duarum librarum, hoc est, duo asses, pro quo *Bini aris* dicebant, ut subaudiretur *Nummi* . Sic *Tressis*, id est, tres asses, terni æris : *Quartussis*, *quinqussis*, *sextussis*, *septussis*, *octussis*, *nonussis*, *decussis*, *vicessis*, *tricessis*, *centussis*, sive quatuor æris, quini æris, seni æris, septeni æris, noveni æris, deni æris, viceni æris, triceni æris, centeni æris, pro quatuor, quinque &c. centum asses . *Mille aris*, mille *assium*, mille *assariorum*, & *centum millia assium*, vel *centum millia aris*, subaudi nummum aut nummorum . Est autem *res mille aris* idem quod mille scutati, vel ducatonæ, vel philippi . Tandem *Nummus* plerumque significat *Sestertium*, id est, quartam denarii partem, qui Romæ *dimidius grossus* vocatur, qui valet duos asses & semissem, adeoque hac nota insignitur IIS. quod est Asses duo & semis seu dimidius, aut LLS. id est, duæ libellæ æris & semis . Dicitur *Sestertius nummus* quasi as semitertius . Sæpe autem tam *Sestertius*, quam *Nummus*, in proferenda pecuniæ summa subtingitur, adeoque indiscriminatim dicitur . Debet mihi quinque millia nummum sestertium, & Debet mihi quinque millia nummum, & Debet mihi quinque millia . Sed *Sestertium* neutro genere significat summam mille nummorum sestertiorum, quæ facit 25. scutatos, philippeos aut ducatonæ . Est autem nomen adjectivum, in quo substantivum aliquod necessario subauditur . Et quoniam Charisii monitum est : *In adjectivis absolute positum subaudiendum, quod quisque voluerit, modo scilicet sensui exprimendo ineptum non sit* : propterea mihi, dum

dum alii melius quid inveniant, *Pondus minæ* subintelligere placet. Cum enim Minæ pondus pendat decem scutatos, five centum denarios, vel regales, vel Julios: duo minæ pondera conficiunt ducentos denarios, seu 20. scutatos. Ita minæ pondera duo & semis, five pondus minæ sestertium summam 250. denariorum five scutatorum 25. conficiet. Cæterum de nodo illo, quem ex Plausi Rudente Burdo affert, ubi Talentum magnum mille ducentis nummis seu scutatis valet, aliud quod dicam non habeo, nisi videndum esse, alia ne Cyrenis, ubi ea fabula agi fingitur, rei nummariæ ratio fuerit, ut scilicet nummus auri non nisi dimidium ejus, quod alibi valebat, Cyrenis valuerit. Nunc, si vobis libet, nostras porrò Tabulas inspicite ac valete.

# TABULA I.

## Sestertii Nummi.

### Sestertius

1	Valet asses seu bajoccos 2	$\frac{1}{2}$	
2		5	
3		7	$\frac{1}{2}$
4		10	$\frac{1}{2}$ —id est Denarium, seu Ju-
5		12	$\frac{1}{2}$ lium, seu Regalem.
6		15	
7		17	$\frac{1}{2}$
8		20	—id est duos denarios, seu
9		22	$\frac{1}{2}$ Julios, seu regales.
10		25	
20		50	
30		75	
40		100	—id est, decem denarios, sive
50		125	unum scutatum aut Duc-
60		150	atonem, aut Philippeum.
70		175	
80		200	—id est, 20. denarios seu duos
90		225	scutatos. (Romanum
100		250	—id est, 25. den. sive Aureū
200		500	—sive 5. scut. duc. philippeos.
300		750	—sive scut. 7. & dimidiū.
400		1000	—id est decem scutatos.
500		1250	—id est scut. 12. & dimidiū.
600		1500	—id est scutatos 15.
700		1750	—id est scut. 17. & dimidiū.
800		2000	—id est scutatos 20.
900		2250	—id est scut. 20. & dimidiū.
1000		2500	—id est scutatos 25.

# TABULA II.

## SESTERTIA.

Sestertia duo, vel duo sestertia num-  
mum, vel duo millia nummum,  
vel duo millia sestertium.

2	valent scutatos	50	
3		75	
4		100	
5		125	
6		150	
7		175	
8	—————	200	
9		225	
10		250	
20		500	
30		750	
40	—————	1000	
50		1250	
60		1500	
70		1750	
80	—————	2000	
90		2250	
100		2500	Hoc sic effertur, Debet mihi
200		5000	centum, debet centum sestertia
300		7500	debet centum millia sestertium.
400	—————	10000	Debet quadringenta, debet
500		12500	quadringenta nummum, de-
600		15000	bet quadringenta millia sester-
700		17500	tium.
800	—————	20000	
900		22500	
1000		25000	



# T A B U L A III. Decies Sestertium &c.

*Cum Adverbis semper subauditur Centena millia, & in Sestertium subauditur Nummum seu Nummorum.*

*Decies, vel Decies sestertium, vel decies centena millia HS, vel mille sestertia valet scut. millia 25.*

*Undecies valet scut. seu ducatonum millia 27 & 500.*

Duodecies millia 30

Tredecies 32 & 500

Quaterdecies 35

Quindecies 37 & 500

Sedecies 40

Decies septies 42 & 500

Decies octies 45

Decies novies 47 & 500

Vicies, vel Vicies HS. 50

Tricies 75

Quadrages 100 *Germanis dicitur Tonna.*

Quinquages 125

Sexages 150

Septuages 175

Octoges 200 *Germanis dua Tonna.*

Nonages 225

CENTIES, vel Centies HS. 250

Ducenties 500 *Quinque Tonna. Dimidius*

Trecenties 750 *Millio Italis.*

Quadringenties 1000 *Italis Millio. Germ. Decem*

Quingenties 1250 *Tonna.*

Sexcenties 1500 *Millio unus & semis.*

Septingenties 1750

Octingenties 2000 *Milliones duo, & viginti Tonna.*

Noningenties 2250

MILLIES HS. 2500 *Milliones 2  $\frac{1}{2}$  Tonna 25.*

Millies decies 2525 *Million. duo, & millia 25.*

Millies centies 2750 *Milliones duo & millia 750.*

Bismillies *Milliones quinque.*

Bismillies centies *Milliones quinque & millia 250.*

Tres millies *Milliones septem & dimidius.*

Quater millies HS. *Milliones decem.*

# T A B U L A IV.

## Drachmæ seu Denarii.

*Drachma una sive Denarius unus valet decem assibus seu bajocis, seu cruciatis, qui sunt quatuor nummi sestertii :  
Drachmæ seu Denarii*

10	valent aureum, seu scuta- tum, seu ducatonem aut talerum philippeum	1
20		2
30		3
40		4
50		5
60		6
70		7
80		8
90		9
100		10

*Et hi valent Minæ :*

# T A B U L A V.

## Mina.

*Mina valet centum drachmas seu denarios, sive decem  
scutatos, ducatonem, philippeos :*

*Mina*

2	valent scutatos, seu ducato- nes aut philippeos	20
3		30
4		40
5		50
6		60
7		70
8		80
9		90
10		100
20		200
30		300
40		400
50		500
60		600

*Et ha valent Talentum.*

Z 2 TA

# TABULA VI.

## Talentum.

*Talentum valet Sexaginta minas, sive 600. scutatos,  
philippeos, ducatonos,*

### Talanta

2 valent scutatos, philippeos, ducatonos	1200
3	1800
4	2400
5	3000
6	3600
7	4200
8	4800
9	5400
10	6000
20	12000
30	18000
40	24000
50	30000
60	36000
70	42000
80	48000
90	54000
100	60000
200	120000
300	180000
400	240000
500	300000
600	360000
700	420000
800	480000
900	540000
1000	600000

*Syllabus Auctorum linguae Latinae  
Ætatis Auræ.*

**M**arcus Tullius Cicero; editus à Petro Victorio, Paulo Manutio, Dionisio Lambino, Jano Gruto, Alexandro Scoto.

Plauti Comœdiæ editæ à Plantino & Raphelengio & postremum à Friderico Taubmanno cum magni ponderis & oneris commentario.

Terentii Comœdiæ editæ à Gabriele Faerno & M. Ant. Mureto. In eas commentarii Donati & Eugraphii veterum Grammaticorum editi sunt Lutetiæ Parisiorum.

In Terentium Index Augustini Gambarelli editus est Bergomi.

Ennii fragmenta omnia cum commentario Hieron. Columnæ edita sunt Neapoli: Annales cum Pauli Merulæ Comment. Lugduni Batavorum:

Lucillii fragmenta edidit Franciscus Doufa Lugduni Batav.

Fragmenta veterum poetarum Latinorum edidit Henricus Stéphanus.

Fragmenta Historicorum Latinorum collecta ab Antonio Augustino una cum Fulvii Ursini notis edidit Plantinus.

Catonis opera à se collecta & restituta edidit Aufonius Popma Lugduni Batavor.

Lucretii poemata cum Lambini comment. edita Parisiæ & Francofurti.

Lucretium cum Oberti Gifanii Indice edidit Plantin. & Rapheleng.

Cæsar's opera cum variorum notis edita Francofurti.

Cornelius Nepos (male vulgo Æmilius Probus) cum Savaronis notis editus Lutetiæ, & cum Lambini, Schotti, aliorumque comment. Francofurti.

Catullus, Tibullus, Propertius editi à Plantino & Rapheleng. & cum variorum comment. Francofurti.

In Propertium commentarius Johannis Passeratii, quod nunquam quicquam visum fuit perfectius, editus Parisiis.

Varronis opera omnia cum suis notis edidit Aufonius

Popma Lugduni Batavor. Eadem cum Antonii Augustini, Jos. Scalig. & Pet. Victorii notis Lutetiæ.

Varronis libros de lingua latina infinitis locis emendatos edidit Gaspar Scioppius Ingolstadii anno 1605.

Virgilii opera cum commentario Servii ex bibliotheca Petri Danielis & Gasp. Scioppii edita Parisiis anno 1600.

In Virgilium vastæ molis commentarios ediderunt Jacobus Pontanus & Ludovicus Cerda Jesuitæ.

Horatium edidit Muretus, Xylander, Cruquius, Heinsius, & cum commentar. Lambinus & Marcilius, cum Paraphrasi Frideric. Cerutus.

Sallustii opera cum variorum notis & comment. edidit Gruterus Francofurti, & Raphelengius Lugd. Batavor.

Livii opera cum variorum notis Franciscus Modius Francofurti edidit, sine notis Gruterus ibidem, sed ea editio parum respondit Gruteri voto, neque est ex lectorum usu, cum typographus typis obsoletis & evanescentibus usus fuerit, operæ verò frequentius oscitaverint.

Catalecta Virgilii & poetarum edidit Parisiis Petrus Pithæus anno 1590. & cum Josephi Scaligeri suisque notis Frideric. Lindebrugi Lugduni Batavor. 1595.

Vitruvium de Architectura cum comment. edidit Daniel Barbarus Venetiis anno 1567. ubi & anno 1557. editæ sunt annotationes in eundem Guilielmi Philandri.

Bernardinus Baldus Urbinas de Vitruvianorum verborum significatione eruditissimum Commentarium edidit Augustæ Vindel. 1662.

*Ætatis Argenteæ.*

Ovidii opera cum commentariis variorum Francofurti. In ejus Metamorphosin, Tristia & de Ponto comment. edidit Pontanus Jesuita.

Vellejus Paterculus editus à Lipsio, Acidalio, aliis.

Valerius Maximus editus à Pighio, Lipsio, Colero,

Curtii historiam edidit Modius, & Acidalius, cumque commentario suo Matthæus Raderus Jesuita.

Dicæus Cretensis de bello Trojano cum Merceri notis Lutetiæ.

Cornelius Celsus de re medica.

Phædri Augusti liberti fabulas Æsopicas edidit Rigaltius Parisiis.

C. Julii Hygini Mythologica & Astronomica edidit Comelinus.

Asconius Pedianus in orationes Ciceronis editus à Manut. & Hotoman.

Senecæ Rhetoris & Senecæ Philosophi opera cum variorum notis edita Parisiis & Lugduni Bat.

Senecæ Tragædias cum comment. edidit Delrius Jesuita.

Perfius cum Vineti, Pithœi, Marcilii notis editus Parisiis, cum paraphrasi Friderici Ceruti Veronæ, cum comment. Casauboni Paris.

Lucanus cum comment. Basileæ.

Columella cum Catone, Varrone & Palladio de re rustica cum Fulvii Ursini notis editus à Comelino 1593.

Pomponius Mela & Julius Solinus à Schotto Jesuita editus Antverp.

Manilii Astronomica edita cum comment. Jos. Scalig. Paris. & Lugduni Bat.

Quintiliani Patris Declamationes editæ à Pithœo apud Comelin.

*Ætatis Aeneæ.*

Quintiliani Oratoriæ Institutiones editæ Paris. & Lugdun.

Plinii majoris Historiam edidit Jacobus Dalecampius.

Plinii minoris epistolas & Panegyricum edidit Casaubonus.

Suetonium edidit Beroaldus, Torrentius, Casaubonus.

Tacitum cum variorum notis edidit Gruterus.

Flori historiam cum variorum notis edidit Comelinus.

Frōtinum de Aquæductibus & Coloniis edidit Onuphrius Panuinius. Ejusdem Stratagemata edita sunt cum Vegetio.

Statii poemata cum veterum & recentiorum notis edita sunt Parisiis.

Valerium Flaccum edidit Ludovic. Carrio.

Silium Italicum doctissimus puer Daniel Heinsius una cum crepundiis suis edidit Lugduni Batavor.

Solinus una cum Mela editus est à Schotto.

Martialem cum Indice & comment. editum habemus Parisiis, in eumque commentaria & notæ exstant Raderi, Ramiresii, Gruteri, Scriverii, aliorum.

Juvenalis cum Comment, & notis variorum editus est

Parisiis, & cum paraphrasi Friderici Ceruti Augustæ  
Vindel.

*Ætatis Ferrea.*

Agellii ( vulgo Auli Gellii ) noctes Atticæ editæ ab  
H. Stephano Lutetiæ Parisiorum.

Justini Historia ex Trogo Pompejo, edita à Jac. Bon-  
garsio.

Apulejus à Vulcanio editus Lugduni Batavor. cum  
comment. Beroaldi & notis Stevechii Basileæ cum Pe-  
tri Colvii notis Lugd. Bat. in eum Symbola Critica  
Gasp. Scioppii Augustæ Vindel.

Vegetius de re militari cum comment. Stevechii.

Ejusdem de re veterinaria seu Mulomedicina edita  
à Sambuco.

Aurelii Victoris historia edita ab And. Schotto Jesuita.

Rhetores antiqui Latini editi à Petro Pithœo,  
quorum Rutilius est Quintiliano antiquior.

Historiæ augustæ scriptores Spartianus, Lampridius,  
Trebellius Pollio, Capitolinus, Vulcatius & Vopiscus  
cum doctissimis Casauboni & Claudii Salmafii comment.

Panegyrici duodecim à Grutero, Acidalio & Rittherf-  
husio recogniti.

Censorinus de die natali editus ab Aldo Manutio.

Apicius de re culinaria cum notis Tiguri.

Ausonius cum Eliæ Vineti comment. & notis Jos.  
Scaligeri.

Claudianus cum notis Delrii.

Gratii & Nemesiani poematia cum notis edidit Ro-  
bertus Titius.

Ammianus Marcellinus editus à Lindebrugio Hamburgi.  
Julii Obsequentis de Prodigiiis Lugduni.

Martianus Capella cum Hugonis Grotii notis.

Q. Sereni Sammonici carmen, Rutilii Itinerarium &  
Symposii Ænigmata exstant inter Poematia vetera edi-  
ta Parisiis 1590.

Auctores finium regundorum à Nic. Rigaltio editi Pa-  
risi. qui de singulorum ætate in præfatione monet.

Inscriptionum antiquarum volumen ingens edidit Ja-  
nus Gruterus.

PASCASII GROSIPPI

DE

RHETORICARUM

EXERCITATIONUM

GENERIBUS,

Præcipuèque de recta Ciceronis Imitatione ;  
deque Orationis Latinæ vitiis ac virtutibus .

DISSERTATIO

*Ex Propædia ejus ad Scholas Rhetoricas excerpta :*

Accessit parandæ verborum Copiæ exemplum .





# De Rhetoricarum Exercitationum generibus, percipueque de recta Ciceronis imitatione.\*



E. Virilis, qua habet.	Electiorem optimi	Artificis, nempe Ciceronis, ut scri- bat quomodo	Cum ipse scripsit
		Operis in	Tum rectè scribi censuit, exemplo scilicet Plauti,
		Rebus Verbis	Terentii, Casa- ris, Nepotis, Livii. g.
		Custodiam decori, ut ne imitatio dedecet vel	Materiam Imitatoris naturam.

## EXPLANATIO.

( a ) Ut in omnibus artibus, item in Rhetorica, oportet prius discere faciendi & operandi regulas, tum in eo, quod didiceris, exerceri. Præcepta tamen convenit esse brevía, exercitationem longiorem & diuturniorem. Horatius: *Quicquid præcipies, esto brevis, ut cito dicta Percipiant animi dociles, teneantque fideles.* Seneca: *Longum iter est per præcepta, breve & efficax per Exempla.* quid enim faciendum sit à faciente melius discitur.

( b ) Exercitatio secundum Artem fit prius per Analysisin, postea per Genesin. *Analysis* sive resolutio est mentis actio, sive intellectus operatio, considerans in opere alieno; quid quibusque instrumentis factum sit. Verbi gratia, cum in aliqua Ciceronis oratione considero, quæ sit *Quæstio* sive res; de qua tractatur, tum quæ sit *Inventio*; id est, quid excogitarit Cicero ad Quæstionem illam tractandam: hoc amplius, quæ sit *Dispositio*, id est, quot orationis partes fecerit, & quid rerum inventarum in quaque Orationis parte posuerit: tandem quæ sit *Elocutio*, id est, quo verborum genere res inventas & dispositas extulerit, quibus Tropis, quibus Figuris, qua collocazione, qua junctura, quibus numeris usus fuerit, qua denique vocabulorum phrasiumque varietate unam eandemque rem significaverit. Similiter exerceri oportet in resolvendis Horatii Odis, Catul-

Catulli epigrammatis , & Propertii Elegiis , aliorumque magnorum auctorum operibus.

(c) *Genesis* seu Compositio est Intellectus operatio , per quam facit quis , quod faciendum esse regulæ artis præcipiunt , verbi gratia , cum orationem scribit , memoriæ mandat , recitat . Similiter cum scribit Epistolam , vel carmen , excogitat ea , quibus quæstionem sibi propositam tractet , excogitata collocat , colloata exornat , vel amplificat . nam Poeta iisdem prorsus instrumentis utitur , quibus Orator , nisi quod numero differunt .

(d) Exercitatio secundum artificem est imitatio alicujus in arte excellentis . Est autem *Imitari* non idem opus iisdem instrumentis efficere nam idem opus diversorum artificum sine furto esse non potest , Fur ego idem , quod scripsit alius , Imitator non idem , sed eodem modo , scribit . Imitatio autem alia Puerilis est & incipiens , alia Virilis & provector . *Puerilis* imitatio aut inventionis inopia fit , aut judicii . Illius generis imitatio est , cum magister discipulis artificis alicujus opus interpretatus , Quæstionem similem proponit , & argumenta similia excogitat , ut discipuli in opere simili faciendo eadem dispositione & iisdem fere instrumentis uti possint . Verbi gratia , prælecta Ciceronis oratione pro M. Marcello , in qua restitutio Marcelli omnibus reliquis rebus gestis C. Cæsaris ad laudem antefertur , fingit Magister quæstionem illius similem , qualis est hæc , Resurrectionem Christi cæteris ejus operibus præstare : ad quam probandam argumenta illorum , quibus Cicero utitur , quam potest simillima excogitat . Ita eum in Oratione pro Rege Dejotaro adversus accusatorem domesticum ejus hoc agat Cicero , ut insidias vitæ Cæsaris à Dejotaro nequaquam structas fuisse doceat , similia illorum argumenta Magister discipulis comminiscitur , quibus Cristo adversus Judam patrocinetur , eumque Tyrannidem nequaquam affectasse , nec regno Tiberium Cæsarem exuere conatum esse demonstret .

(e) Judicii inopiam arguit imitatio , si non circa optimum occupetur , nec decorum custodiat , Cum enim artifex fieri optimus cupiat , certe optimo ut simillimus esse

esse studeat , necesse est , nam quo quidque optimo est similius , tanto est melius ; cum optimum cujusque generis sit mensura ac norma reliquorum . Optimum vero arguit artificum consensus , quibus , de arte sua iisque quæ ad artem pertinent judicantibus , nemo , nisi cui helleboro opus sit , fidem abrogare audeat . Itaque tanquam insani alligandi videntur & ad agnatos ac gentiles deducendi , qui se aliter , quam Cicerone imitando consecuturos putant , ut excellenter Latine scribere existimentur . Huic enim Latine orationis summam ac principatum , cum æquales ejus , tum ei suppare Li- vius , Seneca , Quintilianus , quicumque denique à mille sexcentis annis doctrinæ & judicii opinionem habuere , summo consensu tribuerunt . in quam sententiam minor Plinius lib. 1. Epist. 5. *Est mihi* , inquit , *cum Cicerone æmulatio , nec sum contentus Eloquentia sæculi nostri . nam stultissimum credo ; ad imitandum non optima quaque proponere .*

(f) Judicium porro optimum imitantis non ad Artificem modo , sed etiam ad opus ejus respicit , ut nimirum cum eligat , cui artificii palma debetur , tum illud ad imitandum sibi proponat , quod in eo artifice optimum existimatur : quod quidem vel Opus est , vel operis Judicium , hoc est , quod vel ipse fecit , vel faciendum esse judicavit . Itaque Ciceronis imitator non ad ea tantum , quæ fecit Cicero , id est , quæ dixit aut scripsit , componitur , sed etiam quæ facienda esse aut recte fieri censuit . Quæ fecit , partim in rebus , partim in verbis spectantur .

(g) In rebus inventio & collocatio : quibus Cicero semper summum consilium adhibuit , ut operæ pretium sit imitatoris in eo exerceri studium , cur quidque ab eo dictum , quaque causa hoc potius , quam alio loco positum fuerit . Sic enim discet , quanto major ejusdem dicti vis sit ad conciliandum , ad movendum & ad docendum , si tanti artificis exemplo adhibeatur .

(h) In verbis cum Ornatus , tum Copia spectatur , de quibus infra suo loco explicabimus . Hic satis fit monuisse , Ciceronis imitatori rationem diligenter habendam esse , quibus ~~in~~ Tropis , quibus Figuris sive dictionis , sive sententiæ , orationem illuminarit , quam  
verbis

verbis collocationem , quam juncturam , quos numeros adhibuerit , quam multifariam denique rem eandem verbis extulerit . Hæc enim omnia sunt , quorum nomine Cicero multò maximè cæteris omnibus præstitisse , planeque in Latina lingua regnum obtinuisse semper visus est . Quod vero ad Judicium ejus attinet , de iis , quæ facere eum oportet , qui Latine scribendi laudem affectat , illos demum laudem mereri censet , qui Veteres cum judicio imitantur , qui barbariæ domesticam seu vitiosam loquendi consuetudinem cum Ratione , tum pura & incorrupta consuetudine expurgant vel emendant , qui denique peregrina ex diversis locis in Urbem influentia excludunt : illis rursus eam laudem judicio suo abrogat , qui veterum verba obsoleta ac jam desita referre audent , qui novam inquinatè loquentium consuetudinem sequuntur , qui postremo peregrinis ac parum vernaculis cum verbis , tum loquendi generibus orationem infuscant . Prioris generis , ipso quoque Cicerone teste , fuerunt C. Cæsar , & Cornelius Nepos , quibus merito nos Livium annumeramus , quem re ipsa videmus præstitisse id quod ille facere alios monebat , *ut scilicet Ciceronem imitarentur , & ut quisque esset Ciceronis simillimus* , cujus quidem moniti Quintilianus testis est . Inter posteriores , Cicero familiarem suum , L. Sisennam historicum numerat , quem doctum sane virum & studiis optimis deditum benèque Latine loqui solitum fatetur , irridet tamen , quod usitati sermonis emendator esse vellet , rectèque loqui putaret esse , inusitatè loqui . In qua ipsa hæresi Varronem & Sallustium fuisse apparet : qui hoc amplius mirificè sibi in novando indulserunt , nec parum sæpe quodam patriæ consuetudinis fastidio , ut Græcæ locutionis similitudinem exprimerent , allaborarunt . In Philippicis quoque Antonium notat Cicero , quod præ novandi studio ea subinde diceret , quæ à nemine intelligerentur , qualia sunt *Piissimus* , & *Dignus* pro eo , qui est in Dignitate seu munere publico , & *Contumeliam facere* , pro pati : quorum similes nulloque genere meliores neoterismos passim in Varrone , Sallustio , hujusque simio Corn. Tacito invenias . Sicut ergo ab id genus auctoribus , tantopere à Ciceronis cum exemplo , tum judicio se abstrahentibus ,

ei cavendum est, qui Ciceronis imitator perhiberi postulat, quod aliter τὸ κοινὸν vitium ( de quo mox littera r. ) evitari non possit: ita pro explorato haberi debet, nihil Ciceronis imitatione alienum ab eo fieri, qui Cæsarem, Livium, Nepotem, Plautum & Terentium, iis dumtaxat vitatis, quæ in his obsoleta se offerunt, imitando effingit. Ita quippe ipse in tertio de Oratore judicat: *Omnis ( inquit ) loquendi elegantia, quamquam expolitur scientia literarum, tamen augetur legendis Oratoribus & Poetis. Sunt enim illi Veteres, qui ornare nondum poterant ea, quæ dicebant, omnes prope præclarè locuti: quorum sermone aduersati qui erunt, ne cupientes quidem poterunt loqui nisi Latine. neque tamen erit utendum verbis iis, quibus jam consuetudo nostra non utitur. Et in Bruto, Solum, inquit, & quasi fundamentum Oratoris est locutio emendata & Latina. Cujus penes quos laus adhuc fuit, non fuit rationis aut scientia, sed quasi bona consuetudinis. Mito C. Lælium, P. Scipionem. Ætatis ista fuit laus, tamquam innocentia, sic Latine loquendi. nec omnium tamen. nam illorum aequales Cæcilius & Pacuvius malè locutos videmus. Sed omnes tum ferè, qui nec extra urbem hanc vixerant, nec eos aliqua barbaries domestica infuscaverat, rectè loquebantur. Sed hanc certè rem ( id est rectam locutionem ) deteriores vetustas fecit ( id est temporis processus aut longinquitas ) & Roma & in Græcia. Confluxerunt enim & Athenas & in hanc urbem multi inquinatè loquentes ex diversis locis ( quorum scilicet confluxu Latinitas vernacula corrupta est ) quo magis expurgandus est sermo, & adhibenda tanquam obrussa Ratio, quæ mutari non potest, nec utendum pravissima consuetudinis regula. Cæsar rationem adhibens, consuetudinem vitiosam & corruptam pura & incorrupta consuetudine emendat. Itaque cum ad hanc elegantiam verborum Latinorum ( quæ etiam si Orator non sit, & sis ingenuus civis Romanus, tamen necessaria est, ) adjungit illa Oratoria ornamenta dicendi: tum videtur tanquam tabulas bene pictas collocare in bono lumine. Ibidem: De Cæsare ita judico, illum omnium fere Oratorum Latine loqui elegantissime: nec id solum domestica consuetudine, sed quamquam id credo quoque fuisse, tamen ut esset perfecta illa bene loquendi laus, multis literis, & iis quidem reconditis & exquisitis, summæque studio & diligentia est consecutus.*

(i) Jam Decori quoque neglectus Judicii arguit inopiam; si nempe parum pensi sit, quid materiam sive descriptionis argumentum, quidque scriptoris ingenium deceat. Sæpe quippe usu venit, ut *Ornari res ipsa neget, contenta doceri*, tanquam in scribendis familiaribus Epistolis, in condenda historia, in explicando loco aliquo communi, in disputationibus de re literaria, & similibus; ubi omnis dictionis laus in perspicuitate, puritate, elegantia seu verborum dilectu & varietate continetur; ornatus vero Troporum, figurarum, amplificationum, collocationis, juncturæ & numeri Oratorii adeo intempestivus est, ut hoc ipso ornata videatur Oratio, quod id genus ornamentis careat.

(k) Deinde non omnium ingenia ad eandem dictionis seu styli formam facta esse, certum est, adeoque

*Metiri se quemque suo modulo ac pede, verum est,*

*Ne quicquam invita dicat scribatve Minerva.*

Neque enim attinet repugnare naturæ, nec quicquam sequi, quod assequi nequeas. quod in vita quidem agenda præcipi solet: sed non minus locum in stylo habet, ut nimirum etiamsi alius sit præstabiliior, tamen suam quisque dictionem naturæ regula metiatur. Dum ergo hoc quisque præstet, ut emendata sit Oratio, hoc est, nullis solæcismis aut barbarismis, nullo archaismo aut neoterismo, nulla denique peregrinitate sive Idiotismo aliarum linguarum inquinata, tum ut sit honesta sive elegans, nihilque sordidum, vile aut plebejum sapiat ( hæc enim vitia non à disertitantum, sed à cujuscunque ingenui civis Romani oratione abesse debere, moventem paulo prius Ciceronem audivimus ) cæterum suo utetur ingenio, Ciceronisque ab orationis ornamentis, præcipueque ab intervallis (quæ sunt incisa, membra & eriodi) & à numeris similem se hætenus esse volet, put imitationem cum materiæ conditione, tum ingenii sui modulo metiri meminerit. Aliter enim ὁ τῆ φαιῆς μέτρον ἱταίνας ( Lenti unguentum infudisse ) aut bovi clitellas merito imposuisse judicabitur. Cujus stoliditatis justam reprehensionem effugere volet, si rationem inierit, nihil intercedere, quin etiam illa perpulchra & amabilis sit Oratio, quæ Ciceronianæ ad ornatum sit dissimillima: sicut cum longe omnes Hæle-



næ forma antecederet, non propterea mille aliis Græciæ mulieribus species defuit, quæ amatores allicere ac retinere posset. Multum quidem Cæsaris dictionem Tulliana interfuisse, vel orationum & epistolarum ejus fragmenta nobis argumento sunt. nec tamen non eam ille commendationem abstulit, ut omnibus eum sui temporis Oratoribus ad elegantiam & splendorem Cicero anteferreret. Mitto jam quod ornatu Cicero ad permulcendos & impellendos judicum aut concionis animos uti necesse habuit: nobis non fere nisi ad ostentationem ullus ejus usus hodie esse potest, ut in oratione pollienda multoque cum labore dimetienda occupari, effæminatum minimeque maturi judicii viro dignum videatur.

## De vitiis Orationis Latinæ.

Oratio- nis vitia alia,	{	Generalia, quæ omnibus Latine loquentibus sunt turpia, ut	{	Obscuritas a.	{	Barbarismus b.
				Impuritas re-		Solæcismus
				pugnans præ-		
				ceptis, ut		
	{	Specialia, quæ quibusdam modò sunt deformia, ut	{	Insolentia re-	{	Archaismus c.
				pugnans con-		Neoterismus d.
				suetudini, ut		Idiotismus e.
	{	Honestis	{	Plebitas seu Vilitas f.	{	
				Κοινισμός, inæqualitas aut confusio g.		
	{	Disertis	{	Incultus ratione	{	Materia { Tropis . h si verba { Figuris .
						Amplificationibus
	{	Inopia siue Egestas.	{	Forma . Vide B.	{	
B. Forma, si compositio sit	{		{		{	ἄτακτος, Male collocata.
						κακὰ συνδετος, Male juncta.
						ἀνὰριθμητος, Parum numerosa.

## EXPLANATIO.

(a) Vitiiorum locutionis alia Homine indigna sunt, alia homine Romano, alia homine Romano ingenuo sive honorato aut nobili, alia denique homine Romano ingenuo diserto, id est, Oratore. nec alia est virtutum vitiis istis oppositarum ratio. Homini cuiusvis formis est sermonis *obscuritas*, cum homini facultatem loquendi eo nomine natura fuerit impertita, ut animi sentia seu cogitata sua alteri explanare posset. Itaque si quis intelligi, hoc est, cogitationes suas sciri nolit, longe melius tacendo, quam obscurè loquendo id, quod vult, assequetur. Est autem obscuritas alia in verbis singulis aut conjunctis, id est, in loquendi generibus seu phrasibus, si sint inusitata; alia in compositione, si sententiæ sint amputatæ, aut concisæ, aut verba trajecta, nimiumque ordo eorum turbatus. Cujus utriusque generis passim exempla Varronis, Sallustii & Taciti lectio suppeditat: quorum similitudinem ætate nostra Lipsius ac non nemo discipulorum ejus affectarunt, sic tamen ut facilè in eo genere primas ferat Johannes Barclajus, qui sæpe ne ipse quidem, quid scriberet, videtur percepisse. Causa porrò obscuritatis est, quod quis apertè ac dilucidè loqui vel non potest, vel non vult etiam cum potest. Qui enim suæ sibi infantia est conscius, quamque parum Latini sermonis potens sit, celare alios postulat, quo majoribus sensum suum tenebris circumvallaverit, eo difficilius cæteros, quam curta ipsi sit verborum supellex, perspecturos confidit, nec dissimiliter homo vanus gloriolæ inanis choragium hinc sibi comparat, quod opinionem acuminis & ingenii, aut reconditoris cujusdam scientiæ accessuram sibi præsumit, si quæ dixerit, ea paucissimi intelligant, atque ob hoc ipsum cæteri admirentur. Talem nobis Lucretius Heraclitum philosophum describit, cui obscuritas τὸ σκοτεινὸν cognomentum peperit;

*Heraclitus init quorum dux praelia primus,  
 Clarus ob obscuram linguam magis inter inanes,  
 Quamde graves Grajos inter, qui vera requirunt.*

*Omnia enim stolidi magis admirantur, amantque  
Inversis qua sub verbis latentia cernunt,  
Veraque constituunt, qua bellè tangere possunt  
Aures, & lepido qua sunt fucata sonore.*

Hoc ipso obscuritatis vitio eique affinibus aliis Oratorum plerisque, qui Ciceronis & Livii ætatem exceperunt, ingenii plausum quærere solitos, non uno loco Quintilianus testatur, quod vel ex iis, quæ recitabo, verbis ejus intelligi potest; quibus ætatis nostræ *φλυαργράφαι* seu Milesiarum conditores, quique stolidè eos admirantur, notari putes. Sic igitur ille libri 8. proœmio: *Ille, inquit, qua curam fatentur, & ficta atque composita videri etiam volunt, nec gratiam consequuntur & fidem amittunt, propter id, quod sensus obumbrant, & velut lato gramine sata strangulant. Pleraque significare melius putamus, quam dicere. quid, quod nihil jam proprium placeat? dum parum creditur disertum, quod & alius dixisset. A corruptissimo quoque Poetarum figuras seu translationes mutuamur, tum demum ingeniosi scilicet, si ad intelligendos nos, opus sit ingenio. Atqui satis aperte Cicero praeceperat, in dicendo vitium vel maximum esse, à vulgari genere Orationis, atque à consuetudine communis sensus abhorre. Sed ille durus atque ineruditus; nos melius, quibus sordent omnia, qua natura dictavit, qui non ornamenta quarimus sed lenocinia. Et mox cap. 2. Obscuritas sit etiam verbis ab usu remotis, ut si commentarios quis Pontificum & vetustissima fœdera & exoletos scrutatus auctores, id ipsum petat ex his, ut qua inde contraxerit, non intelligantur. Hinc enim aliqui famam eruditionis affectant, ut quadam soli scire videantur. Plus tamen est obscuritatis in contextu & continuatione sermonis, & plures modi, nempe sermo nimis longus, hyperbaton seu mistura aut trajectio verborum, parentesis longior, ambiguitas, turba inavium verborum in iis, qui dum communem loquendi morem reformidant, ducti specie nitoris, circumveniunt omnia copiosa loquacitate, qua dicere volunt. In hoc malum etiam à quibusdam laboratur. nec id novum vitium est, cum jam apud T. Livium inveniam fuisse præceptorem aliquem, qui discipulos obscurare, qua dicerent, juberet, Græco verbo utens, *σκέτιον*. Unde illa scilicet egregia laudatio: Tanto melior; ne ego quidem intellexi. Alii, brevitatis amuli, necessa-*

necessaria quoque orationi subtrahunt verba, & velut satius sit, scire ipsos qua dicere velint, quantum ad alios pertineat, nihil putant. At ego otiosum sermonem dixerim, quem auditor suo ingenio non intelligit. Pessima verò sunt *διαρρήματα*, hoc est, quæ verbis aperta occultos sensus habent, ut Conductus est cæcus secus viam stare. Ingeniosa hæc & fortia, ut ex ancipiti diserta credantur, perficiunt. At pervasit quidem jam multos ista persuasio, ut id jam demum eleganter atque exquisitè dictum putent, quod interpretandum sit. Sed auditoribus etiam nonnullis grata sunt hæc, quæ cum intellexerunt, acumino suo delectantur, & gaudent non quasi audiverint, sed quasi invenerint. Nobis prima sit virtus, Perspicuitas, propria verba, rectus ordo, non in longum dilata conclusio, nihil neque desit, neque superfluat. Ita sermo & doctis probabilis, & planus imperitis erit. Ejusdem lib. 2. cap. 3. verba sunt: *Florumque accidit*, ut faciliora sint ad intelligendum & lucidiora multò, quæ à doctissimis quoque dicuntur, nam & prima est eloquentia virtus, Perspicuitas: & quo quisque ingenio minus valet, hoc se magis attollere & dilataro conatur, ut statura breves in digitos eriguntur, & plura infirmi minantur. nam tumidos, & corruptos, & vinnulos, & quocumque alio cacozelia genere peccantes, certum habeo, non virum, sed infirmitatis vitio laborare: ut corpora non robore sed valetudine inflantur, & recto itinere lapsi, plerumque diuertunt. Erunt ergo obscurior etiam quo quisque deterior.

(b) Vitia sermonis homini Romano deformia sunt, cum *Impuritas*, tum *Insolentia*, quarum illa præceptis artis ac rationi, hæc receptæ consuetudini bene loquentium adversatur. Illius genera sunt, Barbarismus & Solæcismus. *Barbarismus* vitium est adversus Orthoepjæ, Prosodiæ, Etymologiæ regulas, sed ab aurea illa Ciceronis ætate approbatas. quas enim illa judicio repudiavit, Latiorque minimè dignas censuit, merito Barbaris relinquimus. Tale est *Solvit* pro *Solitus* est, & *Paritas opes* pro *partas*, queis pro reliqua sua cacozelia Sallustius utitur, qui, contra quàm Virgilius facitabat, non ex Ennii & Catonis stercore aurum, sed ex auro stercore, hoc est verba jam ad latrinam relegata seligere, curæ habuit; ut merito eum Lenæus, ætatis ejusdem Grammaticus, non *scriptis* minus, quam *vita monstrat*.

sum, præterea priscorum Catonis verberum ineruditissimum furem appellavit. nec tamen magnam Historiæ ejus laudem deberi nego, quæque non velut Sallustius, sed ut ætatis illius homo Romanus scripsit, cum emendata & Latina, tum lecta & elegantia esse fateor. Sed vitia styli ejus à virtutibus discernere, non est τοῦ ἰτιν-  
 χόρη, adeoque Quintilianus Livium potius, quam Sallustium tironibus legendum censet. Tales Barbarismi sunt Josephi Burdosciligeri: *Juvarunt & Adjuvarunt*, *Aures erroribus personantur*, *Valeant qui bonis obtreantur*, *Hoc me injusso factum est*, *Materia ictibus resistendis apta*, *Canes mundiora loca imwungunt*. Et Justi Lipsii: *Canis illum permingit*, *Frigidis imprime juvor*, *Mihi abunde satisfacitur*. Et Isaaci Casauboni: *Tot palmis*, *tot lauribus*: *lana pectina*: *Strigil est supellex*: *Omnes mortales omnium avorum*: *Mensura cujus fundum sit collisum*. Et Jacobi Thuani: *Substraxit*: *Substractus*, *Abolitus*, *Coliturus*, *Perculsi*. Et Pauli Jovii: *Prostrantes se pro Prostermentes*. Solæcismus vitium est adversus constructionis regulas & figuras. Aliter Stribligo dicebatur. Insignis Burdosciligeri solæcismus est in præfatione Varroniana: *Non dubito quin hac Conjectanea maturius edendu erant*. Et Lipsii: *Sol meridies erat*. Vereor ut milites nos pellant. Non ambigo quin peregrinationem laudabis. Et Casauboni: *Multa quorum interpretibus ne suboluisse quidem videbamus*. *Jussit me Rex ut tibi significarem*. Et Thuani: *Castellum aggrediuntur sed irritò successu*, *qui intro erant gnaviter se defendentibus*. *Tantum terroris oppidanis injecit*, *ut tandem positis armis deditionem faciunt*. *Incommodare aliquem*. Et Maffei: *Amiculus breviorẽ tunica superinduunt*. Et Famiani Stradæ: *Nos monitore necesse non habemus*: *pro moneri necellie non habemus*. Et *pecuniam mutuo dare pro Mutuam*. Et Pauli Jovii, Henrici Stephani ac Burdosciligeri: *Putant se occisos iri*. quod scuticam merebatur.

-(c) Insolentia consuetudini aureæ Latini sermonis ætati non congruit. Ejusmodi sunt Archaismus, Neoterismus & Peregrinitas sive Idiotismus. *Archaismus* est usus verborum, quæ intelligebantur quidem Ciceronis ætate, sed tamen in usu esse desierant. nam quæ tam essent obsoleta, ut non intelligerentur, ad *Obscuritatis* vitium

vitium pertinebant . Hoc vitio præcipuè Varro & Sallustius & Sisenna laborarunt , in eoque nostra memoria imitatore inveniuntur Lipsium & disciplinæ ejus alumnos . In prima editione centuriæ primæ epistolarum Lipsii hoc erat epistolæ cujusdam initium : *Ajo locutio tu lita : ego fidei strenuus* . quod tamen obscurum magis est , quam antiquarium . Ejus sententia est : Tu noli silere diutius , sed scribe , ut Deum illum , qui ab ajendo & loquendo nomen sortitus est , habeas propitium , sicut ego Fidem habeo propitiam , quam servavi , scribendo scilicet , sicut facturum me promiseram . Etiam illud potius ad obscuritatem pertinet , quod me puerum etiam exerciturus Henricus Stephanus proposuerat : *Rebare fari scio , fabare nescio* . pro Rebaris sive opinabaris te fari seu loqui homini scio vel scienti , fabaris autem seu loquebaris nescienti . Ista porro Lipsii sunt verè obsoleta : *Volupe mihi auditu est* . *Milum non ego deterior* . *Vale mi oculissime* , & *mutuiter me ama* . *Non magis proprium expresseris* . *In civitatibus est confluges vitiorum* . Sallustiani archaismi hæc sunt specimina : *Fama* , *famarum* , *famas* , *magnas vis* pro vires . *Armis decoribus* pro decoris , *Senati* pro Senatus , *Plebes* pro Plebs , *Satias* pro Satietas , *Sal-lere* pro Salire , *Secus virile* pro Sexus virilis , *Calui* pro Decipi , *Claudere* pro Claudicare . *Egere aliquam rem* , *Supplicium* pro Supplicatione . *Locus hostibus ignarus* , pro ignotus . Cajus Cæsar in libris de Analogia ad Ciceronem missis *tamquam scopulum* , *sic inauditum atque insolens verbum fugiendum monuerat* . quia scilicet , ut Ciceroni visum est , Ratione Cæsar utebatur , verborumque elegantia omnes æquales multum superabat : cui consequens est , Ut Varro & Sallustius nulla ratione in scribendo usi fuerint , Ciceronis saltem & Cæsaris judicio , cum verba loquendique genera jam olim antiquata & missa facta , tanto cum studio retulerunt . Sed & Quintilianus lib. 1. capite 6. *Abolita* , inquit , *atque abrogata retinere* , *insolentia cujusdam est & frivola in parvis jactantia* .

(d) Neoterismus est usus verborum loquendique generum , quibus Romani aurea illa Latinæ Linguæ ætate usi nondum fuerunt . Is quod habuerit Romæ initium , supra ex Ciceronis verbis didicimus . *Confluxerunt* , in-

quit, in hac urbem multi inquinatè loquentes ex diversis locis. Hoc in consuetudini Julius Cæsar restitit, eamque Ratione, obrussæ instar, adhibita expurgavit. Sed Augustus postea, cui nec eadem benè loquendi consuetudo domestica, nec tantundem literarum reconditarum & exquisitarum contigerat, non modo novitiæ ac vitiosæ consuetudini non intercessit, sed & seipsum quoque ea auferri passus est.

Ejus rei testem habemus literatissimum hominem, Hadrianum Imperatorem, cujus verba referens Charisius lib. 2. ita scribit:

*Drusus Hadrianus sermonum primo quarit, an Obiter Latinum sit. quamquam ( inquit ) apud Laberium hæc vox esse dicatur: at eam Scaurus Latinam esse negat. Quamquam D. Augustus, reprehendens Tiberium Claudium, ita loquitur: Scribis enim Per viam, ἀπὸ τοῦ Obiter. Sed D. Hadrianus, Tametsi, inquit, Augustus non pereruditus homo fuerit, ut id Adverbium ex usu potius, quam Ratione protulerit.*

Itaque minimè jam mirandum est, extremo Imperio Augustæo usque eò Linguæ Latinæ faciem fuisse innovatam, ut mox Seneca suæ homines ætatis Latine loqui negarit. Sic enim scribit epist. 39: *Vide ne plus profectura sit oratio ordinaria, quam hac qua nunc vulgo Breviarium dicitur, olim cum Latine loqueremur, Summarium vocabatur.* Id ipsum Quintilianus lib. 9. c. 3. & lib. 8. c. 3. satis nobis totidem verbis confirmat: *Verborum figura & mutata sunt semper, & utcumque valuit consuetudo, mutantur. Itaque si antiquum sermonem nostro comparemus, pene jam quicquid loquimur, figura est, ut Huic rei invidere, non ( ut omnes & Cicero præcipuè ) Hanc rem: & Incumbere illi, non In illum: & Plenum vino, non Vini: & Huic, non hunc adulari, jam dicitur, & Mille alia: utinamque non pejora vincant. Quid multa? totus prope mutatus est sermo. Eat nunc disertissimus Muretus, & stultitiæ, temeritatis, arrogantiaque minimè ferendæ eos accuset, qui scriptores Ciceronis & Virgillii ætate adolescentiores plurimum à Latinæ Linguæ puritate descivisse, ac propterea phrasibus eorum non temerè utendum esse, judicant. Certè ( inquit ) neque quisquam umquam Veterum eos male Latine locutos esse dixit: neque nos tam lon-*

go intervallo valde boni ejus rei existimatores sumus. At enim ipse Seneca & Quintilianus se male Latine loqui, & in mille loquendi generibus boni sæculi consuetudinem ætate sua corruptam fuisse, perspicuè confitentur, ut mirer qua fronte Muretus id scripserit, in quo mendacii tam nullo negotio revinci poterat: etsi minimè fugit me, quod ejus, cum ita scriberet, fuerit consilium. Paratam sibi scilicet excusationem esse voluit, si quid homines Itali in scriptis ejus invenissent, quod aurea Ciceronis ætate in usu non fuisse appareret. Diceret enim non errore se, sed judicio ac scientem iis uti, quæ posteriores suppeditassent. *Non erubescit autem solacismum Grammaticus, si sciens faciat; erubescit, si nesciens*, ut ait Seneca. Hujus porro generis nova apud Muretum sunt: *Figmenta poetarum: Ne optimi quidem jaculatores semper collimant*, pro collineant (quod non est ferire destinatum, sed dirigere telum) *juxta praeceptum Hesiodi: Martialis Silio Italico coævus fuit: Quorsum necesse est. Hoc tibi imputabis. Syllaba modus impedire mutationi videtur. Ad Episcopi munus promoveri. Neque tamen idem de vocabulis rerumque appellationibus, quod de loquendi generibus sive phrasibus, quæ apud posteriores extant, judico; facileque mihi persuadeo, nec Ciceronem, Celsi, Senecæ, Columellæ & Plinii verba repudiaturum fuisse, si ei de re medica, de re rustica, deque multis aliis rebus physicis scribendi occasio evenisset. Sed loquendi genera certum est magnopere degenerasse; multorum quoque vocabulorum significationes ita fuisse immutatas, ut ea in posteriorum libris non temerè Cicero & Cæsar intellecturi fuisse videantur. nec vero obscuros ea degeneratio & immutatio gradus habuit, ut ætas Latini sermonis aurea medio ferè Augusti principatu finem habuerit, cum secundo bello Punico cœpisset: quod Porcius Licinius apud Agellium lib. 17. cap. 21. his versibus significat:*

*Punico bello secundo Musa pinnato gradu*

*Intulit se bellicosam in Romuli gentem feram.*

Auream excepit argentea unà cum excessu Neronis finita. Hinc Ænea ad Hadriani usque exitum produci-  
tur. quod inde est temporis ad secundum usque Theodosium ferro asseramus licebit. Qui porro ad Carolum  
usque



usque Magnum Latinè scriinserunt, nihil nisi Lignum sunt: illis recentiores Lutum. Itaque si quis vitio Neoterismi affinem se perhibere nolit, appellationes rerum quidem ab argenteæ vel æneæ ætatis auctoribus petere religioni non habebit ( id enim nisi obmutescere velit, necesse habet ) sed phrasibus non temere utetur, quas aut sæculo illo aureo nemo usurpavit, aut is, qui magnum scriptorum ætatis illius usum habeat, iudicioque limato sit præditus, neminem illorum usurum fuisse statuat. Idem verò de novis verborum significationibus dictum volo, cum Antonium à Cicerone exagitatum videamus, quod *Contumeliam facere*, pro pati dixisset. *Nonne satius est* ( inquit ) *mutum esse, quam quod nemo intelligat dicere?* quoniam vero ab iis abstinendum putamus, quæ posteriores Cicerone & Livio novarunt, multo magis, ne ipse aut nova loquendi genera, aut novas verborum significationes inveniat, ei, qui puncta doctorum ferre velit, cavendum arbitramur. *Neque tamen accedo Celso, qui ab Oratore verba fingi vetat* ( ait Fabius lib. 8. cap. 3. ) *nam cum sint eorum alia ( ut dicit Cicero ) nativa, id est, qua significata sunt primo sensu, alia reperta, qua ex his facta sunt: etsi jam nobis ponere alia, quam qua illi rudes homines primi fecerunt, fas non sit: at derivare, flectere, conjungere, quod natis postea concessum est, quando desit licere?* Hac porro de re Q. Marrius Corradus in libris de copia Latini sermōnis tam scripsit accuratè, ut si homines docti monitis ejus uti animum inducant, linguam Latinam multò locupletiore[m] mox habituri videamur. A phrasibus tamen, ut dixi, & à significationibus novandis magno studio ei, qui puræ dictionis Latinæ laudem affectat, cavendum est. quod quidem si Paulus Manutius fecisset, scripta ejus cæterum cultissima sordibus quibusdam deturpata non haberemus, ut sunt *Ingratitudo*, *Speculatio*, *Contrarietas*, *Dammum pati*, *Dissuadere aliquem ab aliqua re*, pro dehortari, *Adhibere fidem alieni*, pro Credere. Talia sunt quoque Maffei: *Mercimonio dare operam*, pro mercaturæ: *Locus exercendo mercimonio idoneus*. *Fluvios, quamvis ad jugulum usque aqua pertingeret, transibat*, pro pertineret. nam *Pertingere* hoc sensu ætate aurea non dicebatur, etsi uno Sallustii & Cæsaris loco corru-

corrupto invenitur: Sic, *Qua Arabes de Angelorum cor-*  
*poribus turpiter adstruunt*, pro affirmant. *Ut minimum*,  
 pro minimum, vel ad minimum. *Spiritus mortificationis*  
*Spiritui speculationis praeferre*. *Hactenus de toto vita cursu*,  
*nunc praecipua de dictis ac moribus per species exsequemur*,  
 pro distinctè, singulatim. *Toto ditionis sua imperio*, pro  
 Regni vel Provinciæ. *Cujus bonitatem supplices exoramus*,  
 ut nos ad caelestia regna pervenire patiat. pro oramus,  
 imploramus. *Aliquot Collegia in ea urbe fundavit*, pro  
 condidit, constituit. nam *Fundare* est stabilire. *Proprium*  
*Navarra gentis est conversio Ethnicorum*. *Compenset Deus*  
*hanc ejus in nos voluntatem*. *Virgo à Meacensi quodam pro-*  
*cere expetita*, pro magnate. *Christiana doctrina fundamen-*  
*ta memoriter hauserat*, pro memoriæ mandarat. *Memi-*  
*nisse & Recitare memoriter*, Latinum est, non, *Disce-*  
*re memoriter*. *Totum illud bellum circiter annum vixit*,  
 pro tenuit. *Vigere*, testatur *Festus*, ad res hostiles non  
 pertinere, *Secus mare*, *Secus aream*, pro juxta, secun-  
 dùm; quod *Charisius* & *fatuum* & *sordidum* dictu esse  
 ait. *Talarem tunicam in caligas infundunt*, pro in brac-  
 cas, seu femoralia. *Caliga* sunt calcei militares. *Detri-*  
*mentum passus est*. *Homini voluptuoso jucunda proponere*,  
 pro Voluptuario, ut *Cicero*, *Plautus* & *Seneca* loquun-  
 tur. *Voluptuosus* minori *Plinio* est voluptate plenus:  
*Massejus* imperitè pro eo usurpat, qui voluptates con-  
 sectatur. *Hæc & horum similia plura vehementer Mas-*  
*seji Latinitatem infuscant*; eumque multo plus laboris,  
 quam rationis, aut scientiæ ad Latine scribendum at-  
 tulisse arguunt. *Lipsii* porro neoterismos vix justo vo-  
 lumine comprehendero. paucos tamen in exemplum sub-  
 jiciam. *Septimanam*, Substantivè dicit pro dierum hebdo-  
 made; quod non modo novè, sed & sordidè dicitur.  
*Saltem*, pro tantummodo. *In consistorio decretum est*. *Vi-*  
*de ne seducat te affectus*, pro auferat, in errorem indu-  
 cat. *Gratitudo* & *Ingratitudo*. *Ut quid*, proquare. *In lo-*  
*cis dissitis*, pro longe remotis. *Juramentum*, pro Jusjuran-  
 dum, Sacramentum. *Ore ad os aliquem alloqui*. *Nepos*  
*ex fratre*. *In ditione Leodicensi subsistam*. *Ubi leonina pellis*  
*non pertingit*, *vulpinam assuere oportet*. pro, quo non per-  
 tinet. *Meus amanuens*. *Dio asserit aliter vixisse Senecam*  
*quam scripserit*, pro affirmat. *Rerum circumstantia* pro  
 attri-

attributiones. *Lenocinium circumponere dolori*, pro delin-  
mentum. *Te volo meum amicum & crebrum inuisorem os-*  
*se*, pro visitatorem. *Quid agas fac me scitorem*, pro  
scientem, certorem. *Ex corde*, è pectore dico, pro vero,  
serio. *Invalentia mea causam sustinet*, pro invaletudo.  
*Æquitas ipsa sententiam à me donet*. Etiam Casauboni ma-  
gnus est *ῥεσπισμῶν* numerus, ut: *Complices conjuratio-*  
*nis*, pro affines, participes, populares, conscii. *Conse-*  
*quentias elicere*. *Carentia* pro orbatione, detractio-  
ne, sive caritate. *Rebus sic stantibus*, pro his rebus, quomo-  
do nunc est. *Tenetur nuptias cogitare*, pro debet. *Mutuo*  
*rogare pecuniam*, pro mutuam. *Tu unus à multis retrò sa-*  
*culis extitisti*. *Tuas laudes attaminare*. *Errant inobservan-*  
*tia hujus rei*. *Risum alicujus tollere*, pro movere alicui.  
*Turpis & defædus mos*. *Conciliare duas lectiones diversas*,  
pro in concordiam vel consensum redigere. *Libri ma-*  
*nuales*, pro manu descripti. *Multum sibi in barbaris di-*  
*ctionibus permiserunt*, pro Vocabulis. *Versus penultimus*,  
& antepenultimus. *Cibi aliis indicti*, & innominati. *Error*  
*memorialis*. *Multoties*. *Judiciosissimus*. *Balbutie laborare*.  
*Monstruositas*. Thuani quoque novitatum vix iniri potest  
numerus. Tales sunt *Nullatenus*, pro nihil penitus,  
omnino non, nullo modo. *Juxta veterem sententiam*. *No-*  
*stra & retro sæculorum memoria*. (quod etsi Schottus Je-  
suita pro Ciceroniano venditat, non magis tamen Tul-  
lio dignum est, quam *Congruè loqui*, quod idem à Mo-  
nachis haustum usurpat.) *Pejere in Deum*. *Impar*  
*contra tantam multitudinem*. *Vir nupsit puella*. *Litera fidu-*  
*ciaria*, pro Auctoritates, vulgo credentiales. *Caliga*  
pro braccis. *Improperare alicui*, pro exprobrare, cum  
eo Varro usus sit pro *Intro properare*. *Obiter notandum*.  
*Dejeramenta in Deum*. *Ad mortem damnare aliquem*, pro  
Capitis. *Ne ipsorum dignitati tractu temporis præjudicetur*,  
pro ne in posteritatem fraudi sit. *Dietim*, pro in sin-  
gulos dies. *Ultroneus*, *Sponcaneus*. *De rerum statu optime*  
*instructus*. *Per transfennam appellare*. Etiam Barclaii no-  
vè ac nullo auctore dicta volumen haud pusillum exple-  
verint; quoniam scilicet experimento jam capto stulto-  
rum plena esse omnia didicerat; quibus se Latinitatis  
auctorem esse, quam à veteribus quicquam discere, mul-  
tò gloriosius ducebat.

(e) Idio-

(e) Idiotismus seu Peregrinitas est verborum Latino-  
rum usus ad idiomata seu propriam aliarum linguarum  
consuetudinem conformatus . Hoc vitio Sallustium la-  
borasse Quintilianus agnoscit, ex quo adducit illud *Amat  
fieri*, pro *Solet* . Et Attejus Philologus, Nobilissimus  
Grammaticus, Sallustium, quo familiariter usus fue-  
rat, sermone non *noto*, sed abstruso sive obscuro, non  
*crulli*, sed peregrino & Græcissante, non denique *pro-  
prio*, sed improbiissimarum translationum pleno uti soli-  
tum censebant; adeoque Asinium Pollionem, cum eum  
præceptis de dicendi ratione instrueret, in primis mo-  
nebat, *ut vitaret obscuritatem Sallustii & audaciam in trans-  
lationibus*, ut auctor est Suetonius . Talis Græcæ linguæ  
idiotismus est in illo: *Non me latet . quia scilicet Græcum  
λατθάνω* cum Accusativo construitur, cum Latinum *La-  
tet* non magis accusativum externum quam *Patet* regere  
possit . Eodem ergo modo *Latet mihi*, quo *Patet mihi*  
Latino more dicitur, velut in Grammaticæ nostræ præ-  
fatione copiosius demonstratum est . Itaque miror cum  
alios homines literatissimos, tum ipsum etiam Muretum  
peregrinitate ista Orationem suam inquinare non dubi-  
tasse, quam præsertim Ratio palam aspernaretur; qua  
viros doctos velut obrussa uti monet Cicero, ad expur-  
gandam corruptam loquendi consuetudinem . Aliter enim  
*eccozelia* reprehensio evitari non potest, quæ est mala af-  
fectatio, cum scilicet ingenium, iudicio caret, & *specie  
boni fallitur*, *omnium in eloquentia vitiorum pessimum*, ait  
Fabius lib. 8. cap. 3. Nimirum quia magna est Græcæ  
linguæ elegancia, continuo Latinis verbis Græco more  
uti, laudem habebit . Dicamus igitur cum Vitruvio,  
*Nummus ex auri*, & *Poculum ex ligni*, & *Studium in  
juris*, pro *ex auro*, *ex ligno*, *in jure*: quoniam ævi  
Augustæi scriptori sic Græcissare visum est . At enim  
fuit ille stolidè in eo *κακόζηλος*, & Ciceroniana illa  
obrussa seu lapide Lydio ad exigendam sermonis consue-  
tudinem uti neglexit; quemadmodum & Varro in usu  
verbi *Latet* . Nullo genere minor est Taciti cacozelia in  
principio Histor. lib. 5. cum sic scribit: *Tisus ut superior  
sui jam crederetur, decorum se, promptumque in armis osten-  
debat* . Græco enim more *superior sui* dixit, pro *superior  
se*, quod non animadvertens Lipsius fecit, quod Criti-  
cis

cis solemne est , ut , quæ non intelligunt , correctum eant . Ridicule ergo emendare conatus est : *Ut super fortunam crederetur* . Si porro Rationem consulamus , absurdè fieri comperiemus ab eo , qui Græcorum more *Superior illius* dicere audet . nam in Græco subauditur propositio *πρὸ* vel *πρὸς* , a qua Genitivus regitur : sed in Latino supprimitur *Pra* , quæ semper Ablativum adsciscit . Græce igitur per regularem syntaxin dicitur : *Μαίζων πρὸς τούτων ἡ ἀγάπη* , figurate vero & usitate per ellipsin . *Μαίζων* , *τούτων* : sed Latine secundum regulas : *Major pra his caritas* , per figuram : *Major his* . Si dicas *Major horum* , Græcissas quidem , sed es *κακόζηλος* , nec ratione , aut iudicio satis uteris . Multo tamen minus tolerandi sunt , qui linguarum hodiè usitatarum idiotismos Latinæ Orationi inferunt , velut doctissimus Iesuita Johannes Mariana fecit in isto : *Rex sumtus istos excusare debet* , pro compendifacere , ponere ad compendium , sumptibus superfedere ; quia Hispanico idiotismo dicitur : *Excusar los gastos* . Ita Lipsius : *Orientalis Imperatores in specie , gestu & cultu magis curiosi aut affectati* ; pro , ista talia magis aucupantur , venantur , nimio studio persequuntur , sunt putidi & nimit in talibus , quia scilicet Italorum idiotismus fert : *E troppo affectato in questo* . Ita Thuanus : *Rex Episcopum aliquando deponere potest* , pro Episcopatu abigere , exuere , movere , removere , dimovere , depellere , detrudere , dejicere , abire cogere , aut Episcopatum alicui abolere , vel abrogare . Ejusdem est : *Viginti ad minus dies* , quia scilicet Galli dicunt *Au moins* , Itali *Almeno* ò *manco* , Hispani *A lo menos* , quod Latinis est , minimum , saltem , dumtaxat , quod minimum est . Sic *Fidem dare alicui* , pro credere , sunt qui usurpent , vernaculæ linguæ idiotismo decepti , cum Latine significet Promittere alicui . Nempe cum *fidem tibi dedi* , id est , promisi , ac velut fidem meam apud te deposui , tu mihi fidem habes , sive , est mihi apud te fides , hoc est , tu mihi credis : pro quo novè ac barbarè Aufonius , Manutius , Burdosciger , multique alii dicunt : *Tu mihi fidem adhibes* . cum , Adhibere fidem , sit , Afferre fidem ad rem aliquam , uti fide , sicut *adhibere diligentiam* . Lucretius novè dixit : *Fidem dare* pro persuadere , facere ut res habeat

habeat fidem, sive credatur. Lib. 5. *Diffis dabit ipsa fidem res Forsitan*, quod statim sic interpretatur: *Hoc ratio potius, quam res persuadent ipsa*. Sed & *Fidem habere*, aliàs credere, aliàs credi, seu credibile esse, significat.

(f) Vitia sermonis homini Romano ingenuo seu nobili turpia sunt, cum *Vilitas*, seu Catoniano vocabulo *Plebitatem* dicere malumus, tum *Κοινισμός*, seu *Confusio*, quæ utraque Adiaphoriæ subjiciuntur, & Dilectui, sive Elegantiæ aut Electioni adversantur. Adiaphorus enim sive Indifferens, nullo discrimine, sive Dilectu utitur in verborum usu, nec vel sordes sermonis, seu vilitatem, vel inæqualitatem effugere, curæ habet. *Vilitas* cujusmodi sit, ex *Honestate*, quæ illi virtus contrario nomine opponitur, perfacile intelligetur. Est autem honestas, sive Dilectus, sermonis virtus inter varia, seu vocabula, seu loquendi genera eligens id, quod minus humile seu Plebejum videtur. Hinc *Leſta* dicuntur, quæ homo nobilis Linguæ peritus usurpare mavult, quam alia, etsi eandem sententiam non minus aliis exprimere posset. Eliguntur vero vel significationis, vel usus ratione. *Significationis* ratione vir honestus ea, præfert, quæ rem minus honestam circuitione aliqua non directè aut proximè, sive *ἀμείων*, aut immediatè significant. Ita Cicero, *Detractionem confecti consumptique cibi, Reliquias cibi depellere*. Sallustius, *proficisci ad requisita natura*; Lucilius, *Eluviem per ventrem facere*; Virgilius, *Genitale arvum*, Seneca, *Irritationem humoris obſceni*. Corpora nostra ad egestum venter exhaurit, *Medicus reliquias*, & *effusa agrorum intueri non dedignatur*, & alia eodem modo dixerunt, nullo pudoris impendio. Sic Donatus à Terentio honestè dictum monet, *Cum amica se oblectare*, pro rem habere; quale etiam est, *cum aliqua consueſcere*. Ratione *Usus* honestæ & *Leſtæ* voces aliæ grandiores sunt & sonantiores, aliæ nitidiores, aliæ usitatiores. *Grandiores* sunt Superlatæ seu Superlativæ, præsertimque in numero multitudinis: tum à Verbis deductæ, ut *Dominatrix*, pro *Domina*, *Regnatricem domum*, pro *Regiam*, *Regnatorem Asia*, pro *Regem*, *Ductores Danaum*, pro *Duces*: Similiter Compositæ, ut: *Conſceleratiſſimus*, *Conſuprare*, *Excruciare*, *Pernoſcere*,  
Pra-

*Præpotens, Pertimesco, Perturbatus*: "præterea polysyllabæ seu plurium syllabarum, ut *Tempestas*, pro Tempus, Immanis & Imensus pro magnus, *Configere* pro pugnare, *Trucidare* pro necare, *Impuratus* pro Impurus, *Perduelles* pro hostes: Macrotyllabæ denique seu longarum syllabarum voces magis aures implent, ut *Princeps* quam *Primus*, *Ferratus* quam *Ferreus*. Nitidiora censentur, *Materia*, quam *Lignum*, *Custodia*, quam *Carcer*, *Sorex*, quam *mus*, *Boves*, quam *Vaccas*, *Sapenumero*, quam *plebejum*, ac *fordidum*, *Multoties*, quo una *Livii Epitome* utitur, *Nusquam*, quam *πῶχικόν ἢ καπηλικόν* illud *nullibi*, quod semel tantum in plebejo scriptore *Vitruvio* inventum *Basilius Zanchus* annotarat, ejusque me *Franciscus Barberinus Cardinalis* commonuit. Sic *Sculna* minus nitidum atque adeo *fordidum* est vocabulum; *Sequester* vero *honestum* atque *elegans*, etsi utrumque à sequendo factum sit; quod ejus, qui electus sit, utraque pars fidem sequatur. nec tamen *Varro* *fordido* illo uti dubitavit, quoniam *Elegantia* ei deerat, nec vulgo usitata, ac plebeja illi *sordebant*; id quod *P. Lavinius* in *Libro* de verbis *fordidis* annotaverat; ubi etiam perspicuè docet, *Elegantiam* sermonis in vitandis *fordidis* ac *vulgaribus* verbis spectari; quemadmodum apud *Agellium* lib. 20. cap. 11. videre est, qui tamen *alucinatur* in eo, quod *Sequestro* *Adverbium* esse censet, quod nomen est in *dandi* casu. *Plaut. Mercat. Immo sequestro mihi data est*. *Fraudi* scilicet fuit *Agellio*, quod *Sequester* *secunda* & *tertia* *declinatione* dici solitum, non animadvertit. Sic *Cacumen montis* *honesto* *homine* dignius est, quam quod vulgo *usurpari* solitum ait *Charisius*, *Cyma* seu *Cuma*; & *Asilus* vel *Oestrus* *honestius* dicitur, quam *Tabanus*. nam hoc *plebejum* esse vocabulum *Servius* testatur, meritoque adeo *urbani* homines id *rusticis* relinquunt. *Servius* *honestam* locutionem esse monet *Inter cœnam*, pro *per cœnam*. Et *Donatus* in illud *Terentii Phorm.* act. 2. sc. 1. *Si est ut culpam ille in se admisit, non causam dico, quin quod meritis sit, ferat*. Sic annotat: *Honestâ locutio*, *Si est ut admisit, pro si admisit*. Usitatiores sunt, quæ aliter *Grammatici Idiomata Lingua Latina* vocant, quorum plurima in *Plauto* & *Terentio* inveniuntur, ver. gr.

*Phorm.*


Phorm. act. 2. sc. 1. *Verum si cognata est maximè, non fuit necesse habere: sed, id quod lex jubet, dotem daretis.* Ubi Donatus: *Per Idiotismum addit Maximè. non enim recipit magis aut minus, nec dicitur maxime cognata, & cognata minime: sed aut est, aut non est.* Est autem illud quoque Idiomatis Latini, *Id quod*, pro *Quod*. quo Virgilius quoque utitur: *Verum id quod multo tute ipse fatebere majus.* Sic ἰδιωτικὸς dictum notat idem Donatus: *Ut cum matre sua una plus esset.* pro diu ac majorem partem, Et *Excoctam reddam*, pro *faciam*. Et *hic mihi gloriatur*. pro *hic gloriatur*. *Quid ait nobis Sannio*, pro *quid ait Sannio*. Usitatoribus porro adversantur, quæ sunt, Singularia, hoc est, quibus unus aliquis præter aliorum consuetudinem utitur; quale est Sallustianum illud, *Libidinem in canibus habere*, pro *in canibus se oblectare*: Cui geminum germanum hoc alterum ejusdem, *Bona mihi libido est gratificandi vobis*, pro *libet mihi gratificari vobis*. Cæterum omnes id genus Sallustii, Varronis & Taciti ineptiæ, peculiare sibi volumen postulant.



(g) Κοινισμόν sic nobis Quintilianus describit lib. 8. cap. 3. Κοινισμός appellatur quadam mista ex varia ratione linguarum oratio, ut si Atticis Dorica, Ionica, Æolica etiam dicta confundas. Cui simile vitium est apud nos, si quis sublimia humilibus, vetera novis, poetica vulgaribus misceat. Id enim tale est monstrum, quale Horatius fingit, Humano capiti cervicem pictor equinam Jungere si velit, & cætera ex diversis naturis subjiciat. Hoc quoque vitium in illis est, qui nullo discrimine verba scriptorum ætate & genere dissimillimorum usurpant, ut oratio eorum sit velut discolor vestis & multiformis, homine potius fervo, vel certè ætatis ejus, quæ decentius lasciviat, quàm viro nobili gravique digna. Ab hoc vitio non satis Politianus caverat, etsi id eum ingentibus aliis virtutibus redimere fatendum est. Transalpini homines id ultro etiam affectant, adeoque non tam judicii, & elegantiae, quam variae eruditionis laudem ferunt; etsi ex Gallis, Lambinus, Muretus, Regius, Hotomanus; ex Germanis, Rudolphus Agricola, Johannes Rivius, Arsen. Schorrus, Franciscus Fabricius Marcoduranus; ex Britannis, s. Thomas Morus, Reginaldus Polus, Thomas Linac, & propter



pter hæresin atque improbitatem non nisi cum venia memorandus *Georgius Buchananus*, non minorem cultissimæ, decentissimæque orationis commendationem habent, quam *Sebastianus Corradus*, *Franciscus Robortellus*, *Petrus Victorius*, *Carolus Sigonius*, *Paulus Manusius*, *Horatius Tursellinus*, & alii, quos magno numero Italia produxit Eloquentiæ Latinæ fama illustres; etsi eorum nemo est, cui idem, quod *Buchanano* contigerit, ut in quovis carminum genere summam obtineret: cujus quidem rei laude omnem etiam antiquitatem *Buchananus* provocat; ut tanta illa ingenii, vere unici & incomparabilis, ornamenta ad impietatem conversa fuisse, vehementer non ipsius magis, quam Reipublicæ causa dolendum sit.

## De Virtutibus Orationis Latinæ.





Elocutionis genera { Sublime grāde, āplum, vehemens, copiosū, & grave. C  
Humile, tenue, subtile, acutum.  
tria { Medium, interjectum, mediocre, temperatum.

## EXPLANATIO.

(a) Virtutes Elocutionis, seu dictionis aut stili, naturales sunt, quæ naturæ potius beneficio contingunt, quam disciplina aut studio parantur; adeoque fieri potest, ut oratio alicujus, etsi minus pura, nec satis elegans aut ornata, aut copiosa, sit nihilominus acuta & venusta, libenterque legatur: & rursus alterius oratio sit emendata, elegans, æquabilis, ornata & copiosa, sed sit hebes & obtusa, nec ullo venustatis lenocinio lectori commendetur. Hujus exemplum in Paulo Manutio habemus, illius in Politiani; etsi apud hunc minime desunt multa lectissima verba ac phrasæ, & Compositionem nec Tulliani aspernentur.

(b) Supra ex Cicerone didicimus, quasdam orationis virtutes esse, quæ cuivis ingenuo civi Romano, quādam

dam quæ Oratori sint necessariæ : Illius generis esse *emendatam* & *Latinam orationem* , hoc est Puritatem & elegantiam ; hujus vero esse *Ornatum* & *Copiam* . Et *Puritas* quidem ea excludit vitia , quæ vel arti ac doctrinæ puerili adversantur , ut sunt Barbarismus & Solæcismus , vel cum pura & emendata bene loquentium consuetudine non congruunt ; ut sunt cum obsoleta ac judicio repudiata , tum nova & nondum Romæ audita , tum denique exotica ac peregrina , sive Idiotismi . Elegancia idem significat quod Eligentia sive Electio ( nam veteres ut *Dicere* & *dicare* , *Lavere* & *Lavare* , similiter & *Ligare* & *Legare* dicebant , unde *Eligans* , & postea elegans ) estque virtus eligens inter alia ejusdem potestatis verba , quæ honestiora , nitidiora , & usitatoria videntur : de quibus supra Tabula prima littera Q , satis diximus . Æquè autem & *κοινον* hominem ingenuum ac nobilem vacuum esse , & orationem æquabilem uniusque coloris habere convenit propter eam , quam eadem Tabula littera R , exposui causam . *Ornatus* alius in orationis materia consistit , alius in Forma . In materia , hoc est , in Verbis loquendique generibus , *Tropus* & *Figura* ( de quibus infra Tab. XII. XIII. & XIV. ) & *Amplificatio* , quam tamen Figuræ speciem facere solent , de qua infra Tab. XVI. explicabimus : In forma sive compositione verborum est *Collocatio* , *Junctura* & *Numerus oratorius* , de quibus agemus Tab. XVI. Copiam oratori similiter necessariam esse , nemo paulum modo humanior dubitaverit , cum orationem , quantumvis puram & ornatam , auditoris fatietatem ac fastidium asferre oporteat , nisi jucunda verborum varietate subinde sit distincta . Ei autem , cui tædio sit ac molestiæ , non æque Orator persuaserit , ac si fatietati ejus occurrat , animumque non minus varietate & copia , quam ornamentis verborum permulceat .

(c) Tria sunt dicendi sive artificiosa elocutionis genera ; quorum aliud alia Causa , alia orationis pars , alia denique cum dicentis , tum audientis persona postulat . Ejus autem rei hæc est oratio , quoniam orationis officia sunt docere , conciliare & movere : ad docendum verò accommodatum est genus dicendi subtile , acutum ,  
tenue ,

tenuē, humile; quod scilicet contentum sit perspicuitate, puritate, dilectu, æquabilitate & modico troporum ac figurarum ornatu, minusque sit de periodicis ac numeris sollicitum. Ad conciliandum, genus temperatum & mediocre, in quo nulla non orationis virtus locum habeat, nisi quod patheticis illis figuris minus utitur, quibus audientium animi vehementius impelluntur. Ad movendum denique genus illud sublime, grande, amplum & vehemens, in quo cum reliquorum omnium ornamentorum usus sit, tum vel præcipue figurarum illarum, quibus, quocumque orator velit, audientium animi impelli possint. Atque hinc judicare facile est, quod horum generum cui orationis parti maxime conveniat. Diximus enim proxima tabula Exordium præcipue hoc agere, ut auditor *concilietur*; Tractationem, ut *doceatur*; Epilogum, ut *moveatur*. Illud ergo dicendi genus in quaque parte adhibendum erit, cujus opera, quod quæque habet propositum, effici posse jam didicimus.

### *Modus de Scriptorum Stylo judicandi.*

Ut corpus humanum laudari queat, primum omnium resectum, non velatum sit necesse est; deinde, ut careat nævis, maculis, & sordibus: postremo ut sit pulchrum, id est, jucundo colore, qui ex rubro & albo temperatus sit, tum membrorum symmetria & proportionem præditum; præterea vero *ἰσχυρὸς* carnosum, corpulentum, sive succi plenum, non exile vel attenuatum. Similiter in Elocutione Rhetorica primum requiritur, ut oratio sit perspicua, non obscura: tum ut sit pura, emendata seu Latina, hoc est, barbarismis, solœcismis, archaismis, neoterismis & aliarum linguarum idiotismis careat: postremo ut sit pulchra, sive bene temperati coloris & justæ Symmetriæ ac proportionis, nec nimis attenuata. Color albus est Elegantiā, ubi nempe verba sunt Lecta, quæ linguæ peritus ex multis ejusdem potestatis eligeret. Ruber verò est Ornatus, cum oratio Tropis & Figuris illustratur. Το *ἰσχυρὸς* sive corpulentia, vel Carnositas est Amplificatio.

ratio . Proportionis rationem habet compositio , cujus partes sunt Collocatio , Junctura , & numerus oratorius . Qui ergo de scriptoris cujuspiam stylo judicium facere volet , is sibi ad duas Naturales , & decem Artificiosas Elócutiois virtutes respiciendum esse meminerit . Exempli causa in *Justi Lipsii* stylo , scriptoris ætate nostra clarissimi , istæ apparent dotes : Acumen , Venustas , Dilectus , Ornatus vel nimius , cum vix quicquam proprie dictum ei placeat , tum schemata nullo numero , tandem verborum copia : desunt autem Perspicuitas , Puritas , Æquabilitas , Collocatio , Junctura & Numerus oratorius . Itaque oratio ejus obscura est , non paucis barbarismis & solœcismis ; plurimis vero archaïsmis , & idiotismis , innumeris etiam neoterismis inquinata ; comprehensio obscura , compositio fracta & in particulas concisa , vocum similitum aut ambiguarum puerilis captatio . Similiter & *Johannis Barclaii* dictio ( ejus qui hodie quoddam quasi juventutis cymbalum est ) arguto & venusto hominis ingenio plus , quam Latinitatis genere commendatur . Ut enim de Obscuritate dicere prætermittam , in quam sæpius eum necesse fuit incidere , qui nec majorum gentium auctores studiose volutasset , & quomodo alijs nemo , dicere averet , nec Barbarismi & Solœcismi apud eum non inveniuntur ; *ῥητορικὸν* vero iniri vix potest numerus , quos ipse calori indulgens , ac nec suæ nec amicorum limæ patiens , se solo auctore invexit . quo magis autem dulcibus vitiis cum ipse , tum non nemo ejus similis , an similis abundat , & ipso Milesiæ scriptionis lenocinio lectorum animis insinuat ; hoc magis sibi prudentes ac fidi Rhetoricæ doctores providendum meminerint , ne studiosi adolescentes missò veterum cognoscendi imitandique studio , quos aureæ Latini sermonis ætate , omnium concessu , optime locutos constat ; ad novitios , quodque ipsi , nisi depuduerint , fatebuntur , verè barbaros nostræ memoriæ *ῥητορικὸν* irreparabili temporis jactura adhærescant . Ad rem vero pertinet , quod expeditissimam habet rationem , magnopere hoc eis instillari , nequaquam satis esse si cujus orationem vel gratia ac lepos , vel acumen & argutia commendent ( nam ista , ut monui , natura constant ) sed ut ne oleum & ope-

ram

ram in Rhetorum scholis & Latinæ linguæ studio perdidisse judicetur, hæc ei præstanda fore, ut dictio sit perspicua, sit pura, sit elegans, sit æquabilis, sit ornata, sit copiosa. Aliter enim evitari non potest, quin merito ei vel obscuritatis, vel impuritatis, sive solœcismi aut barbarismi, neoterismi aut idiotismi, vel Vilitatis, vel *κατωφύδ*, vel Incultus, vel denique Jejunitatis aut inopiæ nota inuratur.

**F I N I S.**



---

VENETIIS , M.DCCXXVII.  
Prid. EID. AUGUSTI  
Apud LAURENTIUM BASILIUM  
*SUPERIORUM PERMISSU AC PRIVILEGIO.*

# CATALOGUS LIBRORUM

## ALIQUOT GRAMMATICORUM

QUI ANNO , M. DCCXXVII.

APUD LAURENTIUM BASILIUM VENET.  
Bibliop. reperiuntur.

- B**onciarius *Marcus* Grammatica institutio . 8. *Macera-*  
*ta* 1703. & *alibi*.
- Corderius *Matthæus* de corrupti sermonis emendatione ,  
& latine loquendi ratione . 8. *Venetis* 1551.
- Cerrius *Antonius* Satyrarum scholiasticarum centur. 2. -  
ad omnigenos auctores . 8. *Arimini* 1606.
- Capharus *Hieronymus* Ciceronianæ Phrales . 8. *Venetis*  
1587.
- Cellarius *Christophorus* Orthographia Latina . 8. *Patauii*  
1724.
- Diomedis de arte Grammatica . Item *Phoca* de nomine ,  
& verbo . *Prisciani* epitoma . *Capri* de Orthographia ,  
& latinitate verborum , *Agretii* de Orthographia , &  
proprietas , & differentia sermonis . *Donati* de octo  
partibus orationis . *Servii Honorati* , & *Sergii* in *Donat-*  
*um* interpretatio . fol. *Venetis* 1500.
- Despauterius *Johannes* Commentarii Grammatici . 4.  
*Lugduni* 1582.
- Donato Romano *Elio* Grammatica Latina colla traduzione  
del *Corradi* *Monfanpolitano* . 8. *Roma* 1654.
- Frischlinus *Nicodemus* Strigilis Grammatica qua Gram-  
matistarum quorundam sordes Arti liberalissimæ ad-  
spersæ deterguntur . 8. *Venetis* 1584.
- Goclenius *Rodolphus* Analecta observationum Latinæ lin-  
guæ . 8. *Licha* 1598.
- Grifoni *Andrea* Specchio della lingua Latina . 8. *Venezia*  
1566.
- Garcea *Hyacinthus* Ingeniosa Apis . 8. *Neapoli* 1724.
- Hadrianus S. R. E. Cardinalis de sermone Latino , &  
modis



modis Latine loquendi. Horatius Tuscanella emacu-  
lavit &c. 8. Venetiis 1572.

Latinus *Franciscus* & *Nerius Nicolaus* Janua Grammati-  
cæ; seu Declinationes Nominum, Conjugationesque  
verborum expansæ. 8. Viterbii 1709.

Limen Grammaticum ovvero principii della Grama-  
tica. 8. Venezia 1720.

Manutius *Aldus Pius* Institutionum Grammaticarum lib.  
quatuor. 8. Venetiis 1547.

— *Aldus junior* Epitome Ortographiæ. 8. Venetiis 1575.  
apud Aldum.

— Eleganze della lingua Latina. 12. Venezia  
1700.

Murmellius *Joan.* Tabulæ in rudimenta componendo-  
rum versuum. 8. Mediolani 1553.

Mazzone *Marco Antonio* Oracolo della Lingua Latina 12.  
Venezia 1665.

Oliva *Joannes* de antiqua in Romanis scholis Grammati-  
corum disciplina dissertatio. 8. Venetiis 1718.

Popma *Aufonius* de differentiis verborum cum addit. &  
notis Jo. *Friderici* Hekeſii. Item de usu antiquæ Lo-  
cutionis. 8. Neapoli 1719.

Perottus *Nicolaus* Cornucopia linguæ Latinæ, fol. Vene-  
tiis 1504. & apud Aldum 1527.

— Optima Grammatices rudimenta. 3. Florentia  
apud juntas 1572.

Pollux *Julius* Onomasticon seu rerum, & Synonymo-  
rum Dictionarium. 4. Basilea 1541.

Principia seu Rudimenta Grammatices, 8. Sumptibus  
Martini enſteri.

Prisciani Grammatici libri omnes. 8. Basilea 1568.

Pomei *Franciscus* Flos Latinitatis raccolto da' migliori  
Autori della lingua Latina. 12. Treviso 1720.

— Indice universale *Volgare e Latino*. 12. Bolo-  
gna.

Pharaonius *Franciscus* Institutiones Grammaticæ. 8. Ve-  
netiis 1622.

Pellissonus *Joannes* Contextus universæ Grammaticæ  
Despauterianæ brevissimè concinnatus. 8. Venetiis  
1590.

Priscianese *Francesco* de' primi principii della lingua La-  
tina

- tina, ovvero il Priscianello, e della Lingua Latina  
 libri sei. 8. *Venezia* 1563.
- Quinctianus Stoa Jo. *Franciscus* de syllabarum quantitate  
 epographiæ sex. 8. *Venetis* 1531.
- Ricciolius Jo. *Baptista* Prosodia Bottoniensis reformatâ 12.  
*Patavii* 1721.
- Regius *Bartholomæus* Dialecti Fori hoc est, vocabula, &  
 formulæ Forenses, Militares, Rusticæ e priscorum  
 hominum, Ciceronis præcipuè; monumentis descri-  
 ptæ, & italicæ redditæ. 8. *Papia* 1608.
- Racani *Giovambatista* Navicella Grammaticale. 8. *Vene-  
 zia* 1665.
- Rocca *Angelo* Osservazioni intorno alle bellezze della  
 lingua Latina. 8. *Venezia* 1576. *Aldo*.
- Scioppius *Gaspar* Minerva Sanctiana; hoc est *Francisci*  
 Sanctii de causis linguæ Latinæ commentarius cum  
 observationibus Scioppianis. 8. *Patavii* 1663.
- Siciniamensis Jo. *Stephanus* Compendium regularum ad  
 elegantiam Latini sermonis comparandam. 8. *Vene-  
 tiis* 1586.
- Sidicinus *Al. Ant. Sompanus* totius ferè rei Grammaticæ  
 epitome. 8. *Venetis* 1667.
- Schorus *Antonius* Phrases ex omnibus Ciceronis operi-  
 bus excerptæ. 8. *Colon. Agripp.* 1604.
- Smetius *Henricus* Prosodia in novam formam digesta. 8.  
*Venetis* 1657.
- Stevvechtius *Godescalchus* de Particulis linguæ Latinæ.  
 8. *Colon. Agripp.* 1580.
- Toscanella *Grazio* Institutioni Grammaticali volgari, e  
 Latine. 8. *Venetia* 1610. 1615.
- Tondelli *Francesco* Onorato Donato di nuovo emendato  
 nel volgarizzamento colla giunta d'alcuni avvisi per la  
 Grammatica volgare accomodati alla capacità de prin-  
 cipianti per ripurgarli dallo scorretto scrivere, e par-  
 lar Toscano. 8. *Venezia* 1716.
- Turfellinus *Horatius* de Particulis Latinæ orationis ad  
 usum seminarii Patavini edente *Jacobo Facciolato* 12.  
*Patavii* 1719. & *Venetis* 1720.
- cum addit. *Jacobi Thomæii*, & *Conradi*  
*Schvartz*. 12. 2. vol. *Patavii* 1715.
- Vorstius *Johannes* de Latinitate falso suspecta, deque  
 Lati-

Latinæ linguæ cum Germanica convenientia . Item de  
Latinitate merito suspecta . 8. Lipsiæ 1722.  
Valla Laurensius Elegantia linguæ Latinæ . fol. Venetiis  
1488.  
Verrepæus Simon Epitomes Grammaticæ Despauterianæ  
8. Ingolstadtii 1600.  
Zampanelli Marino Nuovi lumi Grammaticali . 8. Mac-  
cata 1692.



Asi. 1463604

